

ISSN 1829 - 1864



ՎԱՎԵՐԱԳՐԵՐ

ՀՅ Դաշնակցության
մեծ դատավարության
թղթածրարները

ԱՎԱԳ Ա. ՀԱՐՈՒԹՅՈՒՆՅԱՆ

համահայկական հանդես



VEM Pan-Armenian Journal

ՎԱՎԵՐԱԳՐԵՐ

ՀՅ Դաշնակցության մեծ դատավարության թղթածրարները

Հովհաննես Թումանյանի դատական գործը

Համո Օհանջանյանի դատական գործը

Գարեգին Նժդեհի դատական գործը

Գարեգին Խաժակի դատական գործը

Համազասպ Սրվանձտյանցի դատական գործը

Արրահամ Գյուլխանդանյանի դատական գործը

Հովհաննես Քաջազնունու դատական գործը

Ավետիք Սահակյանի դատական գործը

Հայ հոգեւորականների դատական գործերը

ՀՅԴ մարտական կազմակերպության անվանացանկը՝
ըստ դատական որոշման

ՀՅԴ մարտական կազմակերպության անվանացանկը

ՎԱՎԵՐԱԳՐԵՐ

ՀՅ ԳԱՇՆԱԿՑՈՒԹՅԱՆ
ՄԵԾ ԳԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ*

Հովհաննես Թումանյանի դասական գործը

1905-1907թթ. Ռուսաստանյան կայսրության ողջ տարածքում տեղի ունեցած հեղափոխական շարժումները ոչ ուս ժողովուրդների պարագայում ուղեկցվում էին նաև ազգային հիմնախնդիրների առաջադրման գործընթացով: Ինչ վերաբերում է հայությանը, ապա «հեղափոխական շարժում» կոչվածը մեր դեպքում գուցորովեց գրեթե ողջ Անդրկովկասում ընթացող հայ-թաթարական կռիվների հետ, որոնք հրահրվել էին ցարական իշխանությունների կողմից: Ուժեղացած անիշխանությանն ու կովկասյան թաթարների ջարդարարական նկրտումներին դիմակայելու համար Անդրկովկասի հայությունը արագորեն համախմբվեց ՀՅ Դաշնակցության շուրջը, որն ինքնապաշտպանական կռիվների ընթացքում ձևավորեց հայաբնակ գավառներում փաստացի իշխանություն ունեցող մարմինների մի կուռ համակարգ իր կոմիտեների, ենթակոմիտեների, զինվորական խորհուրդների ու դատական մարմինների միջոցով: Արդյունքում՝ ցարական իշխանությունների կողմից հրահրված կռիվներում Անդրկովկասի հայության ինքնապաշտպանությունը կազմակերպելու նպատակով ստեղծված կառույցները շուտով դարձան թիրախ նույն ցարական իշխանությունների համար:

Անգամ հայ-թաթարական կռիվների ավարտից և 1906թ. սկսված՝ ՀՅԴ հարյուրակների լուծարումից հետո էլ, ի տարբերություն համառուսաստանյան սոցիալ-դեմոկրատական և սոցիալիստ-հեղափոխական կուսակցությունների, ՀՅԴ-ն և նրա կողմից առաջնորդվող Անդրկովկասի հայությունը, լուրջ ուժ էին հանդիսանում: Ավելին, չնայած ցարական Օխրանայի (պահնորդություն) հետևողական ջանքերին, հայագիների շրջանում ուստիկանական գործակալների թիվը չափազանց փոքր էր, քանի որ վերջիններս իրենց գլխավերևում մշտապես նշմարում էին

* ՀՅԴ Մեծ դատավարության թղթածրարների տպագրությունը «Վեմ»-ում կրելու է պարբերական բնույթ: Հաշվի առնելով Ամենայն Հայոց բանաստեղծի ծննդյան 140-ամյակը, հրապարակման հեղինակը՝ պատմական գիտությունների թեկնածու Ավագ Հարությունյանը, սկսում է Հովհ. Թումանյանի դատական թղթածրարի տպագրությունից միաժամանակ ներկայացնելով համառոտ վերլուծություն-տեղեկանք՝ ՀՅԴ Մեծ դատավարության վերաբերյալ: Հաջորդ հրապարակումը ներկայացնելու է Հայաստանի առաջին Հանրապետության վարչապետ Հանո Օհանջանյանի դատական թղթածրարը: *Խմբ.*

թիվ 1(26) ապրիլ-հունիս 2009

համահայկական համրես

Վեմ 1

ՀՅԴ-ի պատժիչ ձեռքը: Այսպես, դեռևս 1918թ. տպագրված Վ. Ագաֆոնովի «Արտասահմանյան պահնորդություն» գրքում, ուր ներկայացվում էր Ռուսաստանից դուրս գործող ցարական ոստիկանության գաղտնի գործակալների ցուցակը, հիշատակվում էին ընդամենը երկու հայազգի գործակալներ. 1. Մինաս Սամվելով, 2. Սկրտիչ Ճատուրյան¹:

Հասկանալի է, որ նման պայմաններում հետադիմության գրոհն առաջնորդող Ռուսաստանի վարչապետ և փաստացի դիկտատոր Պ. Ստոլիպինը հենց ՀՅԴ-ին էր համարում ցարական վարչակարգի համար ամենավտանգավոր քաղաքական ուժն Անդրկովկասում: Նրա հիշողության մեջ դեռ թարմ էր մասնավորապես Հայաստանյայց Եկեղեցու գույքի բռնագրավման դեմ հայոց հզոր ընդդիմությունը: Ուստի, ցարական իշխանությունները 1908թ. վերջերից նախաձեռնեցին ՀՅԴ-ի ու նրա միջոցով Անդրկովկասի հայ մտավորականության ընտրանու դեմ ուղղված հալածանքների, ձերբակալությունների, դատավարությունների մի լայնածավալ գործընթաց, որը պատմության մեջ մտավ իբրև ՀՅԴ «Մեծ» կամ «լիժինյան» դատավարություն՝ հաճախ նույնանալով այդ գործը վարող Նովոչերկասկ քաղաքի օկրուգային դատարանին կից հատուկ կարևորության գործերով դատական քննիչ Ն. Լիժինի անվան հետ:

1908թ. տարեվերջին սկիզբ առած զանգվածային ձերբակալությունների պայմաններում ակնհայտ դարձավ, որ ՀՅԴ-ի դեմ սկսված հալածանքները օբյեկտիվորեն վերածվել են ողջ արևելահայության և առաջին հերթին՝ նրա մտավորական հատվածի դեմ ուղղված քաղաքական արշավի: Պատճառն այն էր, որ ՀՅԴ-ի շարքերում կամ նրա համակիրների թվում էին ժամանակի հայ նշանավոր գրողների և հրապարակախոսների նշանակալի մասը: Ուրեմն, ՀՅԴ-ի դեմ ուղղված հալածանքները հայ ժողովրդի լավագույն զավակների դեմ ուղղված քաղաքական հետապնդումներ էին:

Հաջորդ՝ 1909 թվականին ՀՅԴ-ն սկսեց լրջորեն մտահոգվել հետադիմության հակահարձակման պայմաններում իր շարքերի ու Կովկասի հայ մտավորականության հանդեպ բռնարարքներից: Մասնավորապես, 1909թ. սեպտեմբերին կայացած ՀՅԴ 5-րդ (Վառնայի) Ընդհանուր ժողովի ընդունած «Յայտարարագիր Կովկասեան գործունեութեան առթիւ» փաստաթղթում նշվում էր. «Կռիւր դաշնակցական շարքերի և ընդհանրապէս կովկասահայ մտաւորականութեան դէմ՝ երկարօրէն խնամքով նախապատրաստուած, մղում է հայ ժողովրդի տականքների աջակցութեամբ ու խրախուսանքով, յաճախ նոյն պաշտօնեաների ձեռքով, որոնք դեռ երէկ մեր կօմիտէների թոյլութեանն էին սպասում՝ իրենց պաշտօնատեղին երթալու համար, դաշնակցական մարմինների ու դատարանների աջակցութեանն էին դիմում և յեղափոխական դրօշակի ետևից քարշ ընկած՝ կազմակերպութեան մարտական ու գաղափարական կորովն էին գովաբանում»²: Միայն տության դեմ պայքարում կարևորելով տարբեր կուսակցություններին համակած պասիվությունը հաղթահարելու գործը, Ընդհանուր ժողովն առաջ էր քաշում

¹ Стів Агафонов В. К., Заграничная охранка, Петроград, 1918, сс. 371, 374.

² Հ.Յ.Դ. Ե.-րդ Ընդհանուր ժողով: Յայտարարագիր Կովկասեան գործունեութեան առթիւ, «Դրօշակ», Ժնև, 1909, ք. 10-11, էջ 129-130:

Ռուսաստանի սոցիալիստական ու ժողովրդավարական կուսակցությունների ջանքերի միավորման խնդիրը, քանզի «... մտակայ գործունեության ծանրության կենտրոնը պետք է համարել կոչիւր միապետական ընդհանուր ռեժիմի դէմ, որի գոյութեամբ չափազանց դժարին, յաճախ ապարդիւն են աշխատատեղերի տնտեսական նւաճումները և անխուսափելի՝ ազգային հալածանքները»³:

Ուստի, իր «Որոշումներ» բաժնում Ընդհանուր ժողովն առաջարկում էր ՀՅԴ մարմիններին՝ «Նախաձեռնութիւն ստանձնել հրաւիրելու թէ Ռուսիոյ մէջ ընդհանրապէս և թէ Կովկասի մէջ մասնատրապէս՝ ընկերվարական և ասոնց համաձայնութեամբ ուրիշ ղեմօկրատիկ կուսակցութիւններու համագումար մը՝ ընդհանուր պահանջներ, տակտիկ և գործունեութեան ձևեր մշակելու համար»⁴:

Սակայն, ցարական հետադիմության ձեռնարկած հետապնդումների ու բռնությունների արդյունքում ձերբակալվել էին հարյուրավոր դաշնակցականներ, նաև՝ համակիրներ, այդ թվում՝ մտավորական, քաղաքական, մարտական գործիչներ, անգամ հոգևորականներ: Տարական Օխրանայի կողմից կազմված այսպես կոչված «159-ի» գործի քննությունը իրականացնող Հարավային Ռուսաստանի Նովոչերկասկ քաղաքի օկրուգային դատարանին կից հատուկ կարևորության գործերով դատական քննիչ Ն. Լիժինը, չնայած իր անհավասարակշիռ պահվածքին, այնուամենայնիվ, նման գործեր «թխելու» մեծ փորձ ուներ: Ուստի, վերջինիս կողմից կազմվեց հիրավի մի հսկայածավալ գործ, որն անկասկած յուրատեսակ հաշվեհարդարի նպատակ էր հետապնդում⁵:

Հիշատակության է արժանի այն փաստը, որ եվրոպական ու ռուսական առաջադեմ գործիչները գորավիզ կանգնեցին հայ մտավորականությանն ու քաղաքական առաջնորդներին: Մասնավորապես, ՀՅԴ դատապաշտպանների թվում էին Ռուսաստանում հայտնի այնպիսի իրավաբաններ, ինչպես՝ Ա. Կերենսկին (հետագայում՝ Ժամանակավոր կառավարության ղեկավար), Օ. Գրուզենբերգը (վերջինս նաև Հովհ. Թումանյանի դատապաշտպանն էր):

ՀՅԴ-ն մեղադրվում էր գործող ցարական վարչակարգը բռնի, անաբեկչական եղանակով տապալելու ձգտման մեջ, և անխտիր բոլորը, ովքեր ՀՅԴ անդամ էին, պատժվում էին քրեական օրենսգրքի 102-րդ հոդվածով (պետական հանցագործություն): Կազմված դատական գործն իր ծավալով աննախադեպ էր անգամ Ռուսաստանի նման երկրի պատմության մեջ: Նրա ամբողջական էջերը մինչ օրս իրենց ուսումնասիրողին են սպասում, քանզի այս գործի միայն մեքենագիր ամփոփ օրինակն է Դոնի Ռոստովի արխիվից Հայկոմկուսի գլխավոր քարտուղար, պատմաբան Աշոտ Հովհաննիսյանի դիմումի համաձայն, 1927թ. տեղափոխվել Երևան: Այն սկզբում պահվել է Հայաստանի հեղափոխության թանգարանում, իսկ այժմ՝ Հայաստանի ազգային արխիվի ՀՅԴ ֆոնդում⁶:

³ Նույն տեղում, էջ 130:

⁴ Նույն տեղում, էջ 133:

⁵ Մ. Վարանդյանը, ինչպես նաև նրան հետևելով՝ հետագա բոլոր հեղինակները, գործի ընդհանուր ծավալը նշում են 40.000 էջ, սակայն մեր ձեռքի տակ եղած դատական գործի մեքենագիր օրինակում գտանք հետևյալ հիշատակությունը. «հատոր 135, գործի թերթ 45166»: Այսինքն՝ ՀՅԴ դատական գործը նվազագույնը անցել է 45.000 էջի սահմանը, ինչը թերևս վերջնական ծավալը չէ:

⁶ Տե՛ս ՀԱԱ, ֆ. 1457, ց. 3, գգ. 1-6:

Հենց սկզբից նշենք, որ այս դատական գործը բաղկացած է 6 ծավալուն հատորներից և այդ շրջանակներում պարփակվող՝ ՀՅԴ ողջ դատավարության փաստաթղթերի ամփոփ, մեքենագիր պատճենն է, որի բոլոր նյութերի վերջում դրանց վավերական լինելը հաստատող ձեռագիր ստորագրություններ կան: Այսինքն՝ սա լիժինյան դատավարության փաստաթղթերի թեպետ ամփոփ, բայց վավերական տարբերակն է: Նրա ամբողջական՝ մի քանի տասնյակ հազար էջերից բաղկացած տարբերակի ճակատագիրն առայժմ անհայտ է, ուստի նշված 6 հատորյակի Երևան տեղափոխվելու փաստը ձեռք է բերում խիստ կարևոր նշանակություն: Այս հատորների շրջագծում պահպանվող դատական գործը բաղկացած է 4915 էջ ընդհանուր ծավալից, բուն գործը՝ 4607 էջ, մեղադրական ակտը՝ 251 էջ, մեղադրյալների ցուցակը՝ 8 էջ, վկաների ցուցակը՝ 14 էջ, վճիռը՝ 41 էջ:

Դատական գործում զետեղված են նաև ռուսերեն թարգմանությամբ ՀՅԴ գործիչների հարյուրավոր նամակներ, հեռագրեր, թուղթիկներ, կոչեր, ինչպես նաև՝ հողվածներ, գրքույկներ, պատմական տեսություններ: Նրանում առանձնակի տեղ են զբաղեցնում ցարական ոստիկանության ձեռքին խաղալիք դարձած չարահամբավ խմբապետ Միիրանի ցուցմունքները: Վերջինս մատնել էր ՀՅԴ Բյուրոյի անդամներին, մտավորականներին, կուսակցական գործիչներին, խմբապետներին, վրիժառուներին, կուսակցության ազդեցության տակ հայտնված ռուս պաշտոնյաներին, բարձրաստիճան պաշտոնյաների դեմ ահաբեկչություն կազմակերպողներին, կուսակցության խորհրդանշանները, կարգախոսները, ծածկագրերը, զենքի զննան և պահեստավորման ձևերն ու վայրերը⁷:

Ուստի ՀՅԴ-ի դեմ ցուցմունք տված 283 հոգանոց վկաների ցուցակը գլխավորում էին Գաբրիել Քեչիշյանը (Միիրան) և նրա գործակից Հաբեթ Վարդերեսյանը: Վկաների մեծ մասը հայեր չէին, զգալի էր ոստիկանների և դատական ոլորտի աշխատակիցների թիվը: Դատական գործի փաստաթղթերի՝ հայերենից թարգմանիչն էր վրացի Սերգեյ Նադիրաձեն (Թիֆլիսի նահանգային ոստիկանական վարչությանը կից), ձեռագրերի համեմատության փորձագետներն էին հայազգի Իվան Սրաբովը (Թիֆլիսի նահանգային ոստիկանական վարչությանը կից), Գրիգորի Մալյարովը և Եվզենի Կազակովը (Նովոչերկասկ):

Ինչ խոսք, ՀՅԴ գործունեության առումով ցարական իշխանությունները եթե անգամ կոնկրետ խնդիրներ ունեին, սպա դրանք ամենևին էլ զանգվածային դատական հետապնդման առարկա չէին կարող լինել: Քանզի, ինչպես Մ. Վարանդյանն է նկատում. «Անշուշտ, հայախալած բռնակալութեան դեմ Դաշնակցութիւնը Կովկասի մէջ կատարեր էր ծանրակշիռ ակտեր – անգամ զուտ ինքնապաշտպանական շարժումներու ընթացքին – որոնց համար մեղադրուելու էր և խստօրէն պատժուելու էր... Պատժուելու էր ոչ միայն այն պատճառով, որ յանդգներ էր զինուած վաշտերով հրապարակ գալ ջարդարար հորդաներու դէմ, այլ և անխնայ կոտորեր էր հայու արհնով զինովցած ցարական մեծ ու փոքր պաշտօնեաները...»⁸:

Ինչևէ, ցարի հրամանով Կառավարող Սենատը Հատուկ Ներկայացուցչությամբ պետական հանցագործության գործով 1912թ. հունվարի 17-մարտի 20-ին

⁷ Վարանդեան Մ., Դ. Յ. Դաշնակցութեան պատմութիւն, հտ. Բ, Թեհրան, 1981, էջ 332:

⁸ Վարանդեան Մ., նշվ. աշխ., էջ 335:

կայացրեց իր վճիռը: Դատավորներն էին սենատորներ Ա. Ն. Կրիվցովը, Վ. Ի. Մարկևիչը, Ն. Պ. Գարինը, Վ. Յ. Բախտեյարովը, Ա. Ի. Պոլոնը:

Դատական վճիռ կայացվեց 146 հոգու վերաբերյալ. Արշակ Մեիրաբյան, Սարգիս Մանասյան, Մինաս Բերբերյան, Համո Օհանջանյան, Ավետիք Սահակյան, Սիրական Տիգրանյան, Հովսեփ Արղության, Լևոն Թադևոսյան, Հովհաննես Թումանյան, Աբրահամ Գյուլխանդանյան, Համազասպ Սրվանձտյանց, Լևոն Աթաբեկյան, Գերասիմ Բալայան, Գարեգին Նժդեհի և ուրիշներ (հերթակա- նությունն ըստ դատական գործի): Սրանց հիմնական «մեղքը» ոչ պակաս, ոչ ավել այն էր, որ 1905-1909թթ. մասնակցել էին ՀՅԴ գործունեությանը...:

Նրանց մեծ մասը (94 հոգի) ազատվեցին՝ համարվելով արդարացված դատա- կան կարգով (այդ թվում՝ Մ. Բերբերյանը, Ս. Տիգրանյանը, Հ. Արղությանը, Լ. Թադևոսյանը, Հովհ. Թումանյանը, Աբր. Գյուլխանդանյանը, Լ. Աթաբեկյանը, Գ. Բալայանը, Գ. Նժդեհը): 52 հոգի դատապարտվեցին կարճաժամկետ բանտար- կության և աքսորի ու անմիջապես ազատվեցին՝ արդեն իսկ բանտարկություն կրած լինելու և համապատասխան ժամկետը լրանալու պատճառով: Միայն Ս. Մանասյանը (6 տարի), Հ. Օհանջանյանը, Հովհաննես Ղազարյանը և Արշակ Մուրադյանը (4-ական տարի) դատապարտվեցին տաժանակիր աքսորի՝ ունեց- վածքի իրավունքից զրկումով: Երկու հոգի չդիմանալով բանտի գրկանքներին մա- հացան (Սարբազ Խեչոն և Չիչինյանը), մեկը խելագարվեց (Հովհաննես Մեղնիկ- յանը): Այս ամենը դեռ քիչ էր՝ դատական գործով ծախսերի հատուցումը հավա- սարապես դրվեց բոլոր դատապարտյալների վրա՝ փոխադարձ պատասխա- նատվությամբ:

ՀՅԴ գործը «թխած» Ն. Լիժնին ևս հետագայում դատեցին, բայց հաշվի առնե- լով վերջինիս «վաստակը», ստիպված էին նրան պաշտոնապես հայտարարել հոգե- կան հիվանդ և գործը մոռացության մատնել:

Ողջ դատավարության ընթացքում և դրա արդյունքում, ի մեծ հուսախաբություն լիժնիների, ՀՅԴ-ն ոչ միայն չքայքայվեց ու չվերացավ, այլև ընդհակառակը՝ ընդա- մենը հինգ տարի հետո ասպարեզից հեռացավ նրան դատել փորձող ցարական ինքնակալությունը. «Վարագոյրն իջաւ դաշնակցական Գողգոթայի այդ յուզում- նալից դրուագին վրայ և Ռուսիոյ ժողովուրդներուն ու ողջ քաղաքակիրթ աշխարհի առջև մեղադրեալի նստարանին վրայ բազմեցին իսկական չարագործները, քննիչ- ներու, դատաւորներու և նախարարներու հայատեաց ու մարդատեաց խուժանը: Ոչինչ չսհեցաւ Պետերբուրգի կամարիլլան: Լոկ ամօթանք ու նուաստացում: Հայ ժողովուրդի արդար դատը չմարեցաւ: Ընդհակառակն, նոր փայլ ու հմայք ստացաւ: Հ. Յ. Դաշնակցութիւնը չքայքայուեցաւ, չթուլացաւ: Ընդհակառակն, այդ ամբողջ դատավարութիւնը երկու ամիս շարունակ, աշխարհի մեծ բեմին վրայ, իր արտա- կարգ հանդիսութեամբ նոր, թարմ սնունդ բերաւ Հայ Մարտական Կազմակերպու- թեան անունին ու հռչակին»⁹:

«ՎԷՄ» համահայկական հանդեսը, հենց առաջին համարից, առանձին խո- րագրով, հաջորդականությամբ հրատարակելու է ՀՅԴ Մեծ կամ «լիժնյան» դա- տավարության գործի հատորներում պարունակվող կուսակցության հայտնի գոր-

⁹ Վարանդեան Մ., նշվ. աշխ., էջ 340-341:

ծիչներին վերաբերող փաստաթղթերը: Հրապարակելու է, անշուշտ, ոչ թե նրա համար, որ հավատ է ընծայում նրանց ներկայացված մեղադրանքներին, այլ որովհետև այս առեղի դատական գործի հատորներում պարունակվում է մինչ օրս անհայտ հարուստ տեղեկատվություն ՀՅԴ գործունեության տարբեր դրվագների վերաբերյալ: Իսկ ահա պատմական ճշմարտությունն ակնհայտ հեղուկացնող և ցարական քննիչների հնարած վարկածներից տարանջատելու գործը աղբյուրագիտական և պատմահամեմատական հսկայական աշխատանք է պահանջում թեման ուսումնասիրողներից:

Անգամ քրեական դատավարության հետ բոլորովին առնչություն չունեցած ուսումնասիրողի համար ակնհայտ է այն փաստը, որ դատավարությունը «կազմակերպված» էր բավականին հապշտապ, անասելիորեն անփույթ կերպով (հատկապես ձևակերպումների, անձնանունների, տեղանունների հիշատակման, և այլնի առումով): Մեղադրանքները ներկայացվել էին առանց իրավական լուրջ հիմնավորումների, այսպես կոչված «ըսի-ըսավ»-ների վրա հենվելով: Դրանք հաճախ ուղղակի անհեթեթ էին. օրինակ, ՀՅԴ Արևելյան Բյուրոյի պաշտոնաթերթ «Յառաջ»-ի հաջորդական անվանափոխումներից մեկը դարձած «Խարխիս»-ի խմբագիր Արշակ Մեհրաբյանը մեղադրվում էր սոսկ դաշնակցական թերթ հրատարակելու և նրա էջերում կուսակցական բովանդակությամբ նյութեր տպագրելու համար:

Պարզորոշ կերպով երևում է, որ ՀՅԴ Մեծ դատավարությունը ցարական իշխանություններին անհրաժեշտ էր ոչ միայն ՀՅԴ-ին, այլև նրա օրինակով՝ կայսրությունում գործող այլ կուսակցություններին ահաբեկելու նպատակով: Սակայն, տեղի ունեցավ միանգամայն հակառակ գործընթացը՝ ՀՅԴ-ն ինքը սկսեց ամբաստանել ցարական վարչակարգին:

Քանի որ ՀՅԴ Մեծ դատավարության պատմությունը գրեթե ուսումնասիրված չէ, հույս ունենք, որ «ՎԷՄ»-ի կողմից սկսվող հրապարակումները հնարավորություն կտան մի օր ընթերցողի սեղանին դնել այս դատավարության ամբողջական, քննական պատմությունը:

* * *

Հովհաննես Թումանյանը թե՛ գրչով և թե՛ ազգային-հասարակական բուռն գործունեությամբ չէր կարող շրջանցել հայության կյանքում տեղի ունեցած քիչ թե շատ նշանակալից որևէ երևույթ: Նա անընդհատ թոհուրոհի մեջ էր, անգամ իր գրական-ստեղծագործական կյանքում կատարվող զոհողությունների հաշվին: Անշուշտ, Հովհ. Թումանյանը հայության համար առաջին հերթին գնահատելի է որպես բանաստեղծ, թեև ոչ պակաս բեղմնավոր է եղել նաև նրա ազգային գործունեությունը: Ահա՛ այդպիսի մի դրվագի մասին է ներկա հրապարակումը՝ նրա ՀՅԴ-ին անդամակցության և կուսակցության այլ անդամների հետ դատավարության վերաբերյալ:

Գիտական ուսումնասիրությունները¹⁰ և Հովհ. Թումանյանի կողմից իր ընկերներին գրած ու նրանցից ստացած նամակները ցույց են տալիս, որ Ամենայն Հա-

¹⁰ Ավելի մանրամասն տե՛ս Կարապետյան Լուսիկ, Հովհաննես Թումանյանի հասարակական գործունեությունը (Դրվագներ), Երևան, 1992, էջ 7-30: Տե՛ս նաև՝ Խուրդինյան Գևորգ, ՀՅ Դաշնակցության քննական պատմություն (ակունքներից մինչև 1895 թվականի վերջերը), Երևան, 2006, էջ 189-190:

յոց բանաստեղծը ի սկզբանե եղել է ՀՅԴ ձևավորման գործընթացի մասնակիցը, հաճախել կուսակցության կազմավորման մեջ առանցքային դեր խաղացած «Երիտասարդ Հայաստան» կազմակերպության ժողովներին, իսկ Հայ Յեղափոխականների Դաշնակցության ձևավորման շրջանում՝ նաև անդամագրվել կուսակցությանը: Սակայն, արևմտահայերի ազատագրության համար պայքարող բոլոր հեղափոխական ուժերին միավորելու համար ստեղծված այդ կազմակերպության ներքին տրոհումների և ապա՝ Անդրկովկասում Ս. Գ. Հնչակյան կուսակցության գործունեության ակտիվացման պայմաններում, ամենայն հավանականությամբ իր անբաժան ընկեր Դազարոս Աղայանի ազդեցությամբ, 1890-ականների կեսերին որոշ ժամանակ համակրել է վերջիններիս: Բայց Հայաստանյայց Եկեղեցու գույքի բռնագրավման դեմ Անդրկովկասում ՀՅԴ համառ պայքարի շրջանում՝ 1904 թվականին, Հովհ. Թումանյանը ոչ միայն վերադառնում, այլև ակտիվ գործունեություն է ծավալում ՀՅԴ-ի շարքերում, մանավանդ՝ 1905թ. սկիզբ առած հայ-թաթարական կռիվների շրջանում: Նրան մտահոգում էր առաջին հերթին՝ հարազատ ժողովրդի ինքնապաշտպանության կազմակերպման գործը, իսկ նեղ կուսակցական խնդիրների հանդեպ բանաստեղծը որոշակիորեն վերապահ մտտեցում ուներ: Հովհ. Թումանյանն իր էությամբ կուսակցական չէր՝ այդ բառի կազմակերպական ըմբռնումով, նա բանաստեղծ էր՝ մեծ բանաստեղծ, որի սիրտը, սակայն, համաչափ կերպով բարբախտում էր՝ արձագանքելով հայ ժողովրդի հերոսական մաքառումներին ու ողբերգական կորուստներին, ուստի չէր կարող չդառնալ իրեն գրական գործունեությունից կտրող գործընթացների մասնակիցը:

Հետագայում՝ ՀՅԴ Մեծ դատավարության շրջանում, ոստիկանական գաղտնի գործակալները Հովհ. Թումանյանի մասին չստուգված տեղեկություններ էին հաղորդում՝ նրան մեղադրելով ՀՅԴ Արևելյան Բյուրոյի անդամներին հետապնդող գործակալների սպանության կազմակերպման, Թուրքիայից Փոքի և Բաթում զենքի տեղափոխության, ոստիկանների սպանության, և անգամ՝ կառավարության դեմ ապստամբության նախապատման մեջ¹¹: Բանաստեղծին իր մեծ որդու՝ Մուշեղի հետ ձերբակալեցին 1908թ. դեկտեմբերի 23-ի լույս 24-ի գիշերը: Հովհ. Թումանյանի առաջին հարցաքննությունը կատարվել է 1909թ. հունվարի 3-ին՝ Թիֆլիսում: Թվարկելով իր անմեղությունն ապացուցող փաստերը, նա մասնավորապես հայտնում էր, որ առաջնորդվել է ոչ կուսակցական մղումով կամ «ոչ ինչ-որ մեկին դուր գալու համար, այլ խորը գիտակցությամբ և մաքուր խղճով, դատելով իբրև գրող-բանաստեղծ, որը ծառայում է հանուն լավ և ազնիվ գործի: Այդպես են ես հասկացել ժողովրդի շահերը»¹²:

Դրանցից մեկում նա մասնավորապես նշում էր. «Դուք ենթադրում եք, որ ես կարող եմ հեղափոխականների նման զենք գործածել: Իսկ ինչպե՞ս կարող էր պատահել, որ ես չօգտվեի մի այլ զենքից, իմ բանաստեղծական տաղանդից և իմ գրչից, որոնք, Դուք էլ կհամաձայնեք, ավելի գորեղ են ամեն մի ատրճանակից... Ոչ մի տեղ չե՞ք կարող դա ցույց տալ: Չե՞ք կարող, բայց, այնուամենայնիվ, ես նստած եմ բանտում...»¹³:

¹¹ Տես Կարապետյան Լ., նշվ. աշխ., էջ 7-30:
¹² Նույն տեղում, էջ 24-25:
¹³ Թումանյան Յովհ., Երկերի լիակատար ժողովածու, հտ. 10, Երևան, 1999, էջ 483:

Դատական գործի կապակցությամբ նա 1909թ. հունվարի 24-ին համապատասխան դիմումներ էր հղել նաև Թիֆլիսի ժանդարմական վարչության պետ Երյումինին և Կովկասի փոխարքա Ի. Վորոնցով-Գաշկովին, իսկ մարտի 20-ին՝ Թիֆլիսի նահանգի և Չաքաթալայի օկրուգի գեներալ-նահանգապետ Մ. Լոզինա-Լոզինսկուն¹⁴: Մասնավորապես, Ի. Վորոնցով-Գաշկովին նա հայտնում էր. «Իմ ամբողջ հասարակական գործունեությունը կայանում է նրանում, որ հայթուրքական խառնակությունների ժամանակ 1905-1906թթ. իմ հայրենիքում՝ Բորչալուի գավառի Լոռու շրջանում, ես օգնել եմ մեր գավառի պետերին և ուրիշ պաշտոնական անձանց, իրենց իսկ խնդրանքով, և միշտ իրենց գիտությամբ, ես ջանացել եմ բոլոր միջոցներով կանխել խռովություններն ու արյունահեղությունը: Եվ իմ հայրենիքը ամենախաղաղ անկյուններից մեկն է եղել ամբողջ Կովկասում, միակ տարածաշրջանը, որը խաղաղության սպիտակ դրոշ բարձրացրեց և խաղաղ մնաց խառնակությունների և անկարգությունների ամբողջ ընթացքում»¹⁵:

ՀՅԴ դատավարության ժամանակ Հովհ. Թումանյանի դեմ ցուցմունքներ էին տվել Ղազախի շրջանի թաթարները (որ իբր նա գլխավորել է Բորչալուի գավառի ՀՅԴ կառույցը):

Ի դեպ, հետաքրքրական է, որ քննչական գործում պահպանվող ՀՅԴ «Անտառապատի» կոմիտեի զեմքի ընդունման-բաժանման մատյանում գրված էր. «Հովհ. Թում. – պարտքը 5 փութ ավազի (ըստ քննիչի՝ վառող) – 136 ռուբլի, Հովհ. Թում. – 10 ռուբլի բերդան և 1 բրաունինգ փամփուշտով»: Ուշագրավ է նաև այն փաստը, որ հայտնի մատնիչ խմբապետ Միհրանի վկայությամբ, Թումանյանը եղել էր ՀՅԴ Թիֆլիսի կոմիտեի անդամ¹⁶:

Ըստ Հովհ. Թումանյանի դեմ հիմնական ցուցմունք տվող Իգահատ (Այգեհատ) գյուղացի Հարություն Շահվերդովի վկայության՝ այս գյուղում (Միմոն Չավարյանի ծննդավայրը) բանաստեղծի հիմնած ՀՅԴ կառույցի գործունեությանն աջակցել է Ղազախի շրջանում ՀՅԴ մարտական ուժերի հրամանատար Սևքարեցի Սաքոն (Սարգիս Ծովիանյանը): Ի դեպ, դատական գործում նրա անուն-ազգանունը աղճատված կերպով նշվում է իբրև «ոստիկանության կողմից հետախուզման տակ գտնվող, Ղազախ գյուղից Սարգիս Սովյան», ով 1905թ. օգոստոսի կամ հոկտեմբերի 12-ին ժամանել է Իգահատ, բնակվել մարտական ջոկատի պատասխանատու Արտեմ Բոչարյանի տանը, սակայն գյուղապետ Արշակ Փերիխանովը մատնել է նրան և ձերբակալվելուց խուսափելու համար Սարգիսը հեռացել է գյուղից: Արժանահիշատակ է այն փաստը, որ մատնիչ գյուղապետի պատժիչ հատուցումը չուղացավ. նա սպանվեց (ըստ դատական գործի՝ Հովհ. Թումանյանի և Ա. Բոչարյանի կարգադրությամբ), ավելին, բանաստեղծը Սևքարեցի Սաքոյի մատնիչին սպանելու համար անգամ «Վանո Չավարովին երեք գծանի հրացան էր տրամադրել»¹⁷: Արժե նշել, որ դրանից հետո, 1906թ. մարտին «կուսակցության հա-

¹⁴ Մանրամասն տես Թումանյան Գովհ., ԵԼԺ, հտ. 10, ռուսերեն լեզվով՝ էջ 65-66, 66-67, 71-76, հայերեն թարգմանությունը՝ էջ 484-485, 486-487, 490-494:

¹⁵ Տես Թումանյան Գովհ., ԵԼԺ, հտ. 10, էջ 486:

¹⁶ Տես ԴԱԱ, ֆ. 1457, ց. 3, գ. 6, ք. 116-117:

¹⁷ Տես նույն տեղում, ք. 428-429:

մակիրների կողմից գյուղապետ ընտրվեց կուսակցության անդամ Արամ Արովյանը, ով գյուղում հիմնեց գենքի վերանորոգման կուսակցական արհեստանոց»¹⁸:

Մեկ ուշագրավ փաստ ևս: Ըստ նույն Հ. Շահվերդովի, նույն շրջանում իր հարազատ գյուղ է ժամանել է նաև ինքը՝ Միմոն Ջավարյանը, քոջ՝ «Մարիամի» (Մարո Մելիքի Ջավարյան-Մատինյան) հետ, ովքեր ՀՅԴ անունից բնակիչներից ընդունում էին խնդրագրեր, բողոքներ, քննում նրանց գործերը և լուծում տալիս՝ արգելելով դիմել պետական դատարաններ ու ռուսական իշխանություններին¹⁹:

Մեկ հետաքրքիր փաստ ևս: Հովհ. Թումանյանը միջնորդել էր, որպեսզի Ղազախի գավառում իր հաշտարար գործունեության առումով հարցաքննեն ցարական պաշտոնյաներ Շանշինին և Ռ-յազանովին, ինչպես նաև՝ Լոռվա տանուտերներին²⁰: Սակայն, դա Ն. Լիժնին չբավարարեց, քանզի նրա համոզմամբ բանաստեղծը հաշտարար գործունեություն ծավալել էր իբր՝ նրա համար, որ հայ-թաթարական ընդհարումները խանգարում էին հեղափոխական գործունեությանը, և դիտմամբ էր անդամակցել հաշտարար հանձնաժողովին, որպեսզի թաթարներին մղի կռվել ռուս կառավարության դեմ: Ավելին, ըստ քննիչի՝ Հովհ. Թումանյանի հաշտարար գործունեությունը «բոլորովին չի բացառում նրա մասնակցությունը ՀՅԴ մեջ»²¹: Սա, անշուշտ, Ն. Լիժնի հիվանդ երևակայության արգասիքն էր:

Այնհայտ է նաև, որ ստորև հրապարակվող իր ցուցմունքներում Հովհ. Թումանյանը չի խնայել Լոռու գյուղերում բռնի հանգանակությամբ զբաղվող խմբապետ Միհրանի զինվորներին՝ նրանց հաճախ տալով «թալանչիներ» բնորոշումը, իսկ ահա բուն դաշնակցականների՝ Միմոն Ջավարյանի, Սևքարեցի Սաքոյի և այլոց մասին լռել է ու հետևողականորեն քողարկել նրանց գործունեության մանրամասները և դրանում իր սեփական մասնակցությունը: Դա միանգամայն հասկանալի է, քանի որ 1907թ. կայացած ՀՅԴ 4-րդ Ընդհանուր Ժողովը, խստագույնս դատապարտելով խմբապետ Միհրանի գլխավորած «Ժամանակավոր զինվորական խորհուրդ» ապօրինի մարմնի գործունեությունը, նրա անդամներին արտաքսել էր կուսակցության շարքերից:

Չնայած դրան՝ հիմնվելով տեղի մատնիչների ու միհրանականների ցուցմունքների վրա, մեղադրական եզրակացության մեջ Հովհ. Թումանյանը ներկայացվում էր որպես ՀՅԴ Թիֆլիսի կոմիտեի անդամ, ով 1906թ. Իզահատ գյուղում կազմակերպել էր կուսակցական կոմիտե, իրականացրել ստիպողական դրամահավաքներ գյուղի բնակիչներից և անգամ ... կուսակցության հանձնարարությամբ շրջելով Ղազախի գավառում՝ մահմեդական բնակչությանը խռովարարության կոչ է արել, խոստանալով նրանց ՀՅԴ աջակցությունը զենքով մատարարելու տեսքով²²:

Վերջին անհեթեթությունը, անկասկած, ցարական իշխանությունների յուրահատուկ փոխվրեժն էր Հովհ. Թումանյանից, ով իրոք, հարազատ ժողովրդի ինքնապաշտպանության կազմակերպմանը զուգահեռ, հանդես էր գալիս նաև հայ-

¹⁸ Տե՛ս նույն տեղում, թ. 429:

¹⁹ Տե՛ս նույն տեղում, թ. 429:

²⁰ Տե՛ս նույն տեղում, թ. 4426, 4427, 4499:

²¹ Տե՛ս նույն տեղում, թ. 4594, 4595:

²² Տե՛ս ՅԱԱ, ֆ. 1457, ց. 3, գ. 6, թ. 243:

թաթարական ընդհարումները կասեցնողի՝ խաղաղարարի դերում: Հովհ. Թումանյանի այս հաշտարար առաքելությունը «խփում էր» ցարական իշխանությունների հիմնական խաղաքարտը՝ հայ-թաթարական ընդհարումների կազմակերպման միջոցով «բաժանիր, որ տիրես» սկզբունքի կենսագործումը: Ուստի, հասկանալի է դառնում, թե ինչո՞ւ Հովհ. Թումանյանը մի կողմից՝ մեղադրվում էր իբրև ՀՅԴ «ահաբեկիչ-մարմնի գործադիր ահաբեկչական խորհրդի անդամ» (տե՛ս Մեղադրական եզրակացությունը), իսկ մյուս կողմից էլ՝ ցարական իշխանությունների դեմ ուղղված «հայ-թաթարական խռովությունների» ջատագով, ինչն ավելի քան անհեթեթություն է: Այս ամենը ցույց է տալիս, որ ցարական իշխանությունների համար ամենատեսիլ գործիչները նրանց խորքային նպատակներն ըմբռնող Հ. Թումանյանի նման անհատներն էին:

Հովհ. Թումանյանի Մետեխում անցկացրած բանտային կյանքի ու հոգեվիճակի պատկերացման առումով ուշագրավ է ազատվելուց հետո իշխանուհի Մարիամ Թումանյանին գրած նրա նամակի հետևյալ հատվածը. «... ես ունեի այն, ինչ որ ամենից էական է – հոգու լիակատար հանգստություն, միշտ և անվերջ հանգստություն ու համարձակություն, երբ գործ ունեի հետները: Ես գիտեի, որ ոչ մի հանցանքի բնավորություն ունեցող հանգամանք, թեկուզ ամենաչնչին, չեն կարող դեմս բերել, այնինչ ես նրանց առջև կոնեն անթիվ փաստեր, թե ինչպես եմ ես վարվել այն ժամանակ, երբ ամեն մարդ թողնված էր իր խղճին ու իր հասկացողությանը, վերջապես այն ժամանակ և այն երկրում, ուր ես այնքան մեծ ազդեցություն ունեի՝ չէ որ ասված է – իշխանություն տուր ու փորձի մարդու հոգին: Ես համարձակ կարողանում էի ասել ամեն բան, ինչ որ չի կարող ասել մեղավոր մարդը կամ չպետք է ասի»²³:

Ինչևէ, 1909թ. հունիսի 13-ին Հովհ. Թումանյանը ազատվում է բանտից իբր՝ գործը մանրամասն քննության ուղարկելու պատճառաբանությամբ: Սակայն նրա նկատմամբ շարունակվեց ոստիկանական խիստ վերահսկողությունը: Ոստիկանները «հանգիստ» չէին գտնում, քանզի բանաստեղծը նորից ազատության մեջ էր: Այդ իսկ պարզ պատճառով՝ 1911թ. հունվարի 19-ին «Հորիզոն»-ի խմբագրատունը խուզարկվեց, Հովհ. Թումանյանը կրկին բանտարկվեց: Նրա տունը ևս չորս ժամ խուզարկվեց՝ զենք և գաղտնի նամակագրություն էին փնտրում, քանզի ըստ գաղտնի գործակալների իբր՝ Հովհ. Թումանյանն էր տնօրինում Թիֆլիսում կուսակցական զենքի պահպանման գործը և իր տանը պահում ՀՅԴ գաղտնի գրա-գրությունը: Ինչևէ, ոչինչ չգտնելով՝ Հովհ. Թումանյանին մեկ օրից բաց թողեցին²⁴:

Այս էլ քիչ համարվեց՝ Ռուսաստանի կառավարական սենատի կարգադրությամբ Հովհ. Թումանյանը 1911թ. հոկտեմբերի 31-ին կրկին ձերբակալվեց և տեղափոխվեց Պետերբուրգ, և միայն հատուկ դատական ատյանում անպարտ ճանաչվելով՝ 1912թ. մարտի 20-ին ազատվեց:

Հարց է առաջանում՝ ինչո՞վ էր պայմանավորված նման «հատուկ ուշադրություն» մեծ բանաստեղծի նկատմամբ, քանզի քննիչների համար պարզ էր, որ նա կուսակցական ֆունկցիոներ չէ՝ այդ բառի իսկական իմաստով: Կարծում ենք, այստեղ

²³ Թումանյան Մարիամ, Իմ համառոտ կենսագրությունը և իմ հիշողությունները, Երևան, 2003, էջ 141:

²⁴ Կարապետյան Լ., նշվ. աշխ., էջ 27-28:

վճռական դեր էր խաղում Հովի. Թումանյանին որպես հայ ժողովրդի մեծ սերն ու համակրանքը վայելող անձի, հնարավորինս նեղելու, ստորացնելու, կոտրելու ձգտումը, ինչի համար նրա կուսակցական պատկանելությունը հարմար առիթ էր:

Ուստի, Հովի. Թումանյանն իր հերթին ընտրել էր ՀՅԴ գործունեության դրվագներից սահմանազատվելու պաշտպանական մարտավարությունը: Այս կապակցությամբ Արշակ Ջամալյանը հետագայում գրած իր հուշերում վկայում է. «Թումանյանը մինչև Հ. Յ. Դ. դատի վերջը պաշտօնապես համարում էր դաշնակցական: Թէ երբ է մտել նա մեր կուսակցության մէջ – ինձ յայտնի չէ: Սակայն, գիտեմ, որ նա 1905թ. Կովկասեան առաջին Ռայոնական ժողովին (ասպիկ) մասնակցում էր իբրև Թիֆլիսի, կամ «Մեծ Քաղաք»-ի Կենտրոնական Կոմիտեի անդամ»²⁵: Օրակարգի վրայ դրված ծրագրային և կազմակերպչական լուրջ խնդիրներ նրան բնավ չէին հետաքրքրում. «Միակ խնդիրը, որ նրան զբաղեցնում էր այդ ժողովում՝ դա հայ ժողովրդի ինքնապաշտպանության խնդիրն էր»²⁶:

Նա վկայում է նաև, որ նման պաշտպանական մարտավարություն ընտրելու պատճառով դատից հետո «Կովկասեան Ռայոնական ժողովի» թէ «Մեծ Քաղաք»-ի Կենտրոնական Կոմիտեի որոշումով – Թումանեանը, մի քանի ուրիշ ընկերների հետ միասին, հեռացեց Դաշնակցութիւնից: Պատճառն այն էր, որ նա, դատավարութեան ժամանակ, ուրացել էր իր դաշնակցական լինելը: Այն ժամանակ բոլշևիզմի բերած բարոյական ըմբռնումները դեռևս չէին աղտոտել մարդկանց հոգիները, և կուսակցական ինքնութիւնը չխոստովանելը ծանր յանցանք էր համարում յեղափոխականների աչքում...

Դաշնակցութիւնից հեռացվելուց յետոյ ևս Թումանեանը իր բոլոր համակրանքներով մնաց Դաշնակցութեան և դաշնակցականների հետ: Նա օրն ի բուն մեզ հետ էր և ազգային-քաղաքական բնատրոսութեամբ որևէ հարց ծագելու դէպքում անմիջապէս մեր խորհրդին և աջակցութեան էր դիմում: Ուրիշ կերպ լինել չէր կարող: Որովհետև Թումանեանի հայրենասիրութեամբ պայմանաւորած ազգային մտահոգութիւնները – թիրքահայ դատ, հայկական ինքնապաշտպանութիւն, ազգային մշակութային արժէքների սատարում եւն – միմիայն Դաշնակցութեան մէջ և դաշնակցականների կողմից կարող էին կենդանի արձագանգ գտնել»²⁷:

Այսպիսով, ՀՅԴ-ն հիմնվելով իր անխախտ նորմերի վրա, չի ներել անգամ Հովի. Թումանյանին, որը դրանից հետո էլ մնաց կուսակցության ջերմ համակիրը, նրա գաղափարների քարոզիչը, խմբագրեց ՀՅԴ «անպաշտոն-պաշտոնաթերթ» «Հորիզոնը», բայց մնաց շարքերից դուրս:

Ի դեպ, ուշագրավ է այն հանգամանքը, որ Ա. Ջամալյանը որպես իր այս եզրակացության լրացուցիչ փաստարկ հիշատակում է բոլշևիզմ գրականագետ Պոդոս Մակինցյանի հետևյալ կարծիքը. «Թումանյանը դուրս է գալիս Դաշնակցությունից, բայց իր ողջ աշխարհայեցողությամբ, իր ազգային մտայնությամբ և ներքին զգացողությամբ մնում է դաշնակցական ընդմիջում»²⁸:

²⁵ Ջամալեան Արշակ, Ամենայն Դայոց Բանաստեղծը, «ՎԷՄ», Փարիզ, 1933, սեպտեմբեր-հոկտեմբեր, ք. 1, էջ 21-22:

²⁶ Նույն տեղում, էջ 22:

²⁷ Նույն տեղում, էջ 23:

²⁸ Տե՛ս «Նոր Ուղի», Երևան, 1929, ք. 2-3, էջ 200:

Ինչ խոսք, իր կուսակցության անցյալը լավ իմացող Ա. Ջամալյանին չհավատալու հիմքեր չենք տեսնում, իսկ ահա՝ Պ. Մակինցյանի դիպուկ բնորոշումը ապացուցվել է Հովհ. Թումանյանի համար հիմնական՝ գրական գործունեության ընթացքում: Բանզի մեծ բանաստեղծի ողջ ստեղծագործությունը շնչում էր այն գաղափարներով, որոնց գործնական իրականացման համար 1905-1907թթ. հեղափոխության շրջանում նա ժամանակավորապես մխրճվեց իր համար ոչ այնքան հարազատ քաղաքական գործունեության մեջ:

Այսպիսով, ցարական իշխանությունների կողմից կազմակերպված և հիմնականում 1908-1912թթ. տևած ՀՅԴ հալածանքներին ու դատավարությանը՝ տխրահռչակ քննիչ Ն. Լիժինի անմիջական հսկողությամբ, «մասնակցեց» նաև Հովհ. Թումանյանը՝ որպես 159 մեղադրյալներից մեկը: Ցարն ապարդյուն կերպով փորձեց դատել բանաստեղծին, այդպես էլ չհասկանալով, որ Հովհ. Թումանյանի «դատը» արդարացիորեն պատմությունն է կատարել՝ նրա համար վճռելով անմահ փառք հայ և համաշխարհային պոեզիայի անդաստանում:

ՀՅԴ Մեծ դատավարության հարուստ փաստաթղթերի հրապարակումը սկսելով Հովհաննես Թումանյանի դատական գործից, նախ և առաջ՝ հաշվի ենք առնում բանաստեղծի ծննդյան 140-ամյակի փաստը, ինչը մնալու է մեր ուշադրության կիզակետում ողջ 2009 թվականի ընթացքում: Երկուրդ՝ Հ. Թումանյանի դատը միայն ՀՅԴ-ի դատավարության անբաժանելի մասը չէր, այլև ողջ հայ ժողովրդի դեմ ուղղված ակնհայտ մարտահրավերը և վերջապես՝ երուրդ, սույն հրապարակումը թույլ կտա ավելի ամբողջական ու հստակ պատկերացում կազմել Հովհ. Թումանյանի՝ ՀՅԴ կազմակերպության մեջ հայ-թաթարական կռիվների շրջանում ծավալված գործունեության, Լոռու և Ղազախի հայկական գյուղերի ինքնապաշտպանության կազմակերպման աշխատանքների՝ մինչ օրս անհայտ դրվագների մասին:

Հովհ. Թումանյանի դատական գործի հետ կապված փաստաթղթերը հրապարակում ենք արխիվային բնագրին հավատարիմ: Հաշվի առնելով նման անհրաժեշտությունը, կատարել ենք միայն լեզվաոճական բնույթի որոշ խմբագրական շտկումներ (ռուսերեն տեքստը անտրամաբանական կերպով խրթին ու հակասական է), ուղիղ փակագծերի մեջ առնված բացատրական բառերը մերն են, իսկ ծանոթագրությունները տրված են տողատակերում: Հուսով ենք, որ հրատարակվող փաստաթղթերը օգտակար կլինեն Հովհ. Թումանյանի կյանքը և գործունեությունը ավելի խոր ու ամբողջական կերպով ուսումնասիրելու համար:

Ավագ Ա. Հարությունյան
դասն. գիտ. թեկնածու

THE FILES OF THE GREAT TRIAL OF THE ARMENIAN
 REVOLUTIONARY DASHNAKTSUTYUN

Judicial Case of Hovhannes Toumanyán

Avag A. Haroutyunyan

**ԹԻՎ 1
ՈՐՈՇՈՒՄ**

1909 թվականի մարտի 13-ից մինչև ասպիլի 20-ը Նովոչերկասկի օկրուգային դատարանին կից հատուկ կարևորության գործերով Դատական Քննիչի.

**Բ. ԱՅԱԲԵԿԻՉ-ՍԱՐՍԵՆԻ ԳՈՐԾԱԳԻՐ
ԱՅԱԲԵԿՉԱԿԱՆ ԽՈՐՀՐԴԻ ԱՆԴԱՄՆԵՐ**

130. Թունանյան Յովհաննես Տեր-Թադևոսով - կուսակցության [ՅՅԳ] նշանավոր անդամ, բոլոր կոմիտեներում մասնակցություն ունեցած: Նրա 1907թ. հուլիսի 15-ի N. 7546 հեռագիրը, Թիֆլիսից Դարաքիլիսա, կուսակցության անդամ Սերգեյ Եղիզարովիին²⁹ «կարգադրություն անել» [նշումով], հուլիսի 23-ի N. 9594 հեռագրով, Թիֆլիսից Մանգլիս, [ՅՅԳ] Թիֆլիսի Կենտրոնական Կոմիտեի գլխավոր ահաբեկիչ «Արտյուշը»³⁰ հարցնում է Թունանյանից կուսակցության անդամ Ջարգարյանցի³¹ գտնվելու վայրի մասին և խնդրում է հաղորդել «Խարիսխ»³² կուսակցության հասցեով, երբ է վերջանում Վահրամ Նալբանդյանցի³³ կալանքի տակ մնալու ժամկետը: Օգոստոսի 2-ի N. 37 հեռագրում, Մանգլիսից Պյատիգորսկ, Թունանյանը³⁴ խնդրում է կուսակցության անդամ Բուդուգովից³⁵ փոխանցումով ուղարկել 200 ռուբլի Թիֆլիս՝ հրատարակության համար (գործի թերթեր NN. 1012, 1017, 2205, 2205 դարձերես, 5203, 5203 դարձերես):

ՅԱԱ, ֆ. 1457, ց. 3, գ. 1, ք. 339:
Թարգմանություն ռուսերենից:

²⁹ Սարգիս (Սերգեյ) Փաշոյի (Պոդոսի) Եղիզարյանը կուսակցական գործիչ էր, բազմակի էր Թիֆլիսի «Յերմես» տպարանում ՅՅԳ գրականություն հրատարակելով: Չերեպկայվել է լիժնյան գործով:

³⁰ «Արտյուշը» Արտեմ Ստեփանի Քոչարյանն է: Նրան որպես ՅՅԳ անդամի մատնել էին խմբապետ Սիրիանը և Յ. Շահվերդյանը: Ըստ լիժնյան գործի «ահաբեկիչ» պիտակով մեղադրվողները իրականում ինքնապաշտպանության գործի կազմակերպողներն էին: «Արտյուշը» Մեծ Դարաքիլիսայում (Ներկայումս՝ Վանաձոր) ՅՅԳ գեներլ ընդունման-բաշխման պահեստի վարիչն էր, այսինքն ամենայն հավանականությամբ, մեղադրված էր ՅՅԳ Ձիմակյան ֆոնդի («Ձիֆոն») գաղտնի աշխատանքների մեջ: Տես ՅԱԱ, ֆ. 1457, ց. 3, գ. 6, ք. 243: Արտեմ Քոչարյանը ձերբակալվել է լիժնյան գործով ու նստել է Ռոստովի բանտում իր եղբոր (Սարգիս) հետ: Ի վերջո, ապացուցվեց, որ նրա դեմ վկայություններ տված Յ. Շահվերդյանի ցուցմունքները «անորոճալ և կեղծ» են: Տես ՅԱԱ, ֆ. 1457, ց. 3, գ. 6, ք. 4402, 4403, 4444:

³¹ Դատական գործում հիշատակվող Ջարգարյանց/ը Ջարգարյան Արիստակեսն է Ռուստեմը (1864-1935) – մանկաբույժ, հասարակական գործիչ: Գրել է պատմվածքներ և վոդևիլներ գոկերի բարբառով: Եղել է Յովհ. Թունանյանի մտերիմ բարեկամներից մեկը: 1910թ. ընտրվել է Յայոց հրատարակչական ընկերության նախագահ:

³² «Խարիսխ» օրաթերթը 1906-1909 թվականների ընթացքում հրատարակված ՅՅԳ Արևելյան Բյուրոյի պաշտոնաթերթ «Յառաջ»-ի 14 անվանափոխումներից մեկն էր՝ «Ալիքի», «Երկրի», «Ջանգի», «Ժամանակի», «Փայլակի», «Ժայռի», «Արորի», «Կովկասի առաջադիմի», «Նոր ալիքի», «Վասիկի», «Ջանգալի», «Գործի», «Բորբայի» (ռուսերեն) հետ միասին: «Խարիսխ»-ը հրատարակվել է Թիֆլիսում 1907թ., 44 համար, 4 էջ ծավալով: Խմբագիր-հրատարակիչը շուկավերցի Արշակ Պետրոսի Մեդաբաբյանն էր, ով նույնպես ձերբակալվել էր լիժնյան գործով և դարձել առաջին մեղադրյալը:

³³ Վահրամ Վահրամի Նալբանդյանց/ը կամ Նալբանդովը, ըստ դատական գործի տվյալների, մեղադրվել է որպես ՅՅԳ Մեծ Դարաքիլիսայի կոմիտեի անդամ: Տես ՅԱԱ, ֆ. 1457, ց. 3, գ. 6, ք. 243:

³⁴ Այստեղ է հետազայում «իսմ» գրելածնը դատական գործի ոճն է:

³⁵ Գիշտը՝ Բուդուգյան Արտաշես (1864-1915) – բժիշկ, հասարակական գործիչ, ասպրե է Պետերբուրգում:

³⁶ Սա մեղադրականը կազմողի և ընդհանրապես՝ ցարական դատաքննությանը բնորոշ ամբաստանությունն առաջ տանելու գրեթե ամեն է և ոչ թե՛ Յովհ. Թունանյանի ցուցմունքը, ով մինչև վերջ էլ իրեն մեղավոր չճանաչեց:

³⁷ Ավնիայտ է, որ ՅՅԳ ձևավորման այս ոչ ճիշտ ժամկետների մատնանշումը պատահականություն էր՝ ցարական քննիչների գործելակերպի առումով, քանզի սրանով փորձ էր արվում ջախջախել հենց այդ շրջանից Անդրկովկասում ՅՅԳ-ի շուրջը ձևավորված կառույցները, որոնք 1905-1906թթ. հայ-թաթարական պարտադրված կոիվների արյունքում վերածվել էին հայկական գավառների փաստացի ինքնավարության ամբողջական ու կուռ համակարգի:

թյուն» հայկական հեղափոխական միությունն անվանումով կուսակցությանը, որն իր գործունեության խնդիր էր առաջադրել գործադուլների, տնտեսական, կազմակերպական և քաղաքական ահաբեկչությունների ճանապարհով և զինված ապստամբության միջոցով բռնի ուժեղությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի են ունեցել 1905-1908թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ուներ՝ հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908թթ. հրատարակած հակակառավարական ամսագրեր, թերթեր, Ռուսիայից՝ զինված ապստամբության կոչերով, Ռուսական պետության մեջ հանրապետության ձևավորման համար, սարքավորումներով տպարաններ, հրագեմի և սառը զենքի մեծ պահեստներ, պայթուցիկ արկեր (ռումբեր), վառողի, դինամիտի, փամփուշտի և այլնի մեծ պահեստներ, հեղափոխական զինվորների³⁸ հատուկ ջոկատներ, ահաբեկչական ջոկատներ՝ (Ահաբեկիչ-Մարմին)-ի խորհրդի գլխավորությամբ, որ կոմիտեների որոշումներով 1905-1908 թվականներին Ռուսաստանում իրականացվել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել չցանկացող ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից գատ [իրականացվել է] տեղական հայ բնակչության ամենամյա պարտադրված դրամահավաք՝ հանցագործ նպատակների համար և մահվան սպառնալիքի ներքո, առավել ևս հատուկ ստիպողական մեծ դրամական շորթումներ հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագլուխ կերպով յուրացնելով դատական իշխանության իրավասությունը՝ իրականացնելով քրեական և քաղաքացիական գործերի քննություններ և այդ գործերով իր ապօրինի դատավճիռներն արձակելով, ընդ որում են՝ Յուլ-

հաննես Թումանյանն [սա կրկին քննիչի կողմից ներկայացված մեղադրանքի տեքստն է], լինելով նշյալ կուսակցության անդամ, մասնակցել են նրա տարբեր կոմիտեների [աշխատանքներին] և այդ ընկերակցության տարբեր անդամների հետ կուսակցական նամակագրություն են վարել:

Այսպես, օրինակ, 1907թ. հունիսի 15-ի N. 7546 հեռագրով, Թիֆլիսից Ղարաքիլիսա, նա հարցնում է Սերգեյ Երիզավրովին՝ «կարգադրություն անել» [նշումով], իսկ նույն թվի հուլիսի 23-ի N. 9594 հեռագրով, Թիֆլիսից Մանգլիս, կուսակցության անդամ Արտյուրը Թումանյանին հարցնում է նույն կուսակցության անդամ Ջարգոյանցի գտնվելու վայրի մասին կուսակցական թերթ «Խարիսխ»-ի հասցեով, և ե՞րբ է վերջանում Վահրամ Նալբանդյանի (Ղարաքիլիսայի կոմիտեի անդամ) ժամկետը, այսինքն՝ Քրեական օրենսգրքի 102-րդ հոդվածով նախատեսված հանցագործությունների մեջ, պատասխանում են, [սա արդեն Յուլի. Թումանյանի խոսքն է] որ են ինձ մեղավոր չեմ ճանաչում:

Ի արդարացում ինձ պարզաբանում են: 1905 թվին, ամռանը, Թիֆլիսից, ինձ մոտ եկավ Դսեղ գյուղից իմ դպրոցական ընկեր Երվանդ Մամիկոնյանցը³⁹ և հաղորդեց ինձ, որ իրեն ցանկանում է սպանել «Դաշնակցություն» կուսակցությունից ոմն Սուրեն⁴⁰: Բացի դրանից, ինձ մոտ եկավ Մախարը⁴¹ գյուղից իմ յուրային Վասիլի Մուսիճովը և հաղորդեց ինձ նույնը իր վերաբերյալ: Այդ ժամանակ ես գնացի Բորչալուի գավառի գավառապետ Սանձիկի⁴² մոտ և ասացի ինձ հաղորդվածի մասին: Երբ ես վազոնով ուղևորվում էի երկաթգծով՝ այդ ժամանակ վազոնում ինձ դիմեց փափախով ինչ որ մի հայ և սկսեց խոսել ինձ հետ իմ ստեղծագործությունների մասին, ապա խոսակցության մեջ նա ասաց, որ պետք է օգնեմ «Դաշնակցությանը»: Երբ ես ասացի, թե ինչու է «Դաշնակցությունը» ուղարկել մեր գյուղ ինչ-որ ... Սուրենի, որը ներում է բնակիչներին, այդ ժամանակ նա հեռացավ մեր վազոնից: Երբ ես հասա գյուղ՝ գրուցեցի գավառապետ Սանձիկի, հայկական եկեղեցիների հոգաբարձուների և գյուղի այլ հարգարժան անձանց հետ, որպեսզի վերանվանյալ թալանչիներից պաշտպանության ծրագիր մշակվի: Այդ գյուղում, ինչպես պարզվեց, Սուրենն իր համախոհներ Մուշեղ Կոփեցու (խեչոն)⁴³ և ինչ որ Սամսոնի⁴⁴ և

³⁸ Փաստաթղթում զինվոր բառը փակագծերում գրված է ռուսերեն՝ «анвоор»:
³⁹ Երվանդ Մամիկոնյանը Յուլի. Թումանյանի կնոջ հեռավոր ազգականներից էր:
⁴⁰ Բանաստեղծի ազգականին սպանել փորձող «Սուրենը» խմբապետ Սիիրանի թիկնապահ Կոփեցի Մուշեղի մարդն էր, հետևաբար նրան տրված «Դաշնակցություն կուսակցությունից» բնորոշումը իրականում վերաբերում է այդ տարիներին ՅՅԴ-ի անունից ինքնագլուխ կերպով դրամահավաքով զբաղվող միհրանականներին, որոնց գործելակերպը մերժվում էր հենց իր ՅՅԴ-ի ղեկավարության կողմից: Եուլյան էր նաև միհրանականների հանդեպ Յուլի. Թումանյանի որդեգրած վերաբերմունքը: Ուրեմն՝ այս հատվածում «Դաշնակցություն» անվան ներքո վկայաբերվող միհրանականներին չպետք է շփոթել ՅՅԴ-ի անդամների հետ:
⁴¹ Գիշտ անվանումը՝ Մղար (գյուղ Բորչալուի գավառում, ներկայումս՝ Լոռու մարզում):
⁴² Գիշտը՝ Շանշիկ (Շանշյան) Կոստանդին Չախարի: 1904-1905թթ. եղել է Բորչալուի գավառապետ, իսկ 1910թ.՝ Թիֆլիսի գավառապետ:
⁴³ Կոփեցի խեչոն խմբապետ Սիիրանի մերձավոր զինակիցն էր:
⁴⁴ Անձը պարզել չհաջողվեց, բայց ակնհայտ է, որ սա էլ Սիիրանի կողմնակիցներից էր:

այլ անձանց հետ արդեն ուղարկել էին սպառնալից պահանջներ «Դաշնակցություն» կուսակցության կարմիր կնիքներով՝ փողի պահանջներով: Տեղի բնակչության և հարգաբաժան անձանց ժողովուն և սկսեցի համոզել, որ հավասարված տրվի այդ թալանչիներին, չկատարեն նրանց այդ ապօրինի պահանջները: Բոլոր բնակիչները համաձայնվեցին: Չենց այնտեղ գյուղում ես չտեսա Սուրենին, բայց նրա համախոհները հեռացան հաջորդ օրը, սակայն միայն Սուշեղը մնաց՝ իբր պարտքի վճարման համար: Տեղի գյուղացիները համաձայնվեցին՝ միայն թե նա հեռանար: Դրանից հետո նա հեռացավ գյուղից և այլևս չերևաց այնտեղ: Իսկ բնակիչներին ես հայտարարեցի, որ պեսզի նրանք չընդհարվեն թաթարների հետ, այլ նրանց հետ ապրեն հաշտ: Արդյունքում, մեզ մոտ զավառում, թաթարների հետ ընդհարումներ և անկարգություններ չեղան: Կարծես թե 1906 թվականին, թե որ մասին՝ չեմ հիշում, հիշում գյուղում⁴⁵ սպանվեց տանուտեր Արշակ Փերիխանովը և հարձակում կատարվեց տեղի բնակիչ Հարություն Շահվերդովի⁴⁶ վրա, որոնց «Դաշնակցություն» կուսակցությունը կասկածում էր իր տարբեր գաղտնիքները ոստիկանությանը մատնելու, հարկերով և փողի պահանջներով ահաբեկչությամբ բնակիչներին տուրքարդելու մեջ: Հարություն Շահվերդովը՝ չգիտես թե ինչու, ինձ կասկածեց այդ հարձակման մեջ: Դրանում, ինչպես պարզվեց, նրան համոզել էին «Դաշնակցության» գործակալները⁴⁷ նրա համար, որ ես կազմալուծեցի նրանց պլանները ոչ միայն գյուղում, այլև ողջ շրջանում: Ինքը՝ Հարություն Շահվերդովը, որ հուզվեց անհավասարակշիռ մարդ էր, ընկավ այդ ազդեցության տակ, և հավատարմով այդ փչոցներին՝ սկսեց բամբասել ինձ, տարածելով այդ մասին անհավանական լուրեր այդ հանցագործության մեջ իմ մասնակցության վերաբերյալ: Նրա վրա, ըստ գյուղացիների խոսքերի, թե ում կոնկրետ չեմ հիշում, և հենց Հարություն Շահվերդովի

խոսքերից, հարձակվել են հենց այն անձինք, որոնք մասնակցել են և տանուտեր Փերիխանովի սպանությանը: Ես գիտեմ, որ Հարություն Շահվերդովը, շատ չանցած, սպանեց նաև իր հարազատ եղբորը՝ կարծես թե գոյքային վեճի պատճառով: Ապա, նա թաքնվեց: Այնուհետև, նրան ձերբակալեցին այդ սպանության համար և նա սկսեց ինձ վերագրել այդ ձերբակալության պատճառները՝ տարածելով, որ պրիստավը⁴⁸, զավառապետը և այն ժամանակ ժամանակավոր զինվորական նահանգապետ զնդապետ Ջուլոտարյովը (այժմ Ջելալ-Օղլի [Ստեփանավաճ] գյուղում բնակվող) գործում էին իմ ազդեցությամբ: Գնդապետ Ջուլոտարյովը⁴⁹ Հարություն Շահվերդովին ուղղակի անվանեց հոգեկան հիվանդ: Նույն կարծիքին էր նրա մասին և զավառապետ Ռյազանովը⁵⁰: Ընդհիվ իմ ցուցումներով ձեռնարկված միջոցների՝ Բորչալուի գավառի Լոռու շրջանում «Դաշնակցություն» կուսակցությունը գոյություն չունեղ, ոչ մի հեղափոխական բան չկար: Ես նույնիսկ խնդրեցի զավառապետ Ռյազանովին ստուգել գյուղերը, և նա ինձ հետ միասին այցելեց այդ օկրուգի գյուղերը: Գյուղերում հավաքված ժողովրդի առջև ես ելույթ ունեցա պ. Ռյազանովի ներկայությամբ՝ մատնանշելով, որ մենք հակակառավարական ոչ մի բան չպետք է անենք և ենթարկվենք կառավարության ներկայացուցիչներին: Ժողովուրդը ցնծում էր: Իսկ Ռյազանովը ասում էր, որ կառավարությունը ինքնապաշտպանության դեմ ոչինչ չուներ: Որոշ ժամանակ անց, Բորչալուի գավառ եկավ Թիֆլիսի մահանգապետը: Նա հիացած էր Բորչալուի գավառով: «Դաշնակցություն» հեղափոխական կուսակցության գործունեության մեջ ես ոչ մի մասնակցություն չեմ ունեցել: Նրա մպատակների և խնդիրների մասին ես չգիտեմ⁵¹:

Սարգիս Մանասյանցին⁵² ես ճանաչում եմ, առաջին անգամ ես նրա հետ ծանոթացա տեղական Ներսիսյան դպրոցում, քանի որ իմ բացակա-

⁴⁵ Նկատի ունի Բորչալուի գավառի Իզահատ (Այգեհատ) գյուղը (ներկայումս՝ Լոռու մարզում):
⁴⁶ Հարություն Սարգիսի Շահվերդովը լիժնյան գործով Հովի. Թումանյանի դեմ հիմնական ցուցմունք տվող վկան է: 1909թ. մայիսի 26-ի ցուցմունքում նա նշում էր, որ Հովի. Թումանյանը Արտեմ Քոչարյանի հետ իրենց գյուղում կազմակերպել է ԳՅԴ կառույց, մարտական ջոկատ, իրականացրել ԳՅԴ օգտին դրամահավաքներ, հորդորել չենթարկվել ցարական իշխանություններին և իրեն պահել որպես «մահանգապետ», և անգամ իրենից ԳՅԴ-ի համար մակվան սպառնալիքով գումար պահանջել: Տես ԴԱԼ, ֆ. 1457, ց. 3, գ. 1, թթ. 428-429:
⁴⁷ Ալեհայտ է, որ այստեղ Հովի. Թումանյանը քողարկում է իրականությունը, քանի որ խոսքն արդեն վերաբերվում է ոչ թե «Դաշնակցության գործակալներ» անվան տակ իր կողմից վկայաբերվող միհրանականներին, այլ Սևքարեցի Սաթյոյի մատնող գյուղապետին հենց դաշնակցականների կողմից պատժելու միջադեպի մասին է, որում նաև ինքն էր մեղադրվում:
⁴⁸ Ոստիկանական պաշտոնյա:
⁴⁹ Ջուլոտարյով Վասիլի Ալեքսանդրի:
⁵⁰ Ճիշտը՝ Ռեզանով Նիկոլայ Կոնստանտինի: 1905թ. նոյեմբերից մինչև 1906թ. հունիսը եղել է Բորչալուի գավառապետ:
⁵¹ Այս պնդումներն, անկասկած, Հովի. Թումանյանի ընտրած պաշտպանական մարտավարության մասն էին և իրականությանը չէին համապատասխանում, ինչում դժվար չէ համոզվել՝ հետաքննության նյութերին ծանոթանալով:
⁵² Մանասյան Սարգիս (?-1920) – ծանկավարժ, հասարակական-քաղաքական գործիչ: Դասավանդել է Թիֆլիսի Ներսիսյան դպրոցում, եղել ԳՅԴ Արևելյան Բյուրոյի Ձինական մարմնի անդամ: Լիժնյան գործով ձերբակալվել է Ռոստովի բանտում, ապա դատապարտվել տաժանակիր քաթրի մինչև 1916թ.: 1918թ. մայիսին մասնակցել է Դարաբիլիսայի հերոսամարտին: 1920թ. որպես ԳՅԴ լիազոր մեկնել է Դիլիջան բանակցելու բուլշևիկների հետ, սակայն ձերբակալվել է և ուղարկվել Բաթու, ապա քստրովել Նարզն կղզի, ուր զնդակահարվել է:

յությանը և առանց իմ համաձայնության՝ ինձ ընտրեցին այդ դպրոցի հոգաբարձու, որտեղ Մանասյանը նույնպես ընտրվել էր հոգաբարձու: Դպրոցում քանի հոգաբարձու կար՝ ես չգիտեմ: Ես նույն իմսկ բողոքել եմ այդ ընտրության դեմ: Ես հիշում եմ, որ ինձ հետ՝ բացի Մանասյանցից, հոգաբարձուներ էին՝ Ղազար Աղոյանը⁵³, Եղիշե Թոփչյանը⁵⁴, Ղազար Տիգրանյանը⁵⁵, Սինաս Մուրադյանը⁵⁶, Իգիթյանը⁵⁷ և Ամիրխանյանը⁵⁸: Ինչ վերաբերում է «Դաշնակցություն» կուսակցությանը այդ անձանց մասնակցությանը կամ ոչ՝ ինձ ոչինչ հայտնի չէ: Ավելացնում եմ, որ հոգաբարձու եր նաև բժիշկ Ալեքսանդր Իվանի Խատիսովը՝ տեղի քաղաքագլուխը⁵⁹: Մանասյանցի հետ մոտիկից ծանոթ չեմ եղել և երբեք նրա տանը չեմ եղել: Ոչ նրանից և ոչ էլ «Դաշնակցություն» կուսակցության այլ ներկայացուցիչներից ոչ մի դրամ չեմ ստացել:

Արտյուշ Քոչարյանցին ես ճանաչում եմ, սակայն մոտիկից ծանոթ եմ: «Դաշնակցություն» կուսակցության մեջ նրա մասնակցության վերաբերյալ ինձ ոչինչ հայտնի չէ: Նա միայն մեկ անգամ անցյալ տարի է եղել ինձ մոտ՝ խնդրելով տեղ⁶⁰ իր համար: Վահրամ Նալբանդովին ես մոտիկից չգիտեմ, սակայն ստիպված էի ծանոթանալ

նրա հետ որպես Մեծ Ղարաքիլիսա գյուղում ապրող վաճառականի: [«Դաշնակցություն»] կուսակցության մեջ նրա մասնակցության վերաբերյալ ոչինչ չգիտեմ: Ձեր կողմից ցույց տրված Թումանյանի ստորագրությանը 1907թ. հունիսի 15-ի N. 7546 հեռագիրը Սերգեյ Եղիզարովին Թիֆլիսից ուղարկվել է իմ կողմից: Այն վերաբերում էր Եղիզարովի հետ իմ փոդային հարաբերությունների: Սերգեյ Եղիզարովի երաշխավորությամբ ես ցանկանում էի բանկում հաշվառել իմ վեբսիլը, սակայն վերջինս մեկնեց Ղարաքիլիսա՝ չկատարելով իմ խնդրանքը: Դրա համար էլ ես հեռագրեցի նրան, և նա վերադառնալով՝ երաշխավորեց ինձ համար: Այն ժամանակ ես հաշվառեցի իմ վեբսիլը Փոխադարձ վարկի ընկերությունում, որտեղ տնօրեն էր Գեորգի Միխայիլի Թումանովը⁶¹:

Ձեր կողմից ներկայացված 1907թ. օգոստոսի 2-ի N. 37 երկրորդ հեռագիրը բժիշկ Բուդուզովին ուղարկվել է Ներսիսյան դպրոցի ուսուցիչ Ստեփան Լիսիցյանի⁶² կողմից նրա ստորագրությամբ, ինչպես նաև իմ անունից, իմ համաձայնությամբ և Երևանի դպրոցի ուսուցիչ Լևոն Շանթի⁶³ անունից: Շանթը իմ ընկերն է, նա նույնպես համաձայն էր այդ հեռագրին: Դեռագրում նշված Շիսիանցը⁶⁴

⁵³ Եղիշե՝ Ղազարու Աղայան:

⁵⁴ Թոփչյան Եղիշե Թադևոսի (1872-1909) – գրող, հրապարակախոս, խմբագիր, հասարակական-քաղաքական գործիչ: 1905թ. Թիֆլիսում մասնակցել է հայ-թաթարական կռիվներին, 1907թ. ԴՅԴ 4-րդ Ընդհանուր ժողովում ընտրվել Արևելյան Բյուրոյի անդամ:

⁵⁵ Հավանաբար Հովհաննես Տիգրանյանն է:

⁵⁶ Բժիշկ Սինաս Մուրադյանը (Մուրադով) դեռևս 1890-ականներից հարել է ԴՅԴ-ին և զբաղվել է Մոսկվայից ու Ռուսաստանի այլ քաղաքներից գեներ տեղափոխման գործով: Տես Խուրդինյան Գ., նշվ. աշխ., էջ 338:

⁵⁷ Փաստաթղթում գրված է Егитян: Հավանաբար Հովհաննես Իգիթյանյանն է (Քաջագունին):

⁵⁸ Դիշտակվող անունների կապակցությամբ առկա է որոշակի շփոթ: Ներսիսյան դպրոցի հոգաբարձուներ են եղել այդ ժամանակ հետևյալ անձինք. 1. Հովհաննես Տիգրանյան, 2. Հովսեփ Ամիրյան, 3. Ավետիք Սահակյան, 4. Ղազարու Աղայան, 5. Մանաս Մուրադյան, 6. Ալեքսանդր Խատիսյան, 7. Եղիշե Թոփչյան, 8. Հովհաննես Տեր-Միքայելյան, 9. Սարգիս Սինասյան: Ակրտիչ Ա. Խրիմյանի 1906թ. հուլիսի սկզբի կոմյունիստական հաստատվել է դպրոցի հոգաբարձության նոր կազմ. 1. Նազարեթ Տիգրանյան, 2. Հարություն Չախմախչյան, 3. Եղիաբեթ Ձորյան (Ռոստոմի կինը), 4. Գրիգոր Սարյան, 5. Նիկողայոս Կանկաճյան, 6. Հովհաննես Իգիթյանյան, 7. Շավարշ Դեմիրջալյան, 8. Վարդան Եմիլովիչյան, 9. Արշակ Թումանյան, 10. Հովհաննես Թումանյան, 11. Հայկ Սողոմոնյան, 12. Ստեփան Տեր-Ավետիսյան: Տես «Սշակ», Թիֆլիս, 1906, հուլիսի 10:

⁵⁹ Խատիսյան Ալեքսանդր Հովհաննեսի (1874-1945) – պետական-քաղաքական գործիչ: 1909-1917թթ. եղել է Թիֆլիսի քաղաքապետի և Քաղաքների միության կովկասյան կոմիտեի նախագահ, 1919թ. օգոստոսից մինչև 1920թ. մայիսը՝ Հայաստանի Հանրապետության վարչապետ:

⁶⁰ Փաստաթղթում գրված է место, ինչը պետք է հասկանալ գործ, աշխատանք իմաստով:

⁶¹ Թումանով Գեորգի Միխայիլի (1853-1920) – հրապարակախոս, խմբագիր, հասարակական գործիչ: 1891-1904թթ. եղբայրների հետ հրատարակել է «Նովոյե օբրոգներին» ռուսերեն թերթը: Եղել է Ռուսաստանի պետական դումայի անդամ: Կինը՝ նշանավոր հասարակական և մշակութային գործիչ իշխանուհի Մարիամ Թումանյանը, եղել է Հովհ. Թումանյանի աջակիցն ու մտերիմ բարեկամը:

⁶² Լիսիցյան Ստեփան Դանիելի (22.09.1865, Թիֆլիս-4.01.1947, Երևան) – մանկավարժ, բանասեր, աշխարհագրագետ, պատմաբան, ազգագրագետ: 1894թ.-ից դասավանդել է Թիֆլիսի Ներսիսյան դպրոցում: 1905-1916թթ. հրատարակել է «Հասկեր» մանկական ամսագիրը: Հովհ. Թումանյանի և Լ. Շանթի հետ կազմել է հրատարակելի «Լուսաբեր» հայոց լեզվի դասագիրքը: 1928-1947թթ. եղել է Հայաստանի պատմության թանգարանի ազգագրության բաժնի վարիչը:

⁶³ Շանթ Լևոն Սերգոսի (1869, Կ. Պոլիս-29.11.1951, Բեյրութ) – անվանի գրող, մանկավարժ, հասարակական-քաղաքական գործիչ, ԴՅԴ անդամ: 1899-1909թթ. դասավանդել է Թիֆլիսի Չախմախչյան օրիորդաց և Երևանի թեմական դպրոցներում: Մասնակցել է «Վերնապետ» աշխատանքներին: 1911թ.-ից հետո գործել է Կ. Պոլսում, 1920թ. գլխավորել է Հայաստանի Հանրապետության պատվիրակությունը Մոսկվայում: 1929թ.-ից հետո ապրել է ստեղծագործել է Բեյրութում:

⁶⁴ Շիսյան (Շիսյանց) Սիմոն Գերասիմի (1865-1947) – 1890-ական թվականներից ժնևում սովորելու շրջանից, ակտիվորեն մասնակցել է ԴՅԴ գործունեությանը, եղել է Ռոստոմի մտերիմ ընկերը: Տես «Ռոստոմ: Լամակամի», մահուան ութսունամեակին առթիւ, Պեյրութ, 1999, էջ 9-11: Այս շրջանում եղել է Ներսիսյան դպրոցի ուսուցիչ, զբաղվել գրական, թարգմանական աշխատանքով: Ձերբակալվել է լիժնյան գործով:

Թիվ 3 ՈՐՈՇՈՒՄ

1909 թվականի մայիսի 26: Քաղաք Թիֆլիս: Նովոչերկասկի օկրուգային դատարանին կից հատուկ կարևորության գործերով Դատական Քննիչը հարցաքննելով սույն թվով Յովհաննես Տեր-Թադևոսով Թումանյանին (Թումանյանին)⁶⁵, 40 տարեկան, որպես «Դաշնակցություն» հայ հեղափոխական կուսակցություն հանցավոր ընկերակցության մեջ մասնակցության մեղադրյալ, այսինքն՝ Քրեական օրենսգրքի 102-րդ հոդվածով նախատեսվող հանցագործությունների մեջ, զՏԱ.

1. Որ Յովհաննես Թումանյանը մերկացվում է սույն հանցագործությունների մեջ, ինչպես 1907թ. հեռագրերում նշված, այնպես և քննության ժամանակ հարցաքննված վկաների ցուցմունքներով, 2. Որ նրան սպառնացող պատիժը գույքազրկում է ունեցվածքի իրավունքից զրկումով:

Ելնելով վերոշարադրյալից Դատական Քննիչը՝ ղեկավարվելով Քրեական դատավարության օրենսգրքի 416-րդ հոդվածի 4-րդ կետով, 423-րդ եւ 428-րդ հոդվածներով ու Քրեական օրենսգրքի 102-րդ հոդվածով, ՈՐՈՇԵՑ.

Նշված մեղադրյալ Յովհաննես Թումանյանից պահանջել գրավ 5.000 ռուբլի, իսկ մինչ դրա մուծումը՝ պահել կալանքի տակ Մետեխի բանտում, ինչի մասին և հայտնել նրան:

Բնագիրը համապատասխան ստորագրություններով:

ՂԱԱ, ֆ. 1457, ց. 3, գ. 1, թ. 435:
Թարգմանություն ռուսերենից:

Թիվ 4 ՄԵՂԱԴՐԱԿԱՆ ՎԵՒՈ

Թիֆլիսի նահանգի ազնվական Յովհաննես Տեր-Թադևոսով Թումանյանը, 40 տարեկան, մեղադրվում է այն բանում, որ.

50. Յովհաննես Թումանյան - եղել է [ՀՅԴ] Թիֆլիսի կազմակերպության անդամ, 1906թ. ընկերակցության մյուս անդամների հետ կազմակերպել է տեղական կոմիտե Բորչալուի գավառի

փոխանցեց 300 ռուբլի Լիսիցյանին հայոց լեզվի մեր ուղեցույցի⁶⁵ հրատարակության համար: Դրա համար էլ մենք հնարավորություն չունենալով այդ գումարով հրատարակել մեր աշխատանքը՝ որոշեցինք Լիսիցյանի խորհրդով, որը բժիշկ Բուդուգովի ժանոթն էր, դիմել վերջինիս խնդրանքով՝ պարտքով մեզ գումար տալ հրատարակության համար, և այդ առթիվ հեռագիր ուղարկեցինք: Բայց Բուդուգովից ոչ մի պատասխան չստացանք: Հետո նրանից պատասխան ստացանք, բայց ինչ՝ չեմ հիշում:

Ինչ վերաբերում է երրորդ հեռագրին, ապա այդպիսին ես ստացել եմ Արտեմ Քոչարյանցից՝ «Արտյուշ» ստորագրությամբ: 1907թ. հուլիսի 23-ի N. 9594 այդ հեռագրում նա հաղորդում էր ինձ Մանգլիս, որ Վահրամի [Նալբանդյան] ժամկետը վերջանում է, և հարցնում էր՝ որտեղ է Ջարգարյանցը, խնդրելով հաղորդել «Նարիսխ» թերթին: Այդ հեռագիրը վերաբերում է Նալբանդյանցի կողմից զինծառայության կատարմանը: Արտյուշը խնդրում էր ինձ գրել բժիշկ Ջարգարյանցին, որպեսզի վերջինս խնդրի Ալեքսանդրապոլում զինվորական բժշկին, որի ազգանունը չեմ հիշում, աջակցել ազատելու Վահրամ Նալբանդյանցին զինծառայությունից, քանզի նա օգտվում էր առաջին կարգի արտոնությունից, որպես հոր սպանությունից հետո ընտանիքի միակ ղեկավար: Կարդացածին ավելացնում եմ՝ ես հանդիպել եմ Սուրենին, երբ մեկնում էի գավառապետի մոտից Դսեղ գյուղ, և ոչ թե՛ մինչ այդ: Ջուրտարյովը ժամանակավոր գեներալ-նահանգապետ չի եղել, այլ միայն Բորչալուի գավառում վերջինիս լիազորը: 1906թ. սկզբում, երբ ես գտնվում է Դազախի գավառի Բարոնախ⁶⁶ գյուղում, մեկնել էի Լոռվա շրջանի հարգարժան անձանց հետ, որպեսզի հաշտեցնեմ հայերին և թաթարներին, քանզի հայերը ... բողոքում էին հայտնի Շիխալի⁶⁷ դեմ, որ «նրանք նեղում են մեզ և բորբոքում կրքեր»: Մենք՝ Լոռեցիներս, Դազախեցիների⁶⁸ հետ միասին առաջարկեցինք Շիխալիին և նրա համախոհներին անմիջապես հեռանալ և նրանք մեկնեցին, ինչը կանխեց թաթարների և հայերի ընդհարումները: Ընթերցված է:

Բնագիրը՝ համապատասխան ստորագրություններով:

ՂԱԱ, ֆ. 1457, ց. 3, գ. 1, թթ. 429-431:
Թարգմանություն ռուսերենից:

⁶⁵ Նկատի ունի հայոց լեզվի «Լուսաբեր» դասագիրքը:
⁶⁶ Ճիշտը՝ Բարանա, այժմ՝ քաղաք Նոյեմբերյան, Տավուշի մարզում:
⁶⁷ Ճիշտը՝ Շալի կամ Շի-Ալի - թաթար ավազակապետ:
⁶⁸ Փաստաթղթում մեծատառերով են գրված:
⁶⁹ Փաստաթղթում ազգանունը նշված է այս երկու տարբերակներով:

Իզահատ գյուղում, իրականացրել է հարկադրական դրամահավաքներ այդ գյուղի բնակիչներից և նույն թվին շրջագայելով կազմակերպության [ՀՅԴ] հանձնարարությամբ Ղազախի գավառի սահմաններում՝ մահմեդական բնակչությանը խռովարարական գործողություններ սարքելու կոչ է արել՝ մահմեդականներին ընկերակցության կողմից զենքով ապահովելու տեսքով աջակցություն խոստանալով:

ք. Նովոչերկասկ, 1911թ. մայիսի 28

**ՂԱՏԱԿԱՆ ՆԻՍՏԻՆ ԿԱՆՉԿԵԼՈՒ
ԵՆԹԱԿԱ ԱՆՁԱՆՑ ՑՈՒՑԱԿ**

ՄԵՂԱԴՐՅԱԼՆԵՐ

51. Հովհաննես Տեր-Թադևոսով Թումանյանց և հտ. 21, գործի թերթ 7455⁷⁰, ք. Թիֆլիս:

ՀԱԱ, ֆ. 1457, ց. 3, գ. 6, թթ. 243, 255:
Թարգմանություն ռուսերենից:

⁷⁰ Սա դատական բնագրային գործի տվյալներն են:

ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Համո Օհանջանյանի դասական գործը*

Անվանի կուսակցական և պետական գործիչ Համո (Համազասպ) Օհանջանյանը հայ հանրությանը գերազանցապես հայտնի է որպես Հայաստանի առաջին Հանրապետության վարչապետ: Մինչ այդ՝ 20-րդ դարի սկզբներին, ՀՅ Դաշնակցության Անդրկովկասի կազմակերպության կազմում նրա ծավալած գործունեությունը բավականին թերի է ուսումնասիրված: Մինչդեռ, այդ եռանդուն գործունեության արդյունքում ՀՀ ապագա վարչապետը դարձավ ՀՅ Դաշնակցության Մեծ դատավարության հիմնական ամբաստանյալը, ենթարկվեց դաժան հալածանքների, բանտարկության ու աքտորի: Ներկա հրապարակումը նպատակ ունի բացահայտել ՀՅԴ հեղափոխական պայքարի և արևելահայության ինքնապաշտպանության գործի կազմակերպիչներից մեկի՝ Համո Օհանջանյանի հանդեպ ցարական բռնակալության կազմակերպած դատական հաշվեհարդարի մանրամասները: ՀՅԴ Մեծ կամ լիժինյան դատավարության փաստաթղթերը լույս են սփռում Համո Օհանջանյանի գործունեության ողջ 1905-1912թթ. ժամանակահատվածի վրա:

Ռուսաստանում սկիզբ առած հեղափոխության պայմաններում 1905թ. հուլիսին հրապարակվեց ՀՅԴ Խորհրդի փետրվարյան և ապրիլյան նիստերում ընդունված՝ «Նախագիծ Կովկասեան գործունեութեան»¹ կամ «Կովկասյան նախագիծ» փաստաթուղթը, որը փաստորեն փոփոխության էր ենթարկում կուսակցության ծրագիրը: ՀՅԴ Խորհրդի ընդունած բանաձևում նշվում էր. «Կովկասեան շարժման հարցում ինքնադատութեան շրջանից անցնել բուն յեղափոխական գործունեութեան, մշակել ծրագիր՝ համաձայն Կովկասեան Ռայոնական ժողովում արտայայտուած տրամադրութեան, ուղարկել դաշնակցական կովկասեան մարմիններին՝ ժամանակաւորապէս ղեկավարուելու այդ ծրագրով, թողնելով նրա վերջնական հաստատումը առաջիկայ Ընդհանուր ժողովին»²:

* Ընդունվել է տպագրության 22.08.2009:

¹ Տես Նախագիծ Կովկասեան գործունեութեան, հրատ. ԶՅԴ, Ժընև, տպ. ԶՅԴ, 1905:

² Տես Նիիթեր Զ.Յ. Դաշնակցութեան պատմութեան համար, հատ.բ., բ. տպագր., Պլյուս, 1985, էջ 230:

Սա նշանակում էր, որ ՀՅԴ-ն Անդրկովկասում անցնում էր ակտիվ հեղափոխական գործունեության՝ առաջ քաշելով հետևյալ հիմնական նպատակները. «1. Դաշնակցական ռամկավար հանրապետութիւն Անդրկովկասի համար, հիմնուած ընդհանուր, հաւասար, ուղղակի և գաղտնի ձայնատուքեան վրայ: 2. Կատարեալ հաւասարութիւն բոլոր ազգերի և կրօնական համայնքների, որոնք մտնում են դաշնակցութեան մէջ: 3. Անդրկովկասը կազմում է ազատ Ռուսաստանի անբաժան, դաշնակից մասը, կապուած Ռուսաստանի հետ ընդհանուր պետական ինքնապաշտպանութեան, դրամական սիստեմի ու ընդհանուր քաղաքականութեան խնդիրներում: Նա ուղարկում է վերոյիշեալ սկզբունքներով ընտրուած իր ներկայացուցիչները Ռուսաստանի ընդհանուր պարլամենտին: 4. Անդրկովկասը անկախ է իր բոլոր ներքին խնդիրներում՝ վարչական, տնտեսական կլն»³:

Հ. Օհանջանյանը ՀՅԴ Խորհրդի փետրվարյան նիստին ներկա էր որպես ՀՅԴ Արևելյան Բյուրոյի, իսկ ապրիլյան նիստին՝ Կովկասի ինքնապաշտպանության մարմնի ներկայացուցիչ⁴ և եռանդուն կերպով պաշտպանում էր «Կովկասյան նախագիծը»: 1905-1907թթ. Ռուսական առաջին հեղափոխությանը ՀՅԴ մասնակցության սկիզբը դրած այս որոշումների իրականացման մեջ մեծ էր Արևելյան Բյուրոյի հերթապահ ու միաժամանակ՝ ՀՅԴ դրամական միջոցները տնօրինող անձանցից մեկի՝ Համո Օհանջանյանի անձնական ներդրումը:

Իսկ արդեն Հ. Օհանջանյանի և ՀՅԴ այլ ղեկավարների բանտարկությունից հետո՝ 1909թ. ապրիլին, Կովկասյան Ռաշոնական մարմինների արտակարգ ժողովը ընտրեց Արևելյան «Ժամանակավոր Բյուրո», ինչը նշանակում էր, որ մինչև Վառնայի 5-րդ Ընդհանուր ժողովը (1909թ. օգոստոսի 14-սեպտեմբերի 18) փաստացի կերպով ՀՅԴ Բաքվի Կենտրոնական կոմիտեն էր Կովկասի գործերի վարողը⁵:

Համո Օհանջանյանը ձերբակալվեց 1908թ. դեկտեմբերին՝ Թիֆլիսում: Ստանալով այդ լուրը և անտեսելով ոստիկանության կողմից հետախուզվելու հանգամանքը, 1909թ. մայիսին Թիֆլիս է վերադառնում նրա հավատարիմ ընկերուհին՝ Ռուբինա Արեշյանը: Երբ Հ. Օհանջանյանին տեղափոխում են Նովոչերկասկի բանտ Ռուբինան հետևում է նրան⁶: Ի վերջո, այստեղ նա էլ ձերբակալվեց, բայց ազատվեց իր զինվորական եղբոր միջնորդությամբ: Նովոչերկասկից Հ. Օհանջանյանը պետք է աքսորվեր Խարկով կամ Սիբիր: Նա սկզբում ընտրեց առաջինը, սակայն խարկովյան բանտի պայմանները այնքան ծանր էին, որ Հ. Օհանջանյանն, ի վերջո, նախընտրեց սիբիրյան աքսորը: Եվ այս անգամ էլ Ռուբինան հետևեց նրան: 1913-1915թթ. նրանք բնակվեցին հեռավոր Իրկուտսկի մարզի խուլ գյուղերից մեկում և այդ տարիներին էլ ամուսնացան: Սա Հ. Օհանջանյանի երկրորդ ամուսնությունն էր: Աքսորում անգամ Հ. Օհանջանյանը «պարապ» չէր մնում՝ զբաղվում էր բժշկությամբ: Առաջին աշխարհամարտի տարիներին նա ներում ստացավ, վերադարձավ Թիֆլիս: Վանի ազատագրումից հետո Ռուբինայի հետ մեկնեց այնտեղ և իբրև բժիշկ մասնագիտական օգնություն ցուցաբերեց հայ կամավորականներին: 1918թ. մայիսին Ղարաբիլիսայի հերոսամարտում զոհվեց Հ. Օհանջանյանի անդրանիկ զավակը՝ 18-ամյա Մոնիկը, դաշնակցական Աշակերտական միության նախագահը:

³ Տե՛ս Նախագիծ Կովկասեան գործունեութեան, էջ 13:
⁴ Տե՛ս Նիիթեր 7.3. Դաշնակցութեան պատմութեան համար, ք. հատ., ք. տպագր., Պէյրուք, 1985, էջ 227:
⁵ Տե՛ս Տասնպետեան Դրաչ, 7. 3. Դաշնակցութեան կազմակերպական կառոյցի հոլովոյթը, Պէյրուք, 1985, էջ 62-63:
⁶ Տե՛ս Պատմագրություն Դայ Յեղափոխական Դաշնակցութեան, հտ. գ., ա. տ., ա. թ., էջ 223:

Հ. Օհանջանյանի ղեկավարությամբ են հրատարակվել «Յառաջ»-ի մատենաշարի գրքույկները: Նա է վարել ռուսաստանյան հեղափոխական կուսակցությունների հետ ՀՅԴ հարաբերությունները՝ վայելելով բոլորի հարգանքը:

* * *

Ի՞նչ էին իրենցից ներկայացնում Հ. Օհանջանյանին ներկայացված մեղադրանքները և դրանց հիման վրա ծավալված դատական գործընթացը:

1909թ. մարտի 13-ից ապրիլի 20-ի իր որոշման մեջ քննիչ Ն. Լիժինը նախ և առաջ ներկայացնում էր ՀՅԴ կառույցը՝ շեշտադրումները տեղափոխելով կուսակցության ահաբեկչական ու հակակառավարական գործունեության «մերկացման» վրա: Իսկ Հ. Օհանջանյանն առաջին հերթին մեղադրվում էր «Կովկասյան նախագծի» հետևողական պաշտպանության, այդ նպատակով համապատասխան քարոզչության կազմակերպման, հայկական դպրոցների համար քարոզիչ-ուսուցիչների ուղարկման, կուսակցության ներսում անջատականության դեմ պայքարելու և խմբապետ Միհրանի նկատմամբ ՀՅԴ մահվան դատավճռի իրականացմանը գործուն մասնակցություն ունենալու մեջ (այս մեղադրանքը ներկայացվում էր անունների և հեռագրերի բժախնդիր հիշատակմամբ): Իսկ ահա ավելի որոշակի մեղադրանքների շարքում ամենազավեշտականը կուսակցության զանձարկղ ... 15 ռուբլի մուծելու ամբաստանությունն էր⁷:

1909թ. մայիսի 24-ին Թիֆլիսում կայացած հարցաքննության ժամանակ Հ. Օհանջանյանին ներկայացված մեղադրանքների «առյուծի բաժինը» կրկին վերաբերում էր ահաբեկչական ու հակապետական գործունեությանը, դրա ձևերի ու եղանակների հանգամանակից թվարկմանը հատկապես՝ Միհրանի գործի առումով:

Այս հարցաքննության ժամանակ Հ. Օհանջանյանն ընտրել էր քննիչի կողմից ներկայացված մեղադրանքները հետևողականորեն հերքելու մարտավարություն՝ մերժելով իր կողմից հեռագրեր ուղարկելու, «Միերյան» մականունն ունենալու, ՀՅԴ 1905թ. վերջին կայացած ՀՅԴ Ռայոնական ժողովին ներկա գտնվելու փաստերը: Նա պնդում էր, որ իրեն անհայտ է Միհրանի անձը, հրաժարվում էր անգամ՝ Լևոն Թադևոսյանին ճանաչելու փաստից, իսկ ՀՅԴ պատասխանատու գործիչ Մինաս Մուրադյանին ներկայացնում էր տակ որպես բժիշկ: Նա չընդունեց անգամ իր կողմից ՀՅԴ օգտին 15 ռուբլի մուծում կատարելու անմեղ ամբաստանությունը՝ պահանջելով ներկայացնել իրեն տրված մեղադրանքները հաստատող փաստաթղթեր ու վկաներ՝ քաջ հասկանալով, որ այդպիսիք դժվար թե գտնվեն⁸:

Փաստորեն, նախաքննության այս փուլում Հ. Օհանջանյանը որդեգրել էր բավականին կոշտ ու միանգամայն արդարացված պաշտպանողական-հարձակողական մարտավարություն: Դրանով Միհրանի նկատմամբ ահաբեկման մեղադրանքից նա զերծ էր պահում իր անձը, իսկ ահա ՀՅԴ անդամների դեպքում՝ անցնում էր վերջիններիս պաշտպանելու մարտավարությանը: 1909թ. մայիսի 24-ի Լիժինի որոշման մեջ Հ. Օհանջանյանը, այնուամենայնիվ, մեղադրվում է ՀՅԴ գործունեությանը մասնակցելու, ինչպես նաև կուսակցության անունից Միհրանի և այլոց հանդեպ սպանություն սադրելու մեջ, և դրա արդյունքում որոշում է կայացվում Հ. Օհանջանյանին կալանքի տակ պահել Մետեխի բանտում⁹:

⁷ ՀԱԱ, ֆ. 1457, ց. 3, գ. 1, ք. 316-317:

⁸ Նույն տեղում, ք. 416-417:

⁹ Նույն տեղում, ք. 417:

1910թ. հոկտեմբերի 26-ին՝ արդեն Նովոչերկասկում կայացած հարցաքննության ժամանակ, Հ. Օհանջանյանը կտրուկ մերժում է իր դրամական փոխանցումների կուսակցական պատկանելությունը, իսկ դրանցից ո՞րն էլ ընդունում է՝ բացատրում է զուտ անձնական-կենցաղային դրդապատճառներով: Շարունակելով ժխտման մարտավարությունը, նա հրաժարվում է հայտնել անգամ «Յառաջ»-ի գրադարանի վարչության գտնվելու վայրը՝ մերժելով նաև նշյալ գրադարանի հրատարակչությունների տարբեր հասցեներով իր կողմից առաքման փաստը: Մերժում է անգամ «Սիեր» և «Համո» ստորագրություններով ձեռագրերի հեղինակությունը և պաշտպանելով՝ ապահովագրում է իր ընկերներ Արտաշես Չիլիզգարյանին և Սիմոն Վրացյանին: Այնուամենայնիվ, նա նույն մարտավարական նկատառումներով ընդունում է որոշ անմեղ, քարոզչական բնույթ ունեցող փաստաթղթերի իր հեղինակությունը (օրինակ՝ «Կովկասում ինքնավարության սկզբունք» և «Անդրկովկասում ինքնավարություն» բառերով սկսվող ձեռագրերը, «Հայ-թաթարական ընդհարումների մեղավորները» վերնագրով ռուսերեն ձեռագիրը): Հարցաքննության ժամանակ Հ. Օհանջանյանը պահանջեց ներկայացնել խուզարկության և առգրավումների արձանագրությունները, ինչպես նաև ՀՅԴ-ին իր պատկանելության մեղադրանքով քննչական վարույթի պատճենները: Ըստ նախաքննության տվյալների՝ Հ. Օհանջանյանը ներկայացվում էր որպես ՀՅԴ կովկասյան հատվածի ֆինանսական պատասխանատու՝ թե՛ դրամի հավաքման, թե՛ կառույցներին բաժանելու առումով: Այս հարցի հետ կապված, հարցաքննության ժամանակ, նա ժխտում է կատարված բոլոր փոխանցումներին իր առնչությունը: Ու միակ բացառությունը, այն էլ վերապահությամբ, կատարում է Գալուստ Ալոյանին կատարած փոխանցման առթիվ («ինչը ես ժամանակի վաղեմության պատճառով ճշգրիտ չեմ հիշում ինչքան և ում եմ փոխանցել և կատարե՞լ եմ այդ բոլոր փոխանցումները՝ չեմ հիշում»), դրանց մի մասի առաքումն էլ պայմանավորելով հայ-թաթարական կռիվների առթիվ տուժված հայերին օգնելու կամ էլ՝ իր անձնական պարտքը վերադարձնելու հանգամանքով¹⁰:

1911թ. փետրվարի 11-ից մինչև 24-ը Նովոչերկասկում իր ընդունած որոշման մեջ Ն.Լիժինն անդրադարձավ Հ. Օհանջանյանի հայտարարություններին և փորձեց մերժել դրանք: Մասնավորապես, Հ. Օհանջանյանը շեշտել էր, որ «Սիեր» և «Սիերյան» ստորագրությամբ փաստաթղթերը ինքը չի գրել և իրեն չեն վերաբերում: Թերևս հաշվի առնելով, որ հայերեն և ռուսերեն փաստաթղթերի փորձաքննությունը կատարվել է ոչ բանիմաց փորձագետների կողմից, նա որպես այդպիսիք առաջարկել էր Նոր-Նա - խիջևանի հոգևոր ճեմարանի ուսուցիչներին: 1905թ. Կովկասյան Ռայոնական և Վիեն - նայի Ընդհանուր ժողովի գումարման ժամանակ Թիֆլիսում իր գտնվելու առթիվ նա պահանջեց հարցաքննել որոշ վկաների՝ նշելով դրանց անունները: Այս պարագան պահեց նաև Սիիրանի սպանության հետ կապված ու պահանջեց հստակեցնել, որ «Համո»-ն ոչ թե իր մականունն է, այլ Համազասպ անվան կրճատ ձևը: Ավելին, պահանջեց հարցաքննել իր մատնանշած այն վկաներին, որոնք կարող էին պնդել, որ նա «անկուսակցական է և քաղաքականությամբ չզբաղվող», պահանջեց ներկայացնել խուզարկությունների արձանագրությունները, համեմատության համար իրեն տրամադրել հայերեն փաստաթղթերի պատճենները, պահանջեց ուշադրություն դարձնել հայ-թաթարական ընդհարումների «հսկայական նյութին»: Այս համատեքստում նա ՀՅԴ 1905-1907թթ. գործունեությունը ներկայացրեց որպես «ինքնապաշտպանության կազմակեր-

¹⁰ ՀԱԱ, ֆ. 1457, ց. 3, գ. 5, ք. 4191-4195:

պում», իսկ քննությանը ներկայացվող ահաբեկչությունները՝ հայ-թաթարական ընդհարումների հիմքի վրա արված սպանություններ: Նա պնդում էր, որ ՀՅԴ գործունեությունը թույլատրվել է կառավարական մարմինների կողմից, որ այն կրել է բացահայտ բնույթ, ուստի ո՛չ մեկը իրեն չի կարող հանցավոր համարել: Հ. Օհանջանյանը պահանջեց այդ առթիվ հարցաքննել բարձրաստիճան գարական պաշտոնյաների և ապացուցեց «Յառաջ»-ի գրադարանի հրատարակությունների՝ գրաքննության կողմից թույլատրված լինելը: Ի վերջո, Հ. Օհանջանյանն աննկուն կերպով դիմադրեց գարական քննիչներին և անգամ պահանջեց իրեն գրավի կամ երաշխավորության դիմաց ազատել կալանքից ու տրամադրել դատական ողջ գործի պատճենը: Համանման միջնորդություններ Հ. Օհանջանյանը ներկայացրեց ևս մի քանի անգամ¹¹:

Այսուհանդերձ, Ն.Լիժինը չբավարարեց Հ. Օհանջանյանի և ո՛չ մի պահանջ-միջնորդություն՝ հատկապես փորձելով ապացուցել նրա ղեկավար դաշնակցական գործիչ լինելու փաստը ինչպես դրամական փոխանցումների իրականացման, այնպես և «Յառաջ»-ի մատենաշարի հրատարակման առումով: Առանձին հետևողականությամբ նա հիմնավորեց «Համո» և «Մհեր» կուսակցական անուն-ծածկանունը կրող անձի նույնականությունը: Ն. Լիժինը բավարարման ենթակա չհամարեց նաև ՀՅԴ 1905-1907թթ. գործունեության օրինական և բացահայտ լինելու մասին Հ. Օհանջանյանի հիմնավորումները՝ բացասական վերաբերմունքի արժանացնելով նաև նրան կալանքից ազատելու մասին միջնորդությունը¹²:

1911թ. մայիսի 28-ի մեղադրական ակտում Ն. Լիժինը Հ. Օհանջանյանին մեղադրեց Կովկասյան Ռայոնական ժողովին մասնակցելու, «Կովկասյան նախագիծը» մշակել-իրականացնելու, ՀՅԴ Բյուրոյի անդամը և կուսակցության գանձապահը լինելու, ուսուցիչ-քարոզիչների գործունեությունը և կուսակցական քարոզչությունը ղեկավարելու, Էջմիածնի Կենտրոնական ժողովին և Վիեննայի Ընդհանուր ժողովին մասնակցելու մեջ¹³:

1912թ. հունվարի 17-մարտի 20-ի դատական վճռում կրկնվեցին Ն. Լիժինի ներկայացրած այս նույն մեղադրանքները¹⁴:

Ըստ դատական վճռի՝ Հ. Օհանջանյանը դատարանում ընդունել է միայն այն համեմատաբար մեղմ ամբաստանությունները, որոնք ուղղակի անհնար էր հերքել: Այն է՝ իր ՀՅԴ Արևելյան Բյուրոյի անդամ լինելը, «Մհեր, Մհերյան» կուսակցական ծածկանունը կրելը, կուսակցության գործերով գրագրություն վարելը, կազմակերպությունների հաշվետվությունները ստուգելը և «Յառաջ»-ի գրադարանի հրատարակություններ ղեկավարելը: Սակայն նա այդպես էլ մերժել է Թիֆլիսում 1905թ. վերջերին կայացած ՀՅԴ Կովկասյան Ռայոնական ժողովին մասնակցելը¹⁵:

Ի վերջո, դատական հաշվեհարդարի արդյունքում Հ. Օհանջանյանը դատապարտվեց սեփականության իրավունքի զրկման և շտապ տաժանակիր աքսորի¹⁶:

¹¹ ՉԱԱ, ֆ. 1457, ց. 3, գ. 5, թթ. 4413-4415; գ. 6, թթ. 4442, 4460:

¹² Նույն տեղում, գ. 6, թթ. 4467, 4572-4576, 4603-4607:

¹³ Նույն տեղում, թ. 240:

¹⁴ Նույն տեղում, թթ. 279-280:

¹⁵ Նույն տեղում, թ. 295:

¹⁶ Նույն տեղում, թթ. 309, 312:

* * *

ՀՅԴ Արևելյան Բյուրոյի քիֆլիսյան հատվածի հերթապահ Հ. Օհանջանյանը ՀՅԴ դեմ ուղղված ցարական հալածանքների և լիժինյան հետապնդումների շրջանում ստանձնեց մինչ քանտարկությունն ունեցած՝ ղեկավարի իր պատասխանատվությունը՝ թե՛ քանտային դժնդակ լուծը իր կուսակից ընկերների հետ կրելու և թե՛ հատկապես՝ նախաքննության ու դատավարության ժամանակ կուսակցության վարկն ու կշիռը պաշտպանելու առումով: Դատի ժամանակ ևս ստանձնելով կուսակցական ղեկավարի դերը՝ Հ. Օհանջանյանը առաջին հերթին և գերազանցապես պաշպանում էր ՀՅԴ-ի շահերը: Այդ նպատակով նա հերքեց թե՛ Սիիրանի ահաբեկման և թե՛ ՀՅԴ գործունեության ապահովման նպատակով դրամական փոխանցումներ կատարելու մասին իրեն ներկայացված ծանր մեղադրանքները: Արդյունքում՝ 1912թ. դատապարտվեց չորս տարվա տաժանակիյի արտոյի:

Հուսով եմք, որ ռուսերենից թարգմանությամբ ընթերցողի ուշադրությանը ներկայացվող փաստաթղթերը կնպաստեն ինչպես Համո Օհանջանյանի գործունեության 1905-1908թթ. ժամանակաշրջանի, այնպես էլ ՀՅԴ Մեծ դատավարության պատմության լուսաբանմանը, ինչը ներկա սերնդի համար պատմաճանաչողականից գատ ունի նաև դաստիարակչական կարևոր նշանակություն:

Ավագ Ա. Հարությունյան
պարտ. գիտ. թեկնածու

Summary

THE FILES OF THE GREAT TRIAL OF ARF
(DASHNAKTSUTYUN)
The lawsuit of Hamo Ohanjanyan

Avag A. Harutyunyan

ՎԱՆԵՏՎՈՒՄ

2009 հունիս-սեպտեմբեր թիվ 2(27)

ՎԻՄ համահայկական հանդես

**ԹԻՎ 1
ՈՐՈՇՈՒՄ**

1909 թվական, մարտի 13-ից ապրիլի 20: Քաղաք Նովոչերկասկ:

Նովոչերկասկի օկրուգային դատարանին կից հատուկ կարևորության գործերով Դատական Քննիչը, դիտարկելով իր վարած նախաքննությունը հայ հեղափոխական կուսակցություն «Դաշնակցություն» հանցավոր ընկերակցության գործով, զՏԱՎ.

Որ 1908թ. օգոստոսի 17-ի, հոկտեմբերի 28-ի և 1909թ. փետրվարի 4-ի որոշումներում¹⁷ մասնաբաժնի դիտարկված 1906-1907թթ. [ՀՅԴ] համագումարների կողմից հաստատված վերանվանման լուսակցություն» հեղափոխական կուսակցության կանոնադրությունը և ծրագիրը և ցույց են տրված նրա կազմի մեջ մտնող բարձրագույն, միջին և ստորին կարգադիր և գործադիր մարմինները, Ռուսական պետության մեջ հակակառավարական գործունեության՝ դրանցից յուրաքանչյուրին ենթակա նպատակների նշումով: Նշյալ կուսակցության բարձրագույն մարմիններին են պատկանում Թիֆլիսում գտնվող «Արևելյան Բյուրոն» և նրան կից գործող «Ահաբեկիչ Մարմին»¹⁸ գործունյա գործադիր ահաբեկչական խորհուրդը» ահաբեկիչների գլխավոր ջոկատով («ահաբեկման ջոկատ», «ահաբեկում տարածող ջոկատ»), միջին օղակներն են՝ Թիֆլիսում, Բաքվում, Ելիզավետպոլում, Երևանում, Բաթումում, Կարսում, Շուշում, Ալեքսանդրապոլում, Վլադիկավկազում, Դոնի Նախիջևանում և Օդեսայում կազմված տասնմեկ կենտրոնական կոմիտեները՝ իրենցից յուրաքանչյուրին կից մասիկան դատավճիռների իրականացման համար որոշումների իրավունքով, ահաբեկիչների հատուկ ջոկատներով, վերջապես, ստորին մարմիններով՝ կոմիտեներ, ենթակոմիտեներ, խմբեր¹⁹ և արհմիություններ ու կազմակերպություններ:

Ռուսական պետության մեջ նշյալ կուսակցության բոլոր կոմիտեներն ավելի քան հարյուր հիսուն են, ընդ որում՝ Ա. Պետերբուրգում կոմիտեն կոչվում է «Ուխտավար», իսկ Մոսկվայում՝ «Եկեղեցի»:

Նախաքննության տվյալներով՝ միանգամայն

բացահայտվել է, բացի նախորդ որոշումներում ցույց տրված այդ կուսակցության գործիչներից, Արևելյան Բյուրոյի, Ահաբեկչական գործադիր խորհրդի, կենտրոնական կոմիտեների, ենթակոմիտեների և խմբերի անդամների հետևյալ կազմը.

Ա. ԱՐԵՎԵԼՅԱՆ ԲՅՈՒՐՈ.

2. Օհանջանյանց Զամազասպ, բժիշկ (կուսակցական կեղծանունները՝ «Զամո» որպես Բյուրոյի անդամ, «Մ-յան», «Մհեր» և «Մհերյան»)՝ որպես կուսակցական քարոզիչ: [ՀՅԴ] Բյուրոյի անդամ, կուսակցության մեջ քարոզչական գործունեության վարիչ: 1905թ. նոյեմբերի 13-ից առ 30-ը վերոնշյալ մատյանային որոշումներից²⁰ հետևում է, որ նշյալ Օհանջանյանցը («Զամո» կուսակցական կեղծանունով) գործուն մասնակցություն է ունեցել ժողովում՝ պնդելով Կովկասին ինքնավարության [տալու], դաշնակցային-ժողովրդավարական հանրապետություն հիմնելու, ռուսական կառավարության դեմ պատերազմ մղելու, զինման միջոցով կառավարության դեմ զանգվածների պայքարի ուժեղացման, հանրահավաքների կազմակերպման, դրանց ընթացքում այդ մասին քարոզելու վրա: 1906թ. փետրվարի 28-ի [ՀՅԴ] կուսակցության Բյուրոյի հաշվետվության մեջ նշված է Օհանջանյանցի կողմից այդ առթիվ 15 ռուբլի մուծման մասին: 1906թ. հուլիսի 17-18-ի [ՀՅԴ] Վլադիկավկազի կենտրոնական կոմիտեի որոշումներից հետևում է, որ նշյալ նիստում որոշվել է վարել ճշմարիտ հեղափոխական քարոզչություն Վլադիկավկազի կենտրոնական կոմիտեի շրջանի հայկական դպրոցներում և այդ առթիվ դիմել Արևելյան Բյուրոյի միջոցով նրա անդամ «Մհերին»: Զամաձայն այդ որոշման՝ [ՀՅԴ Վլադիկավկազի] կենտրոնական կոմիտեի նախագահ Արտաշես Զիլինգարյանի²¹ («Դարբին Ռուբեն»)՝ կողմից նույն հուլիսի 19-ին Բյուրո՝ «Մհերյանին», հաղորդագրություն է առաքվել նշյալ շրջանի հայկական դպրոցների համար ուսուցիչ-քարոզիչներ շուտափույթ ուղարկելու մասին: Առգրավված հեռագրերով բացահայտվել է, որ Օհանջանյանցը գործուն մասնակցու-

¹⁷ Նկատի ունի քննչական մարմնի որոշումները:
¹⁸ Անվանումը ռուսերեն տառերով հենց այսպես է գրված:
¹⁹ Ըստ ՀՅԴ 3-րդ Ընդհանուր ժողովի որոշման՝ 1904-1906թթ. այս կառույցներն ունեին քանակական հետևյալ կազմը. խումբ - 7 անդամ, ենթակոմիտե - 5 խումբ (35 անդամ), կոմիտե - 5 ենթակոմիտե (175 անդամ), կենտրոնական կոմիտե - 5 կոմիտե (875 անդամ): Իսկ արդեն Վիեննայի Ընդհանուր ժողովից հետո պատկերն այսպիսին էր. ենթակոմիտե - 50 անդամ, կոմիտե - 200, կենտրոնական կոմիտե - 1000: Տե՛ս Տասնապետան Գրաչ, Գ. Յ. Դաշնակցութեան կազմակերպական կառույցի հոլովոյթը, Պէյրուս, 1985, էջ 40:
²¹ Դարբինյան Ռուբեն (Արտաշես Զիլինգարյան) (1883-1968) – ՀՅԴ անվանի գործիչ, խմբագիր: 1909թ. գործել է Կ. Պոլսում, 1914-1920թթ.՝ Թիֆլիսում և Բաքվում, 1920թ. եղել ՀԳ Արդարադատության նախարարը: Բուստոնում 1922թ. հիմնել ու մինչև մահը խմբագրել է «Հայրենիք» ամսագիրը:
²² Անունը ռուսերեն տառերով հենց այսպես է գրված:

թյուն է ունեցել «Միհրանի»²³ նկատմամբ [ՀՀ] կուսակցության մահվան դատավճռի իրականացման մեջ, քանզի «Միհրանի» գտնվելու վայրի մասին հաղորդման հիման վրա պահանջել է նրա մասին տեղեկություններ կուսակցության այլ անդամներից՝ Լեոնիդ Թափրյանից (Թափրյանից), «Արտավազից», «Մեղավորյանից», կարգադրել է ահաբեկիչների ուղարկման և այլնի մասին: Այսպես, Օհանջանյանցի («Մեդրյան») Թիֆլիսից Պյատիգորսկ բժիշկ Մուրադովին²⁴ 1907թ. հունիսի 12-ի ք. 6120 հեռագրով և նույն ամսաթվով ք. 2173 հեռագրով Մուրադովը, հաղորդելով «Միհրանի» առողջության վիճակի և նրա առողջացման մասին, խնդրում է «Մեդրյանին» «Միհրանի» նկատմամբ [մահվան] վճռի իրականացումը նորից ի կատար ածելու համար ուղարկել [ՀՀ] Բաքվի կենտրոնական կոմիտեի փորձառու ահաբեկիչների: Օհանջանյանցը, Մուրադովի ատանալով հունիսի 14-ի ք. 2598 հեռագիրը [ՀՀ] Արմավիրի ենթակոմիտեին օգնություն ցուցաբերելու մասին, վերջինիս մոտ դրամի և ահաբեկիչների բացակայության պատճառով, նույն ամսվա 15-ի ք. 7628 հեռագրով Մուրադովին տեղեկացրել է, որ կարգադրություններն արված են, իսկ Մուրադովը նույն ամսաթվի ք. 2785 հեռագրով խնդրում էր Օհանջանյանցին հաղորդել ահաբեկիչների մեկնելու օրվա մասին, որպեսզի նրանց դիմավորի Պյատիգորսկի կայարանում: Հունիսի 25-ի և հուլիսի 4-ի

ք. 12755 և 20001 հեռագրերով Օհանջանյանցը կարգադրում է Ս. Պետերբուրգի [ՀՀ] տեղական կոմիտեի անդամ Ջավրիկին²⁵, որպեսզի վերջինս իր կարգադրությունը փոխանցի (Պետական) Դումայի և կուսակցության անդամ Սաղաթեյանին²⁶՝ ձեռնպահ մնալ նոր հեղափոխական «Անջատականներ»²⁷ կուսակցության հետ միավորվելու առթիվ փոխզույմից և բանակցություններից, ինչը պետք է լինի ողջ [ՀՀ] կուսակցության ժողովի քննարկման առարկան: 1907թ. օգոստոսի 9-ի, 10-ի և 11-ի ք. 1232, 1549 և 1594 հեռագրերում [ՀՀ] Բաթումի կենտրոնական կոմիտեի անդամ Արմեն Նավյանը հաղորդում է Օհանջանյանցին, որ «Միհրանը» եղել է Նովոռոսիյսկում, ապա մեկնել է Յալթա, և անհրաժեշտ է կարգադրել նրա նկատմամբ վճիռը իրականացնել հետևյալ հասցեով. Յալթա, շուկա, Արմենակ²⁸...: Այդպիսի հաղորդումների հիման վրա Օհանջանյանցը նույն ամսի 15-ի ք. 6546 հեռագրով կարգադրություն է հղում Բաքու, որպեսզի Լևոն Թադևոսյանը²⁹ անմիջապես այդ նպատակի համար ուղարկի Վարդան Արզումանյանին, դրանից բացի՝ նույն թվի հունիսի 8-ի և 14-ի ք. 700 և 1138 հեռագրերով երևանից՝ անհայտ մեկից, [ՀՀ] կուսակցության Բյուրոյի հասցեով («Ճայռ»-ի³⁰ խմբագրություն) Օհանջանյանցին խնդրում են ուղարկել ինչ-որ կուսակցական թղթեր: 1907թ. հոկտեմբերի 7-ի առաքման պատրաստված և ուստիկանության կողմից առ-

²³ Այս հատվածում Միհրանի անունը չակերտներում է նշված: Լիժնյան նախաքննության ժամանակ ՀՀ-ի դեմ ցուցմունք տված 283 հոգանոց վկաների ցուցակը գլխավորում էին Գաբրիել Քեշիշյանը (Միհրան) և նրա գործակից Հաբեթ Վարդեբեյանը: Միհրանի մահափորձը տեղի է ունեցել 1907թ. հունիսի 10-ին Արմավիրում (Հյուսիսային Կովկաս), համաձայն ՀՀ 4-րդ Ընդհանուր ժողովի որոշման: Սակայն նա սպանվել է 1910թ. սեպտեմբերին 20-ամյա «Միշայի»՝ Ասլեդանի հետոս Դալի Ղազարի (Բաղալքոխյան) կողմից: Վերջինս ուստիկանության հետապնդումներից խույս տալով՝ ապաստանել է այդ ժամանակ Ռոստովում գտնվող Հ. Օհանջանյանի մտերիմ Ռուբինայի մոտ: Այստեղ տեղին է ներկայացնել Միհրանի մասին ՀՀ Կիեմնայի Ընդհանուր ժողովի կողմից (մեկ ձեռնպահով) ընդունված որոշումը. «1. Համարել Միհրանի և իր գործակիցներու վարմունքը ծանր հանցանք կազմակերպության և նրա պաշտպանած թուրքահայ դատի դեմ և այդ հիման վրա ճանաչել նրանց արտաքսված Դաշնակցության շարքերից, 2. Համեմարարել պատշաճ մարմնին: կազմակերպության կանոններով նախատեսված պատիժին ենթարկելու Միհրանը և իր գործակիցները»: Տես Պատմագրութիւն Հայ Յեղափոխական Դաշնակցութեան, հտ. գ., ա. տ., ա. ք., էջ 128:

²⁴ Բժիշկ Միմա Մինասյանը (Մուրադով) դեռևս 1890-ականներից զբաղվել է Մոսկվայից ու Ռուսաստանի այլ քաղաքներից զենքի տեղափոխման գործով: Տես Խուդիյան Գևորգ, ՀՀ Դաշնակցության քննական պատմություն (ակունքներից մինչև 1895 թվականի վերջերը), Երևան, 2006, էջ 338:

²⁵ Ջավրիկ (Ջավրյան) Դավիթ Քրիստափորի 23.06.1889, Թիֆլիս – 11.08.1957, Թբիլիսի – հասարակական գործիչ, քիմիկոս: Պետերբուրգի համալսարանում աշակերտել է Գ. Մեմոյելեևին: 1921թ. հոկտեմբեր-1922թ. փետրվար եղել է ԵՊՀ ռեկտոր, ՀԽՍՀ գիտության վաստակավոր գործիչ:

²⁶ Հովհաննես Հակոբի Սաղաթեյանը (1871-1936) եղել է 2-րդ և 3-րդ Պետական Դումաների պատգամավոր: 2-րդ Պետական Դումայում գործող հինգ պատգամավորներից երեքը՝ Հ. Սաղաթեյան, Սիրական Տիգրանյան, Հ. Տեր-Ավետիսյան, ՀՀ ԴՆՍՊ-ի անդամ էին:

²⁷ Նշյալ ժամանակահատվածում ՀՀ-ից տարանջատվել էին երկու ծայրահեղ թևերի ներկայացուցիչները՝ ծախանջատականները Լևոն Աբաբեյանի և Արսեն Ամիրյանի (Մրավյան) ղեկավարությամբ (տես Վահե, Անջատուածները, «Յառաջ» գրադարան մատ-շար, թիւ 47, Թիֆլիս, տպ. «Հերմես», 1907, 43 էջ) և աջ-ազգայնականները խմբապետ Միհրանի գլխավորությամբ: Առաջինը շուտով վերածվեց առանձին ծախիլ-սոցիալիստական կուսակցության, իսկ երկրորդը հակաբյուրոյական աղանդի, և, ի վերջո, իր առաջնորդի պատուհասումից հետո մարեց:

²⁸ Այսպես է տեքստում:

²⁹ Լևոն Թադևոսյան (Պապաշա) (1865-1936) – ծնվել է Ազուլիսում, Քրիստափոր Միքայելյանի քրոջ ավագ որդին էր: 1907թ. Բաքվից ընտրվել է ՀՀ 4-րդ Ընդհանուր ժողովի պատգամավոր: 1909-1912թթ. ձերբակալված էր Նովոչերկասկի բանտում: Ազատվելուց հետո մինչև 1918թ. գործել է Բաքվում: 1919թ. ընտրվել է Հայաստանի խորհրդարանի անդամ, ապա նաև՝ ՀՀ Գերագույն դատական ատյանի անդամ: Խորհրդայնացումից հետո մինչև մահ ապրել է Փարիզում:

³⁰ «Ճայռ» հասարակական, քաղաքական, տնտեսական օրաթերթը հրատարակվել է Թիֆլիսում 1907-1908թթ.: Նմբագիր-հրատարակիչը Սամսոն Բազարյանն էր, ապա՝ Արշակ Դազարյանը:

գրավված նամակում [ՅՅԴ] Դոնի Նախիջևանի կենտրոնական կոմիտեի անդամ, «Նոր կյանք»³¹ հայկական թերթի խմբագիր Ղարազյուլյանը (հաշե-հւլեբնիկով)³² հաղորդում է Օհանջանյանցին և կուսակցության անդամ Աբովյանին՝ 1907թ. դեկտեմբերին և 1908թ. հունվարին Դոնի Ռոստովում և Ս. Պետերբուրգում նախատեսվող կուսակցական ժողովների մասին:

ՀԱԱ, ֆ. 1457, ց. 3, գ. 1, թթ. 316-317: Թարգմանություն ռուսերենից:

ԹԻՎ 2

ՍԵՂԱԴԻՅԱԼԻ ՀԱՐՑԱՔՆՆՈՒԹՅԱՆ ԱՐՁԱՆԱԳՐՈՒԹՅՈՒՆ

1909 թվականի մայիսի 24: Քաղաք Թիֆլիս:

Նովոչերկասկի օկրուգային դատարանին կից հատուկ կարևորության գործերով Դատական ԲՆՈՒՄԻՆԻ Քրեական դատավարության կանոնադրության 403-405-րդ հոդվածների հիման վրա հարցաքննեց որպես մեղադրյալ՝ ներքոնավանյալին և նա ցուցմունք տվեց.

Իմ ամուսն, հայրանուն, ազգանուն – Համազասպ Իվանով Օհանջանյան; տարիքս – 35 տարեկան; իմ կոչումը-բժիշկ; Ախալքալաք քաղաքի քաղքենիներին, իմ մշտական բնակավայրը – Թիֆլիս քաղաքում, Գանովկայա փողոց, տուն 15, ամուսնացած եմ; իմ ծննդավայրը – ...³³; հավատքը – հայ-գրիգորյան, կրթված, իմ զբաղմունքը – բժիշկ, անշարժ սեփականություն ունեմ Ախալքալաք քաղաքում-տուն, հատուկ նշաններ չունեմ, առնչությունը տուժյալին – ...³⁴; զինապարտությունս – կատարել եմ, քննության տակ – չեմ գտնվել, դատի տակ – չեմ գտնվել:

ԲՆՈՒՄԻՆԻ կողմից ներկայացված հարցերին. [ստորև շարադրվում են Զ. Օհանջանյանին քննիչի կողմից ներկայացված մեղադրանքները]

Արդյոք ճանաչում եմ ես ինձ մեղավոր³⁵ այն բանում, որ ես պատկանել եմ 1905-1908 թվականներից³⁶ Ռուսական պետության մեջ ձևավորված

հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն իր գործունեության մասնակց էր առաջադրել գործադուլների, տնտեսական, կազմակերպական և քաղաքական ահաբեկչությունների ճանապարհով և զինված ապստամբության միջոցով բռնությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի է ունեցել 1905-1908թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ուներ՝ հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908թթ. հրատարակած հակակառավարական ամսագրեր, թերթեր, թռուցիկներ՝ զինված ապստամբության կոչերով, Ռուսական պետության մեջ հանրապետության ձևավորման համար, սարքավորումներով տպարաններ, հրագեմի և սառը զենքի մեծ պահեստներ, պայթուցիկ արկեր (ռումբեր), վառոդի, դինամիտի, փամփուշտի և այլնի մեծ պահեստներ, հեղափոխական զինվորների³⁷ հատուկ ջոկատներ, ահաբեկչական ջոկատներ՝ «Ահաբեկիչ Մարմին»-ի³⁸ խորհրդի գլխավորությամբ, որ կոմիտեների որոշումներով 1905-1908թթ. Ռուսաստանում իրականացրել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել ջցանկացող՝ ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից գատ [իրականացրել է] տեղական հայ բնակչության ամենամյա պարտադրված դրամահավաք՝ հանցավոր նպատակների համար և մահվան սպառնալիքի ներքո, առավել ևս՝ հատուկ ստիպողական մեծ դրամական շորթումներ [է կատարել] հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնազուրկ կերպով յուրացնելով դա-

³¹ «Նոր կյանք» գրական և քաղաքական շաբաթաթերթը հրատարակվել է Նոր-Նախիջևանում 1906-1907թթ.: Խմբագիրը Գր. Անուխյանն էր, ապա՝ Զ. Խարազյուլյանը:

³² Ճիշտը՝ Զովհաննես Խարազյուլյան:

³³ Այսպես է տեքստում:

³⁴ Այսպես է տեքստում:

³⁵ Սա մեղադրականը կազմողի և ընդհանրապես՝ ցարական դատաքննությանը բնորոշ ամբաստանությունն առաջ տանելու գրելաձևն է և ոչ թե՛ Զ. Օհանջանյանի ցուցմունքը, ով մինչև վերջ էլ իրեն մեղավոր չճանաչեց:

³⁶ Ալեհայտ է, որ ԶՅԴ ձևավորման այս ոչ ճիշտ ժամկետների մատնանշումը պատահականություն չէր՝ ցարական քննիչների գործելակերպի առումով, քանզի սրանով փորձ էր արվում ջախջախել հենց այդ շրջանից Անդրկովկասում ԶՅԴ-ի շուրջը ձևավորված մարտական, դատական և այլ կառույցները, որոնք 1905-1906թթ. հայ-թաթարական պարտադրված կռիվների արդյունքում վերածվել էին հայկական գավառների փաստացի ինքնավարության ամբողջական և կուռ համակարգի:

³⁷ Փաստաթղթում զինվոր բառը փակագծերում գրված է ռուսերեն՝ *аншор*:

³⁸ Ռուսերեն տառերով հենց այսպես է գրված:

տական իշխանության իրավասությունը՝ իրակա-
նացնելով քրեական և քաղաքացիական գործերի
քննություններ, և այդ գործերով իր ապօրինի դա-
տավճիռներն արձակելով, ընդ որում են՝ Համա-
գասպ Օհանջանյանս [սա կրկին քննիչի կողմից
ներկայացված մեղադրանքի տեքստն է], անդա-
նակցելով նշյալ կուսակցությանը, կրելով կուսակ-
ցական «Համո», «Մհեր» և «Մհերյան» կեղծա-
նունները, լինելով նշյալ ընկերակցության Արևել-
յան Բյուրոյի անդամ՝ վարել են նրանում քարոզ-
չական գործունեություն, 1905թ. նոյեմբերի 13-ից
մինչև 30-ը մասնակցել կուսակցության շրջանա-
յին ժողովին, [ուր] նա՝ Օհանջանյանը, պնդել է
Կովկասի ինքնավարության, դաշնակցային-ժո-
ղովրդավարական հանրապետության հիմնման և
ռուսական կառավարության դեմ պայքարող
զանգվածների զինման և հանրահավաքներում
գնդի ու պայքարի քարոզչության ուժեղացման
վրա: 1906թ. փետրվարի 20-ի [ՅՅԴ] կուսակցու-
թյան Բյուրոյի հաշվետվության համաձայն նշված
է Օհանջանյանի մուծումը կուսակցական կարիք-
ների համար 15 ռուբլի: Իսկ 1906թ. հուլիսի 17-18-
ի [ՅՅԴ] Վլադիկավկազի կենտրոնական կոմիտեի
որոշումից հետևում է, որ ի տես նշյալ կոմիտեի
որոշման՝ Վլադիկավկազի կենտրոնական կոմի-
տեի շրջանի հայկական դպրոցներում ճշմարիտ
հեղափոխական քարոզչության կիրառման մասին
վերջինիս նախագահ «Դարբին Ռուբենը»³⁹ կու-
սակցության Բյուրոյին հաղորդել է «Մհերյանի»
կողմից տեղական հայկական դպրոցների համար
ուսուցիչ-քարոզիչներ շուտափույթ ուղարկելու
մասին: 1907թ. հունիսից օգոստոս ամիսների
առգրավված հեռագրերով բացահայտվել է, որ
Օհանջանյանը գործուն մասնակցություն է ունե-
ցել Միհրանի նկատմամբ կուսակցության մահ-
վան վճռի իրականացման մեջ՝ կուսակցության
այլ անդամների դրա կատարմանը դրդելով: Այս-
պես, հունիսի 12-ի թ. 6120 հեռագրով Թիֆլիսից
կուսակցության Բյուրոյի անդամ բժիշկ Սուրադո-
վին կարգադրում է անմիջապես հաղորդել տեղե-
կություններ Միհրանի մասին, իսկ նույն ամսվա թ.
7628 հեռագրով նույն Սուրադովի պահանջին՝ օգ-
նություն ցուցաբերել [ՅՅԴ] Արմավիրի ենթակոմի-
տեին՝ Միհրանի նկատմամբ ահաբեկման համար
դրամ և Բաքվի կենտրոնական կոմիտեից փորձա-
ռու ահաբեկիչներ ուղարկելով, ի տես նրա առող-
ջացման, հաղորդում է Սուրադովին, որ կարգադ-
րություններ արված են, հունիսի 25-ի և հուլիսի
4-ի թթ. 12755, 20001 հեռագրերով, Թիֆլիսից Ս.
Պետերբուրգ, Օհանջանյանը կարգադրում է կու-
սակցության անդամ Ջավրիևին, որպեսզի վեր-

ջինս փոխանցի նույն ընկերակցության անդամնե-
րին ձեռնպահ մնալ «Անջատականների» կուսակ-
ցության հետ միավորման առթիվ փոխզիջումնե-
րից և բանակցություններից: Նովոռուսիյսկում և
Յալթայում Միհրանի գտնվելու մասին [ՅՅԴ] Բա-
թումի կենտրոնական կոմիտեի անդամ Նավյանի
օգոստոսի 9-ից մինչև 11-ը թթ. 1232, 1549 և 1594
հեռագրական հաղորդումների առթիվ Օհանջան-
յանը նույն օգոստոսի 15-ի կարգադրությամբ, թ.
6546 Բաքու՝ կարգադրում է [ՅՅԴ] Բաքվի կենտրո-
նական կոմիտեի անդամ Թադևոսյանին կուսակ-
ցության անդամ Վարդան Արզումանյանին անհա-
պաղ Թիֆլիս ուղարկել, այսինքն, Քրեական կանո-
նադրության 102-րդ հոդվածով, Պատիժների մա-
սին կանոնադրության 13-րդ և 1453-րդ հոդվածնե-
րով ինձ մեղավոր - ճանաչում⁴⁰:

Ի արդարացում ինձ՝ են պարզաբանում են:
Ձեր ներկայացրած 1907թ. օգոստոսի 15-ի թ.
6546, 1907թ. օգոստոսի 22-ի թ. 10141, 1907թ. հու-
լիսի 4-ի թ. 20001, 1907թ. հունիսի 17-ի թ. 6110 հե-
ռագրերը իմ կողմից չեն գրված և իմ կողմից այդ-
պիսիք չեն ուղարկվել: Ես բոլորովին էլ «Մհերյան»
մականուն չունեմ և վերոնշյալ հեռագրերի ձեռա-
գիրն ինձ չէ: «Դաշնակցություն» հայ հեղափոխա-
կան միություն կուսակցության 1905թ. նոյեմբերի
13-ից մինչև 30-ը համագումարում ես ներկա չեմ
եղել: Նշյալ ժամանակ ես ապրել եմ Թիֆլիս քա-
ղաքում: «Միհրանի» անձը ինձ կտրականապես
անհայտ է⁴¹: Ես միայն հիշում եմ, որ «Մշակ» թեր-
թում կարդացել եմ ոմն Միհրանի անգրագետ հոդ-
վածները, սակայն ով է Միհրանը՝ ես չգիտեմ: Ես
հիշում եմ, որ այդ հոդվածներում պարունակվում
էին հարձակումներ «Դաշնակցություն» կուսակ-
ցության դեմ: Լևոն Թադևոսյանի, Նավյանի և
Վարդան Արզումանյանի անձերը ինձ անհայտ են:
Դավիթ Ջավրիևին ես գիտեմ, ծանոթացել եմ Թիֆ-
լիսում 1905թ. ամռանը, սակայն նրա հետ մոտի-
կից ծանոթ չեմ եղել: Բժիշկ Մինաս Սուրադովին
ես գիտեմ որպես բժշկի և հանդիպել եմ նրա հետ
տեղական բժշկական ընկերությունում, սակայն
նրա հետ մոտիկից ծանոթ չեմ եղել: Արդյո՞ք Ջավ-
րիևը և Սուրադովը «Դաշնակցություն» կուսակ-
ցության մեջ որևէ մասնակցություն ունեցել են թե
ոչ՝ ինձ հայտնի չէ:

Կարդացված է [քննիչի կողմից]:
Հավելեմ:
Ջավրիևի Թիֆլիս գալով՝ ես նրա հետ ծանո-
թացա շատ մոտիկից, սակայն մոտիկ ծանոթու-
թյուն պահպանել չկարողացա, որովհետև նրա
հետ մենք ապրում էինք տարբեր քաղաքներում:

³⁹ Ռուսերեն տառերով հենց այսպես է գրված:
⁴⁰ Այսպես է տեքստում, ինչն ակնհայտ սխալ և վրիպակ է:
⁴¹ Ինչ խոսք, Հ. Օհանջանյանի ինչպես այս, այնպես էլ հետագա բոլոր վկայությունները նրա պաշտպանական
մարտավարության հիմքն էին կազմում: Միհրանի պարագայում՝ իր անձը վերջինիս նկատմամբ ահաբեկման
կազմակերպման մեղադրանքից զերծ պահելու, իսկ ՅՅԴ անդամների դեպքում՝ վերջիններիս պաշտպանելու նպատակով:

Ինձ վերագրվող «Դաշնակցություն» կուսակցու-
թյան օգտին 15 ռուբլի մուծումը իմ կողմից չէր կա-
րող կատարվել, և հազիվ թե մուծում կատարած
որևէ մեկը հաշվետվության մեջ իր ազգանվան դի-
մաց գրառեր: Դետո ես խնդրում եմ ինձ ներկայաց-
նել 1906թ. կուսակցության Բյուրոյի այն հաշվետ-
վությունը, որտեղ նշված է բժիշկ Օհանջանյանի
կողմից 15 ռուբլի մուծումը «Դաշնակցություն»
կուսակցության օգտին: Այդպիսի փաստաթղթի
առնչությամբ դուք ինձ ասում եք, որ ներկայումս
դուք չեք կարող ներկայացնել ինձ տեսնելու հա-
մար: Իմ խնդրանքին՝ ցույց տալ ինձ վկաներ,
որոնք պնդում են, թե ես մասնակցել եմ կուսակ-
ցության համագումարին այն բանի համար, որ-
պեսզի հնարավորություն ունենամ փաստարկված
կերպով ժխտելու այդ ցուցմունքները, Դուք, պ.
Դատական Քննիչ, հայտարարում եք, որ այժմ
այդպիսի ցուցմունքներ ներկայացնել չեք կարող:
Կարողացված է:

Բնագիրը համապատասխան ստորագրու-
թյուններով:

ՀԱԱ, ֆ. 1457, ց. 3, գ. 1, ք. 416-417: Թարգմանություն
ռուսերենից:

**ԹԻՎ 3
ՈՐՈՇՈՒՄ**

1909 թվականի մայիսի 24: Քաղաք Թիֆլիս:

Նովոչերկասկի օկրուգային դատարանին կից
հատուկ կարևորության գործերով Դատական Քն-
նիչը սույն թվականին հարցաքննելով Համա-
զասպ Իվանով Օհանջանյանին (Ահաջանով), 35
տարեկան, որպես «Դաշնակցություն» հայ հեղա-
փոխական կուսակցություն հանցավոր ընկերակ-
ցության մեջ մասնակցության [համար] մեղադր-
վող, ինչպես նաև կուսակցության անունից վերջի-
նիս անդամներին Միիրանի, Վարդապետյանի⁴² և
այլոց սպանության համար ստորելու մեջ, այ-
սինքն՝ Պատժի մասին կանոնադրության 13-րդ,
120-րդ, 1453-րդ հոդվածներով և Քրեական կանո-
նադրության 102-րդ հոդվածով նախատեսված
հանցագործություններում, զՏԱՎ.

1. Որ Համազասպ Օհանջանյանը մերկաց-
վում է նշյալ հանցագործություններում՝ ինչպես
խուզարկության ժամանակ գտնված «Դաշնակ-
ցություն» հայ հեղափոխական միություն կուսակ-

ցության փաստաթղթերով, այնպես և 1907թ. հու-
նիս և օգոստոս ամիսներին առգրավված հեռագ-
րերով, ինչպես նաև՝ քննության ժամանակ հար-
ցաքննված վկաների ցուցմունքներով,

2. Որ նրան սպառնացող պատիժը կապակց-
ված է սեփականության իրավունքից զրկման հետ:
Վերոշարադրայի ուժով Դատական Քննիչը, դե-
կավարվելով Քրեական դատավարության կանո-
նադրության 416-րդ հոդվածի 6-րդ կետով, 419-րդ
և 420-րդ հոդվածներով և Պատժի մասին կանո-
նադրության 13-րդ, 120-րդ, 1453-րդ հոդվածնե-
րով և Քրեական կանոնադրության 120-րդ հոդվա-
ծով, ՈՐՈՇԵՑ.

Նշյալ մեղադրյալ Համազասպ Օհանջանյա-
նին կալանքի տակ պահել Մետեխի բանտում, ին-
չի մասին և հայտարարել նրան:

Բնագիրը համապատասխան ստորագրու-
թյուններով:

ՀԱԱ, ֆ. 1457, ց. 3, գ. 1, ք. 417: Թարգմանություն
ռուսերենից:

**ԹԻՎ 4
ՄԵՂԱԴՐՅԱԼԻ ՀԱՐՑԱՔՆՆՈՒԹՅԱՆ
ԼՐԱՅՈՒԹՅՈՒ ԱՐՉԱՆԱԳՐՈՒԹՅՈՒՆ**

1910թ. հոկտեմբերի 26: Քաղաք Նովոչեր-
կասկ:

Նովոչերկասկի օկրուգային դատարանի
հատուկ կարևորության գործերով Դատական
Քննիչը հարցաքննեց ներքոանվանյալին, ով
ցուցմունք տվեց.

Համազասպ Իվանով Օհանջանյան – լրացու-
ցիչ ցուցմունք եմ տալիս.

Հայերեն լեզվով ներկայացված ձեռագրում՝
որպիսին Դուք, Դատական Քննիչ, ասում եք առ-
գրավված է Սարգիս Մանասյանցի⁴³ և վերնագր-
ված է «Թմբուկի»⁴⁴ հաշվետվություն», «1906թ. հու-
լիսի 1-ին փոխանցված է Սեերին Թիֆլիս 1000
ռուբլի» գրառումը ինձ հետ ոչ մի առնչություն չու-
նի: Հայտարարում եմ, որ ես խնդրել էի ներկայաց-
նել ինձ խուզարկության արձանագրությունը, որի
ժամանակ առգրավված է այդ հաշվետվությունը,
որպեսզի համոզվեմ, թե համարակալվա՞ծ է արդ-
յոք այդ հաշվետվությունը նշյալ արձանագրու-
թյան մեջ, սակայն Դատական Քննիչը ինձ մերժեց:
Ինձ ներկայացված Ախալքալաքի գանձապետա-

⁴² Թերևս՝ Վարդեայանի:
⁴³ Մանասյան Սարգիս (՝1920) – մանկավարժ, հասարակական-քաղաքական գործիչ: Դասավանդել է Թիֆլիսի Ներսիսյան
դպրոցում, եղել ՅՅԴ Արևելյան Բյուրոյի Ջինական մարմնի անդամ: Լիժնյան գործով բանտարկվել է Ռոստովի բանտում,
ապա դատապարտվել տաժանակիր աքսորի մինչև 1916թ.: 1918թ. մայիսին մասնակցել է Դարաքիլիսայի հերոսամարտին:
1920թ. որպես ՅՅԴ լիազոր մեկնել է Դիլիջան բանակցելու բոլշևիկների հետ, սակայն ձերբակալվել է և ուղարկվել Բաքու,
ապա աքսորվել Նարզեմ կղզի, ուր գնդակահարվել է:
⁴⁴ «Թմբուկը» վիսալքալաքն է:

րանի 1906թ. հուլիսի 1-ի թ. 521847 փոխանցման տոմսում ես տեսնում եմ, որ «Խ. Դիլանյանի» կողմից Ախալքալաք քաղաքից Թիֆլիս քաղաք բժիշկ Համազասպ Իվանի Օհանջանյանին փոխանցվել է 1000 ռուբլի, ընդ որում այդ տոմսի դարձերեսին կա [հետևյալ] գրությունը և ստորագրությունը. «Հազար ռուբլի ստացել եմ 1906թ. հուլիսի 6-ին Համազասպ Օհանջանյանից»: Այդ թարգմանության կապակցությամբ հայտարարում եմ, որ այդ տոմսի դարձերեսին «հազար ռուբլի 1906թ. հուլիս 3. Օհանջան...» 1000 ռուբլի ստանալու գրությունը և ստորագրությունը գրված են իմ կողմից: Այդ թարգմանության առիթով հայտարարում եմ, որ Խ. Դիլանյանը իմ փեսան է և փողը իմն է՝ անձամբ ինձ պատկանող: Ներկայացված «ՀՅԴ 1-ին կենտրոնական կոմիտեի հաշվետվություն 1906թ. հունվարի 1-ից առ 1906թ. նոյեմբերի 1» վերնագրով ձեռագրի 7-րդ էջի 23 բլի դիմաց հայերեն լեզվով «Մեռիքն—10-355-21» գրառումը, որպիսի ձեռագիր Դուք, Դատական Քննիչ, ասում եք՝ գտնվել է Սարգիս Մանասյանցի մոտ՝ ինձ հետ ոչ մի առնչություն չունի: Հայտարարում եմ, որ խուզարկության արձանագրությունը ներկայացնելու մասին իմ խնդրանքը, ե՞րբ է գտնվել այդ ձեռագիրը՝ նրա համար, որպեսզի համոզվեմ՝ արդյոք այնտեղ է գտնվել այդ փաստաթուղթը, Ձեր կողմից, Դատական Քննիչ, ինձ մեղմեց: Ինձ մոտ խուզարկության ժամանակ ժանդարմական ռոտմիստր Պ. Լոմիաշվիլին և Թիֆլիս քաղաքի 4-րդ տեղամասի պ. պրիստավը⁴⁵, չնայած իմ խնդրանքին, ինձնից խլված փաստաթղթերը օրենքի պահանջի համաձայն չեն համարակալել և արձանագրել, և դրա համար էլ ես իրավունք ունեմ ենթադրել, որ այնտեղ ոչ ինձնից առգրավված և ինձ չպատկանող փաստաթղթեր կարող են գտնվել: Իսկ եթե պ. Դատախազի հայտարարությամբ հետազայում կազմվել է այդ փաստաթղթերի ցուցակը, ապա ես այդ դեպքում ներկա չեմ եղել:

Ձեր կողմից ներկայացված տարբեր փաստաթղթերի առիթով, որոնց մասին Դուք, Դատական Քննիչ, ասում եք, որ այդպիսիք առգրավվել են բժիշկ Հ. Օհանջանյանից, հայտարարում եմ.

1. «Մարիա Ալեքսանդրի Սունդուկյանցի գրատուն և «Գործավոր» թերթային գործակալություն» բլանկով «Յառաջ» գրադարանի⁴⁶ վարչության անունով «Գրախանութի վարիչ Օհանջանյան» ստորագրությամբ 1907թ. փետրվարի 5-ից ներկայացված նամակը – ըստ կցված ցուցակի հայերեն լեզվով գրքույկներ կամ գրքեր ուղարկելու խնդրանքով, և նույն բլանկով «Մ. Սունդուկ...»

«Մեծարգո Համազասպ Իվանի» անունով 1907թ. փետրվարի 5-ից ռուսերեն լեզվով նամակը–ըստ կցված ցուցակի «Յառաջ» գրադարանի գրքույկներ ուղարկելու խնդրանքով, այդ երկու նամակները գտնվել են ինձ մոտ, ընդ որում, առաջին նամակը՝ որպես հասցեագրված «Յառաջ» գրադարանի վարչության անունով, ես պետք է հանձնեի «Յառաջ» գրադարանի հրատարակիչ հաշիկյանցին, որի անունը չեմ հիշում: Որտեղ է գտնվել «Յառաջ» գրադարանի վարչությունը՝ ես չգիտեմ:

2. «Սիրելի Համո»-ի անունով «Քո Սկրտիչ» ստորագրությամբ անթվակիր հայերեն նամակը – 100 օրինակ, «Ս. Ֆեդոտովիչ, ժողովրդական փողեր», 100 օրինակ – «Լերան նոր քարոզ» և «Յառաջ»-ի «Հարուստներ և աղքատներ» գրքույկները և այլն ուղարկելու խնդրանքով «Սկրտիչ» ստորագրած նամակի հեղինակը իմ հորեղբոր տղա Սկրտիչ Օհանջանյանն է:

3. «Կ. Պոլսում Պ. Պալենց գրատուն» բլանկով «Պ. Պալեն...» ստորագրությամբ «Յառաջ» գրադարանի վարչության անունով գրքույկների և գրքերի ուղարկման մասին 1908թ. նոյեմբերի 15-28-ի հայերեն նամակը և այն նամակը, որը ենթակա է հաշիկյանցին փոխանցման, առգրավվել է ինձնից:

4. «Կովկասյան Ռազմիկ» խմբագրություն» բլանկով «Ռոստոմ»⁴⁷ դիմումով նոյեմբերի 26-ի նամակը «Ռազմիկ» թերթի բաժանորդների մասին հաղորդելու խնդրանքով՝ ինձնից չի առգրավվել:

5. «Թանկագին, անգին իմ Օլեչկա»-ի անունով «Շուշիկ» ստորագրությամբ անթվակիր ռուսերեն նամակը ինձ հետ ոչ մի առնչություն չունի և չէր կարող առգրավվել իմ թղթերից: Դատելով դիմումից՝ այն վերաբերում է իմ կնոջը: Այդ նամակի բովանդակության մասին ես ոչ մի բացատրություն տալ չեմ կարող:

6. «Կովկասում ինքնավարության սկզբունք» բառերով սկսվող մեծ չափերի կես էջանոց ձեռագիրը առգրավվել է ինձնից և գրված է իմ կողմից:

7. «Անդրկովկասում ինքնավարություն» բառերով սկսվող մեծ չափերի կես էջանոց ձեռագիրը առգրավվել է ինձնից և գրված է իմ կողմից:

8. «Սիրելի Համո»-ի անունով «Խ. Դիլանյան» ստորագրությամբ 1908թ. հուլիսի 15-ի հայերեն նամակը առգրավված է ինձնից և հաշատուր Դիլանյանն իմ փեսան է:

9. «Հարգարժան Համո»-ի անունով «Ս. Եղիզարյան»⁴⁸ ստորագրությամբ «Ռազմավիրական Սղնախյան և Թելավյան փոստային կետերի պահպանման գործակալ Պ. Ա. Եղիզարով» բլանկով

⁴⁵ Ոստիկանական պաշտոնյա:
⁴⁶ «Յառաջ» գրադարանի մատենաշարով հրատարակված գրքերի ամբողջական ցանկը տես «Յուշապատուն ՀՅ Դաշնակցութեան, 1890-1950», հրատ. ՀՅԴ Բիւրո: Պօսթըն, տպ. «Հայրենիք», 1950, 636 էջ:
⁴⁷ Խոսքը ՀՅԴ հիմնադիրներից Ռոստոմի (Ստեփան Ջորյան) մասին է:
⁴⁸ Սարգիս (Սեբեդյ) Փաշոյի (Պողոսի) Եղիզարյանը կուսակցական գործիչ էր, զբաղվում էր Թիֆլիսի «Հերմես» տպարանում ՀՅԴ գրականություն հրատարակելով: Ձերբակալվել է լիժնյան գործով:

Մելիք-Ազարյանցի անունով վերսիլի ուղարկման մասին 1908թ. մայիսի 8-ի նամակը առգրավվել է ինձնից: Այդ նամակում հիշատակվող Մանասի⁴⁹ ով լինելը ինձ հայտնի չէ: Այդ նամակը ինձ գրված է թյուրիմացաբար՝ ծագած Սերգեյ Եղիզարովի և այդ նամակում հիշատակված անձանց՝ Թովչյանի⁵⁰, Նազարյանի⁵¹ և Գալստյանի միջև, «Յերմես» տպարանում «Գործ»⁵² թերթի տպագրման կապակցությամբ, որպես անձի՝ ներկա գտնված բանավոր պայմանագրի կնքման ժամանակ՝ երրորդ անձի կարգավիճակով:

10. «Արևելյան Բյուրոյի ընկերոջ» անունով «Հայկո» ստորագրությամբ 1906թ. հոկտեմբերի 11-ի հայերեն նամակը-նոյեմբերին դրամի քանակի փոխանցման մասին հաղորդելու խնդրանքով՝ խուզարկությամբ ինձ մոտ չի հայտնաբերվել:

11. «Ընկերներ» դիմումով և «Պարույր»⁵³ ստորագրությամբ անթվակիր դեկտեմբերի 25-ի հայերեն նամակը չէր կարող առգրավվել ինձնից: Ժամդարմական վարչությունում ռուսիստոր Պրիզորան հայտնեց ինձ, որ իբր թե այդ նամակը գտնվել է իմ քույր Սաթենիկին⁵⁴ պատկանող առանձին թղթապանակում՝ իմ բնակարանում:

12. [ՀՀ] Վրեժի⁵⁵ կենտրոնական կոմիտեի «Շահե...» ստորագրությամբ 1908թ. հոկտեմբերի 26-ի թ. 72 անդորրագիրը չէր կարող առգրավվել ինձնից:

13. «Թանկագին Համո»-ի անունով «Դ. Ջավրիև», «Դավիթ» ստորագրությամբ ռուսերեն նամակը առգրավվել է ինձնից:

14. «Սիրելի Համո»-ի անունով 1906թ. հուլիսի 9-ի հայերեն անստորագիր նամակը չէր կարող հայտնաբերվել ինձ մոտ:

15. «Սիրելի Շուշանիկ»-ի անունով «Մայլու-շա» ստորագրությամբ, մասամբ ռուսերեն, մասամբ հայերեն նամակը չի գտնվել իմ թղթերի մեջ, իսկ ժամդարմական վարչությունում ինձ հայտնեցին, որ այդ նամակը գտնվել է իմ կնոջ թղթերում:

16. «Ընկերներ»-ի անունով «Բաբկեն» ստորագրությամբ 1908թ. դեկտեմբերի 6-ի հայերեն նամակը խուզարկությամբ ինձ մոտ չի գտնվել:

17. Էջմիածնի ժողովի⁵⁶ բանաձևերից մեկի նախագիծ ներկայացնող մատիտով գրված հայերեն ձեռագիրը առգրավվել է ինձնից, ես չեմ գրել, իսկ ով՝ չգիտեմ:

18. «Արշակ» ստորագրությամբ Բեռլինից 1907թ. դեկտեմբերի 14-ի հայերեն երեք էջանոց նամակը՝ դիմումով, որը թանաքով ջնջված է, և «Արշակ Իսահակյանց»⁵⁷ ստորագրությամբ «ՀՀ Դաշնակցություն. Կովկասյան գործունեության մասին հարցը և նրա բաժանման մասին» 139 կիսաէջանոց հայերեն ձեռագիրը առգրավվել են ինձնից: Դրանք ես ստացել եմ «Գործ» թերթի խմբագրությունից՝ Լիպարիտ Նազարյանից, մայելու համար, իմ ձերբակալությունից քիչ առաջ և դրանք մայել ես չհասցրի:

Չեր ներկայացրած հետևյալ վերնագրերով հայերեն 13 ձեռագրերի առթիվ.

Ա. Կաբանով և., Հողային հարցը Նոր Ջեյլան-դիայում,

Բ. Շիշկո, Որտեղից է ծագել հողային սեփականությունը,

Գ. Ինչպիսի՞ կարգեր են մեզ անհրաժեշտ,

Դ. Գոլուբև, Ինչպիսի՞ զենստվո է անհրաժեշտ և ինչ պետք է նա անի,

Ե. Ինչպե՞ս պետք է ծախսվեն ժողովրդական փողերը,

Ջ. Ինքնակալությունը և սովը,

Է. Ի՞նչ է համընդհանուր, ուղղակի, հավասար և գաղտնի ընտրական իրավունքը,

Ը. Ի՞նչ է անհրաժեշտ գյուղացուն,

Թ. Ալեքսեև, Պետիցիաների իրավունքը,

Ժ. Պրոկոպովիչ, Ի՞նչ է անհրաժեշտ բանվորներին,

Ի. Տարնովսկի, Հայրենասիրությունը և նրա նշանակությունը ժամանակակից պետության մեջ,

Լ. Ինչպե՞ս են բանվորները պաշտպանում

⁴⁹ Սարգիս Մանասյանն է:
⁵⁰ Թովչյան Եղիշե Թադևոսի (1872-1909) – գրող, հրապարակախոս, խմբագիր, հասարակական-քաղաքական գործիչ: 1905թ. Թիֆլիսում մասնակցել է հայ-թուրքական կռիվներին, 1907թ. ՀՀԴ 4-րդ Ընդհանուր ժողովում ընտրվել Արևելյան Բյուրոյի անդամ: 1909թ. հոկտեմբերի 23-ին Կ. Պոլսից Կարին վերադարձի ճանապարհին՝ Բաբերդի շրջակայքում, սպանվում է Միհրանի եղբոր՝ Հաբեթի կողմից:
⁵¹ Լիպարիտ Նազարյանը «Յառաջ»-ի խմբագրակազմի անդամ էր:
⁵² «Գործ» հասարակական, քաղաքական օրաթերթը հրատարակվել է Թիֆլիսում 1908-1909թթ.: Նախագիրը Ա. Դոշյանն էր:
⁵³ Անդրանիկ Օզանյանն է:
⁵⁴ Սաթենիկ Օհանջանյանը խորհրդակցական ծայրով հրավիրված էր 1911թ. օգոստոսի 17-սեպտեմբերի 17-ին Կ. Պոլսում գումարված ՀՀԴ 6-րդ Ընդհանուր ժողովին:
⁵⁵ ՀՀԴ «Վրեժի» կամ «Վրեժատանի» կենտրոնական կոմիտեությունն ընդգրկում էր Ատրպատականի շրջանը:
⁵⁶ Էջմիածնի Ազգային կենտրոնական ժողովը Մկրտիչ Ա. Նրիմյանի հովանավորությամբ նշանակվել է 1906թ. օգոստոսի 15-ին, գումարվել է 1906թ. օգոստոսի 17-29-ին: Նախագահը Ա. Ջավարյանն էր: Ժողովի 60 պատգամավորներից 54-ը ներկայացնում էին ՀՀԴ-ն: Ժողովը ցրվել է ցարական ոստիկանության կողմից:
⁵⁷ Ջանայան (Իսահակյան) Արշակ (1882-1940) – ՀՀԴ անվանի գործիչ: 1905թ. ձերբակալվել է ցարական ոստիկանապետի ատարակման համար: 1906թ. Գերմանիայում հիմնել է «Եվրոպայի հայ ուսանողական միությունը»: Եղել է ՀՀ դեսպանը Վրաստանում, 1920թ. օգոստոսի 10-ին Խորհրդային Ռուսաստանի հետ կնքել է համաձայնագիր, մասնակցել է 1921թ. բոլշևիկների հետ Ռիզայի բանակցություններին:

իրենց շահերը – նույն բովանդակության ռուսերեն տպագիր թերթիկով,

Խ. Կամենև 3ու., Ի՞նչ բան է լիբերալը և պահպանողականը – նույն բովանդակությամբ ռուսերեն գրքուկով,

հայտարարում են. ես չգիտեմ՝ արդյոք դրանք ինձնից են ազդավելել, թե՞ ոչ, քանի որ «Գործ»-ի խմբագրությունից նայելու համար ինձ ուղարկվել են մի քանի ձեռագրեր, բայց քանի հաս՝ չեն հիշում: Փոստային թղթի վրա «Հայ-թաթարական ընդհարումների մեղավորները» վերնագրով 6 կիսաթղթերի վրա ռուսերեն ձեռագիրը ազդավելել է ինձնից և գրվել իմ կողմից: Ձեր կողմից ներկայացված անդորրագրերում հայերեն ձեռագիր տեքստը, ազդավելած, ինչպես Դուք, Դատական Քննիչ, ասում եք, Վլադիկավկազ քաղաքում 1908թ. դեկտեմբերին Արամ Աջայխանյանից և Ալեքսանդր Մարտիրոսովից, «Դաշնակցություն» կուսակցության Վլադիկավկազի կենտրոնական կոմիտեի գրագրության մեջ – «34 գիրք ժլատի»⁵⁸ կենտրոնական կոմիտեին 500 ռուբլի (հինգ հարյուր ռուբլի), Արևելյան Բյուրո, Մեեր, 2 օգոստոսի 1906թ.» – իմ կողմից չի գրվել: Ձեր կողմից ներկայացված «Մեեր» ստորագրությամբ հայերեն գրությունը, ազդավելած ինչպես Դուք, Դատական Քննիչ, ասում եք, Մեծ Դարաքիլիսա գյուղում Էվոյանց եղբայրների մոտ՝ նս չեն գրել: Ձեր կողմից ներկայացված «Համո» ստորագրությամբ «Մանաս»-ի անունով հայերեն գրությունը, գտնված ինչպես Դուք, Դատական Քննիչ, ասում եք, 1907թ. սեպտեմբերի 2-ին Թիֆլիսում Եղիգարովների գրասենյակում՝ ես չեմ գրել: Ձեր կողմից ներկայացված հայերեն նամակի վերաբերյալ, գտնված ինչպես Դուք, Դատական Քննիչ, ասում եք, 1907թ. օգոստոսին Կորյուն վարդապետի մոտից Ելիգավետպոլում «Համ. Օհանջան...» ստորագրությամբ, Թիֆլիս՝ «Սուրբ Հայր»-ի անունով, հայտարարում են, որ ես չեմ հիշում, որ գրեի այդպիսի նամակ, սակայն այդ նամակի ձեռագիրը մի քիչ նման է իմինին: Ձեր կողմից ներկայացված «Դաշնակցություն» հայ հեղափոխական կուսակցության ժլատի կենտրոնական կոմիտե» բլանկով 1906թ. հուլիսի 19-ի հայերեն «Ի տեղի Կ. Կոմիտեի Ռ. Դարբի...» ստորագրությամբ Արևելյան Բյուրոյի անունով նամակի առնչությամբ և ինձ ներկայացված «ժլատի շրջանային ժողով. «Դաշնակցության» մասնակցությունը հասարակական բոլոր գործերում» վերնագրով հայերեն ձեռագրում գրառումի մեջ ընդունվում է, որ «Դաշնակցությունը» պարտավոր է մասնակցել հասարակական գործե-

րին, ընտրություններին, թե «Դաշնակցությունը» չի կարող անցկացնել զուտ կուսակցական անձանց, նա պարտավոր է աջակցել առավել զիտակիցներին, քան այլ թեկնածուների, այլ վայրերի մարմինները պարտավորվում են գրել «Ալիք»-ի խմբագրության միջոցով Արևելյան Բյուրոյին, Մեերին՝ ուսուցիչներ գտնելու համար, որպիսի նամակ և ձեռագիր Դուք, Դատական Քննիչ, ասում եք՝ գտնվել են 1907թ. սեպտեմբերի 2-ին Թիֆլիս քաղաքում Դավել և Սերգեյ Եղիգարովների փոստային գրասենյակում՝ հայտարարում են, որ այդ նամակը և դրանում գրառումը ինձ հետ ոչ մի առնչություն չունի: «ՀՅԴ» անդորրագրի կազմի դարձերեսի վրայի գրառումները և ստորագրությունները «ՀՅԴ Արևելյան Բյուրո» կարմիր կնիքի կիսադրոշմով, անդորրագրային զբոսկի կոճղերում, որպիսին Դուք, Դատական Քննիչ, ասում եք՝ գտնված է Դոմի Ռոստով քաղաքում 1909թ. ապրիլին Սենեվոն⁵⁹ Գռուզիայի մոտ. Ա. Շաունենի խոսքին չի հանձնված անդորրագիր 15 ռուբլու, ինչպիսին ներառված է դրամական մատյանում, 1907թ. սեպտեմբերի 1», «Խ-ր-ին չի հանձնված անդորրագիր 15 ռուբլու 50 կոպեկի, ինչպիսին ներառված են դրամական մատյանում, Մեեր, սեպտեմբերի 1»- գրված և ստորագրված չեն իմ կողմից: Ես հայտարարում են, որ խուլարկության արժանագրությունները ինձ ներկայացնելու մասին իմ խնդրանքում, որի ժամանակ գտնվել են ինձ ներկայացված փաստաթղթերը, հանձնվելու համար արդյո՞ք դրանք լինձ են պատկանում, Ձեր կողմից, Դատական Քննիչ, ինձ մերժվել է: Ինձ առաջարկվել է այժմ որպես փակված հայկական «Յառաջ»⁶⁰ թերթի խմբագիր Ավետիք Սահակովի⁶¹ կողմից մասնակցել խմբագրմանը՝ զիտական հողվածներ նայելու համար, ինչին ես համաձայնեցի: Սակայն, փաստացի չեմ մասնակցել: Ձեր կողմից ներկայացված երկու ռուսերեն նամակները, ազդավելած ինչպես Դուք, Դատական Քննիչ, ասում եք, Դավիթ Ձավրիկից՝ Պետերբուրգ քաղաքում «Ձեր Համո» ստորագրությամբ, «Թանկագին Դավիթ Քրիստափորի» անունով՝ գրված են իմ կողմից: Կարս քաղաքում ապրող Համբարձում Դարիբովին ես չեմ ճանաչում: Ա. Մ. Օհանջանյանից Համբարձում Դարիբովին Կարս 500 ռուբլի փոխանցելու մասին ձեր ներկայացրած Փոխտարած վարկի թիֆլիսյան ընկերության 1909թ. մայիսի 7-ի անդորրագրից ես երևում է, որ իմ կողմից մշյալ գումարը փոխանցված է Համբարձում Դարիբովին: Այդ կապակցությամբ ես հայտարարում են, որ դա իմ հանգուցյալ հոր պարտքն էր ոմն Եղիշե Բաստրմաջյանի, ում

⁵⁸ ՀՅԴ «ժլատի» կամ 10-րդ կենտրոնական կոմիտեությունը ընդգրկում էր Հյուսիսային Կովկասի շրջանը:
⁵⁹ Ռուսերեն գրված է հենց այդպես՝ Семейон: Խոսքը Սիմոն Կրաջյանի մասին է:
⁶⁰ «Յառաջ» հասարակական, քաղաքական, տնտեսական օրաթերթը հրատարակվել է Թիֆլիսում 1906թ.: Խմբագիրը Ավետիք Սահակյանն էր, ով ևս ձերբակալվել էր լիժնյան գործով:
⁶¹ Սահակովը նույն ինքնը՝ Ավ. Սահակյանն է (Հայր Աբրահամը) - անվանի կուսակցական-պետական գործիչ: Եղել է Հայաստանի Խորհրդարանի նախագահ, Խորհրդայնացումից հետո գործել է Լիբանանում:

ՎԱՆԵՏՆԵՐ

թիվ 2(27) հուլիս-սեպտեմբեր 2009

ՎԻՄ համահայկական հանդես

խնդրանքով ես այդ գումարը փոխանցել եմ Յան-բարձուն Դարիրովին: «Երկու հազար չորս հարյուր ռուբլի ստացա, բժ. Յ. Օհանջանյան» 1908թ. օգոստոսի 28-ի «Բերբերովից» Սուրադյանին – երկու հազար չորս հարյուր ռուբլի Դոնի Ռոստովից Թիֆլիս» ներկայացված փոխանցման հեռագրի դարձերեսին և «Յազար հինգ հարյուր ռուբլի ստացա 1907թ. փետրվարի 14-ին, բժ. Յան. Օհանջ...», հարկովից՝ Արիստակես Տեր-Կարապետյանից Թիֆլիս քաղաք բժիշկ Մինաս Սուրադովին 1500 ռուբլի փոխանցման մասին 1907թ. փետրվարի 7-ի Ազով-Դոնյան առևտրական բանկի ներկայացված անդորրագրի դարձերեսի ստորագրությունները և գրառումները՝ գրված են իմ կողմից: Այդ կապակցությամբ ես հայտարարում եմ, որ իմ գրառումները և ստորագրությունները, ինչքան հիշում եմ, գումարը ստացել եմ ես և փոխանցել բժիշկ Մինաս Սուրադովին:

Ձեր կողմից ներկայացված դրամական փոխանցումների կապակցությամբ.

Ա. Թիֆլիսի Առևտրական բանկի միջոցով «Ա. Օհանջ.» ստորագրությամբ 1908թ. հոկտեմբերի 6-ին Երևան Գալուստ Ալոյանին⁶² 1000 ռուբլի փոխանցելու մասին,

Բ. Ազով-Դոնյան առևտրական բանկի միջոցով «Յ. Օհանջանյան» ստորագրությամբ Ելիզավետպոլ Միխայիլ Աֆանասևին 1907թ. հոկտեմբերի 27-ին 500 ռուբլի և 1906թ. սեպտեմբերի 1-ին 2000 ռուբլի փոխանցելու մասին,

Գ. Փոխադարձ վարկի Թիֆլիսի ընկերության միջոցով 1906թ. դեկտեմբերի 4-ին Ելիզավետպոլ Միխայիլ Աֆանասևին 1000 ռուբլի, 1906թ. մայիսի 23-ին Շուշի Թեոդորոս Խաչիկին 4000 ռուբլի, 1907թ. փետրվարի 28-ին Ելիզավետպոլ հոգևորական Բաբյանին 500 ռուբլի, 1906թ. հոկտեմբերի 19-ին և 23-ին Երևան Աբրահամ Տեր-Արիստակեսյանին 2300 ու 1000 ռուբլի փոխանցումների մասին ես հայտարարում եմ, որ բացառությամբ Գալուստ Ալոյանի անվամբ առաջին փոխանցումից, ինչը ես ժամանակի վաղեմության պատճառով ճշգրիտ չեմ հիշում ինչքան և ում եմ փոխանցել և կատարե՞լ եմ այդ բոլոր փոխանցումները՝ չեմ հիշում, որ հայ-թաթարական ընդհարումների և նրա ավարտին հետևող ժամանակահատվածում ես, իմ պարտքը համարելով օգնել տուժած հայերին, իմ մոծումներով մասնակցել եմ նրանց օգտին [կատարվող] դրամահավաքներին, ինչպես նաև այլ անգամ փոխանցել եմ հավաքված գումարները նվիրատուների հանձնարարությամբ:

Ինչ վերաբերում է Գալուստ Ալոյանի անվամբ 1908թ. հոկտեմբերի 6-ի փոխանցմանը՝ ես նույնպես չեմ հիշում դրա ծագումը, հավանաբար այն վերաբերում է նույն կարգավիճակին: Ձեր կողմից ներկայացված Փոխադարձ վարկի թիֆլիսյան ընկերության հայտարարության առնչությամբ 1906թ. դեկտեմբերի 13-ին «Ա. Օհանջանյան» ստորագրությամբ Ալեքսանդրապոլ Սիմոն Խոյեցյանին 800 ռուբլի փոխանցման մասին, հայտարարում եմ, որ այդ փողերը փոխանցված են մասամբ՝ ի հաշիվ Սիմոն Խոյեցյանին իմ հորեղբայր Արտաշես Օհանջանյանի պարտքի, իսկ մասամբ՝ իմ հորեղբորը հանձնելու համար: Ձեր ներկայացրած Երևանից Թիֆլիս 1907թ. հունիսի 8-ի և 1907թ. հունիսի 14-ի «Թիֆլիս, «Ժայռ»-ի խմբագրություն, Յան Օհանջանյանին: Ուղարկեք թուղթ...», «Թիֆլիս, «Ժայռ»-ի խմբագրություն, Յան Օհանջանյանին: Թուղթը ուղարկված է, հեռագրեցեք» երկու հեռագրերի առնչությամբ հայտարարում եմ, որ ես չեմ հիշում, որ ստացած լի-նեն մնան հեռագրեր և դրանց տեքստի ձեռագիրն ինձ անծանոթ է: Խնդրում եմ ներկայացնել ինձ քննչական վարույթի խուզարկության և առգրավումների արձանագրությունների, ինչպես նաև «Դաշնակցություն» կուսակցությանը իմ պատկանելության մեղադրանքով քննչական վարույթի պատճենները:

Արձանագրությունն անծամբ կարդացել եմ: Յանազասպ Իվանի Օհանջանյան:

Դատական թարգմանիչ Նադիրաձե:

Դատական քննիչ և. Լիժին:

ՉԱԱ, ֆ. 1457, ց. 3, գ. 5, թթ. 4191-4195: Թարգմանություն ռուսերենից:

**ԹԻՎ 5
ՈՐՈՇՈՒՄ**

1911թ. փետրվարի 11-ից մինչև 24-ը: Քաղաք Նովոչերկասկ:

Նովոչերկասկի օկրուգային դատարանի հատուկ կարևորության գործերով Դատական Քննիչը, դիտարկելով իր կատարած նախաքննությունը հայ հեղափոխական «Դաշնակցություն» կուսակցության գործով, ԳՏԱԿ.

Որ ներքոնվանյալ մեղադրյալներին սույն գործով ներկայացված Քրեական Դատավարության կանոնադրության 448-րդ և 476-րդ հոդված-

⁶² Գալուստ Յակոբի Ալոյան-ազալային-ազատագրական պայքարի հայտնի գործիչ: Կրել է Թորոս, Դարվիչ հեղափոխական կեղծանուններ: Ծնվել է 1864թ. Երևանում, ավարտել է տեղի ծխական դպրոցը: Եղել Մրգաստանի (Երևան) Կենտրոնական կոմիտեի ղեկավար դեմքերից մեկը: Թավրիզում հիմնել է ՀՅԴ «Նարիսխ» զինագործարանը, եղել Խանասորի արշավանքի գլխավոր զինագործը: 1908թ. մասնակցել է իրանական հեղափոխությանը, ապա գործել է Բայազետում, ուր և դավադրաբար սպանվել է երիտթուրքերի կողմից՝ Կովկաս անցնելու փորձի ժամանակ 1914թ. կեսերին:

ների հիման վրա, նրանց նախաքննությամբ արված են հետևյալ հայտարարությունները.

XXXXXXXXI. Համազասպ Իվանով Օհանջանյան.

1. «Մհեր» և «Մհերյան» ստորագրությամբ փաստաթղթերը իր կողմից չեն գրված և իրեն չեն վերաբերում, իսկ բանի որ թե՛ հայերեն և թե՛ ռուսերեն փաստաթղթերի փորձաքննությունը կատարվել է ոչ բանիմաց փորձագետների կողմից, դրա համար էլ նշանակել փորձաքննություն գերազանցապես ռուսերեն և հայերեն լեզուների տիրապետող փորձագետների միջոցով, ինչպիսիք կարող են լինել Դոնի Նախիչևանի հոգևոր ճեմարանի ուսուցիչները,

2. Ի հաստատումն այն ամենի, որ ինքը 1907թ. ողջ ամառը մշտապես ապրել է Թիֆլիսի նահանգի Ծղնեք գյուղում, դրա համար էլ չէր կարող «Մհերյան» ստորագրությամբ հեռագիր գրել—հարցաքննել Ալեքսանդր Բայսոզալովին, Աշոտ Աթանասյանին, Աստվածատուր Երիցյանին և Գրիգոր Վարդանյանին,

3. Ի հաստատումն այն բանի, որ Քեչիշյանը և Վարդերեսյանը նենգաշորք են, նրանց ցուցմունքները կեղծ են և որ նրանք իր դեմ ցուցմունք են տվել՝ ելնելով թշնամությունից— հարցաքննել Սկրտիչ Բարդուղիմեոսի Մաղաքովին և Հարություն Ցեյանովին,

4. Քեչիշյանի և Վարդերեսյանի բնութագրերը՝ որպես նենգաշորքների, բնութագրման համար հարցաքննել Յալթայի տեղամասի դատախազի տեղակալ Միլենտին, Յալթայի դատական քննիչին, որ քննություն է կատարել 1907թ. սեպտեմբերին Պատմի մասին կանոնադրության 924-րդ հոդվածով՝ նրանց [ուղղված] մեղադրանքով, և սույն գործին կցել ինչպես նշյալ գործը, այնպես և այդ գործը դադարեցրած քննիչի որոշումը,

5. Հարցաքննել հայերեն լեզվին գիտակ անձանց, որ «Համո»-ն ոչ թե մականուն է, այլ Համազասպ անվան կրճատ ձևը,

6. Ներկայացնել այն փաստաթղթերը, որոնց հիմամբ իր վրա ծանրագույն մեղադրանքներ են սարքվել և որոնք իրեն չեն ներկայացվել (փաստաթղթերը Գրուզինյանի մոտ են՝ Արևելյան Բյուրոյի անդամ Համոյի ընտրության մասին, Եդիզարովի փաստաթղթերը՝ Համոյի կողմից 22 ռ. մուծելու մասին, և վերջապես՝ 1905թ. շրջանային ժողովում Համոյի ներկայության մասին), բայց դրանք իրեն ներկայացնելու հարցում մերժել են,

7. Ի հաստատումն այն բանի, որ ինքը չէր կարող ներկա գտնվել 1905թ. նոյեմբերի շրջանային ժողովին— հարցաքննել Կլավդիա Արղուտինսկայային, Էմմա և Վասիլի Մայկովներին, Տիգրան Թաղևադյանին և այլոց,

8. Ի հաստատումն այն բանի, որ Օհանջանյանը անկուսակցական է և քաղաքականությանը

չգրադվող — հարցաքննել Կլավդիա Արղուտինսկայային, Վասիլի և Էմմա Մայկովներին, Ստեփան Դոնդուրովին, Տիգրան Թաղևադյանին, Հովսեփ Խունունցին, Սերգեյ Տեր-Մանասյանցին, Ալեքսանդր Քալանթարովին և այլոց,

9. Ի հաստատումն այն բանի, որ Համազասպ Օհանջանյանը Էջմիածնի համազումարի պատգամավոր է ընտրվել Բաքու քաղաքից որպես անկուսակցական առաջադիմական,

10. Ի տես այն բանի, որ նրան մինչ այժմ չեն ներկայացվել թե՛ իր և թե՛ ուրիշ անձանց մոտ եղած խուզարկությունների արձանագրությունները, դրա համար ներկայացնել իրեն այդպիսիք, բանի որ քննության ժամանակ այդ արձանագրությունները չեն կարդացվել: Համազասպ Օհանջանյանին ներկայացված փաստաթղթերը հայտնաբերվել են այն թղթերում, որոնք նրա մոտ չեն գտնվել, և որ այդ առթիվ քննիչի և պրիստավի ներկայացրածի ու ցուցմունքի միջև հակասություններ կան,

11. Ջավրիկի բացատրությունը, որ Համազասպ Օհանջանյանը «Դաշնակցություն» կուսակցության կողմնակից է — ներկայացնում է ոչ մի բանի վրա չհիմնված ենթադրություն,

12. Ի տես հայերեն փաստաթղթերում սխալ թարգմանության—նոր թարգմանություն կատարել հայ ուսուցիչների միջոցով և համեմատության համար տրամադրել իրեն հայերեն փաստաթղթերի պատճենները,

13. Տրամադրել իրեն քննչական վարույթի գործի բնագիրը՝ մեքենագիր տեքստի վրիպակների պատճառով,

14. Դատական Քննիչի կարծիքով՝ «Դաշնակցություն» կուսակցությունը մինչև 1905թ. գոյություն չի ունեցել, մինչդեռ Դատական Քննիչը ներկայացնում է մինչև 1905թ. կատարված սպանությունների մի ողջ շարք, դրա համար էլ կուսակցության բնութագրումը իրականության չի համապատասխանում: Ապա, Դատական Քննիչի կողմից անուշադրության է մատնվել հայ-թաթարական ընդհարումների հսկայական նյութը, ընդ որում, փաստաթղթերի թարգմանության ժամանակ ուշադրություն է դարձվել հայերի հարձակումներին և անուշադրության են մատնվել հայերի վրա հարձակումների, կազակների գործողությունների, կառավարական իշխանության գործակալների մասին [փաստերը], դրա համար էլ այդ փաստաթղթերը և գրքերը ենթարկել լրացուցիչ թարգմանության,

15. 1905թ.-ից մինչև 1907թ. «Դաշնակցություն» կուսակցությունը ինքնապաշտպանության կազմակերպություն էր և այդ ժամանակի ողջ քննության ընթացքում ցույց չի տրված ոչ մի հեղափոխական ելույթ, իսկ քննությամբ ներկայացվող ահաբեկչությունները հայ-թաթարական ընդհա-

րունների հիմքի վրա սպանություններ են՝ գերագույն իշխանության դեմ խռովության հասկացողության ներքո դիտարկվելու համար անիրավագոր, ինչի [որպես] հաստատում կցել Կովկասի փոխարքայի կողմից հրավիրված հայ-թաթարական համագումարի արձանագրությունը և սենատոր Կուզմինսկու հաշվետվությունը,

16. Ի հաստատումն այն բանի, որ «Յառաջ» գրադարանի հրատարակությունները լեգալ են, որ այդ գրադարանի հրատարակած 60 գրքերից մասնուկի գծով կոմիտեի կողմից բռնագրավված է միայն հինգ-վեցը, իսկ մնացածը հասարակության մեջ շրջանառության է թույլատրված, քանի որ ինքը՝ Օհանջանյանը, նշյալ «Յառաջ» գրադարանի հետ ոչ մի առնչություն և մասնակցություն չի ունեցել, հաղորդել իրեն, թե ինչու է ինքը «Յառաջ» գրադարանի առնչությամբ մեղադրվում,

17. Ի հաստատումն այն բանի, որ 1905թ.-ից մինչև 1907թ. «Դաշնակցություն» կուսակցությունը զբաղվել է միայն հայ-թաթարական ընդհարումների հարցերով, որ նրա գործունեությունը թույլատրվել է կառավարական իշխանության կողմից՝ որպես ոչ մի հակակառավարական բան չներկայացնող, որ փոխարքայի կարգադրությամբ զեներալ-մահանգապետերը, զավառապետերը զենք են տրամադրել սպանություններից և թալանից խաղաղ բնակչության պաշտպանության համար, որ գործերը և ոստիկանությունը գործել են «Դաշնակցություն» կուսակցության հետ համերաշխ, որ կուսակցության գործունեությունը կրել է բացահայտ բնույթ և ոչ մեկը առիթ չունեի նրան հանցավոր համարել – հարցաքննել զեներալ Մալամային, Սուլթան Դրիմ-Գիրեյին, փոխարքայի գրասենյակի կառավարիչ Պետերսոնին, Ջուկովսկուն, Խատիսովին⁶³, Սամսոն Չարությունովին⁶⁴, Երմոլակին, Չրելակին, Բաքվի քաղաքազուլուխ Մարտինովին, Վեսելովզորովին և Ելիզավետպոլի հայկական առաջնորդարանի արխիվից պահանջել ռուսական կառավարության գործակալների և հայկական ինքնապաշտպանության անդամների գրագրության մասին գործը,

18. Նշյալ ժամանակահատվածում կուսակցությունը ծրագիր չի ունեցել, որպեսզի նրա գործունեությունը ենթարկվի Քրեական կանոնադրության 102-րդ հոդվածին, իսկ 1905թ. նրա նախագիծը օրինական ուժ չունեի, իսկ ինչ վերաբերում է 1907թ. հետո կուսակցության գործունեությանը, ապա ողջ քննության ընթացքում Ռուսաստանում

կառավարման կերպի փոփոխության հավակնող ոչ մի հեղափոխական ելույթ չկա՝ բացառությամբ գործադուլների, իսկ Դատական Քննիչի կողմից Գոյազնովի, Կարանզուլովի և Ալիխանովի սպանությունները «Դաշնակցություն» կուսակցությանը վերագրելը [անհիմն է, քանի որ]. առաջինը՝ կատարված է սոցիալ-դեմոկրատական կազմակերպության, երկրորդը՝ սոցիալիստ-հեղափոխականների, և երրորդը՝ վրացիների կողմից, ինչի մասին հաղորդվել է թռուցիկներում, ինչպիսիք պահանջել և կցել գործին,

19. Ազատել կալանքից գրավի կամ երաշխավորության դիմաց և տրամադրել ողջ գործի պատճենը:

ՀԱԱ, ֆ. 1457, ց. 3, գ. 6, թթ. 4413- 4415: Թարգմանություն ռուսերենից:

XXXXXXXXIX. Համազասպ Օհանջանյան (Լրացուցիչ հայտարարություն)

Կրկին ներկայացնել «Յառաջ» գրադարանի առնչությամբ նրա մեղադրանքի կետերը, գտնված նամակի առթիվ («Չերմես» տպարանի մասին) Սերգեյ Եդիգարովի ցուցմունքը:

ՀԱԱ, ֆ. 1457, ց. 3, գ. 6, թ. 4422: Թարգմանություն ռուսերենից:

CXCIII. Համազասպ Օհանջանյան (Լրացուցիչ հայտարարություն)

- 1. Ներկայացնել իր քննչական [գործի] վարույթի պատճենները,
- 2. Ազատել կալանքից:

ՀԱԱ, ֆ. 1457, ց. 3, գ. 6, թ. 4442: Թարգմանություն ռուսերենից:

28. Համազասպ Օհանջանյան.

Ի տես հայերեն փաստաթղթերում թարգմանությունների անճշտության՝ իրականացնել դրանց նոր թարգմանություն միջնակարգ ուսում-

⁶³ Խատիսյան Ալեքսանդր (1874-1945) – անվանի պետական-քաղաքական գործիչ: 1909-1917թթ. եղել է Թիֆլիսի քաղաքազուլուխ-Քաղաքների միության կովկասյան կոմիտեի նախագահ, 1915-1917թթ.՝ Հայ Ազգային խորհրդի փոխնախագահ: Մասնակցել է 1918թ. Տրապիզոնի և Բաթումի բանակցություններին: 1918թ. նոյեմբերից եղել է ՀՀ արտգործնախարար, 1919թ. օգոստոս-1920թ. մայիս՝ ՀՀ վարչապետ: Կնքել է Ալեքսանդրապոլի պայմանագիրը, մասնակցել Լոզանի խորհրդա-ժողովի աշխատանքներին:

⁶⁴ Չարությունյան Սամսոն (1869, գ. Վերին Աղղան-1941) – անվանի հասարակական-քաղաքական գործիչ: Եղել է Կովկասի Հայոց բարեգործական ընկերության նախագահ, Ազգային Բյուրոյի նախագահ, Հայ Ժողովրդական կուսակցության փոխնախագահ, պատերազմից վնասվածներին օգնող Հայկական Կենտրոնական կոմիտեի նախագահ:

նական հաստատությունների հայ ուսուցիչների միջոցով և տրամադրել իրեն դրանց համեմատության պատճենները:

Տրամադրել քննչական [գործի] վարույթի բնագիրը՝ ի տես մեքենագիր պատճեններում որոշ սխալների, քանի որ այդպիսի պատճենները չեն կարող օրինավոր ուժ ունենալ:

Տրամադրել երեք փաստաթղթեր, որոնց հիման վրա նրա նկատմամբ ժանրագույն մեղադրանք է ներկայացվել և որոնք մինչ այժմ չեն տրամադրվել (փաստաթղթերը Գռուզանյանի մոտ են) – Համոյին Արևելյան Բյուրոյի անդամ ընտրելու, Եղիգարովի փաստաթղթով Համոյի կողմից 22 ռուբլի մուծելու և վերջապես Համոյի 1905թ. շրջանային ժողովին [մասնակցելու վերաբերյալ], սակայն դրանում իրեն մերժվել է:

Ի տես այն բանի, որ մինչ այժմ իրեն չեն տրամադրվել ինչպես իր, այնպես էլ ուրիշների մոտ [կատարված] խուզարկությունների արձանագրությունները, տրամադրել այդպիսիք, քանզի կարողացված քննչական [գործի] նյութում չեն եղել խուզարկության արձանագրություններ, իսկ Համագասպ Օհանջանյանին ներկայացված փաստաթղթերը՝ իբր նրա մոտ գտնված, հայտնաբերվել են իր մոտ չգտնված թղթերում: Այսպես, Դատական Քննիչի կողմից ներկայացվել է «Պարույր» ստորագրությամբ մեծ չափերի հայերեն ձեռագրեր՝ իբր գտնված իր բնակարանի վառարանում, այնինչ խուզարկություն իրականացրած պրիստավ Պոպովը իր ցուցմունքում հաստատում է, որ վառարանում գտնվել են միայն թղթի պատռված և այրված կտորներ:

Տրամադրել «Յառաջ» գրադարանի առնչությամբ մեղադրանքի կետերը:

ՀԱԱ, Ֆ. 1457, ց. 3, գ. 6, ք. 4460: Թարգմանություն ռուսերենից:

[Դատական Քննիչի խոսքերը]

Մեքենագիր պատճեններում կուպիտ սխալների առատության առիթով մեղադրյալ Օհանջանյանի ցուցմունքները, որոնց հետևանքով այդ պատճենները չեն կարող օրինական ուժ ունենալ, հիմնագուրկ են, քանզի պատճեններում հանդիպել ենք վրիպակներ տարբեր բառերում, սակայն այդ վրիպակները ուղղվել են քննության ներկայացումից առաջ կամ էլ ընթերցման բուն ընթացքում, ընդ որում այդ վրիպակները գործի համար էական նշանակություն չունեն: Մեքենագիր պատճեններում սխալների մասին մեղադրյալ Օհանջանյանի ցուցմունքները հիմնված են այն բանի վրա, որ մեղադրյալները քննչական [գործի] ընթերցման ժամանակ

⁶⁵ Այսպես է տեսնում:

տեսել են մեքենագիր պատճեններում կատարված ուղղումները և հարցնում էին դրանց պատճառների մասին: Այդ ամենը միասին վերցրած վկայում են, որ մեղադրյալների մոտ պահանջները բավարարման ենթակա չպետք է լինեն: Համագասպ Օհանջանյանի հայտարարությունն այն մասին, որ Դատական Քննիչի կողմից «Պարույր» ստորագրությամբ մեծ չափի թուղթ է իրեն ներկայացվել իբր գտնված իր՝ Օհանջանյանի մոտ, բնակարանի վառարանում, այնինչ այդ խուզարկությունն իրականացրած պրիստավ Պոպովը իր ցուցմունքում հաստատում է, որ վառարանում գտնվել են միայն այրված թղթի կտորներ...⁶⁵, չեն համապատասխանում իրականությանը, քանի որ 1910թ. սեպտեմբերի 26-ին Համագասպ Օհանջանյանին, ինչպես հետևում է նրա հարցաքննության արձանագրությունից, ներկայացվել է այլ թղթերի թվում և գրելու թղթի թերթ՝ «Ընկերներ» դիմումով, «Պարույր» ստորագրությամբ ղեկտեմբերի 25-ից և Օհանջանյանը հայտարարել է, որ նման նամակ չէր կարող իրենից առգրավվել, ընդ որում, ոչ մի ցուցում այն փաստի առթիվ, որ այդ փաստաթղթի ներկայացման ժամանակ Դատական Քննիչի կողմից բացատրվել է, որ այդպիսի փաստաթուղթ գտնվել է նրա՝ Օհանջանյանի վառարանում, բնակարանում, նշյալ արձանագրությունում չկա, իսկ պրիստավ Պոպովը, ում իր փաստարկները հաստատելու համար հղում է անում մեղադրյալ Օհանջանյանը, չի հաստատում այդ և 1909թ. մայիսի 19-ի իր ցուցմունքում բացատրում է, «որ Համագասպ Օհանջանյանի մոտ ես հայտնաբերել եմ հայերեն, ֆրանսերեն և ռուսերեն լեզուներով մեծ գրագրություն, իսկ մեկ ձեռագիրը (բայց ոչ նամակը) պատռված կտորներով գտնվել է վառարանում և առանց նշյալ այրված թղթի կտորների»:

ՀԱԱ, Ֆ. 1457, ց. 3, գ. 6, ք. 4467: Թարգմանություն ռուսերենից:

Մեղադրյալ Համագասպ Օհանջանյանը միջնորդություն ներկայացրեց.

Ա. Վկաների հարցաքննության մասին՝ ի հաստատումն այն բանի.

1. Որ 1907թ. որչ ամառը առանց բացակայելու նա ապրել է Թիֆլիսի գավառի Ծղնեթ գյուղում, դրա համար էլ չէր կարող «Մեդրյան» ստորագրությամբ հեռագիր գրել,

2. Որ 1905թ. նոյեմբերին նա չէր կարող Թիֆլիս քաղաքում [ԲՅԴ] շրջանային ժողովին ներկա լինել,

3. Որ ինքը՝ Համագասպ Օհանջանյանը, անկուսակցական առաջադիմական է, քաղաքականությամբ չզբաղվող,

4. Որ ինքը էջմիածնի համագումարի պատ - գամավոր է ընտրվել որպես անկուսակցական - առաջադիմական,

Բ. Գայերեն լեզվի գիտակ անձի հարցաքննու - քյունն այն մասին, որ «Չամո»-ն նրա «Չամա - զասպ» անվան կրճատված անունն է և ոչ թե նրա մականունը:

Սակայն, այս բոլոր միջնորդությունները են - թակա չեն բավարարման, քանի որ.

Առաջին, մեղադրյալ Չամազասպ Օհանջան - յանի հղումը իր՝ 1907թ. ողջ ամառը Ծղնեք գյու - դում առանց բացակայելու ապրելու մասին իրա - կանությանը չի համապատասխանում, քանզի 1907թ. Ազովո-Դոնյան առևտրական բանկի թիֆ - լիսյան բաժանմունքի փոխանցումների մասին հայտարարությունների դիտումով և փորձաքն - նությանը հաստատվել է, որ Չամազասպ Օհան - ջանյանն իր ձեռքով գրած հայտարարությամբ 1907թ. հուլիսի 24-ի թ. 1142646 անդորրագրով Թիֆլիսից Ելիզավետպոլ փոխանցել է 500 ռուբլի, ինչպիսի փաստն արդեն ինքնին բացառում է մե - ղադրյալ Օհանջանյանի հայտարարության հա - վաստիությունը Ծղնեք գյուղում իր անբացակա մնալու մասին, դրա համար էլ այդ հիմնավորմամբ վկաների հարցաքննությունն ի հաստատումն իրականությանը չհամապատասխանող տվյալ հանգամանքի՝ չի կարող տեղի ունենալ.

Երկրորդ, 1905թ. նոյեմբերի 12-ից մինչև դեկ - տեմբերի 1-ը Չամազասպ Օհանջանյանը բնակ - վել է Թիֆլիս քաղաքում և հենց այդ նույն ժամա - նակ ք. Թիֆլիսում տեղի է ունեցել «Դաշնակցու - քյուն» կուսակցության շրջանային ժողովը, ընդ որում այդ միստերը գումարվել են թե՛ ցերեկով, թե՛ երեկոյան ժամը 10-ից և այլն, դրա համար էլ տար - օրինակ է, ինչ ձևով մեղադրյալ Օհանջանյանի կողմից նշված վկաները, ընդ որում՝ նրա հետ նույն բնակարանում չապրող, կարող են վկայել, որ նա՝ Օհանջանյանը, ներկա չի եղել ավելի քան հինգ տարի առաջ տեղի ունեցած այդ ժողովում: Դրանից զատ, մեղադրյալ Օհանջանյանի մեկ հղումը, որ իր նշած վկաները կարող են վկայել այդ շրջանային ժողովում իր բացակայության փաստը, զուրկ է որևէ հիմքից, քանի որ մեղադր - յալ Օհանջանյանը չի ներկայացնում ոչ մի տվյալ, որոնք կապացուցեին նրա վկաների բերած այդ - պիսի հանգամանքը հավաստիացնելու հնարավո - րությունը, լքանի՞ որ կարող են վկայել միայն այն անձինք, որոնք ներկա են եղել այդ ժողովում և տեսել այդտեղ մեղադրյալ Օհանջանյանին, հա - կառակ դեպքում՝ նման փաստը չի կարող ապա - ցուցվել վկաների ցուցմունքներով.

Երրորդ, Չամազասպ Օհանջանյանի ցուց -

մունքն այն մասին, որ ինքն անկուսակցական առաջադիմական է, վկայում է միայն մեղադրյալ Օհանջանյանի ցանկության մասին՝ այդ միամիտ հնարքով հերքել «Դաշնակցություն» հայ հեղա - փոխական կուսակցության մեջ իր մասնակցու - քյունը, ինչպիսին [նրա մասնակցությունը] վկա - վել է ինչպես գրավոր փաստաթղթերով, այնպես և բավական մեծաքանակ վկաների երդվյալ ցուցմունքներով: Մի կողմ թողնելով վկաների ցուցմունքները՝ անհրաժեշտ է նախ և առաջ ուշ - ադրություն դարձնել 1908թ. դեկտեմբերի 12-ին Չամազասպ Օհանջանյանի մոտ խուզարկու - քյամբ հայտնաբերված փաստաթղթերին, որոնք իրենց ողջ լրիվությամբ ապացուցում են, որ Օհանջանյանը ոչ միայն եղել է «Դաշնակցու - քյուն» հայ հեղափոխական կուսակցության ան - դամ, այլև նույնիսկ այդ կուսակցության գլխա - վոր մարմին «Արևելյան Բյուրոյի» անդամ, ինչի հետևանքով նույնիսկ անհասկանալի է՝ ինչպե՞ս նման մերկացնող փաստաթղթերի առկայության դեպքում Օհանջանյանը նույնիսկ հնարավորու - քյուն ունի հղում կատարել վկաների վրա, որոնք կարող են հաստատել, որ ինքը՝ Չամազասպ Օհանջանյանը, անկուսակցական առաջադիմա - կան է, մինչդեռ անկուսակցական առաջադիմա - կան անվանվող մեղադրյալ Չամազասպ Օհան - ջանյանի մոտ գտնվել են խուզարկությանը հետևյալ փաստաթղթերը.

1. «Չայկունի» (ներկա գործով մեղադրվող Չակոբ Զիլինգարյան⁶⁶) ստորագրությամբ 1906թ. հոկտեմբերի 11-ի նամակը Ելիզավետպոլից «Դաշնակցություն» կուսակցության Արևելյան Բյուրոյի անդամների անունով: Արևելյան Բյուրո - յից կուսակցության Ելիզավետպոլի կոմիտեին 1905թ.-ից մինչև 1906թ. հոկտեմբերը դրամի քա - նակի փոխանցման մասին հաղորդելու խնդրան - քով, ինչն անհրաժեշտ է կուսակցական հաշվետ - վության կազմման համար,

2. Ֆիլիպպոլից 1905թ. նոյեմբերի 28-ի Ռոստոմի («Դաշնակցություն» կուսակցության Արևելյան Բյուրոյի անդամ մեղադրյալ Ստեփան Զորյան) անունով նամակը՝ կուսակցական նոր հուսալի հասցեի [հաղորդման] խնդրանքով, քանի որ Աբովյանը (նույն կուսակցության անդամ և մե - ղադրյալ Լևոն Աբովյան) լքում է իր փոստարկղը,

3. 1906թ. հուլիսի 9-ի «Չամոյի» (այսինքն Չամազասպ Օհանջանյան) անունով «Կարո» ստո - րագրությամբ նամակը 1300 ռուբլի և 200 ռուբլի եր - կու հաշիվների ուղարկման մասին, փոխանցված Մանասի (այսինքն այդ կուսակցության անդամ մե - ղադրյալ Սարգիս Մանասյանցի) կողմից, ցուցու - մով, որ վերջինից ստացված մարտական փամ - փուշտները գտնվում են իր՝ Կարոյի մոտ,

⁶⁶ Չակոբ Զիլինգարյանը 1900-ական թվականներին եղել է Կարսի շրջանի ԳՅԳ «ճակատային զօրի դեկավար գործիչ»: Մահացել է 1912թ. Վլադիկավկազի բանտում՝ ծանր հիվանդությունից հետո:

4. «Շուշիկ» ստորագրությամբ «Համոյի» (այսինքն Համազասպ Օհանջանյան) անունով նամակ, ուր վերջինս հաղորդում է, որ նա՝ Համազասպ Օհանջանյանը, իր կողմից հարգված մարդ է, դաշնակցական է, և որ ինքը՝ Շուշիկը, նախկինում եղել է միայն դաշնակցականուհի, բայց այժմ ոչ, ինչով ինքը շատ բան է կորցրել՝ թողնելով «Դաշնակցություն» կուսակցությունը իր համոզմունքների պատճառով,

5. «Դավիթ Ջավրիկ» (սույն գործով մեղադրյալ Դավիթ Ջավրիկ) ստորագրությամբ «Համոյի» (Համազասպ Օհանջանյան) անունով նամակը, որպեսզի վերջինիս նամակը ներկայացնող «Ազատ միություն» ամսագրի խմբագրին ծանոթացնի «Դաշնակցության» կազմակերպության անդամների հետ,

6. 1908թ. դեկտեմբերի 6-ի «Բաբկեն» ստորագրությամբ կուսակցության Արևելյան Բյուրոյի անդամների անունով նամակը՝ հրազենի ստացման և երկրորդ՝ զինվորական դատարանին հանձնման մասին հաղորդագրությամբ, ինչի հետևանքով անհրաժեշտ է դատապաշտպան վարձելու միջոցներ ձեռնարկել,

7. «Մկրտիչ» («Դաշնակցություն» կուսակցության անդամ և մեղադրյալ Մկրտիչ Մելիքյանց) ստորագրությամբ «Համոյի» (Համազասպ Օհանջանյան) անունով նամակը՝ հայերեն հեղափոխական գրքույկներ 100 օրինակ ու Ֆեդորովիչի «Ժողովրդական փողեր» և «Լերան նոր քարոզ» 100 օրինակ «Յառաջ» գրադարանի հրատարակություններ ուղարկելու խնդրանքով, քանի որ այդ գրքույկները ունեն մեծ տարածում և ծառայում են կուսակցական քարոզչության նպատակին,

8. 1907թ. փետրվարի 5-ի Բաբկից «Դպրոցի աշխատակից» գրատնից «Յառաջ գրադարանի վարչության» անունով նամակը՝ «Յառաջ» գրադարանի հրատարակություններից մինչև 30 տեսակի գրքույկ և ամեն տեսակից 30-50 օրինակ ուղարկելու խնդրանքով,

9. 1908թ. նոյեմբերի 15-ի Կ. Պոլսից «Յառաջ» գրադարանի վարչության անունով նամակը՝ այդ գրադարանի յուրաքանչյուր հրատարակությունից 10 օրինակ ուղարկելու խնդրանքով,

10. 1907թ. փետրվարի 5-ի «Սունդուկյանց» գրատնից «Համազասպ Իվանովիչի» անունով նամակը՝ ինչքան հնարավոր է, ըստ կից ցուցակի, «Յառաջ» գրադարանի շատ գրքույկներ ուղարկելու խնդրանքով,

11. 1908թ. մայիսի 28-ի «Գ. Ա.» ստորագրությամբ «Ընկեր Համո» (այսինքն կուսակցության անդամ Համո-Համազասպ Օհանջանյան) անու-

նով նամակը, [հետևյալ] ցուցումով, որ գրքույկը անհրաժեշտ է տպագրել Ս. Պետերբուրգում Չարիխյանի միջնորդությամբ, իսկ «Յառաջ»-ի խմբագրության հանձնաժողովի անդամների հարկավոր է ուշադրություն դարձնել այդ ձեռագրի ընթերցմանը,

12. Տասնյոթ կասկածելի և հեղափոխական հայերեն ձեռագրեր՝ մեծ մասամբ իրենցից ռուսերեն արգելված գրքույկների թարգմանություններ ներկայացնող և հավանաբար «Յառաջ» գրադարանի կողմից դրանք հրատարակելու համար նախատեսված:

Այսպիսով, թվարկված փաստաթղթերը հաստատում են ոչ միայն Համազասպ Օհանջանյանի անկասկած պատկանելությունը «Դաշնակցություն» հայ հեղափոխական կուսակցությանը որպես նրա Արևելյան Բյուրոյի անդամ, այլև նույնիսկ վկայում են նաև այն մասին, որ Համազասպ Օհանջանյանը՝ որպես «Դաշնակցություն» կուսակցության Արևելյան Բյուրոյի անդամ, եղել է այդ կուսակցության գրքույկների հրատարակման գծով համապատասխան ծրագրերի գլխավոր կարգադրիչներից մեկը՝ լինելով նույն կուսակցության Արևելյան Բյուրոյին կից մարմին «Յառաջ» գրադարանի հանձնախմբի անդամ:

«Դաշնակցություն» հայ հեղափոխական կուսակցության Չորրորդ ընդհանուր ժողովի⁶⁷ արձանագրությունից և որոշումներից ու 1907թ. ծրագրից հետևում է, որ «Յառաջ»-ի խմբագրության կազմումը Արևելյան Բյուրոյի գործն է: Դրանից բացի, հայերեն «Ժամանակ»⁶⁸ թերթի ընթերցումից հետևում է, որ դրա 1907թ. հունվարի 26-28-ի ք.19 և 20-ի համարներում նշվում է, որ որպես դաշնակցականների կողմից Թիֆլիսում Պետական Դումայի պատգամավորների ընտրողների թեկնածու երրորդ տեղամասում ընտրվել է բժիշկ Համազասպ Օհանջանյանը, իսկ «Ալիք» թերթի, ինչպես արդեն վերևում նշվեց՝ «Դաշնակցություն» կուսակցության Արևելյան Բյուրոյի օրգան, քիչ 22-ում նշվում է, որ 1906թ. հունիսի 10-ին քաղաքային դումայի շենքում, քաղաք Թիֆլիսում, տեղի ունեցավ գործադուլավոր հացթուխների ժողով «Դաշնակցություն» կուսակցության անդամներ օրիորդ Շուշիկի, Եղիշե Թոփչյանի և այլոց մասնակցությամբ՝ բժիշկ Համազասպ Օհանջանյանի նախագահությամբ: Վերոնշյալ և Օհանջանյանի մոտ գտնված Դավիթ Ջավրիկի Ս.Պետերբուրգից ուղարկված մամակից հետևում է, որ Օհանջանյանի հեռագրերը հացթուխների հանրահավաքի մասին նա Ջավրիկին ուղարկել է բոլոր պրոլետարական

⁶⁷ Գումարվել է Վիեննայում 1907թ. փետրվար-ապրիլ ամիսներին: Այստեղ Հ. Օհանջանյանը Ս. Ջավարյանի, Արմեն Գարոյի, Եղ. Թոփչյանի և Ա. Վոսյանի հետ ընտրվել է Արևելյան Բյուրոյի անդամ:

⁶⁸ «Ժամանակ» հասարակական, տնտեսական, քաղաքական և զրական օրաթերթը հրատարակվել է Թիֆլիսում 1906-1907թթ., արդեն իսկ հիշատակված «Չերմես» տպարանում: Խմբագիր-հրատարակիչն էր Հովհաննես Տեր-Միքայելյանը, ապա՝ Սարգիս Մանայանը:

թերթերին [հաղորդելու համար], բայց այդպիսիք դադարել են լույս ընծայվել: Հայերեն «Յառաջ» թերթի ընթերցումը, որը ինչպես արդեն վերևում սույն որոշման մեջ ցույց տրվեց՝ Անդրկովկասում «Դաշնակցություն» կուսակցության օրգանն էր, հաստատել է, որ 1905թ.-ից մինչև կառավարական իշխանության կողմից այդ թերթի փակումը, բժիշկ Համազասպ Օհանջանյանը եղել է դրա խմբագրակազմի անդամ:

Համազասպ Օհանջանյանի հայտարարությունն այն մասին, որ «Յառաջ» թերթը և «Յառաջ» գրադարանը ինքը չի համարել և չի համարում կուսակցական՝ միանգամայն նույնական է այն բանին, որ ինքը՝ Համազասպ Օհանջանյանը, լինելով «Դաշնակցություն» կուսակցության ամենից գործունյա և երևելի անդամներից մեկը, որպեսզի ինչ-որ կերպ թաքցնի իր անկասկած մասնակցությունը, հայտարարում է, որ ինքը անկուսակցական առաջադիմական է, սակայն նրա այդպիսի հայտարարությունները զուրկ են որևէ հիմքից:

Նույն Օհանջանյանի հոդումը հայերեն լեզվի գիտակ անձի վրա՝ ի հաստատումն այն բանի, որ «Համո»-ն մականունն չէ, այլ հակիրճ անունը «Համազասպ» անունից, շատ միամիտ է, քանի որ ոչ ոք չի կարող նույնիսկ հերքել նրա այդպիսի փաստարկներն այն մասին, որ «Համո»-ն նրա «Համազասպ» անվան փոքրացուցիչն է, սակայն դա, այդուհանդերձ, չի բացառում և այն, որ Համազասպ Օհանջանյանը կուսակցական գաղտնապահությամբ նշվում էր նրանում իր փոքրացուցիչ «Համո» անունով, ունենալով ի հավելումն և «Մհեր» («Մհերյան») գաղտնապահ կեղծանուն-մականուն:

Վերջին համաձայնքը միանգամայն հաստատվել է այն բանով, որ 1908թ. դեկտեմբերի 12-ին խուզարկության ժամանակ գտնված «Դաշնակցություն» կուսակցության այլ կուսակցական թղթերի և հաշվետվությունների մեջ վերջինիս անդամ Սարգիս Մանասյանցի մոտ «Թմբուկի» (Ախալքալաք) կոմիտեի 1905-1906թթ. հաշվետվությունում նշվում է, որ 1906թ. հուլիսի 1-ին Ախալքալաքից Թիֆլիս Մհերին փոխանցվել է 1000 ռուբլի, իսկ փոստային փոխանցումների և Ախալքալաքի գանձապետության փոխանցումների դիտումնից պարզվեց, որ 1906թ. հուլիսի 1-ին Ախալքալաքից միայն մի փոխանցում է կատարվել տեղական գանձապետարանի միջոցով թ. 521849 անդորրագրով Խաչատուր Դիլանյանից՝ քաղաք Թիֆլիս, Համազասպ Օհանջանյանին 1000 ռուբլի, որոնք ստացվել են վերջինիս կողմից ստացականով 1906թ. հուլիսի 6-ին պետական բանկի թիֆլիսյան բաժանմունքից:

Քննության ժամանակ հարցաքննված վկա Քեչիշյանը բացատրեց, որ «Համազասպ Օհանջանյանը, լինելով «Դաշնակցություն» կուսակցու-

թյան Արևելյան Բյուրոյի անդամ և ղեկավարելով քարոզչական գործունեությունը, հայտնի էր կուսակցությունում «Համո» անունով և «Մհերյան» մականունով:

Մեղադրյալ Համազասպ Օհանջանյանի «Մհեր» («Մհերյան») կուսակցական մականունի պատկանելությունը ցույց են տալիս նաև հետևյալ կուսակցական փոխանցումները. հենց նույն Սարգիս Մանասյանցի մոտ գտնված կուսակցության երևանի կենտրոնական կոմիտեի անդամ «Դարվիշի» (այսինքն՝ Գալուստ Ալոյան) ստորագրությամբ 1908թ. դեկտեմբերի 8-ի «Լեռ-միդի» (մեղադրյալ Սարգիս Մանասյանց) անունով նամակում նշվում է, որ «Դարվիշը», հաղորդելով «Լեռնիդին» իր կողմից կուսակցության երևանի (Սրգաստան) կոմիտեի հաշվետվությունների պատրաստման մասին, տեղեկացնում է, որ նախկինում «Մհերից» ստացած 4300 ռուբլին ծախսվել է կոմիտեում, դրա համար էլ հարկավոր է փոխանցել «Մհերին», որպեսզի նա էլի փող ուղարկի, իսկ բանկերի անդորրագրերի դիտումից հետևում է, որ 1908թ. փետրվարի 21-ին Համազասպ Օհանջանյանը Թիֆլիսից Երևան փոխանցել է 500 ռուբլի, որոնք և ստացվել են Գալուստ Ալոյանցի կողմից՝ 1908թ. փետրվարի 28-ին, որ 1908թ. մարտի 28-ին նույնի կողմից նշյալին փոխանցվել է 1000 ռուբլի, որոնք և ստացվել են վերջինիս կողմից 1908թ. մարտի 31-ին, որ 1908թ. հոկտեմբերի 6-ին նույնի կողմից փոխանցվել է նշյալին 1000 ռուբլի, որոնք և ստացվել են վերջինիս կողմից 1908թ. հոկտեմբերի 11-ին, որ 1908թ. նոյեմբերի 13-ին նույնի կողմից նշյալին փոխանցվել է 900 ռուբլի, որոնք և վերջինս ստացել է նույն նոյեմբերի 18-ին, որ 1908թ. դեկտեմբերի 1-ին նույնի կողմից նշյալին փոխանցվել է 900 ռուբլի, որոնք և վերջինս ստացել է դեկտեմբերի 4-ին: Իսկ ընդհանրապես նշյալ անդորրագրերով 1908թ. Համազասպ Օհանջանյանի կողմից Թիֆլիսից Երևան Գալուստ Ալոյանցին փոխանցվել է 4300 ռուբլի, իսկ «Դարվիշի» (Գալուստ Ալոյանց) նշյալ կուսակցական նամակով 1908թ. դեկտեմբերի 8-ից նշվում է «Մհերից» (Համազասպ Օհանջանյան) 1908թ. կուսակցության երևանի կոմիտեի համար 4300 ռուբլի ստացած լինելու մասին: Այդպիսով, վերոբերյալ փաստաթղթերը միանգամայն ապացուցելով «Դաշնակցություն» կուսակցության մեջ «Մհեր» («Մհերյան») մականունի անկասկած պատկանելությունը Համազասպ Օհանջանյանին, հերքում են նույն Օհանջանյանի փաստարկները, որ իր կողմից կատարվել են դրամական փոխանցումներ որպես ինքնապաշտպանության համար դրամահավաքների՝ մի-թաթարական ընդհանրումների ժամանակ, մինչդեռ Գալուստ Ալոյանցին կուսակցական փոխանցումները կատարված

են Զամազասպ Օհանջանյանի կողմից ոչ թե 1908թ., այլ ողջ 1908թ. ընթացքում⁶⁹:

Դիտարկված այլ տվյալներից հաստատվում է Զամազասպ Օհանջանյանի անհերքելի մասնակցությունը նշյալ «Դաշնակցություն» կուսակցությանը: Աչքի է զարնում հետևյալ ակնառու փաստը: Ահավասիկ, երդվյալ հավատարմատար Կլանկի ցուցմունքով բժիշկ Զամազասպ Օհանջանյանը 1907թ. ներկայացել է իրեն առաջարկելով Կլանկին զինվորական դատարանում և Թիֆլիսի դատական պալատում պաշտպանել հայերին, որոնք մեղադրվում են «Ելիզավետպոլ» երկաթգծի կայարանում, ոստիկանական սենյակում, ռուսք քննչի մեջ և Ելիզավետպոլ քաղաքում պայթուցիկ նյութերի պատրաստման լաբորատորիայի հայտնաբերման գծով, ընդ որում այդ երկու գործերով պաշտպանության համար Օհանջանյանը վճարել է յուրաքանչյուր գործի համար՝ 500-ական ռուբլի, իսկ մեղադրյալ Սարգիս Մանասյանցի մոտ խուզարկությանը գտնված կուսակցության Արևելյան Բյուրոյի 1907թ. ապրիլի և հունիսի հաշվետվություններում նշվում է, որ ապրիլի 20-ին հանձնվել է դատապաշտպան Կլանկին Այգեստանի (այսինքն՝ Ելիզավետպոլի) հաշվով 500 ռուբլի:

Որպես Զամազասպ Օհանջանյանի՝ «Դաշնակցություն» կուսակցության Արևելյան Բյուրոյի անդամ նշյալ հեղափոխական կազմակերպությանը «Միեր» և «Միերյան» մականուններով անհերքելի մասնակցության եզրակացություն հարկ է ուշադրություն դարձնել:

Առաջին, այն հանգամանքի վրա, որ ռուս և հայ փորձագետների կողմից հաստատվել է, որ.

1. Արևելյան Բյուրոյի գանձապահ «Միեր» ձեռագիր տեքստը և ստորագրությունը՝ գտնված «Դաշնակցություն» կուսակցության Վլադիկավկազի կոմիտեի կուսակցական թղթերում, նշյալ կուսակցության Արևելյան Բյուրոյի 1906թ. օգոստոսի 2-ի թ. 34 անդորրագիրը ժլատի (Վլադիկավկազի) կենտրոնական կոմիտեից 5600 ռուբլի ընդունելու մասին,

2. Նույն կուսակցության Անտառապատի⁷⁰ պահեստում կուսակցական փողերը տալու մասին «Միեր» ստորագրությամբ Սարգարի անունով գտնված գրությունը,

3. Գաղտնապահական հեռագրեր՝ ինչպես Միհրանի նկատմամբ ահաբեկչությանն առնչվող, այնպես էլ կուսակցության կարիքներին վերաբե-

րող և այլն՝ անկասկած մեղադրյալ Զամազասպ Օհանջանյանի կողմից գրված և ստորագրված,

Երկրորդ, որ «Միեր», «Միերյան» անունը որպես «Դաշնակցություն» կուսակցության Արևելյան Բյուրոյի անդամի և երևելի գործչի՝ անցնում է տարբեր մեղադրյալների մոտ և տարբեր քաղաքներում հայտնաբերված կուսակցության բազմաթիվ փաստաթղթերով: Այսպես օրինակ.

Ա. Մեղադրյալ Զովհաննես Խարազյոզով-Խլենբիկովի 1907թ. հոկտեմբերի 7-ի և 8-ի կուսակցական երկու նամակներում, որոնցից մեկում Աբովյանի անունով «Միերյանին» փոխանցելու համար, իսկ մյուսում՝ մեղադրյալ Գուրգինյանի անունով, հիշատակվում է «Դաշնակցություն» կուսակցության առաջիկա ժողովը և «Միերյանից» կուսակցական փողեր ուղարկելու պահանջը,

Բ. «Դաշնակցություն» կուսակցության Վլադիկավկազի կենտրոնական կոմիտեի կուսակցական թղթերի մեջ հայտնաբերված 1906թ. հուլիսի 17-ի որոշումից հետևում է, որ կոմիտեի անդամների կողմից որոշվել է ուսուցիչ-քարոզիչներ ուղարկելու համար «Ալիք»-ի խմբագրության միջոցով դիմել Արևելյան Բյուրոյի անդամ «Միերին»: Վերջապես, Երևանի նահանգապետի և փոխարքայի գրասենյակի 1906թ. օգոստոսի հայկական պատգամավորների էջմիածնի համագումարի մասին գործերի դիտումից և այդ համագումարի որոշ անդամների ստորագրություններից, ինչպես նաև երդման ներքո հարցաքննված վկաներ Ֆրենկելի, Լեմերմանի, Զարուբյուն Թումանյանի և Տեր-Միքայելյանցի ցուցմունքներով միանգամայն հաստատված է, որ Զամազասպ Օհանջանյանն այդ համագումարում եղել է ոչ թե անկուսակցական առաջադիմական, այլ «Դաշնակցություն» հայ հեղափոխական կուսակցության անդամ, և այդ կուսակցության անդամ մյուս պատգամավորների հետ ստորագրությամբ բողոք է արտահայտել կառավարական իշխանության մարմինների կողմից այդ համագումարի փակման դեմ:

ՀԱԱ, ֆ. 1457, ց. 3, գ. 6, թթ. 4572-4576: Թարգմանություն ռուսերենից:

* * *

Մեղադրյալներ Սարգիս Մանասյանցը, Զամազասպ Օհանջանյանը, Պողոս Չուբարյանը, Զա-

⁶⁹ Պաշտպանական մարտավարության հետևելով՝ Զ. Օհանջանյանը ձգտում էր 1908թ. Գալուստ Ալյոնանի մեծաթիվ դրամական փոխանցումներ կատարելու փաստը կապել հայ-թաթարական ընդհարումների հետ: Ավնիայտ է, որ այդ թվականին նման ընդհարումներ չեն եղել: Ամենայն հավանականությամբ «Մրգաստան» ուղարկվող դրամական միջոցները կապված էին իրանական հեղափոխությանը մասնակցելու նախապատրաստությունների հետ:

⁷⁰ «Անտառապատը» ԶՅԴ Լուռու կոմիտեն էր: Տե՛ս «Վե՛ս» համահայկական հանդես, 2009, թիւ 1, էջ 162:

մագաստ Արվանդտյանը⁷¹ և Արիստակես Դավիդյանցը (Տեր-Դավիդյանց), ժխտելով Ռուսական պետության մեջ «Դաշնակցություն» հայ հեղափոխական կուսակցության հեղափոխական և հակա-կառավարական գործունեությունը, ցույց են տալիս Ռուսաստանյան կայսրության սահմաններում այդ կազմակերպության գործունեության լեզու բնույթը, փորձում են ապացուցել, որ «Դաշնակցություն» հայ հեղափոխական կուսակցությունը ոչ միայն ռուսական կառավարության ակտիվ հակառակորդ չի եղել, այլև կատարել է այն պարտականությունները, որոնք ընկած էին վերջինիս վրա:

Դրա հետ միասին, այդ մեղադրյալները, ապացուցելով կուսակցության [ձեռնարկած] որևէ հեղափոխական ելույթի բացակայությունը նույնիսկ Ռուսաստանում ազատագրական շարժման ժամանակահատվածում, բացատրում են, որ 1905թ.-ից մինչև 1907թ. «Դաշնակցություն» կուսակցությունը ինքնապաշտպանության կազմակերպիչ էր, և ինչպես ժամանակի այդ հատվածում, այնպես և հետագա տարիներին, «Դաշնակցություն» կուսակցության կողմից չի կատարվել ոչ մի սպանություն, որն իր հիմքում չունենար հայ-թաթարական ընդհարումները, իսկ քննչական նյութերում չկա ոչ մի փաստ, որը վկայեր այն մասին, որ «Դաշնակցություն» կուսակցության որոշմամբ սպանությունների մի ողջ շարք իրականացվել էր հակակառավարական նպատակներով: Այդ կուսակցության ծրագրերը և կանոնադրությունները ինքնին ավելին չէին, քան մեռյալ տառ, իսկ նշյալ կուսակցության գործունեությունը կրել է բացարձակապես բացահայտ բնույթ, և ոչ ոք իրավունք և ի հիմք չուներ այդ կուսակցությանը հանցավոր ընկերակցություն համարել: Ողջ քննչական նյութում Ռուսաստանում գոյություն ունեցող կառավարման ձևի փոփոխության դեմ ուղղված այդ կուսակցության 1907թ. հետո հեղափոխական ելույթ ցույց տվող ոչ մի փաստ չկա: Ամեն դեպքում թաթարներից ինքնապաշտպանության մասնակիցները հայտնի հարաբերակցության մեջ էին «Դաշնակցություն» կուսակցության հետ, որը ինքնապաշտպանության գլուխ էր կանգնած, և երկրամասում բարձրագույն վարչակազմը գիտեր, որ այդ ինքնապաշտպանությունը մղվում է նշյալ կուսակցության ղեկավարության ներքո, գումարում էր համազունարներ հայերից և թաթարներից, այդպիսի համազունարները տեղի էին ունենում կառավարական իշխանության տեղական բարձրագույն ներկայացուցիչների անմիջական հսկո-

ղության ներքո: Դրանից բացի, կառավարական իշխանության ներկայացուցիչները հայ բնակչության ծայրահեղ ծախ տարրերի օգնությամբ ձգտում էին հայ-թաթարական կոտորածով բռնկված վայրերի բնակչությանը խաղաղեցնել: Բուն քննչական նյութերում չկա ոչ մի փաստ, որը «Դաշնակցություն» կուսակցությանը կարողանար բնութագրել որպես հեղափոխական և Ռուսական պետության դեմ գործող կուսակցություն: «Դաշնակցություն» կուսակցության գործունեության ընթացքում վարչակազմը և բնակչությունը փոխադարձ ծառայություններում իրենց գործողությունները այդ կուսակցության պահանջների հետ էին համաձայնեցնում և կուսակցության ձեռք բերած զենքը ուղղվում էր միայն ինքնապաշտպանության համար, իսկ Կովկասի փոխարքայի կողմից 1905թ. այդ նույն նպատակի համար բաժանվել էր մինչև 500 ռուբլի սոցիալ-դեմոկրատական կուսակցությունների ներկայացուցիչներին: Ընդ որում, ի հաստատումն նշյալ բոլոր փաստարկների՝ մեղադրյալները մի ամողջ շարք վկաների հարցաքննության մասին միջնորդություն ներկայացրին, պահանջեցին փոխարքայի կամ նրա օգնականի նախագահությամբ նրա պալատում հայ-թաթարական կոտորածների առիթով գումարված հայ-թաթարական համագումարի բանաձևերը և արձանագրությունները, սենատոր Կուզմինսկու հաշվետվությունը⁷², Ելիզավետպոլի հայոց առաջնորդարանի գործերը:

Սակայն, այս բոլոր միջնորդությունները ենթակա չեն բավարարման, քանի որ.

Մեղադրյալ Համազասպ Օհանջանյանը ձգտելով ապացուցել, որ կառավարական իշխանության ներկայացուցիչների բոլոր սպանությունները՝ կատարված 1907թ. և 1907թ. հետո, ծագել էին ոչ թե «Դաշնակցություն» կուսակցությունից, այլ ուրիշ հեղափոխական կազմակերպություններից, ինչպես օրինակ՝ Ալեքսանդրապոլ քաղաքում Ալի-խանովի սպանությունը, իրականացված Օհանջանյանի խոսքերով՝ վրաց սոցիալ-դեմոկրատների կողմից⁷³, խնդրել է պահանջել այն կոչերը, որոնք կապացուցեն նրա փաստարկների արդարացիությունը, սակայն Օհանջանյանի այդպիսի ցուցումը իրականությանը չի համապատասխանում, քանզի «Դաշնակցություն» կուսակցության օրգան «Դրոշակ» ամսագրի 1910թ. ք. 5-6-ում հստակ ցույց է տրված, որ Ալի-խանովի սպանությունը իրականացվել է 1907թ. հուլիսի 2-3-ի գիշերը «Դաշնակցություն» կուսակցության որոշմամբ՝

⁷¹ Համազասպ Արվանդտյանց (1873-1921) – հայ ազգային-ազատագրական պայքարի անվանի գործիչ: Ծնվել է Վանում, 1905թ. եղել է Ասկերանի ինքնապաշտպանության ղեկավարը: Լիժնյան դատավարությունից հետո արքայից է Սիբիր, որտեղից փախել է 4. Պոլիս: Եղել է 3-րդ կամավորական գնդի հրամանատարը: Գործում մասնակցություն է ունեցել 1918թ. Բաքվի հերոսամարտին, Հայաստանի առաջին Հանրապետության օրոք դարձել է Նոր Բայազետի զորամասերի հրամանատար: Հայաստանի խորհրդայնացումից հետո կացնահարվել է Երևանի բանում:

⁷² Բաքվում հայ-թաթարական կռիվների հետաքննության վերաբերյալ:

⁷³ Վրաստանի դահիձ թաթար Ալիխանովի սպանության համար վրաց սոցիալ-դեմոկրատները շնորհակալագիր ուղարկեցին ՅՅԴ-ին:

վերջինիս զլխավոր ահաբեկիչներ Մարտիրոս Չարուխչյանի⁷⁴ և «նրա անբաժան ընկերոջ»⁷⁵ կողմից, որոնք իրականացրել էին նաև 1905թ. [մայիսի 11-ի] նահանգապետ Նակաշիժեի սպանությունը: Այսպես, այդ համարից հետևում է, որ գեներալ Ալիխանովն իր վրա [կատարված] վրաց հեղափոխականների հարձակումից հետո դարձել էր շատ զգույշ և անորսալի, բայց միայն [ՀՅԴ] կուսակցությունից Մարտիրոսը Ալեքսանդրապոլի փողոցում կարողացավ հոսք ցնդեցնել այդ «բռնակալ Ալիխանովին»: Դրանից բացի, «Դրոշակ»-ի հենց նույն համարում նշվում է, որ Երևան քաղաքում 1910թ. փետրվարին սպանված ռոտմիստր Բուրկատսկին ահաբեկչության է ենթարկվել «Դաշնակցություն» կուսակցության Մրգաստանի (Երևանի) կենտրոնական կոմիտեի որոշմամբ: Զենության տվյալներով հաստատվել է, որ թեպետ գեներալ Ալիխանովի մահափորձը Քուբայի քաղաքում բխում էր վրաց սոցիալիստ-ֆեդերալիստներից, սակայն այդ կազմակերպության ահաբեկիչները այդուհանդերձ ռումբերով մատակարարվել են «Դաշնակցություն» կուսակցության կողմից: «Դաշնակցություն» կուսակցության համատեղ գործունեությունը այլ հեղափոխական կազմակերպությունների հետ ապացուցվում է նաև «Դաշնակցություն» կուսակցության Վաղիկավկազի կենտրոնական կոմիտեի հաշվետվությունների և գրագրության մեջ գտնված տարբեր կուսակցական թղթերով, օրինակ՝ «Դաշնակցություն» կուսակցության կողմից օսթթական «Ֆադիսաթա» հեղափոխական կազմակերպությանը ահաբեկչական գործողություն կատարելու համար ռումբերի մատակարարում, Համառուսաստանյան հեղափոխական զինվորական միությանը, ինչպես նաև նրա վաղիկավկազի մասնաճյուղին և սոցիալիստ-հեղափոխականների վաղիկավկազի խմբին անվերադարձ օգտագործման համար փողի տրամադրում:

Ինչ վերաբերում է Համազասպ Օհանջանյանի ցուցմունքին, որ Դատական Քննիչի կարծիքով «Դաշնակցություն» կուսակցությունը Ռուսաստանում մինչև 1905թ. գոյություն չի ունեցել, ապա այդ ցուցմունքը իրականությանը չի համապատասխանում և նշյալ մեղադրյալի կոպիտ ծաղրանքն է⁷⁶, որով ինքն էլ հենց ցույց է տալիս, որ քննչական նյութերում նշված է մինչև 1905թ.

«Դաշնակցություն» կուսակցության վճիռներով իրականացված սպանությունների շարքը: Քննչական նյութերից միանգամայն պարզ է, որ «Դաշնակցություն» կուսակցությունն առաջին անգամ իր գործունեությունը կոկկաստում ծավալել է 1903թ. հայ ժողովրդի շահերի պաշտպանության դիմակի տակ, հայ ժողովրդական զանգվածներին ներքաշելով ռուսական կառավարության դեմ կռիվներում, դրա համար էլ այդ խավարամիտ զանգվածները ամենևին էլ «Դաշնակցություն» հայ հեղափոխական կուսակցության մասնակիցներ չեն, այլ միայն այդ կուսակցության կողմից մոլորության մեջ ներքաշված անծինք, ինչի հետևանքով ժողովրդական զանգվածների գործունեությունը չի կարող հավասարեցվել «Դաշնակցություն» կուսակցության ներկայացուցիչների գործունեությանը⁷⁷: «Դաշնակցություն» կուսակցության վճիռներով իրականացված 1905թ. գանձապետարանի պաշտոնյա Բարդիցևի սպանությունը և հաշվետար Կովտունովի մահափորձը՝ նրանից 40.000 ռուբլի պետական փողերի թալանով, 1906թ. Արմավիրում Շահնազարովի, 1906թ. Ջաքաթալայում՝ անտառապահ Կլիմենկոյի, 1906թ. Կոչ գյուղում՝ Սաֆերյանցի, 1907թ.՝ ենթասպա Լույանծեի սպանությունները, 1907թ. հունիսի 10-ին Անդրեաս Վարդապետյանի և Խեչո Մուխտարովի ու Գաբրիել Քեչիշյանի մահափորձը, 1907թ. Թիֆլիսում Վասիլի Շահնազարովի և Մուշեղ Առաքելյանցի, 1907թ. օգոստոսի 27-ին Յալթայի մերձակաքում՝ Գասպար Նազարովի, 1907թ. օգոստոսի 14-ին Արմավիրի մերձակայքում՝ վաճառական Տեր-Ավետիսյանցի, 1907թ. սեպտեմբերի 14-ին՝ Մարտիրոս Առաքելյանի, 1907թ. դեկտեմբերի 10-ին՝ Ավագ Հախվերդովի, 1907թ. նոյեմբերի 8-ին՝ Սողոմոն Կիզիդյանցի, 1907թ. դեկտեմբերի 16-ին՝ Հովհաննես Անտոնյանցի, 1908թ. հուլիսին՝ վերակացուներ Կալաշնիկովի և Գրիմի, 1908թ. ապրիլի 7-ին՝ զավառապետ Ավալիանի, 1908թ. նոյեմբերի 3-ին՝ Մեսրոպ Մինասովի, 1909թ. մարտի 6-ին՝ Սարգսր Տեր-Հարությունյանի, 1909թ. ապրիլի 8-ին՝ Արշակ Վարդապետովի, 1909թ. հունվարի 26-ին՝ Աշտարակ գյուղի տանուտեր Ազատովի, 1909թ. սեպտեմբերին՝ Մովսես Վարդանովի, 1909թ. հոկտեմբերին՝ Սարուխան Գևորգովի, 1909թ. նոյեմբերին՝ Բարիկ Դարման-

⁷⁴ Մարտիրոս Չարուխչյան (~1909) – ՀՅԴ նվիրյալ գործիչ, հանդուզն ահաբեկիչ: Բանտարկվել է Բաթումի և Ալեքսանդրապոլի բանտերում: 1905թ. եղել է Բաքվի հայության ինքնապաշտպանության կազմակերպիչներից մեկը, մասնակցել է Նակաշիժեի ահաբեկմանը: Ալեքսանդրապոլում ահաբեկել է գեներալ Ալիխանովին 1905թ.: Մասնակցել է իրանական հեղափոխությանը և 1909թ. փետրվարի 9-ին նահատակվել Ավարի կռվում: Նրա մասին տես Ռոստոմ, Կազմակերպական ընկերը. «Ռոստոմ. մահուան վաթսուամենակին առթիւ», Պէրլոթ, Համազգայինի Կահե Սեբեան տպարան, 1979, էջ 67-72:

⁷⁵ «Անբաժան ընկերը» Դրոն է՝ Դրաստամատ Կանայանը:

⁷⁶ Այս ձևակերպումն ինքնին վկայում է քննչական մարմինների կամայականության մասին:

⁷⁷ Նման ձևակերպումն անուղղակի կերպով հիշեցնում է հետագա տարիներին բուլշևիկների կողմից բոլոր ոչ կոմունիստական կուսակցություններին (առաջին հերթին՝ ՀՅԴ-ին) վերագրվող կուսակցություն-ժողովրդական զանգվածներ շինծու հակաբեռը:

յանի, 1910թ. փետրվարին՝ ռոտմիստր Բուրկատսկու, 1910թ. սեպտեմբերին՝ Գաբրիել Քեշիշյանի սպանությունները և այլն. այս բոլոր սպանությունները չեն իրականացվել հայ-թաթարական ընդհարումների և եկեղեցու զույթի առգրավման հիմքի վրա և դրանց հետ ոչ մի առնչություն չունեն, այլ ռուսական կառավարության դեմ «Դաշնակցություն» կուսակցության կատարած գործողություններ են:

Ինչ վերաբերում է Համազասպ Օհանջանյանի միջնորդություններին՝ իրեն կալանքից ազատելու մասին, ապա այդպիսի միջնորդությունները՝ դրանց համար օրինական հիմքերի բացակայության պատճառով, չեն կարող բավարարվել:

Դատական Քննիչ Ն. Լիծին:

Բնագիրը համապատասխան ստորագրությամբ:

ՀԱԱ, ֆ. 1457, ց. 3, գ. 6, թթ. 4603-4607: Թարգմանություն ռուսերենից:

**ԹԻՎ 6
ՄԵՂԱԴՐԱՎԱՆ ԱԿՏ**

18. Համազասպ Օհանջանյան – 1905թ. մասնակցել է «Դաշնակցություն» ընկերակցության Կովկասյան շրջանային ժողովին, որտեղ Ռուսաստանի սահմաններում ընկերակցության ակտիվ հեղափոխական գործունեության ծրագիր է մշակվել: 1906թ. եղել է Արևելյան Բյուրոյի անդամ և կրելով «Մեդր», «Սեդրյան» պայմանական անունները՝ Բյուրոյի կնիքով ընկերակցության տարբեր կազմակերպությունների դրամի ստացման մասին անդորրագրեր է տրամադրել, դեկավարել է ուսուցիչ-քարոզիչների գործունեությունը, որոնց ուղարկման մասին «Ալիք» թերթի խմբագրության միջոցով նրան դիմում էին տեղական մարմինները: 1907թ. ընկերակցության տարբեր անդամների հետ կազմակերպչական հարցերի առիթով հեռագրական գրագրություն է վարել, եղել է ընկերակցության նպատակներին համապատասխանող բնագիր և թարգմանչական երկեր հրատարակող «Յառաջ» գրահրատարակչական վարչության նախագահ: Որպես «Դաշնակցություն» ընկերակցության պատգամավոր՝ մասնակցել է իրեն Ռուսաստանի ողջ հայ բնակչության օրինական ներկայացուցիչ հռչակած և դպրոցական, տնտեսական, վարչական և այլ հարցերով նրա բոլոր գործերի լուծման համար լիազորված, հակապետական նշանակություն ունեցող էջմիած-

նի համագումարի ժողովներին: 1907թ. պարտականություն է ստանձնել և կատարել Ռուսաստանում «Դաշնակցության» սոցիալիստական ծրագիրը և հեղափոխական մարտավարությունը հաստատած Վիեննայի 4-րդ ընդհանուր ժողովին ներկա գտնվելու ընկերակցության հանձնարարությունը: Ընդ որում, նշված ընդհանուր ժողովում կրկին ընտրվել է Արևելյան Բյուրոյի անդամ: 1908թ. իր մոտ է պահպանել էջմիածնի համագումարի ընդունած բանաձևերի սևագրերը, «Դաշնակցության» ծագման, նրա զարգացման և կայսրության սահմաններում հեղափոխական ելույթների պատմությունը բովանդակող ձեռագիրը, Արևելյան Բյուրոյին հասցեագրված Ելիզավետպոլի կազմակերպության նամակը, որն ուղարկված էր փողերի մասին հայտնելու խնդրանքով և այլ փաստաթղթեր:

ՀԱԱ, ֆ. 1457, ց. 3, գ. 6, թ. 240: Թարգմանություն ռուսերենից:

Նշյալ հանցագործությունները նախատեսված են Սարգիս Մանասյանցի, Համազասպ Օհանջանյանի, Արտեմ Թախիյանի, Գևորգ Առաքելյանի և Վահան Ղարիբյանի առնչությամբ Քրեական կանոնադրության 102-րդ հոդվածի 2-րդ մասով, Պատժի մասին կանոնադրության 1457-րդ հոդվածի 13-րդ և 2-րդ մասերով:

Համաձայն Հատուկ Բարձրագույն վճռի՝ ըստ Քրեական դատավարության կանոնադրության 1032-րդ հոդվածի 2-րդ կետի և 1034-րդ հոդվածի 3-րդ կետի՝ նշյալ անձինք [159 հոգի, այդ թվում Համազասպ Օհանջանյանը] ենթակա են Կառավարող Սենատի Հատուկ Ներկայացուցչության դատին:

ք. Նովոչերկասկ, 28 մայիսի⁷⁸ 1911թ.

ՀԱԱ, ֆ. 1457, ց. 3, գ. 6, թթ. 250-251: Թարգմանություն ռուսերենից:

ՄԵՂԱԴՐՅԱԼՆԵՐ

44. Համազասպ Իվանով Օհանջանյան – հտ. 21, գործի թերթ 7392; հտ. 129, գործի թերթ 42443⁷⁹:

Դոնի Ռոստովի բանտ:

ՀԱԱ, ֆ. 1457, ց. 3, գ. 6, թ. 255: Թարգմանություն ռուսերենից:

⁷⁸ Ինչպիսի զուգահիշություն. ընդամենը 9 տարի հետո Զ. Օհանջանյանը դառնալու էր Մայիս 28-ի շնորհիվ ստեղծված Հայաստանի անկախ հանրապետության վարչապետը:

⁷⁹ Սրանք դատական գործի բնագրային տվյալներն են:

ԹԻՎ 7

ՎՃԻՌ

17 հունվար-20 մարտ 1912թ.

2. Բժիշկ Չամազասպ Իվանով Օհանջանյան, 35 տարեկան.

Ա. Կրելով «Մհեր», «Մհերյան» կուսակցական ծածկանուններ՝ եղել է Ռուսաստանում ընկերակցության կենտրոնական մարմիններից մեկի՝ «Արևելյան Բյուրո»-ի անդամ, դրանում կատարել է գանձապահի պարտականություններ՝ ստանալով և ծախսելով ընկերակցության փողերը և հսկելով ընկերակցության տեղական կազմակերպությունների հաշվառման ճշտությունը՝ ինչպես դրամով, այնպես էլ զենքով ու մարտական պաշարներով: Վարել է ընկերակցության կազմակերպչական գործերով զբաղությունը և հայկական ու ուսումնական հաստատություններում «Դաշնակցության» նպատակների համար իրենց գործունեությամբ օգտակար լինելու կարողունակ ուսուցիչների նշանակման միջոցներ է ձեռնարկել:

Բ. 1905թ. նոյեմբերին և դեկտեմբերին, որպես ընկերակցության կազմակերպություններից մեկի ներկայացուցիչ, մասնակցել է Թիֆլիս քաղաքում տեղի ունեցած հայ հեղափոխական «Դաշնակցության» շրջանային ժողովին, որտեղ նշակվել է այլ հեղափոխական կուսակցությունների հետ ընկերակցության համատեղ հեղափոխական ակտիվ գործունեության ծրագիր:

Գ. 1905թ. Թիֆլիս քաղաքում անդամակցել է հայերեն հրատարակվող «Յառաջ» թերթի խմբագրակազմին, իսկ հետագա տարիներին եղել է Թիֆլիս քաղաքում «Յառաջ» գրահրատարակչության վարչության նախագահը, որի հրատարակություններում նրա իմացությամբ տեղադրվել են «Դաշնակցության» գաղափարների տարածմանը ծառայող հոդվածներ, ինչպես նաև միջնորդ է հանդիսացել «Յառաջ»-ի հրատարակությունների տարածման համար:

ՀԱԱ, ֆ. 1457, ց. 3, գ. 6, թթ. 279-280: Թարգմանությունն ուսերենից:

2. Չամազասպ Օհանջանյանը իրեն դատարանում մեղավոր է ճանաչել առ այն, որ եղել է հայ հեղափոխական «Դաշնակցություն» կուսակցության Արևելյան Բյուրոյի անդամ, կրել է «Մհեր, Մհերյան» կուսակցական ծածկանուն,

կուսակցության գործերով զբաղություն է վարել, ստուգել է նրա կազմակերպությունների հաշվետվությունները և ղեկավարել է «Յառաջ» գրադարանի հրատարակությունները: Օհանջանյանի բացատրությունը, թե ինքը չի մասնակցել քաղաք Թիֆլիսում 1905թ. վերջին հայ հեղափոխական «Դաշնակցության» շրջանային ժողովին՝ չի կարող ճանաչվել ճշմարիտ, քանզի նշյալ ժողովի արձանագրություններից երևում է, որ ընկեր «Չամոն» (Չամազասպի կրճատ անունը) ֆեդերացիայից առաջ ինքնավարության հասնելու անհրաժեշտության թեմայի մասին ելույթներ է ունեցել, իսկ Օհանջանյանի մոտ խուզարկությամբ գտնվել են երկու ձեռագրեր, որոնք նա ճանաչեց իր կողմից գրված՝ «Կովկասում ինքնավարության սկզբունք» և «Անդրկովկասում ինքնավարություն» բառերով սկսվող, իսկ արդեն «Դաշնակցության» թիֆլիսյան կազմակերպություններում Օհանջանյանի զբաղեցրած դիրքը, ինչպես դա պարզվել է դատի ժամանակ, անկասկած նրան պարտավորեցնում էր մասնակցել տեղական շրջանային ժողովին:

ՀԱԱ, ֆ. 1457, ց. 3, գ. 6, թ. 295: Թարգմանությունն ուսերենից:

Ե. Անցնելով դատապարտյալների համար հետևանքների բննարկմանը նրանց մեղավորության մասին վերոնշյալ ձևակերպմանը՝ Չատուկ Ներկայացուցչությունը գտնում է.

II. Չամազագործությունները, որոնցում մեղավոր են ճանաչված. 2. Չամազասպ Օհանջանյան-պատժվում է Քրեական կանոնադրության 102-րդ հոդվածի 2-րդ մասով սեփականության իրավունքի զրկմամբ և շտապ տաժանակիր աքսորով, որով և ընդունվում է նրան համապատասխանաբար նշանակել չորս տարի:

ՀԱԱ, ֆ. 1457, ց. 3, գ. 6, թ. 309: Թարգմանությունն ուսերենից:

Չամաձայն վերոշարադրյալի՝ Կառավարող Սենատի Չատուկ Ներկայացուցչությունը որոշում է. 2. Բժիշկ Չամազասպ Իվանով Օհանջանյանին, 35 տարեկան, ենթարկել տաժանակիր աքսորի չորս տարով սեփականության իրավունքի զրկմամբ և նրա համար Քրեական կանոնադրության 28-րդ, 29-րդ, 30-րդ, 31-րդ, 34-րդ և 35-րդ հոդված -

ՎԱՆԵՏՎՈՒՄ

թիվ 2(27) հուլիս-սեպտեմբեր 2009

ՎԻՄ համահայկական հանդես

ների հետևանքներով, բայց հանցագործությունների մեջ Պատժի մասին կանոնադրության 1457-րդ հոդվածի 2-րդ մասով Համազասպ Օհանջանյանի մեղադրանքով նախատեսում է համարել նրան Քրեական դատավարության կանոնադրու-

թյան 771-րդ հոդվածի 1-ին կետի ուժով դատարանով արդարացված⁸⁰:

ՀԱԱ, ֆ. 1457, ց. 3, գ. 6, ք. 312: Թարգմանություն ռուսերենից:

⁸⁰ Պետք է փաստել, որ դատավարության վերջնական փուլում Հ. Օհանջանյանի վրայից հանվեց ամենածանր մեղադրանքը՝ խմբապետ Սիիրանի սպանության կազմակերպումը: Թողնվեց միայն ՀՅԴ կազմակերպչական, քարոզչական, հրատարակչական և ֆինանսական գործունեության համակարգողը լինելու մեղադրանքը, ինչի արդյունքում նրա նկատմամբ որոշվեց համեմատաբար «մեղմ» պատժաչափ: Մեր կարծիքով, այստեղ որոշիչ դեր խաղաց Հայկական հարցի՝ միջազգային դիվանագիտական շրջանակներում վերաաշխուժացման գործոնը: Այդ կապակցությամբ Ռուսաստանը կրկին սկսում էր սիրաշահել հայ ազգային ուժերին:

ՎԱԿԵՐԱԳԻՐ

ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Գարեգին Նժդեհի դատական գործը

Նշանավոր ազգային և պետական գործիչ Գարեգին Նժդեհի քաղաքական գործունեության վաղ շրջանը համեմատաբար թերի է ուսումնասիրվել: ՀՅ Դաշնակցության Մեծ դատավարության ընթացքում ստեղծված նրա դատական գործի հրապարակումը գալիս է լրացնելու այս բացը:

Գարեգին Նժդեհը (Տեր-Հարությունյան) ծնվել է 1886թ. հունվարի 1-ին Նախիջևանի գավառի Կզնութ գյուղում՝ քահանա Տեր-Եղիշեի ընտանիքում: Նրա նախնիները՝ Գուլոյեներ, Նախիջևանի գավառ են տեղափոխվել Պարսկահայքի Սալմաստ գավառի Գըլլջա (Կիզիլճա) գյուղից՝ 1829-1830 թվականներին: 1894-1895թթ. Կզնութ գյուղի ծխական դպրոցում սովորելուց հետո, պատանի Գարեգինը 1902թ. ավարտել է Նախիջևանի քաղաքային ռուսական դպրոցը, իսկ 1903 թվականին՝ Թիֆլիսի ռուսական գիմնազիան: Հենց Թիֆլիսում ուսանելու տարիներին էլ նա հավանաբար ընդունվել է ՀՅ Դաշնակցության շարքերը: Ինչպես ինքն էր հետագայում վկայում՝ «Հայոց Հեղափոխական շարժմանը միացել եմ 17 տարեկան հասակից՝ իբրև գիմնազիստ»¹:

Թեև Նժդեհի ՀՅԴ շարքերն ընդունվելու հստակ թվականը հայտնի չէ, բայց տրամաբանորեն պետք է եղած լինի 1903-1904թթ., այսինքն՝ մինչև Բուլղարիա և Պարսկաստան (հատկապես՝ վերջինը) անցնելը, ինչի օգտին է խոսում նաև վերը նշված վկայությունը, քանզի «Հայոց Հեղափոխական շարժում» ասելով՝ Նժդեհը նկատի ուներ հենց ՀՅԴ-ն: Այս առիթով հիշատակենք նաև Կարո Գևորգյանի կարծիքը. «Արդեն իսկ դաշնակցական (Նժդեհը-Ա. Հ.) 1904թ. դրված է Սալմաստ իբրև կուսակցական քարոզիչ»²: Վերջին շրջանի ուսումնասիրողներից Կարո Հովհաննիսյանը նույնպես պնդում է, որ Նժդեհը «1904-ին կընդունվի ՀՅԴ շարքերը, կանցնի Սալմաստ իբրև կուսակցական քարոզիչ»³:

Ինչո՞ւ Նժդեհն ընդունվեց հենց ՀՅԴ շարքերը: Հայտնի է, որ այն ժամանակ հայ քաղաքական կյանքում կային նաև այլ կառույցներ և ուժեր: Վերջիններիս դերը և գործունեությունը սովորելու մտադրություն չունենալով՝ հարկ ենք գտնում նշել, որ հայոց ազատագրական պայքարում իր ունեցած առաջատար դերակատարումով 20-րդ դարի սկզբներին ՀՅԴ-ն դարձել էր այն քաղաքական առանցքը, որի շուրջն էին համախմբվում ազգային նպատակների համար պայքարող անհատները:

1 Նժդեհ Գ., Երկեր, հ. 2, Երևան, 2002, էջ 276:

2 «Ամենուն Տարեգիրք», Պէյրուս, 1958, էջ 669:

3 Նժդեհ Գ., Լեռնահայաստանի գոյամարտը, Պէյրուս, 1999: Առաջաբան, էջ 15:

թիվ 3(28) հոկտեմբեր-դեկտեմբեր 2009

վեմ համահայկական համերկ

1904թ. անցնելով իր նախնիների հայրենիքը՝ Ատրպատականի Սալմաստ գավառը, «Վրեժի» կենտրոնական կոմիտեության առանցքային դեմքի՝ Ստեփան Թաղևոսյանի (Սամսոնի) հետ համախորհուրդ, նա սկսեց գործել իբրև կուսակցական քարոզիչ: Փաստորեն, Սալմաստը դարձավ Նժդեհի կազմակերպական ունակությունների թրծման առաջին դարբնոցը:

Այս առթիվ հարկ է ընդգծել, որ թեև Պարսկաստանը հայ ազատամարտի պատմության վաղորդայնից կարևոր հենակետ է եղել, բայց նրա ու մանավանդ՝ Սալմաստի շրջանի դերն առանձնապես կարևորվեց հենց 1903-1904թթ.: Այդ տարիներին Սասունին օգնության հասնելու համար կազմակերպված մի շարք անհաջող հայդուկային անցումներից հետո, Երկրի հետ կապը պահպանվում էր առաջին հերթին Սալմաստ-Վան գծով: Ինչ խոսք, մման մթնոլորտը Նժդեհի համար դարձավ հեղափոխական պայքարի իսկական դպրոց: Ավելին, անհրաժեշտ է նշել, որ մարտական գործից գատ, նա ակտիվորեն մասնակցեց նաև շրջանի կուսակցական աշխատանքներին՝ մասնավորապես «Վրեժի» 1904թ. Շրջանային ժողովին⁴:

Սալմաստում ստանալով առաջին մարտական կոփվածությունը՝ Նժդեհը հետագայում՝ 1906-1907թթ., Բուլղարիայում մասնագիտորեն հմտացավ ռազմական արվեստում: Սինչ այդ արդեն հայ և բուլղար-մակեդոնական շարժման գործիչների միջև սերտ համագործակցություն գոյություն ուներ: Ռոստոմի ջանքերի և բուլղար հեղափոխականների աջակցության շնորհիվ Բուլղարիայում դաշնակցական մարմինների տրամադրության տակ էր դրվել մի զինվորական վարժարան: Ուստի, ՀՅԴ Արևմտյան Բյուրոն և Բալկանների կենտրոնական կոմիտեն Ներքին մակեդոնական հեղափոխական կազմակերպության (ՎՄՌՕ-ի) համաձայնությամբ (և Բուլղարիայի կառավարության գաղտնի հավանությամբ) որոշել էին հայ երիտասարդներին ուղարկել Սոֆիայի մոտակայքում գտնվող Կնյաժևոյի Ֆերդինանդ թագավորի անվան Պահեստի սպաների ռազմական վարժարան: Ավելին, շուտով բուլղար-մակեդոնական շարժման առաջնորդ Բորիս Սարաֆովի աջակցությամբ Դուբնիցայի շրջանում (թուրք-բուլղարական սահմանի մոտ) հիմնվեց ՀՅԴ գաղտնի Ձինվորական դպրոցը, որը, սակայն, գործեց միայն 1906-1907թթ.⁵:

ՀՅԴ Ամերիկայի Կենտրոնական կոմիտեի նյութական աջակցության շնորհիվ Կնյաժևոյի սպայական դպրոց ուղարկվեցին 4 հայեր⁶, որոնցից մեկը Նժդեհն էր, որն այնտեղ էր ընդունվել իր վկայությամբ՝ «Մակեդոնական ազատագրական շարժման ղեկավարներ Բորիս Սարաֆովի եւ Լիապով Գուրիինի միջնորդությամբ ... Դմիտրի Նիկոլովի անունով»⁷:

Իսկ ՀՅԴ Ձինվորական դպրոցի ղեկավարը բուլղարական բանակի հարյուրապետ Պողոս Պողոսյանն էր, նրա օգնականը՝ Նժդեհի ծննդավայր Կզնուքի երկրորդ քահանայի որդի Ռաշիդը: Ի դեպ, Ձինվորական դպրոցում Ռաշիդի գործունեությունը բավականին տխուր ավարտ ունեցավ, փաստ, որը խստորեն քրննադատվեց նաև ՀՅԴ 4-րդ Ընդհանուր ժողովում⁸:

Ձինվորական դպրոցում ուսուցումը ընթանում էր գորանոցային պայմաններում՝ օրական 15 ժամ տևող դասերով: Ուսումնասիրվող առարկաներից նշենք

4 Ա. Ը., Նժդեհ, Պեյրուք, 1968, էջ 20:

5 Մանրամասն տես Մարտիկ Յովհաննիսեան, 3. 3. Դաշնակցութեան զինուորական դպրոցը, «Հայրենիք», Պոսթըն, 1931, փետրուար, ք. 4:

6 Կնյաժևոյի բուլղարական պետական զինվորական դպրոց Գ. Նժդեհից գատ ընդունվեցին թռուցիկ Գևորգը (Աբրահամյան), Արշակը, Թորգոմը (գորավար Թորգոմ), Ռաշիդը (Տեր-Մաթևոսյան – Պանով)

7 Նժդեհ Գ., Երկեր, հ. 2, էջ 276:

8 Տես Նիւթեր 33Դ պատմութեան համար, հ. 3, էջ 158: Դպրոցի փակման մեղավորը Ռաշիդն էր, ով վաճառել էր դպրոցի գույքի հիմնական մասն ու սննդամթերքը և փախել: 33Դ Բալկանների կենտրոնական կոմիտեն մահապատիժ էր վճռել, բայց այդպես էլ նա չգտնվեց: Նժդեհի և Ռաշիդի տարածայնությունների մասին տես Ա. Ը., Նժդեհ, էջ 22:

ՎԱՎԵՐԱԳՐԵՐ

թիվ 3(28) հոկտեմբեր-դեկտեմբեր 2009

ՎԵՄ համահայկական համերկ

հետևյալները. 1. հետախուզություն, 2. զինվորական լրտեսություն, 3. ռազմավարություն, 4. մարտավարություն, 5. զինվորական պատմություն, 6. հայոց և հեղափոխական պատմություն, 7. պայթուցիկ նյութեր, 8. մանկավարժություն: Ընդ որում, հիշատակելի է, որ այս ծրագիրը վավերացրել էր Բուլղարիայի զինվորական նախարարը: Դպրոցի ծախսերը հոգում էր ՀՅԴ Բալկանների կենտրոնական կոմիտեն⁹:

Այստեղ տեղին ենք գտնում հիշատակել 1906թ. հոկտեմբերի 16-ին Սոֆիայից մորը և եղբորը՝ Լևոնին, Նժդեհի գրած նամակի մասին: Ոգևորությամբ նշելով դպրոցում տիրող դրության մասին նա մասնավորապես նշում էր, որ ինքը իրավունք չունի մինչև հիմա տարի ամուսնանալ, քանզի «Դաշնակցությանը երբում է տվել»¹⁰:

Այսպիսով, հիշյալ վարժարաններում Նժդեհը ստանում է հիմնավոր զինվորական կրթություն, ինչն էլ հետագայում նրա մարտական գործունեության հաջողության հիմքն է դառնում: Արդեն որպես համակողմանիորեն պատրաստված գործիչ, նա 1907թ. նոյեմբերին վերադառնում է Կովկաս՝ Մեքաստացի Մուրատի հետ Երկիր անցնելու համար: Սակայն, նկատի ունենալով Իրանական հեղափոխությանը ՀՅԴ ակտիվ մասնակցության հեռանկարը, նրան կրկին ուղարկում են Պարսկաստան՝ Թավրիզ-Սալմաստի շրջան, իբրև կուսակցական գործիչ և ֆիդայական խմբերի կազմակերպիչ: Պարսկաստանում Նժդեհի գործունեությունը բարձր է գնահատվել այդ շրջանում Թավրիզում գտնվող Մեքաստացի Մուրատի, Եփրեմ Խանի և Ստեփան Թադևոսյանի (Սամսոնի) կողմից¹¹:

Ուսումնառության ավարտից հետո ՀՅԴ Արևելյան Բյուրոյի որոշմամբ Նժդեհը նշանակվել էր Ստեփան Թադևոսյանի օգնական: Նրանց պարտականությունն էր Սալմաստում կատարվող աշխատանքների ղեկավարումը և գործունեության ընդհանուր ուղղության որոշումը: Նվիրյալների այս գույգին սկիզբ առած հեղափոխության պայմաններում հաջողվեց 60 հոգանոց խմբով Սալմաստի հայությանը զերծ պահել քրդերի թալանից և տեղական իշխանությունների կամայականություններից: Ուշագրավ է այն փաստը, որ 1908թ. հուլիսին եղբորը՝ Լևոնին գրած նամակում անկեղծորեն բնութագրելով իր գործունեությունը, նշում էր, որ ինքը «հեղափոխական անհատներից մեկն է եւ այժմ աշխատում է հեղափոխության ասպարեզում»: Ըստ այդմ, Նժդեհը իրեն անչափ կապված էր համարում իր վրա դրված պարտականությանը՝ ինչի հետևանքով անկարող էր թողնել և հեռանալ գործից, ինչը նրա խորին համոզմամբ «աքսիոմա է»¹²:

Սակայն, Սալմաստում նկատվող զենքի պակասը լրացնելու համար Նժդեհը 1908թ. օգոստոսի վերջին վերադարձավ Կովկաս և Արաքսն անցնելուց հետո, սեպտեմբերի 6-ին ձերբակալվեց Հին Ջուղայի մոտ գտնվող Վերին Ագա գյուղում, իր եղբոր՝ Լևոնի տանը¹³: Ձերբակալությունը տեղի ունեցավ Նժդեհի հետ տարածայնություններ ունեցող գյուղապետի օգնական Մեսրոպ Շահնազարովի¹⁴ ամբաստանությամբ, ինչը, սակայն, կարծում ենք, ցարական ոստիկանության համար սոսկ հարմար պատրվակ էր: Նժդեհի նման դաշնակցականին լիժիններն ամենևին չէին կարող ազատության մեջ թողնել:

Նժդեհը բանտարկվում է Նախիջևանում, ուր ավելի քան մեկ և կես տարի մնա-

9 Տե՛ս մանրամասն՝ ՀԱԱ, ֆ. 1457, ց. 1, գ. 49, թթ. 1-2:
10 ՀԱԱ, ֆ. 1457, ց. 3, գ. 1, թ. 533:
11 Ա.Օ, Նժդեհ, էջ 25:
12 ՀԱԱ, ֆ. 1457, ց. 3, գ. 1, թ. 554:
13 Ավոն իբրև Նժդեհի ձերբակալման թվական է նշում 1909-ը: Տե՛ս Ա.Օ, Նժդեհ, էջ 34: Նրան հետևելով նույնն է կրկնում նաև Վարդգ Առաքելյանը: Տե՛ս Առաքելյան Վ., Նժդեհ, եր., 1989, էջ 9: Մինչդեռ, ստույգ թվականն ըստ դատական գործի 1908թ. սեպտեմբերի 6-ն է:
14 Այս մատուցին ԳՅԴ տեղական խմբի ջանքերով փոխարինեց Նժդեհի ազգական Անդրեաս Ներսիսյանը:

լուց¹⁵, և Երևանի միջանկյալ բանտից¹⁶ հետո, 1910թ. հոկտեմբերի կեսին փոխադրվում է Նովոչերկասկի, իսկ վճռի կայացման համար՝ Սանկտ Պետերբուրգի բանտ: Նժդեհին Լիժնիը գրեթե մեկ տարի «անտեսել էր» և միայն 1909թ. հունիսի 22-ին որոշեց ներառել ՀՅԴ Մեծ դատավարության մեջ ընդգրկված ամբաստանյալների ցանկում¹⁷: Եվ արդեն 1909թ. հուլիսի 8-ին Նախիջևանում Նժդեհին ներկայացվեց մեղադրանք ու որոշվեց իբրև նրա խափանման միջոց պահպանել կալանքը¹⁸: Որպես մեղադրանքի հիմք ներկայացվում էին Նժդեհի նամակները, նրա մոտ գտնված ՀՅԴ Մրգաստանի (Երևանի) շրջանային ժողովի բանաձևերը, Մ. Շահնագարովի ամբաստանությունները:

Գատական գործում Նժդեհին վերաբերվող նյութերը ձեռքակալության և հարցաքննությունների արձանագրություններ են, ամբաստանյալի կատարած միջնորդություններ, վկաների ցուցմունքներ, 1906-1910թթ. մորը և եղբորը գրած նամակների բարգամություններ, պաշտոնական մեղադրանք, դատական որոշումներ:

Այդ նյութերը լուսաբանում են Նժդեհի կուսակցական գործունեության և բանտային կյանքի որոշ դրվագներ, ինչն իր հերթին հնարավորություն է ընձեռում նախնական պատկերացում կազմել Գարեգին Նժդեհ գործչի մասին:

Գատաքննության ընթացքում Նժդեհն ընդհանրապես մերժում էր իրեն ներկայացված բոլոր մեղադրանքները, ժխտում ՀՅԴ Զինվորական դպրոցում ուսումնառության փաստը (միաժամանակ ընդունելով բուլղարական պետական ռազմական դպրոցում սովորելու հանգամանքը), ձգտում էր քողարկել ՀՅԴ-ին իր պատկանելության վերաբերյալ գլխավոր մեղադրական կետը (չընդունելով գործում առկա նամակների՝ իր հեղինակությունը և պնդելով, որ Մ. Շահնագարովի կողմից դրանք կեղծվել են): Ուշագրավ է այն հանգամանքը, որ կուսակցական ծածկագրության դպրոցով անցած Նժդեհն անգամ՝ 1910թ. մարտի 27-ին մորը գրած նամակում նշում էր, որ ինքը ՀՅԴ-ից «այնքան է հեռու եղել, որքան երկինքը՝ երկրից»¹⁹: Ինչ վերաբերում է Մ. Շահնագարովի ամբաստանություններին, ապա նույնիսկ վերջինիս ազգականները Նժդեհի դեմ ցուցմունք չտվեցին: Ավելին, 175 կնույթիներ Նժդեհի գործունեության վերաբերյալ ցարական իշխանություններին ուղղված դրական հանրագիր էին ստորագրել: Անշուշտ, այս հանգամանքը պետք է բացատրել Նժդեհի և ՀՅԴ կառույցի վայելած հեղինակությամբ:

Ինչևէ, նաև՝ Նժդեհի որդեգրած պաշտպանական մարտավարության շնորհիվ, 1911թ. մայիսի 28-ին Ն. Լիժնի կազմած մեղադրական ակտում նրան առաջադրվեցին համեմատաբար մեղմ մեղադրանքներ: ՀՅ Դաշնակցության Մեծ դատավարության մեջ Նժդեհը գլխավոր մեղադրյալներից չէր և նա սոսկ ամբաստանվում էր 1908թ. պետականի փոխարեն՝ մասնավոր դպրոց բացելու մասին համազրույցիներին կոչ անելու, ՀՅԴ օգտին հարկադիր դրամահավաքներ կատարելու և ՀՅԴ Մրգաստանի շրջանային ժողովի բանաձևերը պահպանելու մեջ²⁰:

1912 փետրվարի 23-25 Պետերբուրգում լսվում է Նժդեհի դատական գործը: Այս մասին ուշագրավ վկայություն է հաղորդում ժամանակակից Հակոբ քահանա Մառիկյանը. «Փետրվարի 23-25-ը իրար ետևից կանչվեցին 20-25-րդ խմբերը: Մրանցից Գարեգին Տեր-Հարությունյանը հայտնեց, որ ճիշտ է, ինքն ավարտել է զինվորական արհեստը Բուլղարիայում՝ Դաշնակցության միջոցներով, սակայն

¹⁵ Եվ ոչ թե մի քանի ամիս՝ ինչպես նշում է Ավոն, տես Աւօ, Նժդեհ, էջ 34-35:

¹⁶ Այդտեղ նրան անձամբ հարցաքննում է հայատյաց գավառապետ Սարսկին: Ինչպես ակնառեսն է հիշում՝ Նժդեհը բանտում միշտ խանդավառ էր և արդարության հանդեպ՝ միշտ հավատացյալ: Նման պահվածքով նա օրինակ է եղել և ոգևորել այլոց: Տես Աւօ, Նժդեհ, էջ 34-35:

¹⁷ ԴԱԱ, ֆ. 1457, ց. 3, գ. 1, ք. 555:

¹⁸ ԴԱԱ, ֆ. 1457, ց. 3, գ. 1, ք. 601:

¹⁹ ԴԱԱ, ֆ. 1457, ց. 3, գ. 3, ք. 2278:

²⁰ ԴԱԱ, ֆ. 1457, ց. 3, գ. 6, ք. 249:

միայն Տաճկաստանում²¹ գործելու համար, ուր և աշխատել է մինչև Սահմանադրության հաստատվելը, որից հետո վերադարձել է Կովկաս և իր ծննդավայրում պարապել է միայն կուլտուրական գործերով, երբեմն էլ թղթակցել է հայերեն թերթերին «Նժդեհ» ստորագրությամբ, որը բնավ կուսակցական անուն չէ»²²:

Դատարանի վճռով 93 մեղադրյալների թվում, Նժդեհը ՀՅԴ-ին անդամակցության վերաբերյալ մեղադրանքների չհապացուցման պատճառով անմեղ ճանաչվեց ու արդարացվեց²³:

1912թ. մարտին ազատվելով բանտից²⁴, Նժդեհն անցավ Բուլղարիա: Նա վկայում էր, որ «Բանտերում` Ջուղայից մինչև Պետերբուրգ, մնացել եմ ավելի քան երեք տարի, 163 դաշնակցականների ծանոթ դատավարությունից հետո` Սիբիր չընկնելու համար, անցել եմ Բուլղարիա»²⁵: Այստեղ նա ծառայության է անցնում բուլղարական բանակում որպես սպա` տեղակալի աստիճանով: Շուտով Նժդեհը ակտիվորեն մասնակցում է Բալկանյան առաջին պատերազմին, ապա` կամավորական շարժմանը, հերոսանում է 1918թ. Ղարաբաղի ճակատամարտում, իսկ 1919-1921թթ. առաջնորդում Լեռնահայաստանի գոյամարտը:

Նժդեհը միշտ եղավ հայրենապաշտ ու Հայրենիքը սիրեց, հերոսամարտի վերածված կյանքում սեփական անձը զոհաբերեց` գիտակցելով, որ հայ ժողովրդի հավիտենականացումը դա է պահանջում: Արդյունքում` օրինակելի եղավ գործով, գաղափարով և նրա նկատմամբ անխախտ հավատքով:

Ավագ Ա. Հարությունյան
պատմ. գիտ. թեկնածու

Summary

THE FILES OF THE GREAT TRIAL OF ARF (DASHNAKTSUTYUN)

The lawsuit of Garegin Nzhdeh

Avag A. Harutyunyan

21 Այսինքն` Նժդեհը շրջանցում է Պարսկաստանը: Մինչդեռ Թուրքիայի հիշատակումն ամենևին վտանգահարույց չէր. ռուսներն այս շրջանում արդեն նախապատրաստվում էին Առաջին աշխարհամարտին:

22 ՀԱԱ, ֆ. 1457, ց. 2, գ. 11, թ. 152:

23 ՀԱԱ, ֆ. 1457, ց. 3, գ. 6, թթ. 289-292, 314, 316:

24 Ավոն նշում է 1911թ.: Տես Աւօ, Նժդեհ, էջ 36:

25 Նժդեհ Գ., Երկեր, հտ. 2, էջ 276:

**ԹԻՎ 1
ՈՐՈՇՈՒՄ**

1909թ. հունիսի 22: Քաղաք Սովոչերկասկ:
Սովոչերկասկի օկրուգային դասարանին կից հասուկ կարևորության գործերով Դասական Քննիչը դիտարկելով իր իրականացրած նախամնությունը «Չայ հեղափոխական «Դաճակցություն» կուսակցության մասին» գործով, ԳՏԱԿ.

Որ ինչպես նշված է 1908թ. սեպտեմբերի 6-ի հետաքննության մեջ, Երևանի նահանգի Նախիջևանի գավառի Վերին Ազա գյուղում ոստիկանության կողմից խուզարկվել է Լևոն Տեր-Չարությունովի²⁶ բնակարանը, ում մոտ գտնվում էր Երևանի նահանգի Նախիջևանի գավառի Կզնուք գյուղի բնակիչ, նրա հարազատ եղբայր Գարեգին Տեր-Եղիշեի Տեր-Չարությունովը: Այդ բնակարանում խուզարկության ժամանակ գտնվել են 1906թ.-ից մինչև 1908թ. հայերեն գրված մամակներ և տետրեր: Ըստ նշյալ մամակների թարգմանության դրանցից երկուսը վերոանվանյալ Գարեգին Տեր-Չարությունովին էին եղբոր Լևոն Տեր-Չարությունովի և նրանց մոր²⁷ անունով: Այդ մամակներում Գարեգին Տեր-Չարությունովը հաղորդում էր մորը և եղբորը, որ նա սովորում է կուսակցական դաշնակցական սպայական ուսումնարանում, որտեղ ուսանողների դասընթացը մեկ տարով է, որ սովորում է «Դաշնակցության» հաշվին և որ ուսումնարանում և Բալկանյան թերակղզում հայերը շատ-շատ են, և որ ինքը՝ Գարեգին Տեր-Չարությունովը, նվիրվելով կուսակցական գործունեությանը՝ նույնիսկ ամուսնանալու իրավունք չունի, քանզի դրա համար «Դաշնակցությանը» ստորագրություն է տվել: Ապա, նա տեղեկացնում է, որ ինքը գործում է այդ հեղափոխական ասպարեզում և ամուր թելերով կապված է կուսակցության գործերի հետ և ոչ մի դեպքում չի թողնի իր հեղափոխական գործունեությունը, որպեսզի ընկերների շրջանում, կուսակցության կոմիտեում, սրբապղծված անդամ չլինի²⁸: Այլ գրություններից երևում է, որ 1908թ. սեպտեմբերին նույն Գարեգին Տեր-Չարությունովը (կուսակցական մականունը՝ «Նժդեհ») կուսակցության օգտին դրամահավաքներ է իրականացրել և նույնիսկ Կզնուքի տանուտերի օգնականի անունով պահանջ է ուղարկել, որպեսզի կուսակցության տեղական մարմնի կարգադրությամբ, որի ներկայացուցիչն էր նա՝ «Նժդեհը», տեղական եկեղեցու շրջակա հրապարակում պետք է գումարովի հասարակական ժողով, ուր պարտավոր է ներկա լինել տանուտերի նշյալ օգնականը: Դրանից զատ, հենց այնտեղ գտն-

²⁶ Նժդեհը փոքրն էր, ուներ մեկ եղբայր, երկու քույր: Նրա եղբայրը ծնվել է 1884թ.: Վերին Ազայի ծխական դպրոցի ուսուցիչն էր:

²⁷ Մայրը՝ Տիրուհի-Տիրոսինի (Խաթայի) Նազարի Գյուլնագարյանն էր: Ծնվել է 1850-ական թվականներին, մահացել է 1938թ. փետրվարի 21-ին Դիլիջանում: Կզնուքում հայտնի տոհմից էր:

²⁸ Այս և հետագա բոլոր բազմակետերը փաստաթղթին են:

²⁹ Գ. Նժդեհի գրական ծածկանունը Դարդունի էր:

³⁰ Նշյալ բանաստեղծությունները չեն հրատարակվել:

վել է ինչպես դպրոցներում, այնպես էլ ժողովրդի շրջանում քարոզչական հեղափոխական գործունեությանը վերաբերող [ՀՅԴ] Երևանի Կենտրոնական կոմիտեի 1906թ. մայիսի 21-ից 27-ը նիստերի հայերեն ձեռագիր մատյանը:

Վերոշարադրյալի ուժով և ղեկավարվելով Քրեական դատավարության կանոնադրության 396-րդ հոդվածով, Դատական Քննիչը ՈՐՈՇԵՑ. նշյալ Գարեգին Տեր-Չարությունովին որպես մեղադրյալի Քրեական կանոնադրության 102-րդ հոդվածի համաձայն պատասխանատվության ենթարկել:

Բնագիրը համապատասխան ստորագրություններով:

ԴԱԱ, ֆ. 1457, ց. 3, գ. 1, էջ 555:
Թարգմանություն ռուսերենից:

**ԹԻՎ 2
ԱՐՁԱՆԱԳՐՈՒԹՅՈՒՆ
ՉՆՆՄԱՆ և թարգմանության**

1909թ. հունիսի 22/23: Քաղաք Դոնի Ռոսով:
Սովոչերկասկի օկրուգի դասական դպրոցի հասուկ կարևորության գործերով Դասական Քննիչ Ն. Ի. Լիժնը նույն դպրոցի Դասախաղի Տեղակալ Վ. Ս. Ակսակովի ներկայությամբ՝ ներհոստրագրյալ ընթերակաների մոտ, երկուսը թարգմանիչ Նադիրաձեի միջոցով, իրականացրին Երևանի նահանգային ժամուրանական վարչության ղեկի օգնական ռոսմիստր Սիսոնի կողմից ուղարկված Գարեգին և Լևոն Տեր-Չարությունովների բնակարանում խուզարկությամբ առգրավված հայերեն գրագրության զննում և թարգմանություն, ընդ որում դարգվեց.

1. Թանաքով հայերեն փոստային թղթի վրա գրված հետևյալ բովանդակությամբ մամակը.

«Թանկագին մայր և եղբայր, Վերջապես ստացա Ձեր նամակը, որն ինձ շատ ուրախացրեց: Փառք Աստծո, որ Դուք ողջ-առողջ եք: Ես նույնպես ողջ-առողջ եմ, միայն իմ սիրտն է երգում այսպես. «Թույլ տվեք ինձ, ինչպես մետաքսագործ թրթուր, ինքս պատրաստեմ ինձ գերեզման: Եթե իմ երգը ձեզ դուր չի գալիս, ասացեք հեռացիր, քեզ համար մեզ մոտ տեղ չկա: Այնժամ, ես կգնամ թափառելու՝ աշխարհով, սարերով ու դաշտերով երգելու իմ վիշտը: Եթե և այնժամ տեղ չգտնեմ [այնարձակ դաշտերում, ասպա այնժամ իմ գերեզմանը կգտնեմ]:»

Թանկագին մայր, ինչքան եմ ուրախ, որ ինձ ծնել ես այսպես դարդոտ ու տխուր: Այն հոգևորականը, որ մկրտել է ինձ, շատ է սխալվել, որ ինձ «Դարդոտ»²⁹ անունը չի տվել:

Լևոն ջան, շուտով լույս պիտի տեսնեն³⁰

ՎԱԿԵՐԱԳՆԵ

2009 հոկտեմբեր-դեկտեմբեր

1988 թիվ 3(28) համահայկական համերկ

իմ բանաստեղծությունները՝ թվով 70, որոնց մի մասը գրել են Սոֆիայի ազատ մթնոլորտի ազդեցությամբ: Ես գտնվում եմ սպայական ուսումնարանում, որտեղ ուսանողների համար դասընթացը միայն մեկ տարով է: Սովորում եմ «Դաշնակցության» հաշվին:

Այստեղ, Բալկանյան թերակղզում, հոծ հայություն կա: Այստեղ է Անդրանիկը: Թիֆլիսից Սոֆիա կարելի է հասնել ծովով 8 օրում, իսկ ցամաքով՝ 6 օրում: Խոնարհումս՝ Ջուռնուդին և Պևրոզին³¹:

Լևոն ջան, ո՞ւմ հետ ես ուզում ամուսնանալ: Եթե դու ամուսնանաս գյուղի աղջկա հետ, ապա ես այդ տուն այլևս չեմ մտնի, թեպետ լավ կլինի մայրիկի համար, եթե դու ամուսնանաս:

Ես իրավունք չունեմ ամուսնանալ մինչև 5 տարի, քանզի ստորագրություն եմ տվել «Դաշնակցությանը»³²:

Հրաչունկը³³ ավարտել է ուսումնարանը, որտեղ ես պետք է սովորեի: Նա այստեղ է, ոչինչ չի անում:

Լևոն: Դու անպայման ասա իմ ընկեր Հայկո Նախիջևանցուն³⁴, որպեսզի նա գա այստեղ Սոֆիա, ես կարող եմ դասավորել նրան ընդունվել որևէ ուսումնարան, ես նրան գրել եմ, բայց նրանից պատասխան չունեմ:

Լևոն: Ես կգրեմ ավելի հաճախակի, միայն դու գրիր Սալիյանցին³⁵, որպեսզի նա նամակ գրի, իսկ ես կպատասխանեմ և կուղարկեմ իմ լուսանկարը, այլապես ես ամաչում եմ գրել առաջինը: Ես նկարվել եմ մակեդոնական հագուստով, չգիտեմ ձեզ դուր կգա թե ոչ: Ահա, ուղարկում եմ ձեզ քարտ: Հաճախակի նամակներ գրեք: Քո կարեգին: Սոֆիա, 1906թ., հոկտեմբերի 15: Իմ հասցեն է³⁶

Լևոն, լավ կանես, եթե ուղարկես ինձ մեկ տասնյակ ռուբլի, միայն շուտափույթ»:

2. Մեծ չափի փոստային թղթի վրա նաքով հայերեն հետևյալ բովանդակությամբ նամակը.

«Թանկագին Լևոն: Կրկնում եմ այն բառերը, որոնք գրել եմ 20 օր առաջվա նամակում:

Ես հեղափոխական անհատներից մեկն եմ և այժմ աշխատում եմ հեղափոխական ասպարեզում: Ես շատ եմ կապված ինձ վրա դրված գործերով, ինչի համար էլ չեմ կարող թողնել ու հեռանալ գործերից: Դա աքսիոմա է:

Մայրիկը հիվանդ է, ես դա գիտեմ, և հի-

վանդ եմ հոգով, խիստ եմ սիրում նրան, ես պաշտում եմ իմ տառապյալ մորը, բայց ... Բայց միթե մայրիկը ցանկանում է, որպեսզի ես լքեմ հեղափոխական գործը և վերադառնամ, իսկ հետո որպեսզի դառնամ ողջ կազմակերպության, բոլոր ընկերներին առջև ատելի, արհամարիված անհատ: Ես հուսով եմ, որ մայրիկը կառողջանա: Ազատության և հավասարության բոլոր աստվածները կզբան և օգնության կգան իմ մայրիկին³⁷: Հոգևորականը թալանում է գյուղը, հարուստները՝ քայքայում, սակայն ոչինչ, և նրանց երգը կերգվի:

(Ինչու իմ նամակը ընթերցման համար չես ուղարկել Կզնուքի երիտասարդությանը)³⁸:

Սմբուլն³⁹ իմ հասցեով փախուստ է ձեռնարկել: Սմբուլներ: Ովքեր են դրանք, նրանց համար գոյություն չունի ոչ բարի, ոչ չար, նրանք ծնվել են կեղտում, և նրանց ճակատագիրը պետք է ավարտվի կեղտի մեջ:

Սմբուլներ, Սաշաներ նրանք մտավոր աղքատներ են, նրանք ստրուկներ են, նրանք հասարակության և երիտասարդության բուն տակաճեղքներ են:

Ուղարկում եմ իմ լուսանկարը, որը ուղարկել է քույրս⁴⁰ Սոֆիայից: Գրիր Թագագյուղ քո քեճակալին, որպեսզի նա կարգավորի քո գործերը, ես այսօր նրան նամակ եմ ուղարկել: Ես շուտով կգրեմ քո ժամանման օրվա մասին: Հաճախակի նամակներ գրիր: Յուրաքանչյուր նամակով ինձ հաղորդիր մայրիկի առողջության մասին: Իմ ողջույնները բոլորին: 1908թ. հուլիս»: «Նժդեհ» ստորագրությամբ:

3. Սովորական փոստային թղթի կես էջի չափսով թանաքով հայերեն հետևյալ բովանդակությամբ նամակը.

«Կզնուքի մեկիցին⁴¹

Սուլնով տեղական հայ հասարակության կողմից ընտրված և լիազորված Կզնուքի տեղական մարմինները հայտարարում են ձեզ, որ. Ա. Այսօր տեղական հասարակությունը պետք է հավաքվի եկեղեցու շրջակա հրապարակում, Բ. Հիշյալ մարմինները պարտավորում են ձեզ ներկա լինել հասարակական այդ հավաքին»:

Տեղական մարմինների փոխարեն (ստորագրությունն անընթեռնելի)

Կզնուք, 1908թ. սեպտեմբեր: «Նժդեհ»

31 Անձինք պարզել չհաջողվեց:

32 Այսպիսի ստորագրություն տալիս էին ՀՀԴ ռազմական դպրոցում սովորողները, քանզի պարտավոր էին ավարտելուց հետո 5 տարի գործել երկրում:

33 Անձը պարզել չհաջողվեց:

34 Անձը պարզել չհաջողվեց:

35 Անձը պարզել չհաջողվեց:

36 Այս և հետագա բոլոր բազմակետերը փաստաթղթին են:

37 Այստեղ ակնհայտորեն երևում է Նժդեհի թե մայրապաշտությունը, թե հեղափոխական գործին անվերապահ նվիրվածությունը:

38 Մեր կարծիքով՝ պետք է հասկանալ Կզնուքում իր իսկ կողմից հիմնած ՀՀԴ խմբի անդամներին:

39 Անձը պարզել չհաջողվեց:

40 Նկատի ունի Էփինե Սուքիասի Սուքիասյանին: Նժդեհը 1913թ. Սոֆիայում նշանվում է Էփեմիայի հետ, իսկ 1935թ. նրանք ամուսնանում են:

41 Նկատի ունի տանուտերին:

ստորագրությամբ:

4. Թղթի կտորի վրա թանաքով հայերեն հետևյալ բովանդակությամբ գրությունը.

«Կզնութ, Մեսրոպին⁴²»:

Եթե վաղը չուղարկես այն 100 ռուբլին, այնժամ ես ինքս կգամ և քանի դեռ չեմ բռնագանձել 150 ռուբլի հանգիստ չեմ թողնի ձեզ: Ես ձեզ կսպասեմ մինչև երեկո»:

5. Գրելու թղթի կես էջի չափսով հետևյալ բովանդակությամբ հայերեն տպագիր կոչ.

«Հայ հեղափոխական «Դաշնակցություն» կուսակցության Մրգաստանի [Երևան] շրջանային ժողովի (տեղի է ունեցել 1906թ. մայիսի 21-ից 27-ը) բանաձևեր.

I. ՔԱՐՈՉՉՈՒԹՅՈՒՆ

Կենտրոնական կոմիտեն իր շրջանում իրազեկ մարդկանցից քարոզչության համար հիմնում է կենտրոնական մարմին, որը քարոզչությանը վերաբերող գործերում պետք է լայն իրավասություններով ժողոված լինի: Քարոզչության մարմնի տրամադրության տակ ժողովը փոխանցում է քարոզչության կարիքների համար որոշակի գումար: Քարոզչության մարմնի վրա դրվում են հետևյալ պարտականությունները.

1. «Դաշնակցության» հիմնական ծրագրի և Կովկասյան գործունեության նախագծի ժողովրդականացման նպատակով բանավոր և գրավոր քարոզչություն վարում անդադար ընդգծելով, որ հայ հեղափոխական «Դաշնակցությունը» հայ աշխատավոր ժողովրդի տնտեսական և քաղաքական իրավունքների պաշտպանն է, և որ հայ աշխատավոր ժողովրդի շահերը պահանջում են հայ ազգի քաղաքական իրավունքների երաշխիքներ,

2. Շրջաններում հիմնել գրադարաններ,

3. Աշխատավոր ժողովրդի տնտեսական և սոցիալական դրության գիտական նպատակներով ուսումնասիրում (վիճակագրական տվյալների հավաքում):

II. ՎԵՐԱԿԱԶՍԱԿԵՐՊՉԱԿԱՆ ՀԱՐՑԵՐ

.....⁴³ շրջիկ և գրավոր հրատարակությունների միջոցով վերոնշյալ դրույթների ժողովրդականացման համար քարոզչության ուժեղացում և մեր շարքերի մաքրում այն բոլոր տարրերից, որոնք իրենց համոզմունքներով և գործունեությամբ «Դաշնակցության» վերոնշյալ դրույթներին չեն համապատասխանում: Առաջիկա ընտրությունների ժամանակ անհրաժեշտ է ձգտել անցկացնել հեղափոխական ջիղ ունեցող մարդկանց, որոնք ընդունակ կլինեն պաշտպանել աշխատավոր ժողովրդի շահերը: Ընտրություն-

ները պետք է տեղի ունենան

III. ՄՐԳԱՍՏԱՆԻ ՇՐՋԱՆԻ ԲԱԺԱՆՄԱՆ ՀԱՐՑԸ

Քանի որ Մրգաստանի Կենտրոնական կոմիտեի համար շրջանի ընդարձակության և գործերի բարդության պատճառով միայնակ անհնարին է դեկավարել գործերը, և քանի որ կոմիտեի որոշ տեղամասեր շատ հեռու են գտնվում կենտրոնական քաղաքից⁴⁴, դրա համար սկզբունքորեն ցանկալի համարվեց Մրգաստանի շրջանը բաժանել 2 կամ 3 Կենտրոնական կոմիտեների: Կենտրոնական կոմիտեն մինչև հաջորդ շրջանային ժողովը, հնարավորության դեպքում, իր հայեցողությամբ, կարող է հիմնել նոր Կենտրոնական կոմիտեներ և ընդունված կարգով հաստատման ներկայացնել:

IV. ԲՅՈՒՋԵ

Շրջանային ժողովն իրեն իրավասու համարելով հաստատել Կենտրոնական կոմիտեի և շրջանային կոմիտեների ելունուտի նախահաշիվները՝ հանձնարարեց Կենտրոնական կոմիտեին ներկայացնել հաջորդ տարվա նախահաշիվ մանրամասն դրամական հաշիվները: Շրջանային ժողովը նախորդ տարիների ծախսերին ու մուտքերին համապատասխան կհաստատի նախահաշիվը:

Մինչև առաջիկա շրջանային ժողովի կողմից նախահաշիվի հաստատումը՝ տեղական կոմիտեները իրավունք ունեն ծախսել իրենց մոտ եղած միջոցների երկու տոկոսը, ավելիի համար պետք է Կենտրոնական կոմիտեի թույլտվությունը ստանան:

V. ՆԱԽԱՊԱՏՐՎԱՍՏՈՒԹՅՈՒՆ ԸՆԴՀԱՆՈՒՐ ԺՈՂՈՎԻՆ

Որպեսզի Մրգաստանի ներկայացուցիչը կարողանա «Դաշնակցության» առաջիկա ընդհանուր ժողովին ներկայացնել ողջ շրջանի կարծիքը, Կենտրոնական կոմիտեն պետք է առնվազն ժողովից երկու ամիս առաջ ընդհանուր ժողովին ուղարկի բոլոր կոմիտեների հարցերի ցուցակը, որոնք պետք է բարձրացվեն ժողովում: Կոմիտեներն այդ հարցերի առթիվ իրենց տեղամասային ընկերների հետ պետք է խորհրդակցեն և իրենց տեղամասերի կարծիքը ներկայացնեն Մրգաստանի շրջանային ժողովին, որը պետք է ստեղծվի գոնե ընդհանուր ժողովից երեք շաբաթ առաջ: Մրգաստանի շրջանային ժողովն այդ տեղամասերի կարծիքների մշակումից հետո դրանք իր ներկայացուցիչի հետ ուղարկում է ընդհանուր ժողովին:

42 Նկատի ունի Կզնութի տանուտերի օգնական Մեսրոպ Շահնազարովին:

43 Այս և հետագա բոլոր բազմակետերը փաստաթղթին են:

44 Նկատի ունի Երևանը:

VI. ՇՐՋԱՆԱՅԻՆ ՎԵՐԱՏԵՍՈՒՉՆԵՐ

Ցանկալի է ճանաչվել, որ պեստի մարմինների հեղափոխական գործունեությանը հետևելու և շրջանային կոմիտեների գործերի ճիշտ ուղղորդման համար Կենտրոնական կոմիտեն ուղարկի վերատեսուչներ, որոնք պետք է մասնակցեն կոմիտեների ժողովներին մեկ ձայնի իրավունքով:

VII. ԿՈՄԻՏԵՆԵՐԻ ՉԱՇՎԵՏՎՈՒԹՅՈՒՆՆԵՐԻ ՄԱՍԻՆ

Շրջանային կոմիտեներին պարտավորեցրել ենք, զոնե երկու ամիսը մեկ անգամ, իրենց հեղափոխական և խմբերի գործունեության, ինչպես նաև դրամական հաշվետվությունների մասին Կենտրոնական կոմիտեին ներկայացնեն մանրամասն տեղեկություններ:

Այս բանաձևերով պետք է ղեկավարվեն մեր շրջանի բոլոր դաշնակցական մարմինները և ընկերները:

Հայ հեղափոխական «Դաշնակցություն»

կուսակցության Մրգաստանի Կենտրոնական կոմիտե

14 հունիսի 1906թ. Մրգաստան

Բնագիրը համապատասխան ստորագրություններով:

ՉԱԱ, ֆ. 1457, ց. 3, գ. 1, էջ 553-555: Թարգմանություն ռուսերենից:

ԹԻՎ 3 ՄԵՂԱԴՐՅԱԼԻ ՀԱՐՑԱՔՆՆՈՒԹՅԱՆ ԱՐՁԱՆԱԳՐՈՒԹՅՈՒՆ

1909թ. հուլիսի 8: Քաղաք Նախիջևան: Դասական Քննիչ Սիդավան⁴⁵ բանձում որդես մեղադրյալի՝ Քրեական դատավարության կանոնադրության 40-րդ հոդվածի համաձայն հարցամենց ներհանվանյալին և նա ցուցումով սվեց:

Ազգանուն, անուն և հայրանուն – Տեր-Հարությունով Գարեգին Տեր-Եղիշեի, կոչումը – հոգևորականի որդի, զրանցման և ծննդյան վայր – Երևանի նահանգի Նախիջևանի գավառի Կզնուք գյուղ, զբաղմունքը – մինչև ձերբակալությունը սովորել է Սոֆիայի ուսումնարանում, տարիքը – 22 տարեկան, ծնունդը – օրինական, հավատքը – հայ-գրիգորյան, կրթությունը – ավարտել է Երևանի զինմագիան⁴⁶, ընտանեկան դրու-

թյունը - ամուրի, գոյության միջոցները – հողակտոր Կզնուքում, հատուկ նշաններ – չկա, ինչպիսի հարաբերությունների մեջ է տուժողի հետ⁴⁷, դատվածությունը – չի դատվել:

Ինձ ներկայացվող հանցագործության առթիվ ըստ էության ցուցմունք են տալիս: Ես ինձ մեղավոր չեմ ճանաչում այն բանում, որ ես պատկանել եմ 1905-1908 թվականներից Ռուսական պետության մեջ ձևավորված հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն⁴⁸ իր գործունեության խնդիր էր առաջադրել գործադուլների, տնտեսական, կազմակերպչական և քաղաքական ահաբեկչությունների ճանապարհով և զինված ապստամբության միջոցով բռնի ոտնձգությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի են ունեցել 1905-1908թթ., [և որ] նշյալ նպատակների համար իր տրամադրության տակ թիֆլիս քաղաքում և Ռուսական կայսրության ուրիշ քաղաքներում ուներ հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908թթ. հրատարակած հակակառավարական ամսագրեր, թերթեր, թռուցիկները զինված ապստամբության կոչերով, Ռուսական պետության մեջ հանրապետության ձևավորման համար, սարքավորումներով տպարաններ, հրագենի և սառը զենքի մեծ պահեստներ, պայթուցիկ արկեր (ռուբեր), վառոդի, դինամիտի, փամփուշտի և այլնի մեծ պահեստներ, հեղափոխական զինվորների⁴⁹ հատուկ ջոկատներ, ահաբեկչական ջոկատներ «Ահաբեկիչ Մարմին»-ի⁵⁰ խորհրդի գլխավորությամբ, որ կոմիտեների որոշումներով 1905-1908թթ. Ռուսաստանում իրականացրել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել չցանկացող ինչպես կառավարող իշխանության ներկայացուցիչների, այնպես և՛ մասնավոր անձանց սպանությունների մի ամբողջ շարք, դրանից զատ [իրականացրել է] տեղական հայ բնակչության անձնամյա պարտադրված դրամահավաք՝ հանցավոր նպատակների համար և մահվան սպառնալիքի ներքո, առավել ևս՝ հատուկ ստիպողական մեծ դրամական շրթունքներ հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագլուխ կերպով յուրացնելով դատական իշխանության

ՎԱՍԻՆԱԳՐԵՐ

թիվ 3(28) հոկտեմբեր-դեկտեմբեր 2009

վեմ համահայկական հանդես

45 Դատելով ազգանունից՝ ունի վրացական կամ մեղելական ծագում:
46 Երևանի զինմագիայի ավարտման մասին հստակ և ապացուցված փաստ չկա:
47 Փաստաթղթում այսպես է:
48 Ձևակերպումները դատական քննիչին են:
49 Փաստաթղթում զինվոր բառը փակագծերում գրված է ռուսերեն՝ зинвор:
50 Ռուսերեն տառերով հենց այսպես է գրված:

իրավասությունը՝ իրականացնելով քրեական և քաղաքացիական գործերի քննություններ, և այդ գործերով իր ապօրինի դատավճիռներն արձակելով, ընդ որում ես նշյալ հանցավոր ընկերակցության անդամ եմ եղել և վերջինիս միջոցների հաշվին սովորել եմ Սոֆիայի կուսակցական հեղափոխական ռազմական ուսումնարանում, որպեսզի հետագայում դասընթացների ավարտից հետո մնամ նշյալ հանցավոր ընկերակցության ռազմական կազմակերպության շարքերում, այսինքն՝ Քրեական կանոնադրության 102-րդ հոդվածով նախատեսված հանցագործության մեջ:

Ներկա գործի առթիվ կարող եմ բացատրել հետևյալը. 1904թ. ես ավարտել եմ Երևանի գիմնազիան և նկատի ունենալով Ռուսաստանի բարձրագույն ուսումնական հաստատություններում տեղի ունեցող գործադուլները և անկարգությունները մեկնեցի արտասահման: Վիեննայում⁵¹ ես ծանոթացա Սոֆիայի բնակիչ դաշնակցական Սուքիաս Սուքիասյանի հետ: Վերջինս իմանալով ուսումնառողստի իմ ցանկության մասին և լինելով շատ հարուստ մարդ՝ առաջարկեց ինձ իր հաշվին ընդունվել Սոֆիայի համալսարան⁵², ինչին և ես համաձայնեցի: Ես համալսարանում սովորեցի երկու տարի: 1907թ. համալսարանը երեք ամսով փակվեց և այդ ժամանակ ես ցանկացա ընդունվել Սոֆիայի ռազմական ուսումնարանին կից սպայական դասընթացներ, սակայն շուտով համալսարանը բացվեց և ես շարունակեցի ուսումնառությունը, ընդ որում ես պետք է ասեմ, որ Սոֆիայում գոյություն ունի պետական ռազմական ուսումնարան, և ոչ թե «Դաշնակցություն»՝ հեղափոխական կուսակցության ուսումնարան⁵³:

Ստորագրություն այն մասին, որ ես պարտավոր եմ չամուսնանալ և ինձ նվիրել հեղափոխական գործունեությանը՝ ես ոչ մեկին չեմ տվել: Սոֆիայից ես անակներ եմ գրել մորս և եղբորս, սակայն ոչ այն բովանդակության նամակներ, ինչպիսիք դուք ինձ ներկայացնում եք (ներկայացված են մոր և Լևոնի անուններով երկու նամակների բովանդակությունը), ուս կողմից ես գրված այդ նամակները՝ չգիտեմ: 1908թ. սեպտեմբերին Կոնստանդնուպոլսի օգնականի անունով նամակը գրված է իմ կողմից՝ որպես հասարակության

ընտրյալի, [ծխական] դպրոցի բացման և ոռոգման ջրանցքի անցկացման առիթով: Սեբրոպի անունով նամակը գրված է թուրքական զինվորի⁵⁴ կողմից 1905թ., ինչպես է այդ զինվորի անունը ես չգիտեմ⁵⁵: Ներկա մեղադրանքը սարքված է Կոնստանդնուպոլսի օգնական Սեբրոպ Շահնազարովի գրաբարությանը, քանի որ մենք պատկանում ենք միմյանց հետ թշնամություն ունեցող երկու կուսակցությունների: Այդ կուսակցությունները հեղափոխական չեն, այլ սովորական գյուղական, որոնք գոյություն ունեն յուրաքանչյուր գյուղում և որոնք ստեղծվում են գյուղական հասարակական գործերի հիման վրա: Ասվածին անհրաժեշտ եմ համարում հավելել, որ Սոֆիայի ռազմական ուսումնարանում սովորում էին բուլղարացիներ և մակեդոնացիներ, որոնք ավարտելուց հետո դառնում էին բուլղարացի սպաներ: Այդ ուսումնարանը հետապնդում է այն նույն նպատակները, ինչ և բոլոր մյուս ռազմական ուսումնարանները: Ռուսաստանից ես հեռացել եմ 1904թ. երկրորդ կեսին, իսկ վերադարձել միայն 1908թ. վերջին, ինչի պատճառով ես չեմ կարող պատկանել Ռուսաստանում 1905-1908թթ. գործած «Դաշնակցություն» կուսակցությանը⁵⁶: Իմ ցուցմունքում սխալ է սպրդել. Սոֆիայի ռազմական ուսումնարանում ես սովորել եմ տասնմեկ ամիս, բայց դասընթացը չեմ ավարտել: Ռուսումնարան ես ընդունվել եմ, քանի որ այն ժամանակ զբաղմունք չուներ՝ համալսարանը փակված էր: Խնդրում եմ, որպես վկաների, հարցաքննել իմ համագյուղացիներ Բագրատ Գևորգովի⁵⁷, Սեբրոպ Շահնազարովի⁵⁸, Դոգաջին, Գևորգ Չարությունովի⁵⁹, Սահակ Գյուլնազարովի⁶⁰, Ստեփան Խոջանկին և Նիկոլայ Մնացականովի⁶⁰ այն բանի հաստատման համար, որ Սեբրոպի անունով 100 ռուբլի հանձնելու մասին նամակը գրված է 1905թ. Կոնստանդնուպոլսի զինվորի⁵⁹ կողմից: Ի հաստատումն նույն հանգամանքի՝ խնդրում եմ հարցաքննել ևս հետևյալ համագյուղացիներին՝ Ալեքսան Ավակովին, Ղազար Ավակովին⁶⁰:

Ավելին ցուցմունք տալ չեմ կարող:
Բնագիրը համապատասխան ստորագրություններով:

ՉԱԱ, ֆ. 1457, ց. 3, գ. 1, ք. 600-601:
Թարգմանություն ռուսերենից:

51 Նժդեհի իրականում մեկնել է Պարսկաստան: Վիեննան նշելով՝ նա պարզապես քողարկում է իրանական հեղափոխության իր մասնակցությունը:

52 Սոֆիայի համալսարանում սովորելու մասին վկայությունը հավանաբար դատական մարմինների ուշադրությունը չեղելուն է միտված: Համեստյան դեպք, դրա մասին առայժմ ոչ մի փաստ չկա:

53 Այս պարագայում ևս Նժդեհը ԶՅԴ-ին ձգտում է գերծ պահել դատավորի անհարկի մեղադրանքներից:

54 Պետք է հասկանալ «թուրքահպատակ»: Փաստաթղթում զինվոր բառը փակագծերում գրված է ռուսերեն՝ зинвор:

55 Ձինվորի անունը Սայրո (Սեյրո Պոդոս) է:

56 Այստեղ Նժդեհը ոչ թե հրաժարվում կամ ժխտում է ԶՅԴ-ին իր պատկանելիությունը, այլ ուղղակիորեն ցույց է տալիս ցարական քննիչների կողմից ԶՅԴ-ի ձևավորման ժամկետներին տրված սխալ գնահատականը:

57 Բագրատ Գևորգի Սահակյանց – Նժդեհի հորեղբոր որդի:

58 Սահակ Գյուլնազարյան – Նժդեհի քեռի:

59 Փաստաթղթում զինվոր բառը փակագծերում գրված է ռուսերեն՝ зинвор:

60 Նշյալ բոլոր անձինք Նժդեհի պահանջի համաձայն հարցաքննված են:

**ԹԻՎ 4
ՈՐՈՇՈՒՄ**

1909թ. հուլիսի 8: Քաղաք Նախիջևան: Երևանի օկրուգային դատարանի Դատական Քննիչ Սիդավան հարցաքննելով Գարեգին Տեր-Եղիշեի Տեր-Յարությունովին որպես Քրեական կանոնադրության 102-րդ հոդվածով նախատեսված հանցագործության մեջ մեղադրվող, և ուշադրության առնելով նրան սպառնացող պատժի խստությունը և Նովոչերկասկի օկրուգային դատական պալատի հատուկ կարևորության գործերով Դատական Քննիչի պահանջը, ինչպես նաև ղեկավարվելով Քրեական դատավարության կանոնադրության 416-րդ հոդվածի 6-րդ կետով ՈՐՈՇԵՑԻ. մեղադրյալ Տեր-Յարությունովի պատժամիջոց ընտրել կալանքի տակ պահելը, ինչի մասին և հայտարարել նրան: Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 1, ք. 601:
Թարգմանություն ռուսերենից:

**ԹԻՎ 5
ՎԱԿՆԵՐԻ ՀՈՐՑԱՔՆՆՈՒԹՅԱՆ
ԱՐՁԱՆԱԳՐՈՒԹՅՈՒՆՆԵՐ**

1910թ. փետրվարի 8: Քաղաք Նախիջևան: Երևանի օկրուգային դատարանի Դատական Քննիչ Սիդավան հարցաքննեց երբորանվանյալներին և նրանք ցուցմունք տվեցին:

Քրեբալայ Մուխթարով Հաջի Ջաֆարով-Օղլի (և ոչ թե Ֆարգա-Օղլի), Նեիրամի համայնքի տանուտեր, 40 տարեկան, շիա մահմեդական, չեն դատվել, գործում մասնակից անձանց օտար են, գրագետ:

1908թ. սեպտեմբերին Նախիջևանի գավառապետն եկավ Կունգուտն⁶¹ գյուղ, որտեղ ուզում էր ձերբակալել Գարեգին Տեր-Յարությունովին, բայց վերջինս տանը չէր: Իսկ ըստ տվյալների, Գարեգինը պետք է գտնվեր եղբոր մոտ՝ Վերին Ազա գյուղում: Գավառապետն ինձ կարգադրագիր տվեց Նախիջևանի 3-րդ տեղամասի ուրյադնիկ⁶² Մուրավյովի անունով և առաջարկեց անմիջապես մեկնել Ջուղա գյուղ: Ջուղայից են և ուրյադնիկ Սազինովը մեկնեցինք Վերին Ազա գյուղ: Ազայի պահակակետից վերցնելով ուրյադնիկ Մուրավյովին՝ մենք ժամանեցինք Լևոն Տեր-Յարությունովի տուն: Լևոնը և նրա եղբայր Գարեգինը տանն էին և ճաշում էին: Ուրյադնիկ Սազինովը Գարեգինին հայտարարեց գավառապետի կարգադրության մասին և ձեռնարկեց խուզարկության: Պա-

61 Պետք է լինի Կզմուք:

62 Ոստիկանական պաշտոնյա:

63 Այստեղ թաքար վկան ակնհայտորեն ստում է, քանզի ՀՀԴ անունը Անդրկովկասում առավել հայտնի դարձավ հենց 1905թ. հետո:

64 Պետք է լինի Կզմուք:

65 Նժդեհի հորեղբոր որդի:

տուհանի գոգին ղըրված էին հայերեն մամակներ և տետրեր: Ու՞ն էին դրանք պատկանում՝ չգիտեմ: Սազինովը վերցրեց դրանք և Տեր-Յարությունովի հետ ուղեկցեց գավառապետի մոտ: Արդյո՞ք Լևոն և Գարեգին Տեր-Յարությունովները պատկանում էին հեղափոխական «Դաշնակցություն» կուսակցությանը թե ոչ՝ չգիտեմ: Այդ կուսակցության գործունեության մասին են ոչինչ չեն կարող ասել: Մինչև 1905թ., այսինքն՝ մինչև հայթաթարական անկարգությունները, լուրեր կային, որ գոյություն ունի «Դաշնակցություն» կուսակցություն, որը կարծես թե ձգտում էր Հայկական թագավորության վերականգնմանը, բայց 1905թ.-ից հետո այդ կուսակցության գործունեության մասին ոչինչ լսելի չէր⁶³:

Ավելին ցուցմունք տալ չեն կարող: Կարդացված է:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, ք. 1635-1636:
Թարգմանություն ռուսերենից:

Բագրատ Գևորգի Սահակյանց, Կունգ⁶⁴ գյուղի բնակիչ, 28 տարեկան, հայ-գրիգորյան, Գարեգին Տեր-Յարությունովի զարմիկ⁶⁵, գրագետ, հարցաքննված են ք. 37 պահանջագրով:

1908թ. սեպտեմբերին Գարեգին Տեր-Յարությունովի կողմից են տանուտերի օգնական Մեսրոպ Բաբայի Շահնազարովին գրություն չեն տարել: Այդպիսի դեպք են չեն հիշում, և ինչպիսի գրությունների մասին է խոսք գնում չգիտեմ: Ես չեն հիշում, որ մեր գյուղում գյուղական հավաք գումարվի, որտեղ Գարեգին Տեր-Յարությունովը կամ որևէ ուրիշ անձ «Դաշնակցություն» կուսակցության քարոզչություն անի կամ էլ բնակչությանը կառավարության դեմ գրգռի: Հիշում են, որ 1908թ. սեպտեմբերին ոռոգման ջրանցքի կառուցման առթիվ գյուղական հավաք գումարվեց: Այդ հավաքում ներկա էր և տանուտերի օգնականը:

Ավելին ցուցմունք տալ չեն կարող: Կարդացված է:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, ք. 1636:
Թարգմանություն ռուսերենից:

Ռոման Դմիտրիի Սազինով, Նախիջևանի գավառի 3-րդ տեղամասի ուրյադնիկ, ապրում են Ջուղայում, 30 տարեկան, ուղղափառ, չեն դատվել, գործում մասնակից անձանց օտար են:

ԵՐԵՎԱՆԻ ՊՐԻՆԻՍԻՊԱԼԻՆԻ

Քիվ 3(28) հոկտեմբեր-դեկտեմբեր 2009

ԿԵՄ համահայկական հանդես

1908թ. սեպտեմբեր ամսին ինձ մոտ Ջուղա եկավ Նեհրամի համայնքի տանուտեր Զ. Մուխթար-Չաջի Ֆերզալի օղլին բերելով [Վերին] Ազայի ծխական դպրոցի ուսուցիչ Լևոն Տեր-Չարությունովի եղբայր Գարեգին Տեր-Չարությունովի ձեռքակալման մասին Նախիջևանի գավառապետի կարգադրագիրը: Ես անհապաղ Նեհրամի համայնքի տանուտերի հետ մեկնեցի Վերին Ազա գյուղ, տեղի պահակակետից վերցրի ուրյաղմիկ Մուրավյովին և ուղղվեցի Լևոն Տեր-Չարությունովի տուն: Լևոն և Գարեգին Տեր-Չարությունովները գտնվում էին տանը և ճաշում էին: Ես մտա տուն, Գարեգինին հայտարարեցի գավառապետի կարգադրության մասին, և ըստ այդմ ես նրան առաջարկեցի ցույց տալ իր իրերը: Նա ցույց տվեց ճամպուրակը: Այնտեղ, պատուհանի զոգին, դրված էին հայերեն տետրեր և նամակներ: Գարեգինը հայտարարեց, որ նամակները և երկու տետրերը իրենն են: Ես դրանք վերցրի, կապեցի և կնքեցի: Այնտեղ էին գտնվում նաև Ազայի դպրոցի աշակերտական տետրերը, որոնք ես իհարկե չվերցրի: Նշյալ նամակների և երկու տետրերի առնչությամբ Տեր-Չարությունովները ոչ մի պարզաբանում չտվեցին, քանի որ ես չհարցաքննեցի նրանց: Չենց նույն օրը ես մեկնեցի Ազայից և Գարեգին Տեր-Չարությունովին նամակներով ու տետրերով հասցրի Նախիջևանի գավառապետին:

Ավելին ցուցմունք տալ չեմ կարող: Կարողացված է:
 Բնագիրը համապատասխան ստորագրություններով:
 ՀԱԱ, ֆ. 1457, ց. 3, գ. 3, թ. 1636:
 Թարգմանություն ռուսերենից:

Ստեփան Չովհաննեսի Մոսեսով (նույն ինքը Խոջաև), Կուստուր⁶⁶ գյուղի բնակիչ, 35 տարեկան, հայ-գրիգորյան, չեմ դատվել, գործում մասնակից անձանց օտար են, հարցաքննված են թ. 37 պահանջագրով:

1908թ. սեպտեմբերին (օրը չեմ հիշում) ես իսկապես ներկա եմ եղել մեր գյուղի գյուղական հավաքին, որը քննարկել է մոտ 4000 ռուբլի արժողությամբ ռոռզման նոր ջրանցքի կառուցման հարցը: Այդ հավաքը գումարվել էր մեր գյուղի լիազորներ Ղուկաս Բաբաևի, Նիկոլայ Խաբեկովի և Ստեփան Ազիզովի կողմից: Այդ հավաքում, ինչքան հիշում եմ, ներկա էին տանուտերի օգնական Մեսրոպ Բաբայի Շահնագարովը և Գարեգին Տեր-Չարությունովը: Վերջինս հավաքում խոսում էր՝ համազուղազցիներին համոզելով գումար հավաքել և կարգավորել անհրաժեշտ ջրանցքը, որն այժմ իրականում և կառուցվում է: Տեր-Չարությունովը «Դաշնակցություն» կուսակցության անունից քարոզչություն չի արել: Տեր-Չարությունովը Մեսրոպ Շահնագարովի մոտ որևէ մեկին գրությունով ուղարկել է թե ոչ՝ չգիտեմ:

66 Պետք է լինի Կզնուք:
 67 Սահակ Գյուլնագարյան – Սժդեհի քեռի:

«Դաշնակցություն» հեղափոխական կուսակցության գործունեության մասին ինձ ոչինչ հայտնի չէ:

Ավելին ցուցմունք տալ չեմ կարող: Կարողացված է:
 Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1637-1638:
 Թարգմանություն ռուսերենից:

Մեսրոպ Բաբայի Շահնագարով, Կզնուք գյուղի բնակիչ, 50 տարեկան, հայ-գրիգորյան, չեմ դատվել, գործում մասնակից անձանց օտար են, հարցաքննված են թ. 37 պահանջագրով:

Ես տանուտերի օգնական եմ եղել 1902-1905թթ. և 1908թ.: Իմ համազուղազցի Գարեգին Տեր-Չարությունովը սովորաբար ապրել է Կզնուք գյուղից դուրս, ուր ամեն տարի կարճ ժամանակով էր վերադառնում: Որտեղ է մասնավորապես ապրել և ինչով զբաղվել Գարեգինը՝ չգիտեմ, բայց լսել էի, որ նա մշտապես շրջում է Ռուսաստանի տարբեր քաղաքներում: Մինչև 1908թ. Տեր-Չարությունովն իրեն սովորականի պես է պահել և նրա գործողություններում ոչ մի կասկածելի բան չեմ նկատել: Կարծես թե 1908թ. օգոստոսի վերջին Տեր-Չարությունովը եկավ Կզնուք, մոտ հարաբերություններ հաստատեց իր համազուղազցիներ Չուևան Չարությունովի, Բագրատ Գևորգովի, Սահակ Գյուլնագարովի⁶⁷ և Ստեփան Չովհաննեսովի հետ, և նրանց հետ միասին սկսեց խառնվել գյուղական գործերին: Գարեգինը սկսեց գործել այնպես ազատ և ինքնուրույն, որ գյուղում լուր տարածվեց, թե նա «Դաշնակցություն» կուսակցության մերկայացուցիչն է, ինչի պատճառով էլ նրանից բոլորը սկսեցին վախենալ և լսել:

Կզնուք Գարեգինի ժամանումից մոտ 7 օր անց, երբ ես գտնվում էի Չենգմաբասարում (Կզնուքի թաթարական մաս), ինձ մոտ եկավ իմ համազուղազցի Բագրատ Գևորգովը, փոխանցեց ինձ հայերեն երկու գրություն, միաժամանակ հայտնելով, որ այդ գրությունները Գարեգին Տեր-Չարությունովից են, ով ինձնից պահանջում է հավաքի ներկայանալ: Ես պատասխանեցի, որ հավաքին չեմ գա և Գևորգովը հեռացավ: Ես թերի գրագետ եմ և Գևորգովի մոտի գրությունները չկարդացի: Նույն օրվա երեկոյան ինչ որ գրագետ տղայի տվեցի կարդալ այդ գրությունները և այն ժամանակ իմացա դրանց բովանդակության մասին: Գրություններից մեկում ինձ առաջարկվում էր ներկայանալ հավաքի, իսկ մյուս գրությունով պահանջվում էր հանձնել 100 ռուբլի: Թե ում ստորագրությամբ էին գրությունները՝ չեմ

հիշում⁶⁸: Ով է գրել այդ նամակները՝ չգիտեմ, բայց լսել եմ, որ դրանք գրել է Գարեգին Տեր-Չարությունովը: Հարցող օրն և եթ Եշյալ գրությունները են ներկայացրի Նախիջևանի զավառապետ Սորոկինին, ով 2-3 օր անց ձերբակալեց Տեր-Չարությունովին, և նրա գործունեությունը դադարեցվեց: Գյուղացիներից, որոնց չեմ հիշում, ես լսել եմ, որ հավաքը կայացել է տեղական եկեղեցու շրջակա հրապարակում, ընդ որում այդ հավաքում Գարեգին Տեր-Չարությունովը հանդես է գյուղացիներին փակել պետական դարոցը և բացել մասնավորը: Այդ առթիվ կազմվել է վճռագիր, որ ստորագրել են կզկնաբանները՝ վախենալով Տեր-Չարությունովից: Ստորագրել են վճռագիրը թե ոչ չեմ հիշում, սակայն եթե որևիցե նման վճռագիր իմ կողմից ստորագրվել է, ապա հավանաբար ես այդպես եմ վարվել սպանվելու վախից: Ինչ նպատակով էր Տեր-Չարությունովը ձգտում փակել պետական դարոցը՝ չգիտեմ, ինչ մասնավոր դարոցի մասին էր նա հոգում չգիտեմ, մեր գյուղում գոյություն ունի պետական գյուղական վարժարան և ոչ թե եկեղեցական-ծխական:

Տեր-Չարությունովի ձերբակալությունից հետո գյուղում լուրեր տարածվեցին, որ ինձ ցանկանում են սպանել: Թեպետ անձամբ ինձ ոչ մեկը սպանությանը չի սպառնացել, սակայն ես իմ հանդեպ անբարյացակամության մեջ կասկածում էի Տեր-Չարությունովի կողմնակիցներին Բագրատ Գևորգովին, Սահակ Գյուլնազարովին և ուրիշների, որոնց վրա ես զավառապետին բողոք ներկայացրի, ով կանչեց նրանց և ստորագրություն վերցրեց առ այն, որ եթե ես սպանվեմ նրանք մեղավոր կլինեն դրանում: Ես չեմ լսել, որ Տեր-Չարությունովը դրամ է հավաքել կամ համոզել համապետության գիմբել կառավարության դեմ պայքարելու համար: Տեր-Չարությունովի վերոհիշյալ կողմնակիցների գործունեությունը դրսևորվում էր նրանով, որ նրանք աջակցում էին վերջինիս և ասում էին նույնը, ինչ որ Տեր-Չարությունովը: Ինչ է նշանակում «Նժդեհ» բառը՝ չգիտեմ⁶⁹: Ինչ անհրաժեշտության համար էր Գարեգին Տեր-Չարությունովը պահանջում 100 ռուբլի չգիտեմ⁷⁰: Տեր-Չարությունովը ներկա պահին գտնվում է բանտում: Ի հաստատումն իմ ցուցմունքի հղում անել վկաների վրա չեմ կարող, քանի որ բոլոր կզկնաբանները վախենում են և ոչ մեկը Տեր-Չարությունովի դեմ ցուցմունք չի տա: Ես գիտեմ, որ ինձ կսպանեն այս ցուցմունքի համար, որ տալիս եմ:

«Դաշնակցություն» կուսակցության գոր-

ծունեության մասին ես ոչինչ չգիտեմ: Պատկանել է Տեր-Չարությունովը «Դաշնակցություն» կուսակցությանը, թե ոչ չգիտեմ, սակայն նա չէր կարող խառնվել գյուղական գործերին և նամակներ գրել, եթե չլիներ «Դաշնակցություն» կուսակցության անդամ: Իրականացվել է նա Տեր-Չարությունովի կամ «Դաշնակցություն» կուսակցության կողմից ահաբեկչական գործողություններ՝ չգիտեմ: Տեր-Չարությունովը և նրա կողմնակիցներն իսկապես լուրեր էին տարածել, որ ես գործում եմ «Դաշնակցություն» կուսակցության դեմ: Ստիպել է Տեր-Չարությունովը սպառնալիքներով կամ բռնությանը վճռագրերի կազմմանն ու ստորագրմանը, թե ոչ չգիտեմ, սակայն նրա ներկայացրած պահանջներից ոչ մեկը չէր խիզախի հրաժարվել:

Ավելին ցուցմունք տալ չեմ կարող: Կարո՞ղացված է⁷¹:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1637-1638:
Թարգմանություն ռուսերենից:

Բագրատ Գևորգի Սահակյան, Կզնութ գյուղի բնակիչ, 28 տարեկան, հայգրիգորյան, չեմ դատվել, գործում մասնակից անձանց օտար եմ, գրագետ:

1905-1909թթ. իմ համապետության Գարեգին Տեր-Չարությունովը չի ապրել գյուղում, այլ միայն եկել է տարին մեկ անգամ 15-20 օրով: Որտեղ է նա բնակվել և ինչով է զբաղվել նշված ժամանակահատվածում՝ բացատրել չեմ կարող, սակայն ինքը՝ Գարեգինը, ասում էր, որ սովորում է ինչ-որ հարուստ հայի հաշվին, ով ցանկանում է [նրան] կնության տալ իր աղջկան: Ո՞վ է նշված հարուստ հայը և ինչքա՞ն է ճշմարտացի Գարեգինի պատմածը չեմ կարող ասել: Դրամի պահանջով իմ համապետությանից որևէ մեկին նամակների ուղարկման մասին ես ոչինչ չեմ լսել, մեր գյուղի տանուտերի օգնական Մեսրոպ Շահնազարովին ոչ մեկը դրամի պահանջներով նամակներ չի ուղարկել: Շահնազարովն այդ առթիվ զրպարտել է Գարեգին Տեր-Չարությունովին՝ թշնամաբեց ելնելով, նրա հորեղբոր որդի Սարգիս Շահնազարովը շատ տարիներ առաջ թունավորել է Գարեգինի հորը⁷² և այն ժամանակից սկսած նրանց միջև թշնամանք կա: Գարեգին Տեր-Չարությունովին որպես մոտիկ հարևան ես լավ եմ ճանաչում և հաստատում եմ, որ նա «Դաշնակցություն» կուսակցությանը չի

68 Այստեղ Շահնազարովն ակնհայտորեն ստում է հետևյալ առումներով. 1. իր թերի զրգահտության, 2. իր համար կարևոր ու «վտանգավոր» գոյությունների բովանդակությանը մինչև երեկո հասու չլինելու, 3. ստորագրողների անունները չհիշելու: Այդ իսկ պատճառով մա մի շարք անգամներ օգտագործում է «չեմ հիշում» արտահայտությունը, ինչն ամենևին համոզիչ չէ:

69 Նժդեհ – պանդուխտ, օտարական, տարաշխարհիկ: Տե՛ս Նոր բառգիրք հայկազգան լեզուի, հտ. 2, Երևան, 1981, էջ 424:

70 Այստեղ Շահնազարովն արդեն ինքն իրեն հակասում է:

71 Այս ձևակերպումը մեկ անգամ ևս վկայում է Շահնազարովի զրգահտության մասին:

72 Տեր-Եղիշեն թունավորվել է հարսանիքի ժամանակ 1888թ.:

պատկանել. այդ հանգամանքը ինձ հայտնի է Գարեգինի խոսքերից: «Դաշնակցություն» կուսակցության գործունեության մասին ես ոչինչ չգիտեմ: Կզնութուն «Դաշնակցություն» կուսակցության կոմիտեի չգործել: Գարեգինի քաղաքական հայացքներն ինձ անհայտ են, սակայն նա գրույցների ընթացքում մշտապես խոսում էր «Դաշնակցություն» կուսակցության դեմ⁷³:

Ավելին ցուցմունք տալ չեմ կարող: Կարդացված է:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1638: Թարգմանությունն ռուսերենից:

Գևորգ Մուրդուսի Հարությունով, Կզնութ գյուղի բնակիչ, 80 տարեկան, հայ-գրիգորյան, չեմ դատվել, գործում մասնակից անձանց օտար եմ:

1905թ.-ից մինչև 1909թ. Գարեգին Տեր-Հարությունովը մշտապես Կզնութում չի բնակվել, սակայն ամեն տարի մի քանի օրով գալիս էր: Որտե՞ղ է նա բնակվել և ինչո՞ւ է զբաղվել չգիտեմ: Մեսրոպ Շահնազարովի կողմից 100 ռուբլի պահանջով նամակի մասին ես ոչինչ չգիտեմ: «Դաշնակցություն» կուսակցության գործունեության, այդ կուսակցությունում Գարեգին Տեր-Հարությունովի մասնակցության, որևիցե ահաբեկչական գործողությունների մասին ինձ հայտնի չէ: Տեր-Հարությունովի քաղաքական հայացքների մասին ես ոչինչ չգիտեմ:

Ավելին ցուցմունք տալ չեմ կարող: Կարդացված է: Անգրագետ:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1639: Թարգմանությունն ռուսերենից:

Սահակ Գյուլնազարի Մկրտչյան⁷⁴, Կզնութ գյուղի բնակիչ, 45 տարեկան, հայ-գրիգորյան, Գարեգին Տեր-Հարությունովի քեռի, չեմ դատվել:

Որտեղ է մասնավորապես ապրել Գարեգին Տեր-Հարությունովը 1905թ.-ից մինչև ձերբակալությունը՝ չգիտեմ: Ամեն տարի Գարեգինը գալիս էր Կզնութ մի քանի օրով: Ասում էին, որ Գարեգինը սովորում է Գերմանիայում, սակայն ինչ էր սովորում չգիտեմ: Մեսրոպ Շահնազարովի կողմից 100 ռուբլի պահանջով նամակի ստացման մասին ոչինչ չգիտեմ: «Դաշնակցություն» կուսակցության գործունեության, այդ կուսակցությունում Գարեգինի մասնակցության, վերջինիս քաղաքական հայացքների, որևիցե ահաբեկչական գործողությունների

⁷³ Այս հանգամանքը Նժդեհի գաղափարակից հարազատի կողմից ուղղակի պաշտպանական մարտավարության դրսևորում է:

⁷⁴ Եիշտը՝ Սահակ Մկրտչի Գյուլնազարյան - Նժդեհի քեռին:

կատարման մասին ոչինչ չգիտեմ: Մեսրոպ Շահնազարովը տանուտերի օգնական եղած ժամանակ վիճել է ինձ հետ ոռոգման ջրի պատճառով և գավառապետին բողոք է ներկայացրել, ով հայտարարել է, որ թե Մեսրոպի հետ ինչ-որ դժբախտություն պատահի, ապա մեղավորը ես կլինեմ: Մեսրոպի բողոքը Գարեգին Տեր-Հարությունովի գործողությամբ չէր պայմանավորված:

Ավելին ցուցմունք տալ չեմ կարող: Կարդացված է: Անգրագետ:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1639: Թարգմանությունն ռուսերենից:

Ստեփան Հովհաննեսի Մոսեսով (Խաժակ), Կզնութ գյուղի բնակիչ, 35 տարեկան, հայ-գրիգորյան, գործում մասնակից անձանց օտար եմ:

1905-1906թթ. ես ապրել եմ ք.Եկատերի-նոդարում, որտեղից իմ գյուղ եմ վերադարձել 1907թ.: Գիտեմ, որ 1907-1909թթ. Գարեգին Տեր-Հարությունովը բնակվել է Կզնութում, սակայն որտեղ և ինչով է զբաղվել չգիտեմ: Ասում էին, որ Գարեգինն ինչ-որ տեղ սովորում է ինչ- որ հարուստ հայի հաշվին, բայց ինչքանով եմ այդ լուրերը հավաստի չգիտեմ: Մեսրոպ Շահնազարովի կողմից 100 ռուբլի հանձնելու պահանջով նամակի ստացման մասին ոչինչ չեմ լսել: «Դաշնակցություն» կուսակցության գործունեության, այդ կուսակցությունում Գարեգինի մասնակցության, վերջինիս քաղաքական հայացքների, որևիցե ահաբեկչական գործողությունների կատարման մասին ինձ ոչինչ հայտնի չէ:

Ավելին ցուցմունք տալ չեմ կարող: Կարդացված է:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1639-1640: Թարգմանությունն ռուսերենից:

Նիկոլայ Մնացականի Բեկնազարյանց, Կզնութ գյուղի բնակիչ, 40 տարեկան, հայ-գրիգորյան, գործում մասնակից անձանց օտար եմ, չեմ դատվել, անգրագետ:

Որտեղ է մասնավորապես ապրել Գարեգին Տեր-Հարությունովը 1905թ.-ից մինչև 1909թ.: չգիտեմ: Ասում եմ, թե նա սովորում էր Բուլղարիայում, բայց մասնավորապես որտեղ չգիտեմ: Իմ համագյուղացիներից որևիցե մեկի կողմից դրամի պահանջով նամակներ ստանալու մասին ոչինչ չեմ լսել: Պատկանում էր Գարեգին Տեր-Հարությունովը «Դաշնակցություն» կուսակցությանը թե

ոչ՝ չգիտեմ: «Դաշնակցություն» կուսակցության գործունեության, Տեր-Չարությունովի կամ «Դաշնակցություն» կուսակցության կողմից որևիցե ահաբեկչական գործողությունների կատարման մասին ինձ ոչինչ հայտնի չէ:

Ավելին ցուցմունք տալ չեմ կարող: Կարողացված է: Անգրագետ:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1640: Թարգմանություն ռուսերենից:

Ալեքսան Աստվածատուրի Ավակով, Կզնուք գյուղի բնակիչ, 39 տարեկան, հայգրիգորյան, գործում մասնակից անձանց օտար եմ, չեմ դատվել, գրագետ:

Որտեղ է մասնավորապես ապրել Գարեգին Տեր-Չարությունովը 1905թ.-ից մինչև ձերբակալությունը՝ չգիտեմ: Ասում եմ, թե նա բնակվել է Բուլղարիայում, բայց մասնավորապես որտեղ չգիտեմ: Իմ համազուղացիներից որևիցե մեկի կողմից դրամի պահանջով նամակներ ստանալու մասին ոչինչ չեմ լսել: «Դաշնակցություն» կուսակցության Տեր-Չարությունովի պատկանելության և դրա գործունեության մասին ոչինչ չգիտեմ:

Ավելին ցուցմունք տալ չեմ կարող: Կարողացված է:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1640: Թարգմանություն ռուսերենից:

Ղազար Աստվածատուրի Ավակով, Կզնուք գյուղի բնակիչ, 45 տարեկան, հայգրիգորյան, գործում մասնակից անձանց օտար եմ, չեմ դատվել, գրագետ:

Որտեղ էր մասնավորապես ապրել Գարեգին Տեր-Չարությունովը 1905թ.-ից մինչև ձերբակալությունը՝ չգիտեմ: Ասում եմ, թե նա սովորել է Թիֆլիսում, սակայն մասնավորապես որտեղ և ինչ չգիտեմ: «Դաշնակցություն» կուսակցությանը Տեր-Չարությունովի պատկանելության և քաղաքական հայացքների մասին ես ոչինչ չեմ լսել և չգիտեմ: Մեսրոպ Շահնազարովի կողմից 100 ռուբլի պահանջով նամակի ստացման մասին ոչինչ չեմ լսել, բայց գյուղում խոսում էին, որ Շահնազարովից 100 ռուբլի պահանջում էին ինչ-որ թրքահպատակ հայեր: «Դաշնակցություն» կուսակցության գործունեության, Տեր-Չարությունովի կամ «Դաշնակցություն» կուսակցության կողմից որևիցե ահաբեկչական գործողությունների կատարման մասին ինձ ոչինչ հայտնի չէ:

Ավելին ցուցմունք տալ չեմ կարող: Կարողացված է:

Բնագիրը համապատասխան ստորագրություններով:

75 Այս և հետագա բոլոր բազմակետերը փաստաթղթիցն են:

ՀԱԱ, ֆ. 1457, ց. 3, գ. 3, թ. 1640: Թարգմանություն ռուսերենից:

**ԹԻՎ 6
ԱՐՉԱՆԱԳՐՈՒԹՅՈՒՆ
ՁՆՆՈՒՄԻ և թարգմանության**

1910թ. ապրիլի 5: Քաղաք Նովոչերկասկ:

Նովոչերկասկի օկրուգային դատարանին կից հատուկ կարևորության գործերով դատական քննիչը Նովոչերկասկի դատական պալատի Դատախազի Տեղակալ Վ. Ս. Ակսակովի և երդվյալ թարգմանիչ Ս. Ա. Նադիրաձեի միջոցով ներքոստորագրյալ ընթերակաների ներկայությամբ իրականացրեց երևանի օկրուգային դատարանի Նախիջևանի տեղամասի Դատախազի Տեղակալի կողմից 1910թ. մարտի 30-ին ուղարկված հայերեն նամակի գնմունք և թարգմանությունը, ընդ որում պարզվեց.

Փոստային թղթի 3 կիսաշերտի վրա գրված և «Բուլղարիա: Կայսրան Սոֆիա, փողոց Ցար Բորիս, թիվ 57, տիկին Սուքիասյանին կամ Ստեփանյանին օրիորդ եփեմիայի համար» հասցեով, ծրարի մեջ դրված, հետևյալ բովանդակությամբ:

«Թանկագին քույր Եփեմիա.
Այո՛, մեր աշխարհն այդպիսին է⁷⁵

Ցանկանում ես սուրալ, թռնել ավելի բարձր ու բարձր, հեռու դեպի արևը, սակայն այդ անխիղճը քեզ վրա դնում է ծանր կնիք, կվերածի ստրուկի – կստիպի սողալ

Ա՛հ, այդ անասոված և անխիղճ աշխարհը

Ա՛հ, ես կցանկանայի, որպեսզի որևէ մեկը ինձ ասեր, բայց մի մոռացիր, որ այս աշխարհը երբևիցե կմահանա: Ա՛հ, եթե ես ունենայի ատլետիկ ձեռքեր, որպեսզի կարողանայի ինքս փակել և բացել արևի դեմքը, ես կխլեի արևից լույսն ու ջերմությունը, որպեսզի այդ «աշխարհը» մահանա խավարի ու ցրտի մեջ:

Թանկագին քույր, իմ հրեշտակ:

Կցանկանայի և քեզ մոռանալ, ինչպես մոռացա այս ատելի աշխարհը, կցանկանայի մնալ բացարձակապես միայնակ, սակայն չեմ կարող:

Ինչքան ես ատում եմ այս աշխարհը, այնքան սիրում եմ քեզ

Քեզ ավելի շատ եմ սիրում, քան արծիվը՝ բարձր լեռները:

Յոգյակա, երբ ես կմահանամ, դու սուգ հագիր, արի ինձ մոտ, գտիր իմ գերեզմանը, լացիր իմ գերեզմանի վրա: Երբ ես կմահանամ՝ դու էլ երկար մի մնա այս մռայլ աշխարհում

Համբուրում եմ քեզ, քո եղբայր Նժդեհ»:

ՄԳԵՏՈՄԵՐԻ

թիվ 3(28) հոկտեմբեր-դեկտեմբեր 2009

ՎԵՄ համահայկական հանդես

II

«Թանկագին մայրիկ,
Միթե դուք մոռացել եք ձեր որդի Նժդե-
հին: Ինչու՞ մամակներ չէք գրում, չէ՞ որ ինձ
սփոփում են միայն ձեր մամակները:

Թանկագին մայրիկ, ես ձեզ շատ նեղու-
թյուն են պատճառում, սակայն պետք է ուրա-
խությամբ կրեք այդ նեղությունները ձեր որ-
դի Նժդեհի համար:

Թող Եփեմիան դիմի բուլղարական թա-
գուհի Էլենորային, որպեսզի նա խնդրի ռու-
սական թագուհուն բանտից իմ ազատման
համար: Պ-ոն Սուբխաթ⁷⁶ կարող է դա կազ-
մակերպել, քանի որ նա ծանոթ է ռազմական
նախարարի և բարձրաստիճան շատ
անձանց հետ: Եթե դուք դիմեք, ապա անպայ-
ման բավարար պատասխան կստանաք: Հա-
վանաբար, դուք արդեն գիտեք, որ ինձ մե-
ղադրում են հայ հեղափոխական
«Դաշնակցություն» կուսակցությանը պատ-
կանելու համար, չնայած այն բանին, որ ես
այդ կուսակցությունից այնքան հեռու էի
կանգնած⁷⁷, որքան երկինքը՝ երկրից:

Ձերբակալվել են շուրջ 800 հոգի, բայց
600 հոգի ազատվել են, իսկ մնացյալին
պետք է դատեն: Թերթերի տեղեկությունների
համաձայն՝ մեր գործը դատարան պետք է
փոխանցվի մայիս ամսին:

Դրությունը կրիտիկական է, առողջու-
թյունս քայքայվում է, ահա արդեն 1,5 տարի
է, ես ձերբակալված եմ:

Ա՛հ, ճշմարիտ է, ճշմարիտ:
Խոնարհվում եմ բոլորին:

Ձեր որդի Նժդեհ:
Իմ հասցեն

Ռուսաստան, Կովկաս, քաղաք Նա-
խիջևան, Երևանի նահանգ: Բանտում քաղա-
քական բանտարկյալ Գարեգին Տեր-
Հարությունյանցին:

1910թ. մարտի 27»:

ՀԱԱ, ֆ. 1457, ց. 3, գ. 3, ք. 2278:
Թարգմանություն ռուսերենից:

**ԹԻՎ 7
ՄԵՂԱԴՐՅԱԼԻ ՀԱՐՑԱՔՆՆՈՒԹՅԱՆ
ԱՐՁԱՆԱԳՐՈՒԹՅՈՒՆ**

1910թ. հոկտեմբերի 22: Քաղաք Նովոչերկասկ:
Նովոչերկասկի օկրուգային դատարանին կից
հասուկ կառնորության գործերով դատական
բնիչը Քրեական դատավարության կանո-
նադրության 403-405-րդ հոդվածների հիման

76 Եփեմիայի հայրը Սուբխա Սուբխայան:
77 Այս մասը գրված է անցյալ ժամանակով:
78 Տանուտերի օգնական Շահնագարով:
79 Այստեղ Նժդեհն ակնհայտորեն քողարկում է իր գաղափարակցի անունը:
80 Փաստաթղթում այսպես է:
81 Ռուսերեն գրված է в Тазюках.
82 Սա նույն Շահնագարովն է:
83 Փաստաթղթում զինվոր բառը փակագծերում գրված է ռուսերեն՝ зинвор:

վրա հարցախոնջող ռոդես մեղադրյալ ներհան-
վանյալին և նա ցուցմունք սվեց.

Գարեգին Տեր-Եղիշեի Տեր-Հարությունով,
լրացուցիչ ցուցմունք են տալիս:

Ձեր կողմից ներկայացված 1908թ. սեպ-
տեմբերի հայերեն մամակը «Նժդեհ» ստո-
րագրությամբ Կոնուսի պետի⁷⁸ անունով.
«Սույնով Կոնուսի հայ բնակչության կողմից
լիազորները և ընտրյալները հայտարարում
են Ձեզ, որ. Ա. Այսօր եկեղեցու շրջակա հրա-
պարակում տեղի կունենա հասարակական
ժողով, Բ. Նշյալ մարմինները պարտավորեց-
նում են ձեզ ներկա լինել հասարակական ժո-
ղովին: Տեղական մարմինների փոխարեն
«Նժդեհ»: Գրված է իմ կողմից և փոխանցված
է Կոնուս գյուղի ներկայացուցչին, ում անու-
նը և ազգանունը չեն հիշում⁷⁹, Կոնուսի տա-
նուտերի օգնականին հանձնելու համար:
Ձեր ներկայացրած երկու մամակները և գրու-
թյունը.

1. 1908թ. հունիսի «Լևոնի անունով»
«Նժդեհ» ստորագրությամբ [հայերեն մամա-
կը]. «Կրկնում եմ այն խոսքերը, որոնք կային
20 օր առաջ ուղարկած իմ մամակի տողե-
րում: Ես մեկն եմ հեղափոխականներից և
այժմ գործում եմ հեղափոխական ասպարե-
զում: Ես կապված եմ հանձնարարված մեծ
գործերի, դրա համար էլ իմ ասպարեզը կարճ
ժամանակով ես չեմ կարող թողնել, չեմ կա-
րող առանձնանալ որպես գործիչ - դա արսի-
ոմա է⁸⁰ ուղարկում եմ իմ լուսանկարչա-
կան քարտը, որն ուղարկված է Սոֆիայից
քրոջիցս: Կձգտեմ ուսուցիչ լինել Թագազու-
ղում⁸¹:

2. Առանց անասքվի նշման «Նժդեհ»
ստորագրությամբ «մոր և եղբոր» անունով և
նշումով [հայերեն մամակը], ըստ որի մամա-
կի հեղինակը Սոֆիայում «Դաշնակցության»
հաշվին սովորում է սպայական դպրոցում,

3. Մեսրոպովի⁸² անունով գրություն
«100 ռուբլու պահանջով և սպառնալիքով,
եթե մամակի հեղինակը մինչև հաջորդ օրը
չստանա, ապա կգա և կստանա 150 ռուբլի»
– իմ կողմից չեն գրված, ունից են դրանք խլ-
վել – ինձ անհայտ է:

Վերոհիշյալ գրությունը 100 ռուբլու պա-
հանջի մասին Մեսրոպին գրված է 1905թ.
հայ-թաթարական անկարգությունների ժա-
մանակ «Սայդո» անունով թուրքական հայ
զինվորի⁸³ կողմից, իսկ այդ հայի ազգանունը
ես չգիտեմ: Որտեղ է ապրում այդ հայը – ես
նույնպես չգիտեմ: Մատնանշված երկու մա-
մակները գտնվել են Կոնուսում, դատարկ
տանը, որտեղ 4 կամ 5 տարի շարունակ ոչ
մեկը չի ապրել: Այդ մամակները խեղաթյուր-

ՄԱՐԿՆԵՐԻ ՎԱՐՎԵՐԻ

2009 թվականի հոկտեմբեր-դեկտեմբեր

ՎԵՄ համահայկական համերկ

**ԹԻՎ 8
ՎՎԱՆԵՐԻ ՀԱՐՑԱՔՆՆՈՒԹՅԱՆ
ԱՐՁԱՆԱԳՐՈՒԹՅՈՒՆՆԵՐ**

1910թ. դեկտեմբերի 1: Քաղաք Նախիջևան:

Երևանի օկրուգային դատարանի Դատական Քննիչ Սիդավան Քրեական դատավարության կանոնադրության 712-րդ և 1037-րդ հոդվածների համաձայն հարցաքննեց ներքոնախադասվածներին և նրանք ցուցմունք տվեցին.

Հոգևորական Տեր-Թադևոս Տեր-Մատթևոսի Տեր-Հովհաննիսյանց⁸⁷, Կզնուք գյուղի բնակիչ, հայ-գրիգորյան, չեն դատվել, Մետրոպոլիտ Բաբան Կարմիրյանը⁸⁸, իսկ մյուսները օտար:

Մետրոպոլիտ Բաբան և հոգևորական Տեր-Եղիշե Տեր-Հարությունովի ընտանիքների միջև հնուց գոյություն ունի թշնամանք, և նրանք պատկանում են իրար թշնամի երկու կուսակցությունների: Ինչն է նման թշնամանքի պատճառ ծառայել չգիտեն, քանի որ թշնամանքի սկիզբն առնչվում է դեռ այն ժամանակին, երբ Բաբան և Տեր-Հարությունովի նախնիները ապրում էին Պարսկաստանում⁸⁹: Մետրոպոլիտ Բաբանի կողմից սկզբում 100 ռուբլի, իսկ հետո 150 ռուբլի պահանջով նամակի ստացման մասին ինձ ոչինչ հայտնի չէ: Գարեգին Տեր-Հարությունովի մոտ արդյո՞ք գտնվել է ինչ-որ գրություն դրամի պահանջով, թե ոչ՝ չգիտեն:

Ավելին ցուցմունք տալ չեն կարող: Կարդացված է:

Հոգևորական Ս. Թ. Հովհաննիսյանց
Քննիչ Սիդավան
Դատախազի Տեղակալ (ստորագրություն)

ՀԱԱ, ֆ. 1457, ց. 3, գ. 5, թ. 4350:
Թարգմանություն ռուսերենից:

Դուկաս Բաբայի Բեկնազարյանց, Կզնուք գյուղի բնակիչ, 32 տարեկան, հայ-գրիգորյան, չեն դատվել, գործում մասնակից անձանց օտար են:

Մետրոպոլիտ Բաբան և հոգևորական Եղիշե Տեր-Հարությունովի ընտանիքին են լավ են ճանաչում: Ինչքան հիշում են են մշտապես Բաբանների և Տեր-Հարությունովների թշնամանքի վկան են եղել, որոնք պատկանում են իրար միջև թշնամություն անող երկու կուսակցությունների: Ի՞նչն է առիթ ծառայել նման թշնամանքի չգիտեն, բայց ասում են, որ նրանց նախնիները թշնամություն են արել դեռևս

ված են, այսինքն՝ կեղծված են Կզնուք գյուղի տանուտերի օգնական Մետրոպոլիտ Բաբանի⁸⁴ կողմից: Այդ նամակներում են իմ ձեռագրի հետ ոչ մի նմանություն չեն գտնում: Այդ նամակները կազմվել և գաղտնաբար գցվել են նշյալ Մետրոպոլիտ Բաբանի կողմից: Մետրոպոլիտ Բաբանն իմ երդվյալ թշնամին է, իմ հայր Տեր-Եղիշեն թունավորվել է Բաբանի զարմիկ Թադևոս Շահնազարյանի կողմից, ինչի առթիվ կարծես նույնիսկ գործ է վարվել: Կզնուքցիների խնդրանքով իմ կողմից կազմվել է խնդրագիր որպես կաշառակերի [պաշտոնից] Մետրոպոլիտ Բաբանի ազատման մասին: Նա ազատվեց: Դրանից զատ ես նրան անձնապես վիրավորեցի: Այն ժամանակ, երբ գրվել է Մետրոպոլիտ Բաբանի անունով գրությունը, վերջինս արդեն Կզնուք գյուղի տանուտերի օգնական չէր, և ես այդ գրությունը նրան որպես մասնավոր անձի են գրել: Նշյալ ժողովում այդ գրության մեջ ծխական դպրոցի բացման համար հաշտարար վճռագիր է գրվել: Այդ գրության մեջ նշյալ մարմինները կզնուքցիների կողմից ընտրված և լիազորված հոգաբարձուներն են: Ես սխալմամբ Բաբանի զարմիկին անվանեցի Թադևոս, նրա անունը Ստեփան է:

Կարդացված է:

Հավելեմ. խնդրում են որպես վկա հարցաքննել Կզնուքի հոգևորական Տեր-Թադևոս Տեր-Մաթևոսովին, Կզնուք գյուղում ապրող Դուկաս Բաբանին, նույն գյուղի տանուտերի օգնական Անդրեասին⁸⁵, որի ազգանունը չեն հիշում, ի հաստատումն այն բանի, որ Բաբան և մեր ընտանիքի միջև գոյություն ունի դարավոր թշնամանք, որ 100 ռուբլի պահանջով գրությունը Մետրոպոլիտ Բաբանին գրված է հայ-թաթարական անկախությունների ժամանակ վերոնախադասված գինավոր Սայդոյի⁸⁶ կողմից:

Կարդացված է:

Գարեգին Տեր-Հարությունովի
երդվյալ թարգմանիչ Նադիրաձե
Դատական Քննիչ Լիժին,
Դատական պալատի Դատախազի
Տեղակալ Սերգեն

ՀԱԱ, ֆ. 1457, ց. 3, գ. 5, թթ. 4178-4179:
Թարգմանություն ռուսերենից:

84 Նկատի ունի Շահնազարյանին:

85 Անդրեաս Հովհաննեսի Ներսիսյան - Նժդեհի երրորդ ճյուղի եղբայր (պապի եղբոր թոռ):

86 Սեյդո Պողոս (1874-1907) – ֆիդայի, ծնունդով Մշո Ալվարիինց գյուղից: Հայ-թաթարական կռիվների շրջանում ղեկավարել է Նախիջևանի հանրապետական շրջանի ինքնապաշտպանությունը:

87 Սա Բուլղարիայում Նժդեհի հետ ուսանած, ապա դավադիր դեր խաղացած Ռաշիդի (տե՛ս ծան. թ. 8) հայրն է:

88 Քրոջ որդին:

89 Նժդեհի տոհմը (Գուլյենը) 1829-1830թթ. գաղթել է Պարսկաստանի Սալմաստ գավառի Դըլըջա (Կիզիլճա) գյուղից:

Պարսկաստանում՝ մինչև Ռուսաստան նրանց վերաբնակեցումը: Մետրոպոլիտ Բաբանի անունով 150 ռուբլի պահանջով գրության առնչությամբ ինձ ոչինչ հայտնի չէ, բայց այդպիսին գրված է Գարեգին Տեր-Չարությունովի կողմից հետևյալ պարագաներում: 1908թ. Կգնութ գյուղի տանուտերի օգնական Մետրոպոլիտ Բաբանը գյուղացիներից հավաքել է 200 ռուբլի միրաբից⁹⁰ ոռոգման ջուր գնելու համար, բայց հետագայում պարզվեց, որ ջուր գնելու անհրաժեշտություն չկա: Այդ ժամանակ ես, Ստեփան Ազիզովը և Նիկոլայ Բաբանը ոռոգման ջրանցքի անցկացման համար լիազորներ ընտրվեցինք: Քանի որ նոր ջրանցքի [կառուցման] աշխատանքներ սկսելու համար անհրաժեշտ էր ունենալ որոշակի գումար, մենք որոշեցինք Մետրոպոլիտ Բաբանից նախկինում նրա հավաքած գումարից վերցնել 150 ռուբլի: Քանի որ Մետրոպոլիտ Բաբանն այն ժամանակ գտնվում էր գյուղ Չենգամբասարում, դրա համար մենք խնդրեցինք Գարեգինին գրել նրան մամակ մեզ՝ լիազորներիս 150 ռուբլի հանձնելու մասին, ինչը և Գարեգինը կատարեց: Նամակը գրվեց Գարեգինի կողմից, քանի որ լիազորները թերի գրագետ էին: Թե ինչպիսի գրություն է գտնվել Գարեգին Տեր-Չարությունովի իրերում չգիտեմ: Լիազորները Մետրոպոլիտ Բաբանից գումար չեն ստացել, քանի որ նա մեր գրությամբ չժամանեց Կգնութ և գումար չտվեց:

Ավելին ցուցմունք տալ չեմ կարող: Կարողացված է:

ՉԱԱ, ֆ. 1457, ց. 3, գ. 5, ք. 4350:
Թարգմանություն ռուսերենից:

Մետրոպոլիտ Բաբանի Շահնագարյան, Կգնութ գյուղի բնակիչ, 50 տարեկան, հայգրիգորյան, չեմ դատվել, հոգևորական Տեր-Թադևոսն իմ քեռին է, գրագետ:

Սույն գործի առնչությամբ ներկա տարվա սկզբին ես արդեն ձեզ ցուցմունք եմ տվել: Իմ և Տեր-Եղիշե Տեր-Չարությունովի ընտանիքների միջև սկզբում ոչ մի թշնամանք չի եղել, իսկ մեր նախնիները երբեք թշնամություն չեն արել: Թշնամանքը սկսվել է Գարեգին Տեր-Չարությունովից սկզբում 100, ապա 150 ռուբլի պահանջով երկու գրությունների իմ կողմից ստանալուց հետո⁹¹: Այդ երկու գրություններն էլ փոխանցված են Գարեգին Տեր-Չարությունովից: Այդ գրությունները ես ներկայացրել եմ Նախիջևանի գավառապետին: Գարեգինի իրերի մեջ ինչպիսի գրություն է գտնվել չգիտեմ: Գուցե՞ նա գրել է երրորդ գրությունը, բայց չի հասցրել ինձ ուղարկել: Հասարակության լիազորները չէին կարող ինձնից դրան պահանջել, քանի որ այդպիսիք իմ մոտ չէին կարող լինել, ոռոգման ջրանցքի կառուցապատման համար գումարը տանուտերի և հարկահավաքների մոտ էր:

Ավելին ցուցմունք տալ չեմ կարող:

90 Ջրաբաշխ պաշտոնյա:

91 Շահնագարովը կրկին ակնհայտորեն խեղաթյուրում է իրականությունը:

(Ստորագրությունը ռուսերեն չէ)
Դատական Քննիչ Սիդակա
Դատախազի Տեղակալ (ստորագրություն)

ՉԱԱ, ֆ. 1457, ց. 3, գ. 5, ք. 4351:
Թարգմանություն ռուսերենից:

* * *

Անդրեաս Չովիաննեսի Ներսեսյան, Կգնութ գյուղի տանուտերի օգնական, 48 տարեկան, հայ-գրիգորյան, չեմ դատվել, Գարեգին Տեր-Չարությունովն իմ երրորդ ճյուղի եղբայրն է:

Մետրոպոլիտ Բաբանին և Տեր-Եղիշե Տեր-Չարությունովի ընտանիքին ես ճանաչում եմ: Նրանք վաղուց թշնամություն են անում իրար հետ և պատկանում են երկու իրար թշնամացող կուսակցությունների: Ինչն է այդ թշնամանքի պատճառ ծառայել չգիտեմ, քանի որ նրանց նախնիները, ինչպես ասում են, թշնամություն են արել դեռ Պարսկաստանում՝ մինչև Ռուսաստան վերաբնակեցումը: Մետրոպոլիտ Բաբանի կողմից սկզբում 100, իսկ հետո 150 ռուբլի պահանջով նամակների ստացման մասին ինձ հայտնի չէ: Ինչպիսի գրություն է գտնվել Գարեգին Տեր-Չարությունովի իրերում չգիտեմ:

Ավելին ցուցմունք տալ չեմ կարող: Կարողացված է: Անգրագետ:

Դատական Քննիչ Սիդակա
Դատախազի Տեղակալ (ստորագրություն)

ՉԱԱ, ֆ. 1457, ց. 3, գ. 5, ք. 4351:
Թարգմանություն ռուսերենից:

**ԹԻՎ 9
ՈՐՈՇՈՒՄ**

1911թ. փետրվարի 11-ից մինչև 24-ը: Քաղաք Նովոչերկասկ:

Նովոչերկասկի օկրուգային դատարանի հատուկ կարևորության գործերով Դատական Քննիչը քննության ենթարկելով իր կատարած նախաքննությունը հայ հեղափոխական «Դաշնակցություն» կուսակցության գործով, ԳՏԱՎ.

Որ ներքոնվանյալ մեղադրյալներին սույն գործով՝ ներկայացված Քրեական Դատավարության կանոնադրության 448-րդ և 476-րդ հոդվածների հիման վրա, նրանց նախաքննությամբ արված են հետևյալ հայտարարությունները.

XXXXXXXXVII. Գարեգին Տեր-Եղիշեի Տեր-Չարությունով.

1. Գործին կցել Կգնութ գյուղում տան դատարկ սենյակում գավառապետ Սորոկինի [կատարած] խուզարկության արձանագրությունը, որտեղ գտնվել են 1906թ. կոչերը և այդ առթիվ հարցաքննել Սորոկինին,

2. Հարցաքննել Կգնութ գյուղի տանուտերին, Բաբանի ազգական Կգնութի

ԵՐԵՎԱՆԻ ԳՐԱԴԱՐԱՆ

1999 թվականի հունվարի 28-ին հրատարակված

ՀՀ Դաշնակցության մեծ դատավարության թղթածրարները

հոգևորական Տեր-Թադևոս Տեր-Չովհաննեսովին – ի հաստատումն Բաբանի գրագիտության, որը դրա պատճառով իբր չի կարողացել ոչ մեկի ընթերցման համար տալ իր ստացած նամակները,

3. Գործին կցել բանաստեղծություններով նրա տետրը, դպրոցի բացման առթիվ հաշտարար վճիռը, դպրոցի բացման առթիվ հաշտարար միջնորդական խնդրագիրը, անձնագիր ստանալու համար տանուտերի վկայակարգը և 175 կգնութիցի հայերի վճռագիրը,

4. Ի հաստատումն այն փաստերի, որ իր դեմ ցուցմունք տվող Մեսրոպ Բաբանը նրա երդվյալ թշնամին է, որ նրա հայր Տեր-Չարությունովը հոգևորական Տեր-Եղիշեն, թունավորվել է Բաբանի կուսակցության կողմից, որ 100 ռուբլի պահանջով նամակը Բաբանը ստացել է թուրքահպատակից և 1905թ. մինչև 1908թ. Գարեգին Տեր-Չարությունովը Ռուսաստանում չի եղել – հարցաքննել Քրիստափոր Մովսեսովին, Աբրահամ Ամիրխանովին, Իվան Մովսեսովին և ուրիշներին,

5. Փոփոխել պատժամիջոցը և տրամադրել դատական վարույթի պատճենները:

ՉԱԱ, ֆ. 1457, ց. 3, գ. 6, թթ. 4409-4410: Թարգմանություն ռուսերենից:

CXXXXXIV. Գարեգին Եղիշեի Տեր-Չարությունով.

(խնդրագրում լրացուցիչ հայտարարություն)

1.. Ընդունում է, որ երկու նամակները, որոնցում մատնանշվում է այն մասին, որ նա սովորում է «Դաշնակցություն» կուսակցության հաշվին – զրված են իր կողմից,

2. Խնդրում է պատժամիջոցը փոխել ոստիկանության հատուկ հսկողությամբ:

ՉԱԱ, ֆ. 1457, ց. 3, գ. 6, թ. 4438: Թարգմանություն ռուսերենից:

CCXIV. Գարեգին Տեր-Եղիշեի Տեր-Չարությունով.

(հեռագրով լրացուցիչ հայտարարություն) Նվազեցնել գրավը մինչև 1000 ռուբլի:

ՉԱԱ, ֆ. 1457, ց. 3, գ. 6, թ. 4444: Թարգմանություն ռուսերենից:

Մեղադրյալ Գարեգին Տեր-Եղիշեի Տեր-Չարությունովի միջնորդությունը.

Ա. Կզնուք գյուղում գտնված 1906թ. կոչերի խուզարկության արձանագրությունները գործին կցելու և այդ առթիվ գավառապետ Սորոկինի հարցաքննության մասին,

Բ. Վկա Մեսրոպ Բաբանի գրագիտությունը հաստատող վկաների հարցաքննության մասին,

Գ. Գյուղական վճռագրի և Կզնուք գյուղում դպրոցի բացման առթիվ խնդրագրի գործին կցման մասին,

Դ. Տեր-Չարությունովի բանաստեղծությունների տետրերի և նրա կողմից անձնագրի ստացման մասին տանուտերի վկայականի գործին կցում,

Ե. Տեր-Չարությունովի գործուցության մասին 175 կզնութիցի հայերի վճռագրի գործին կցումը,

Զ. Վկաներ Մովսեսովի, Ամիրխանյանի և այլոց հարցաքննությունների մասին ի հաստատումն, որ մեղադրության վկա Մեսրոպ Բաբանը Տեր-Չարությունովի երդվյալ թշնամին է, և որ Տեր-Չարությունովի հայրը թունավորվել է Բաբանի կուսակցության մարդկանց կողմից, որ Գարեգին Տեր-Չարությունովը 1905թ. -ից մինչև 1908թ. Ռուսաստանում նույնիսկ չի եղել, դրա համար էլ 1905-1906թթ. ուն թուրքահպատակից Մեսրոպ Բաբանի ստացած 100 ռուբլու պահանջով նամակը Գարեգին Տեր-Չարությունովի հետ ոչ մի առնչություն չունի – ենթակա չէ բավարարման, քանզի.

Առաջին, խուզարկության արձանագրությունում վերոհիշյալ հաշտարար վճիռները գտնվում են գործում և կցված են դրան, բացի մեղադրյալ Գարեգին Տեր-Չարությունովի կողմից դրա համար պահանջած միջնորդությունից, իսկ վերջինիս բանաստեղծությունների տետրերի և անձնագրի ստացման մասին տանուտերի վկայականի գործին կցումը չի դիտարկվում դրանցում գործի համար ինչ-որ կերպ ամերաժեշտ էական նշանակության բացակայությամբ,

Երկրորդ, բոլոր վկաները այդ թվում և մեղադրյալ Գարեգին Տեր-Չարությունովի հղումով ներկա հայտարարության մեջ ցույց տրված, բացառությամբ վկա Սորոկինի, արդեն հարցաքննված են նույն հանգամանքով, և այդ վկաների կողմից այդ առթիվ արդեն տրված են որոշակի ցուցմունքներ, ինչ վերաբերում է վկա Սորոկինի հարցաքննությանը, ապա այդպիսինի բավարարման համար էական ոչ մի անհրաժեշտություն չկա, որ նույն հանգամանքով ի հաստատումն որի մեղադրյալ Գարեգին Տեր-Չարությունովը խնդրում է հարցաքննել վկա Սորոկինին, հարցաքննված են ինչպես նշյալ խուզարկության ժամանակ ներկաների, այնպես և նշյալ վկա Սորոկինի կարգադրությամբ դա կատարողների առումով, խուզարկության ժամանակ բացակաների և դրա վկաների կողմից տրված են միանգամայն որոշակի և հանգամանակից բացատրություններ:

ՉԱԱ, ֆ. 1457, ց. 3, գ. 6, թթ. 4566-4567: Թարգմանություն ռուսերենից:

135. Գարեգին Տեր-Չարությունով – 1908թ. Երևանի նահանգի Նախիջևանի գավառի Կզնուք գյուղում իր համագյուղացիներին կոչ է արել փակել պետական դպրոցը և կազմակերպությունից [ՅՅԴ] կախված, ընկերակցության [ՅՅԴ] շահերից բխող մասնա-

վոր դպրոց բացել, կատարել է հարկադիր դրամա հավաքներ ընկերակցության կարիքների համար և իր բնակարանում պահել է 1906թ. մայիսի 21-ից 26-ը «Դաշնակցություն» հայ հեղափոխական կուսակցության Մրգաստանի շրջանային ժողովի բանաձևեր» խորագրով տպագիր կոչը:

ՀԱԱ, ֆ. 1457, ց. 3, գ. 6, թ. 249: Թարգմանությունն ռուսերենից:

92. Գարեգին Տեր-Եղիշեի Տեր-Չարությունով – հտ. 30, գործի թերթ 10843, հտ. 129, գործի թերթ 42403, Երևանի նահանգի Նախիջևանի գավառի Վերին Ազա⁹²:

ՀԱԱ, ֆ. 1457, ց. 3, գ. 6, թ. 257: Թարգմանությունն ռուսերենից:

[Դատական ԲՆՈՒՅԻՒՄ ԽՈՍՏԵՐԸ]

1908թ. օգոստոսի վերջին Երևանի նահանգի Նախիջևանի գավառի Կզնուօ գյուղ եկավ վերջին տարիներին ժամանակի մեծ մասը հարազատ գյուղից դուրս ապրած և այնտեղ միայն կարծ ժամանակով վերադարձած այդ գյուղի բնակիչ Գարեգին Տեր-Չարությունովը: Վերադառնալով Կզնուօ Գարեգինը սկսեց խառնվել գյուղական գործերին և գործել այնպես ազատ և ինքնուրույն, որ գյուղում լուր տարածվեց, թե Գարեգինը «Դաշնակցություն» կուսակցության ներկայացուցիչ է հանդիսանում, ինչի պատճառով բոլորը սկսեցին նրան լսել և վախենալ: Գարեգինի գալուց շուրջ մեկ շաբաթ անց Կզնուօ գյուղի տանուտերի օգնական Մեսրոպ Շահնագարովի մոտ զնաց այդ գյուղի բնակիչ Բագրատ Գևորգի Սահակյանցը և Շահնագարովին փոխանցեց հայերեն երկու գրություն հաղորդելով, որ այդ գրությունները Գարեգինից է, ով պահանջում է նրան հավաքի [ներկայանալ]: Շահնագարովը պատասխանեց, որ հավաքի չի գնա, և ստացված գրությունները գրագետ անձի կարողալու տալով իմացավ, որ դրանցից մեկում իրեն առաջարկվում էր ներկայանալ հավաքի, իսկ մյուսում հանձնել 100 ռուբլի: Հաջորդ օրն այդ գրությունները Շահնագարովը ներկայացրեց Նախիջևանի գավառապետին, ում կարգադրությամբ Գարեգին Տեր-Չարությունովը 1908թ. սեպտեմբերին ձերբակալվեց իր եղբայր Լևոն Տեր-Չարությունովի տանը: (Բնագրային դատական գործ, հատոր 59, թթ. 1637-1639)

Այդ գրությունների զննումից և թարգմանությունից հետո բացահայտվեց, որ դրանք հետևյալ բովանդակության են. «Նժդեհ» ստորագրությամբ 1908թ. սեպտեմբերի «Կզնուօ տանուտերի օգնականի (մելիք)» անունով նամակն այն մասին, որ հայ հասարակու-

թյան կողմից ընտրված և լիազորված Կզնուօի տեղական մարմինները հայտարարում են եկեղեցու շրջակա իրապարակում ժողովի նշանակման մասին և պարտավորեցնում հասցեատիրոջը ներկա լինել դրան: (Բնագրային դատական գործ, հատոր 23, թ. 554, փաստաթուղթ 3)

Անստորագիր գրությունն այսպիսի բովանդակությամբ. «Կզնուօ, Մեսրոպին: Եթե վաղը չուղարկես այն 100 ռուբլին, ապա ես ինքս կգամ և քանի դեռ չես բռնագանձել 150 ռուբլի, հանգիստ չես թողնի ձեզ: Ես ձեզ կսպասեմ մինչև երեկո»: (Բնագրային դատական գործ, հատոր 23, թ. 554, փաստաթուղթ 4)

Ըստ Շահնագարովի ցուցմունքի՝ նա լսել է իր համագյուղացիներից, որ [գյուղական] հավաքում, որին իրեն կանչում էր Գարեգինը, վերջինս համոզել է փակել պետական դպրոցը և բացել մասնավորը, այդ առթիվ կազմվել է վճիռ, որը և գյուղի բնակիչները ստորագրել են վախենալով Գարեգինից: Ըստ Շահնագարովի խոսքերի նրա համագյուղացիներից և ոչ մեկը դատական իշխանության առջև չի հաստատի այդ հանգամանքը՝ երկյուղելով վրեժից, և որ ինքը իր տված ցուցմունքից հետո լավ գիտի, որ դրա համար կսպանվի: Հանդգնումը հայտնելով, որ Գարեգին Տեր-Չարությունովը պատկանում է «Դաշնակցություն» կուսակցությանը և պարզաբանեց, որ եթե Գարեգինը չպատկաներ այդ կուսակցությանը, նա չէր կարող այդպիսի խիզախությամբ խառնվել գյուղական գործերին: (Բնագրային դատական գործ, հատոր 59, թ. 1638)

Վերին Ազա գյուղում իր եղբոր տանը Գարեգինի ձերբակալման ժամանակ խուզարկություն կատարելու նպատակով ոստիկանական ուրյադնիկ Սագինովը առաջարկեց նրան ցույց տալ իր իրերը: Գարեգինը ցույց է տվել ճամպուրկը, որի մոտ պատուհանի զոզին դրված էին նամակներ ու տետրեր, որոնք Գարեգինը նույնպես ճանաչել է [որպես] իրեն պատկանող իրեր:

Այդ փաստաթղթերի զննման և հայերենից թարգմանության ժամանակ պարզվել է, որ այդպիսիք ունեն հետևյալ բովանդակությունը.

1. «Գարեգին» ստորագրությամբ մոր և Լևոն եղբոր անունով «Սոֆիա, 1906թ. հոկտեմբերի 15» թվագրումով նամակում Գարեգինը հաղորդում է, որ ինքը գտնվում է ք. Սոֆիայում, որտեղ սովորում է «Դաշնակցության» ինքնուրույն և ստորագրություն է տվել, որ ինքը հինգ տարվա ընթացքում ամուսնանալու իրավունք չունի: (Բնագրային դատական գործ, հատոր 23, թ. 553-555)

2. «Նժդեհ» ստորագրությամբ Լևոնի անունով 1908թ. հուլիսի նամակը: Նամակի հեղինակը հաղորդում է, որ ինքը աշխատում

92 Սրանք դատական գործի բնագրային տվյալներն են:

ՄԳԵՏՈՄԳԻՏԻ
ՎԱՍԿԵՆՆԵՐ

թիվ 3(28) հոկտեմբեր-դեկտեմբեր 2009

ԿԷՄ համահայկական համերկ

է հեղափոխական ասպարեզում և շատ է կապված իր վրա դրված գործերով, որոնք չի կարող թողնել: «Մի՛թե մայրիկն ցանկանում է,- շարունակում է նամակի հեղինակը,- որ պեսզի ես թողնեմ հեղափոխական գործը և վերադառնամ, դառնամ բոլոր ընկերների, ողջ կազմակերպության առաջ ատելի, նողկալի ...»: Նամակն ավարտվում է ք.Սոֆիայից քրոջն ուղարկած Գարեգինի լուսանկարը՝ մորը և եղբորը փոխանցելու մասին հեղինակի ծանուցումով, և Լևոնը՝ հարցով թե ինչո՞ւ վերջինս հեղինակի նամակը ընթերցան համար չի հանձնել Կզնութի երիտասարդությանը:

3. 1906թ. մայիսի 21-ից 27-ը տեղի ունեցած «Հայ հեղափոխական «Դաշնակցություն» կուսակցության Սրգաստանի (այսինքն՝ Երևանի) շրջանային ժողովի բանձնելը» խորագրով տպագիր կոչը: «Քարոզչության» մասին բաժնում կոչը ծանուցում է, որ Կենտրոնական կոմիտեն իր շրջանում քաջատեղյակ մարդկանցից հիմնում է քարոզչության համար մարմին, որի վրա պարտականություն է դրվում այդպիսի գործի բանավոր և գրավոր վարումը «Դաշնակցության» հիմնական ծրագրի և Կովկասյան գործունեության նախագծի ժողովրդականացման նպատակներով անընդհատ ընդգծելով, որ «Դաշնակցությունը» հայ ժողովրդի տնտեսական և քաղաքական իրավունքների պաշտպանն է, և որ հայ աշխատավոր դասակարգի շահերը պահանջում են հայ ազգի քաղաքական իրավունքների երաշխիքներ: Կոչի վերջում շարադրված է, որ ժողովի բանձնելերով պետք է ղեկավարվեն Սրգաստանի շրջանի բոլոր դաշնակցական մարմինները:

4. Երեք հաշտարար վճիռներ, երկուսը հայերենով. 1. ծխական դպրոցի համար հոգաբարձուներ ընտրելու մասին (Ջուղա գյուղի բնակիչների), և 2. միադասյա ծխական ուսումնարանի բացման մասին (Կզնուք գյուղի բնակիչների 1908թ. հուլիսի 25), և մեկը ռուսերենով Կզնուք գյուղի բնակիչների հայերեն ստորագրությամբ 1908թ. օգոստոսի 30-ից միադասյա ծխական ուսումնարանի բացման մասին: (Բնագրային դատական գործ, հատոր 17, թթ. 6077, 6085, 6087, 6089)

Որպես մեղադրյալ հարցաքննված Գարեգին Տեր-Չարությունովն իրեն մեղավոր չճանաչելով հայ հեղափոխական «Դաշնակցություն» կուսակցությանը պատկանելու մեջ պարզաբանեց, որ 1904թ. Երևանի գիմնագիան ավարտելուց հետո նա Ռուսաստանի բարձրագույն ուսումնական հաստատություններում անկարգությունների արդյունքում կրթությունը շարունակելու համար մեկնեց արտասահման, ընդ որում՝ Վիեննայում ծանոթացել է հարուստ դաշնակցական, Սոֆիայի բնակիչ Սուքիասյանի հետ,

ով առաջարկել է իրեն իր հաշվին ընդունվել Սոֆիայի համալսարան: Ընդունելով այդ առաջարկը՝ նա երկու տարի սովորել է այդ համալսարանում, իսկ 1907թ. համալսարանի փակման արդյունքում տեղափոխվել է Սոֆիայի զինվորական ուսումնարանին կից սպայական դասընթացներ, ուր սովորել է 11 ամիս, մինչև համալսարանում պարապմունքների վերսկսվելը: Ստորագրություններ այն մասին, որ ինքը պարտավոր է չամուսնանալ և իրեն նվիրել հեղափոխական գործի՝ ինքը ոչ մեկի չի տվել: Սոֆիայից մորը և եղբորը նամակներ գրել է, բայց ոչ այն բովանդակության, ինչպես իրեն ներկայացված երկու նամակներն են, որոնք, նրա կարծիքով, խեղաթյուրված են իր հետ հին թշնամների մեջ գտնվող վկա Շահնագարովի կողմից և գաղտնաբար գցվել են խուզարկության ժամանակ:

«Մելիքի»⁹³ անունով «Նժդեհ» ստորագրությամբ նամակը գրված է մեղադրյալի կողմից և հանձնված է Կզնութի բնակիչներից մեկին տանուտերի օգնականին փոխանցելու համար: Ուղարկելով այդ նամակը՝ ինքը գործել է որպես հասարակության ընտրյալ: 100 ռուբլի հանձնելու մասին Մեսրոպի անունով գրությունը գրված է 1905թ. հայ-թաթարական անկարգությունների ժամանակ այժմ բնակության տեղն անհայտ «Սայրդ» անունով թուրքական զինվորի⁹⁴ կողմից: Որ նրա Գարեգինի, մեղադրանքը ստեղծված է բացարձակապես Մեսրոպ Շահնագարովի գրպարտությամբ և որի կաշառակերության վերաբերյալ նա գյուղացիների խնդրանքով կազմել է խնդրագիր ղեկավարությանը պաշտոնից վերջինիս հեռացման մասին: (Բնագրային դատական գործ, հատոր 30, թթ. 600, 601, հտ. 129, թթ. 4178-4179)

ՀԱԱ, ֆ. 1457, ց. 3, գ. 6, թթ. 214-216:
Թարգմանություն ռուսերենից:

ԹԻՎ 12

ՎՃԻՐ

1912թ. հունվարի 11-մարտի 20

[Կառավարող Սենատը] Հատուկ Ներկայացուցչությունը անմեղ է ճանաչում «Դաշնակցություն» ապօրինի ընկերակցությանը մասնակցության մեջ նրանց վերագրվող գործողությունների անապացուցելիության պատճառով, 144 հոդի (Ո. 127, հոգևորականի որդի Գարեգին Եղիշեի Տեր-Չարությունով):

ՀԱԱ, ֆ. 1457, ց. 3, գ. 6, թ. 289:
Թարգմանություն ռուսերենից:

93 Նկատի ունի գյուղի տանուտերի օգնական Շահնագարովին:

94 Փաստաթղթում զինվոր բառը փակագծերում նորից գրված է ռուսերեն՝ зинвор:

ՎԱՎԵՐԱԳՐԵՐ

**ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ
ԹՂԹԱԾՐԱՐՆԵՐԸ**

Գարեգին Խաժակի դատական գործը*

1905-1907թթ. ռուսական առաջին հեղափոխությունից հետո ՀՅ Դաշնակցության դեմ սկիզբ առած հալածանքների պայմաններում երկու անգամ ձերբակալվել և ընդհանուր առմամբ՝ մեկ ու կես տարի ցարական բանտերում է անցկացրել 1915-ի **Հայոց Մեծ եղեռնի** զոհերից մեկը՝ ՀՅԴ նշանավոր գործիչ Գարեգին Խաժակը:

Լինելով ՀՅԴ Թիֆլիսի Կենտրոնական կոմիտեի անդամ՝ Գարեգին Խաժակը ՀՅ Դաշնակցության Մեծ դատավարության ընթացքում մեղադրվել է հակակառավարական գրքույկներ, կոչ-թռուցիկներ կազմելու և քարոզչական նպատակներով դասախոսություններ կարդալու համար: Հետաքննության և բուն դատական գործընթացի ժամանակ նա մերժել է իրեն ուղղված բոլոր մեղադրանքները և ցարական բանտից ազատվելուց հետո՝ 1912թ. ամռանը, Ավ. Ահարոնյանի և Ավ. Իսահակյանի հետ մեկնել է Կ. Պոլիս, իսկ 1913թ. ստանձնել Սամաթիայի ազգային վարժարանի տնօրենի պաշտոնը: Եվ ահա այդ ամենից ընդամենը երկու տարի անց՝ 1915թ., ցարական բանտերում տառապած անվանի մտավորականն ու դաշնակցական գործիչը դարձել է թուրքական բանտերի, աքսորի և եղեռնագործության զոհը:

Հասարակական-քաղաքական անվանի գործիչ, ՀՅԴ հայտնի տեսաբան ու եռանդուն քարոզիչ Գարեգին Կարապետի Խաժակը (Խաժակյան-Չագալյան) ծնվել է 1867թ. օգոստոսի 6-ին Ալեքսանդրապոլում (Գյումրի): Նրա ընտանիքը քաղաքում կոչվել է «Չախալ օղի», այսինքն՝ Չախալյան կամ Չագալյան, որը հետագայում վերանվանվել է Խաժակի կամ Խաժակյանի: Ալեքսանդրապոլում իր նախնական կրթությունը ստանալուց հետո պատանի Գարեգինը 1883-1886թթ. սովորել է Էջմիածնի Գևորգյան հոգևոր ճեմարանում, 1886-1893թթ.՝ յոթ տարի շարունակ, ուսուցիչ է աշխատել Բաքվի, Գանձակի և Վերին Ագուլիսի ծխական դպրոցներում: Նա ՀՅԴ Հիմնադիր ժողովների նախօրեին 1889-1890թթ. դպրոցական տարեշրջանի համար Քրիստափոր Միքայելյանի հորդորով Վերին Ագուլիսում մանկավարժական գործունեության անցած երիտասարդ ուսուցիչներից մեկն էր:

1893-1896թթ. Ժնևի համալսարանի փիլիսոփայության բաժնում սովորելու ընթացքում, ինչպես նաև այն ավարտելուց հետո, Գարեգին Խաժակը որպես

* Հոդվածն ընդունվել է տպագրության 22.03.2010:

Ի(Ը) տարի, թիվ 1(29), հունվար-մարտ 2010

ՎԵՄ համահայկական համոզանք

դաշնակցական գործիչ եղել է Եգիպտոսում ու Բուլղարիայում, իսկ հետագայում՝ նաև Իզմիրում ու Կ. Պոլսում: Հասարակագիտական առարկաների ոլորտում տիրապետելով խոր ու բազմակողմանի գիտելիքների, նա օժտված էր նաև քաղաքական հակառակորդների հետ բանավիճելու սրամտությամբ ու լեզվական բացառիկ ունակություններով: Գյումրեցուն բնորոշ՝ այդ հայտնի առավելությունն ունեցող Գ. Խաժակը սովորաբար բանախոսում էր ոչ շատ գրական, բայց ժողովրդին մատչելի լեզվով՝ իր խոսքը համեմելով սրամտություններով և առածներով: Տարբեր ժողովներում, հանրահավաքներում և լրագրային հոդվածներում անխնա էր հակառակորդների հանդեպ՝ ձգտելով երբեք տեղի չտալ: Գ. Խաժակի այս անժխտելի ունակությունները բարձր է գնահատել հատկապես ՀՅԴ հիմնադիրներից՝ Ռոստոմը: Այսպես, երբ Եգիպտոսում հայտնված մի քանի աղմկարար ու լեզվանի հնչակյան գործիչներ սկսում են նեղել տեղի դաշնակցականներին, Ժնևում գտնվող Ռոստոմը Գարեգին Խաժակին հանձնարարում է. «Իսկը քո տեղն է, Խաժակ... Գնա՛ մի լաւ դաս տուր այդ անպիտաններին»¹:

1895թ. Բաբա-Գասպար կեղծանունով գործուղվելով Բուլղարիա (Ռուշչուկ, Վառնա, Յամբոլ), Գ. Խաժակը իր մեծ եռանդի, բուռն խառնվածքի և քաղաքական բանակովի ասպարեզում դրսևորած ունակությունների շնորհիվ կարողացավ ամուր հիմքերի վրա դնել ՀՅԴ տեղական կառույցների գործունեությունը և տարածել «Դրոշակը»:

Նույն նպատակով 1897թ. գործուղվելով Իզմիր՝ նա բանակռիվ է վարել Մատթեոս Մամուրյանի հետ՝ վերջինիս զարմացնելով իր փիլիսոփայական խորը գիտելիքներով: Հետագայում Միքայել Վարանդյանն այս կապակցությամբ գրում էր, որ բազմափորձ Մամուրյանը «...անգոր էր իրեն անձանօթ Դաշնակցութեան գիտուն առաքեալին հանդէպ...»²:

Այնուհետև, շուրջ երկու տարի, Գ. Խաժակը եղել է Շուշիի թեմական դպրոցի վարիչը, իսկ 1903թ. տեղափոխվելով Թիֆլիս՝ անդամակցել է «Մշակ»-ի խմբագրակազմին, վարել ներքին լուրերի բաժինը և սրբագրությունը: Միաժամանակ՝ 1904-ից եղել է նաև Ներսիսյան դպրոցի պատմության, ֆրանսերենի և քաղաքատնտեսության ուսուցիչը:

1906թ. Գ. Խաժակը Ավ. Ահարոնյանի և Ե. Թովիշյանի հետ Թիֆլիսում հիմնել է «Յառաջ» և «Ալիք» թերթերը, դարձել է «Յառաջ»-ի գրադարանի վարչության անդամ:

Բավականին բեղուն է եղել Գ. Խաժակի գրիչը. առաջին հոդվածը նա հրատարակել է 1887թ. մայիսին «Մշակ»-ում՝ «Գավառացի երիտասարդություն» վերնագրով: Ապա աշխատակցել է «Մուրճ»-ին և «Տարագ»-ին: Գ. Խաժակը պարբերական մամուլում հանդես է եկել մի շարք կեղծանուններով. Արծիվյան, Արմեն Գասպար, Բաբա Գասպար, Գասպար, Էմին, Խ. Սլաք: Նա աշխատակցել է հայկական բազմաթիվ պարբերականների՝ «Ազատամարտ», «Առաջամարտ» (Կ. Պոլիս), «Հայրենիք» (Բոստոն), «Յառաջ», «Հորիզոն», «Վտակ», «Ալիք», «Մշակ», «Տարագ», «Գեղարվեստ», «Մուրճ» (Թիֆլիս), «Դրոշակ» (Ժնև), «Ռազմիկ» (Վառնա):

1 Ռոստոմի խորհուրդը Խաժակին, «Ռոստոմ. մահուան վաթսուամեակին առթիւ», Պէյրուք, 1979, էջ 428:

2 Վարանդեան Մ., ԳՅ Դաշնակցութեան պատմութիւն, հատ. առաջին, Պարիզ, 1932, էջ 448-449:

ԵՐԵՎԱՆԻ ԳՐԱԴԱՐԱՆ

Գ. Խաժակի աշխատություններից ուշագրավ են հատկապես 1903-1904թթ. հրատարակված «Հարկերը Տաճկաստանում», «Հայրենիք և ազգային շարժումներ», «Հայկական շարժման պատճառները», 1905թ. «Ռուսական Չեմստվոն և Կովկասի պահանջները», 1907թ. «Դեպի ֆեդերացիա», 1912թ. «Ի՞նչ է ազգությունը», «Տառապանքի գիշերը», 1913թ. «Ի՞նչ է դասակարգ», «Հին Արևելք» գրքերը: Նա ռուսերենից թարգմանել է Վինոգրադովի երեք հատորանոց «Ընդհանուր ազգաց պատմություն» աշխատությունը, ականավոր գրողներ Ֆ. Դոստոևսկու, Ն. Օստրովսկու և այլոց երկերը:

Դասակարգերի վերաբերյալ իր աշխատության մեջ³ Գ. Խաժակը, վերլուծելով մարդկության պատմությունը, առանձնացրել է հասարակության դասակարգային շերտավորումների հետևյալ հանգրվանները. սկզբնական համայնք, ստրկատիրություն, դասակարգեր Հին Հռոմում և Աթենքում, ճորտատիրություն, քաղաքներ և դրա արդյունքում՝ վարձու բանվորություն: Իր տեսակետները փորձելով հիմնավորել Ա. Սմիթի, Կ. Մարքսի, Ֆ. Էնգելսի և Կ. Կաուցկու աշխատություններով, նա մանրամասնորեն քննել է գյուղացիություն, բանվորություն, բուրժուազիա, մտավորականություն հասկացությունները, առանձնացրել է դրանց տարբերությունները, գնահատել դասակարգային կռվի նշանակությունը, ազգ-դասակարգ հարաբերակցությունը, ազգային հարցի լուծման դասակարգային ելևէջները: Նրա համոզմամբ՝ ցանկացած ազգի մեջ գոյություն ունեցող դասակարգերի շահերը համերաշխ են ազգային հարցերում, իսկ նյութական խնդիրներում դրանք հակամարտ են:

Ազգամիջյան հարաբերությունների կարգավորումը դիտարկելով դասակարգային հայեցակետից՝ Գ. Խաժակը գտնում էր, որ պետք է ստեղծել հասարակական, պետական և միջազգային այնպիսի կարգեր, որոնց մեջ այլևս հնարավոր չլինի ազգերի բռնի ձուլումը, ազգային հալածանքը, նույնիսկ՝ ազգերի միջև պատերազմը:

Առանձնակի վերաբերմունք ցուցաբերելով ազգային հարցի նկատմամբ՝ Գ. Խաժակը այս թեմային⁴ նվիրել է առանձին ուսումնասիրություն: Նա ազգության նշաններից է համարում ընդհանուր սովորույթները, ավանդույթները: Գ. Խաժակի կարծիքով՝ ազգությունը սկիզբ է առել և զարգացել շնորհիվ աշխարհագրական, երկրաբանական ու այլ բնական պայմանների և պատմական միջավայրի: Ուստի նա կարող է որոշ պայմանների կուտակման շնորհիվ կորցնել ուրույն գոյության գիտակցությունը: Նա հանգամանալից ներկայացրել է խստորեն քննադատել է հատկապես Կ. Մարքսի տեսակետները ազգային հարցում:

Մանկավարժության բնագավառում ևս Գ. Խաժակը նկատելի ավանդ ունի: Մասնավորապես, 1913-ին Կ.Պոլսում նա հրատարակել է Հին Արևելքի պատմության վերաբերյալ պատկերազարդ դասագիրք⁵: Թեպետ մոռացության մատնված և պատմագիտական տեսանկյունից հնացած, այդուհանդերձ, այս դասագիրքը հայերեն լեզվով հրատարակված եզակի աշխատանքներից է: Իր մանկավարժական արժանիքներով հանդերձ՝ այն գրված է ժամանակի իշխող եվրոպական պատմագիտության ազդեցությամբ:

3 Տես՝ Գ. Խաժակ, Ի՞նչ է դասակարգը, Կ. Պոլիս, 1912:

4 Տես՝ Գ. Խաժակ, Ի՞նչ է ազգությունը: Գիտական հետազոտություն, Կ. Պոլիս, 1912:

5 Տես՝ Գ. Խաժակ, Ազգերու պատմություն. հտ. ա., Հին Արևելք, Կ. Պոլիս, 1913:

ԻԿ(Ը) տարի, թիվ 1(29), հունվար-մարտ 2010

ՎԵՄ համահայկական համոզես

Կուսակցական և ապա գիտամանկավարժական բուռն գործունեություն ծավալած Գ. Խաժակը պոլսահայ մյուս մտավորականների հետ 1915-ին ձերբակալվում է և իր արտրավայրում դառնում թուրքական հայակեր քաղաքականության գոիր:

Անհնար է առանց հուզմունքի և ցավի ընթերցել եղեռնաբախտ մտավորականի վերջին նամակները: 1915թ. մայիսին, ապա հուլիսի 4-ին Դիարբեքի թուրքավայրից կնոջն ուղղված նամակներում Գ. Խաժակը մասնավորապես գրում էր. «Ինձ հետ են Այաշի բանտարկեալներից հետեւեալները. Ակնունի, Չարդար, Սարգիս Մանասեան, Տաղաւարեան, Ճիհանկիլ: Չենք իմանում, թէ ինչի՞ մեզ տանում են, բայց մեծ յոյս ունիմ, որ նորից կտեսնենք միմեանց: Ահա շուտով կլրանա 48 տարիս, բայց 48 օր հանգիստ վայրկեաններ չեմ ունեցած. հայութեան անիծեալ ճակատագիրը միշտ հալածած է ինձ, կարծես նա կենտրոնացած է եղել ինձ եւ իմ ընկերների վրայ: Դառն, խիստ դառն է այսպէս ապրելը եւ մանաւանդ այսպէս մեռնելը: Ջղայնացած եմ, բայց ոչ հուսահատուած: Կախաղանի առջեւ, հաստատ համոզուած եղիր, երկու պատկեր պիտի լինի աչքիս առջեւ. նախ՝ հայ ազգի տառապանքը, երկրորդ՝ ձեր պատկերները: Երբ գավակներս մեծնան՝ տուր նրանց կարդան այս տողերս եւ հետեւեն իրենց հոր շաւղին, նուիրուեն իրենց ազգի եւ տառապող ժողովրդի ցաւերուն: Թող գաւակներս երթան իմ ճամբայով, դառն, բայց ազնիվ ճամբայով»⁶:

Հենց նույն 1915թ. հուլիսին Դիարբեքիում թուրքական եղեռնագործության նահատակը դարձավ լիժինյան բանտերին դիմակայած Գարեգին Խաժակը:

ԱՎԱԳ Ա. ՀԱՐՈՒԹՅՈՒՆՅԱՆ
պատմ. գիտ. թեկնածու

THE FILES OF THE GREAT TRIAL OF ARF (DASHNAKTSUTYUN)

The lawsuit of Garegin Khajak

Avag A. Harutyunyan

⁶ Տես՝ ՀԱԱ, ֆ. 1457, ց. 1, գ. 96, ք. 1:

ԵՐԵՎԱՆԻ ԳՐԱԴԱՐԱՆ

**ԹԻՎ 1
ՈՐՈՇՈՒՄ**

1909 թվական, մարտի 13-ից ապրիլի 20: Քաղաք Նովոչերկասկ:

Նովոչերկասկի օկրուգային դատարանին կից հասրուկ կարևորության գործերով Դատական Քննիչը, դիտարկելով իր վարած նախաքննությունը հայ հեղափոխական կուսակցություն «Դաշնակցություն» հանցավոր ընկերակցության գործով, ԳՏԱՎ.

Բ. ԱՀԱԲԵԿԻՉ-ՍԱՐՄԵԻ ԳՈՐԾԱԳԻՐ ԱՀԱԲԵԿՉԱԿԱՆ ԽՈՐՀՐԴԻ ԱՆԳԱՄՆԵՐ

137. Խաժակյան Գարեգին (մականունը «Խաժակ») - [ՀՅԳ] Թիֆլիսի Կենտրոնական Կոմիտեի անդամ, հակակառավարական գրքույկների, կոչերի կազմման գործի վարիչ և կուսակցության անդամների ու կոմիտեների համար քարոզչության վարման եղանակների և հնարքների մասին դասախոսություններ կարդացող: 1905թ. նոյեմբերի 10-13-ին կայացած Ընդհանուր ժողովի⁷ մատչանային որոշումներից երևում է, որ Խաժակյանն այդ ժողովին գործուն մասնակցություն է ունեցել՝ ապացուցելով, որ հայերին ռուսական կառավարությունից ինքնավարություն և ֆեդերացիա է հարկավոր պահանջել: 1907թ. հուլիսի 2-ի N. 7 հեռագրով՝ Ղարաքիլիսայից⁸ Դիլիջան, կուսակցության անդամ Սերգեյ Եդիգարովը⁹ խնդրել է Խաժակյանին իմանալ, թե երբ է [ՀՅԳ] Թիֆլիսի Կենտրոնական Կոմիտեի նախագահ Սերգեյ Մանասյանը¹⁰ կուսակցության անդամների հետ լինելու Ղարաքիլիսայում (բնագիր գործի թերթեր 2195 հակ., 2196, 2341, 2344, 2365, 2371 հակ., 5138, 5157 հակ.):

ՀԱԱ, ֆ. 1457, ց. 3, գ. 1, թ. 340: Թարգմանություն ռուսերենից:

**ԹԻՎ 2
ՄԵՂԱԳՐՅԱԼԻ ՀԱՐՑԱՔՆՆՈՒԹՅԱՆ ԼՐԱՅՈՒՑԻՉ
ԱՐՁԱՆԱԳՐՈՒԹՅՈՒՆ**

1910 թվականի հոկտեմբերի 26: Քաղաք Նովոչերկասկ:

Նովոչերկասկի օկրուգային դատարանին կից հասրուկ կարևորության գործերով Դատական Քննիչը Քրեական դատավարության կանոնադրության 403-405-րդ հոդվածների հիման վրա հարցաքննեց որպես մեղադրյալ ներքոնվանյալին և նա ցուցմունք տվեց.

Գարեգին Կարապետով Խոժակյան¹¹, լրացուցիչ ցուցմունք եմ տալիս. Ձեր կողմից, պ. Դատական Քննիչ, ներկայացված և իմ կողմից կարդացած,

7 Խոսքը Կովկասյան ռայոնական ժողովի մասին է:
8 Այժմ՝ Վանաձոր քաղաք ՀՀ Լոռու մարզում:
9 Սարգիս (Սերգեյ) Փաշոյի (Պողոսի) Եդիգարյան-կուսակցական գործիչ: Թիֆլիսի «Հերմես» տպարանում հրատարակել է ՀՅԳ գրականություն: Ձերբակալվել է լիժիյան գործով:
10 Մանասյան Սարգիս (°-1920) –ՀՅԳ Արևելյան Բյուրոյի Ձիմական մարմնի անդամ: Լիժիյան գործով ձերբակալվել է Ռոստովի բանտում, ապա դատապարտվել տաժանակիր քստրի մինչև 1916թ.: 1918թ. մայիսին մասնակցել է Ղարաքիլիսայի հերոսամարտին: 1920թ. որպես ՀՅԳ լիազոր մեկնել է Դիլիջան բանակցելու բոլշևիկների հետ, սակայն ձերբակալվել է և ուղարկվել Բաքու, ապա քստրովել Նարգեհ կղզի, ուր գնդակահարվել է:
11 Այսուհետ «Խոժակյան» և «Խոժակ» գրելաձևերը դատական գործի բնագրային տարբերակ են:

Բ(Ը) տարի, թիվ 1(29), հունվար-մարտ 2010

ԿԵՄ համահայկական համրես

1907թ. դեկտեմբերի 14-ին Բեռլինից «Արշակ»¹² ստորագրությամբ լողված թանաքով հայերեն նամակը, որպիսի նամակ Ձեր խոսքերով, պ. Դատական Քննիչ, բռնագրավված է բժիշկ Համազասպ Օհանջանյանից¹³, և ըստ թարգմանիչների թարգմանության՝ նամակում ի միջիայլոց նշված է հետևյալը. «Անցյալ կամ նախանցյալ տարի հայ-թաթարական ընդհարումների մասին իմ կողմից հողված է գրվել, և բեռլինյան ուսանողության առջև այն կարդալուց հետո ուղարկվել է «Դրոշակ»-ի խմբագրություն, որպեսզի իմանան նրանց կարծիքը: Վերջինս [«Դրոշակ»] այդ հողվածը ստուգման և կարծիք հայտնելու համար փոխանցել է Խոժակին: Խոժակի կարծիքում կային կետեր, որոնցից ես անպայման օգտվեցի՝ բացառապես տեխնիկական և հողվածի ստուգման տեսանկյունից: Այդ ստուգումն իրենից ներկայացնում է հետաքրքիր պատկեր: Նախ և առաջ, ես անհրաժեշտ եմ համարում բացատրել որոշ տերմինների իմաստը: Եթե համաձայն Խոժակի դիտողության, մոռնիզմի կամ դուալիզմի իմաստով, մենք փոխենք այդ հայացքները և միտումը, ապա այդ դեպքում իմ պատմափիլիսոփայական հայեցակարգից վերանում է ողջ հիմքը և իմ ամբողջ հողվածը լցվում է հակասություններով ...»:

Այդ նամակը ինձ հետ ոչ մի առնչություն չունի, իսկ նրա թարգմանության առթիվ ես հայտարարում եմ, որ վերոբերյալ «Վերջինս այդ հողվածը փոխանցել է Խոժակին» արտահայտության մեջ «փոխանցել է» բառը հայերենից սխալ է թարգմանված, և պետք է փոխարինվի «հանձնված է նրան անձամբ» բառերով: Ինձ ներկայացված նամակում հիշատակված «Խոժակը» ինձ անհայտ այլ անձնավորություն է և ոչ բոլորովին ես: Ձեր կողմից, պ. Դատական Քննիչ, ներկայացված և Արմավիրում Արամ Չինչինյանից¹⁴ բռնագրավված, ինչպես Դուք ասում եք հայերեն նամակում, թարգմանիչ թարգմանությամբ իմիջիայլոց նշված է հետևյալը. «1906թ. սեպտեմբերի 2, Ն. Նախ¹⁵... Երեկ երեկոյան՝ ժամը 8-ին, ես ծանոթներիս հետ գնացի ժողովի: Այդտեղ ներկա էր «պարոն Խոժակ» անունով դաշնակը, ով շատ լավ էր խոսում և ինչպես երևում էր՝ եղել էր բազմաթիվ վայրերում: Նա կրթված մարդ է, ժամանել է արտասահմանից և երեկոյան ժամը 12-ին պետք է մեկներ Կովկաս: Ժողովում տեղի ունեցան բուռն քննարկումներ: Մի խոսքով շատ հետաքրքիր էր ...»:

Ես հայտարարում եմ, որ այդ նամակն ինձ հետ ոչ մի կապ չունի, քանի որ ես ոչ մի անգամ չեմ եղել Դոնի Նախիջևան քաղաքում: Ռ. Խան-Ազատի¹⁶ հայերեն «Դաշնակցությունը և նրա ղեկավարները» գրքույկի¹⁷ առթիվ ես լսում եմ, որ դրանում թարգմանիչների թարգմանությամբ իմիջիայլոց նշված է հետևյալը. «Իրականում «Դաշնակցությունը» կազմակերպվել և հիմնադրվել է դեռևս 1890թ., սակայն այն մինչև 1896թ. Թուրքիայում ոչ մի գործունեություն չէր ցույց տվել: Դա կարող են հաստատել այդ կուսակցության ազնիվ անդամները, որոնք առավել մոտիկից ծանոթ են նրա պատմությանը, քան

12 «Արշակը» թերևս Արշակ Ջամալյանն է (Իսահակյան), որը ուսանում էր Բեռլինում:

13 Յամազասպ Օհանջանյանի դատական գործի մասին տես՝ «Վեմ», 2009, հուլիս-սեպտեմբեր, N. 2, էջ 144-170:

14 Արամ Չինչինյանը նույնպես լիժնյան դատական հաշվեհարդարի է ենթարկվել:

15 Նոր Նախիջևանն է:

16 Խան-Ազատ Ռուբեն [Նշան Կարապետյան] (1862-1929) – հասարակական-քաղաքական գործիչ, Յնչակյան կուսակցության հիմնադիրներից: Ժամանակին փորձել է միավորել հնչակյաններին և դաշնակցականներին:

17 Տես Խան-Ազատ Ռ., Դաշնակցութիւնը եւ իր ղեկավարները: Ալեքսանդրապօլ, Տպ. «Շիրակ», 1907, 52 էջ:

ՎԱՎԵՐԱԳՐԵՐ

Ի(Ը) տարի, թիվ 1(29), հունվար-մարտ 2010

ՎԵՄ համահայկական հանդես

տարբեր թուփչյաններ¹⁸ և Խաժակներ, որոնք այդ ժամանակ դեռևս գտնվում էին աշակերտական աթոռներին, իսկ վերջին ժամանակներս զբաղված էին «մեծ» գործերով, և ժամանակ չունեին ծանոթանալ իրենց կուսակցության անցյալի հետ և ամենից անազնիվ կերպով խեղաթյուրում են անցյալը տարբեր աղավաղված գովազդներով» ...

Ես հայտարարում եմ, որ նշյալ «Դաշնակցությունը և նրա ղեկավարները» գրքույկի վերոբերյալ տեքստը ինձ չի վերաբերում, քանի որ 1890թ. ես աշակերտական աթոռին չէի, այլ դեռևս 1880-ական թվականներից ուսուցչություն էի անում¹⁹: Չեր կողմից ներկայացված երկու մատյաններում, որոնք Չեր խոսքերով, պ. Դատական Քննիչ, ներկայացնում են «Դաշնակցություն» կուսակցության պահեստից զենքի բաց թողնման գրքույկներ, և որոնք բռնագրավվել են 1907թ. ապրիլին Մ. Վարաբիլիսա գյուղում Էվոյանց եղբայրների տանը, որտեղ հայտնաբերվել է զենքի պահեստ և «Դաշնակցություն» կուսակցության գրագրությունը, իմիջիայլոց նշված են հետևյալ գրառումները. «17.05.05 թվական, 1 N. 22-10ա, Գ. Խաժ...», իսկ մյուս գրքույկի 48 շրջերես էջի վրա. «1 Վելդ. 10²⁰, Խոժակ (1905թ. մայիսի 1-ի և հուլիսի 5-ի միջև)»: Ընդ որում, Չեր խոսքերով, պ. Դատական Քննիչ, երկրորդ գրքույկը ներկայացնում է հավանաբար առաջինի սևագրությունը: Այդ գրառումների առթիվ ես հայտարարում եմ, որ 1905թ. հայ-թաթարական ընդհարումներից առաջ Թիֆլիս քաղաքում ես 7 ռուբլով ինձ անհայտ ոմն երիտասարդից զենքի 1 փոքր ատրճանակ: Այդ երիտասարդը ատրճանակներ էր վաճառում՝ դրանք տնետուն բաժանելով: Միգուցե ատրճանակը փամփուշտներ ուներ: Ես հայկական «Յառաջ» թերթի²¹ խմբագրության անդամ չեմ եղել, սակայն քանի որ այդ թերթի խմբագիր Ավետիք Սահակյանը²² հայտարարեց, որ իմ անունն արդեն նշված է խմբագրության անդամների անունների կազմում, ես հայտնեցի նրան, որ թող այդպես էլ մնա: Սակայն ես [սոսկ] համագործակցել եմ այդ թերթին, թեպետ գրել եմ ոչ շատ հաճախ: Ես բացարձակապես չգիտեի, որ «Յառաջ» թերթը հայ հեղափոխական «Դաշնակցություն» կուսակցության օրգանն էր²³: Ինձ ներկայացված «Դրոշակ» թերթի 1907թ. N. 1 համարից տեսնում եմ, որ 16-րդ էջում կա փոքրիկ հաղորդում. «Կովկասյան վարչակազմի հետապնդումները դաշնակցական թերթերի դեմ գնալով աճում են: 10 ամիսների ընթացքում փակել են 4 օրգան. «Յառաջ», «Ալիք»²⁴, «Զանգ»²⁵ և «Երկիր»²⁶: Այդ փաստն

18 Թուփչյան Եղիշե Թադևոսի (1872-1909) – գրող, հրապարակախոս, խմբագիր, հասարակական-քաղաքական գործիչ: 1905թ. Թիֆլիսում մասնակցել է հայ-թուրքական կռիվներին, 1907թ. ՀՀԴ 4-րդ Ընդհանուր ժողովում ընտրվել Արևելյան Բյուրոյի անդամ: Դավադրաբար սպանվել է Կ. Պոլսից Կարին վերադարձի ճանապարհին:

19 1886-1893թթ. Գ. Խաժակը ուսուցիչ է աշխատել Բաքվի, Գանձակի և Վերին Ազուլիսի ծխական դպրոցներում:

20 Նկատի ունի՝ «1 Վելլոդոգ ատրճանակ և 10 փամփուշտներ»:

21 «Յառաջ» – հասարակական, տնտեսական, քաղաքական և գրական օրաթերթ: Թիֆլիս, Տպ. Քուրաթելաձե, 1906: Խմբագիր Ա. Սահակյան, հրատարակիչ՝ Մնացական Նալբանդյան:

22 Սահակյան Ավետիք [Յայր Արթուրյան] (1865, Ստեփանավան–1933, Բեյրութ) – կուսակցական-պետական անվանի գործիչ: 1909թ. ձերբակալվել է լիժնյան գործով, ազատվել է 1912թ.: Եղել է ՀՀ Խորհրդարանի նախագահը: 1921թ. տարագրվել է Պարսկաստան, ապա՝ Լիբանան:

23 Այս մոտեցումը պայմանավորված էր թերթը լիժնյան հետապնդումներից զերծ պահելու մարտավարությամբ:

24 «Ալիք» – հասարակական, տնտեսական, քաղաքական և գրական օրաթերթ: Թիֆլիս, Տպ. Քուրաթելաձե, 1906: Խմբագիր-հրատարակիչ՝ Տիգրան Թադևոսյան:

25 «Զանգ» – հասարակական, տնտեսական, քաղաքական և գրական օրաթերթ: Թիֆլիս, Տպ. Մ. Վարդանյան, 1906: Խմբագիր-հրատարակիչ՝ Եվզենիա Մելիք-Քալանթարյան:

26 «Երկիր» – հասարակական, տնտեսական, քաղաքական և գրական օրաթերթ: Թիֆլիս, Տպ. Քուրաթելաձե, 1906-1907: Խմբագիր-հրատարակիչ՝ բժիշկ Մ. Մուրադյան:

իհարկե ներկայիս «Ժամանակ»²⁷ թերթին երկար կյանք չի խոստանում»: Իսկ 1910թ. հունվարի 15-ին քաղաք Շուշիում Հակոբովի տանը գտնված, ինչպես Դուք պ. Դատական Քննիչ, ասում եք, 1906թ. հունվարի 24-ի «Ղարաբաղյան գյուղական դաշնակցական բոլոր մարմիններին» վերնագրով տպագիր կոչում նշվում է, որ [ՀՅԴ] կոմիտեն առաջարկում է գյուղական մարմիններին քաժանորդագրվել դաշնակցական «Յառաջ» թերթը, իր վրա՝ թերթը սուրհանդակով տեղ հասցնելու պարտավորություն ստանձնելով: Այդ փոքրիկ հոդվածների առթիվ ես հայտարարում եմ, որ դրանք տեսնում եմ առաջին անգամ, Չեր, պ. Դատական Քննիչ, մոտ, և որ իմ համոզմամբ՝ «Յառաջ» թերթը դաշնակցական օրգան չի հանդիսանում: Մնացական Նալբանդյանցին²⁸ ես հպանցիկ գիտեի՝ որպես փայտի առևտրականի և «Յառաջ»-ի հրատարակչի, սակայն երբեք նրա հետ ոչ մի տեղ չեմ մեկնել: Ավագ քահանա Աբուլյանցի կնոջը ես ընդհանրապես չգիտեմ: Ոչ մի կին ինձ չի դիմել անհայտ կորած իր Սերգեյ որդու հետախուզման համար «Վտակ»²⁹ թերթում ծանուցում տեղադրելու խնդրանքով: «Վտակ» թերթի խմբագրության անդամ ես երբեք չեմ եղել: Միգուցե այդ թերթում երբեմն իմ հոդվածներն եմ հրատարակել: 1907թ. ես ընդհանրապես չեմ այցելել և չէի կարող այցելել «Վտակ»-ի խմբագրություն, քանզի դասերով չափից ավելի զբաղված էի և այդպիսով Աննա Աբուլյանցը, ով հայտարարում է, որ ինքը «Վտակ» թերթի խմբագրությունում դիմել է ինձ՝ Գարեգին Խոժակյանին, վերոնշյալ խնդրանքով, ակնհայտ է, որ դիմել է մի ինչ-որ ուրիշ անձի՝ նրան ընդունելով իմ փոխարեն: Ավելացնում եմ. ես միջնորդում եմ ինձ հնարավորություն ընձեռելու ծանոթանալ իմ դեմ բերված վկաների ցուցմունքներին, այսինքն՝ մինչև քննության ներկայացումը հերքել նրանց ցուցմունքները, քանզի համոզված եմ, որ այդ վկաների ցուցմունքները չեն կարող ինձ վերաբերել: Խնդրում եմ Չեզ, պ. Դատական Քննիչ, ինձ տրամադրել հայ հեղափոխական «Դաշնակցություն» կուսակցությանը պատկանելու մեղադրանքով ներկա գործի պատճենը: Խնդրում եմ նաև, պ. Դատական Քննիչ, սույն արձանագրության մեջ գրանցել, որ ներկա գործով քննության ներկայացված իմ դեմ բերված վկաների ցուցմունքներին ծանոթանալու հնարավորություն տալու մասին իմ միջնորդությանը պատասխանեցին ինձ մերժումով: Տուցմունքը ինձ կարողացված է: Գարեգին Կարապետի Խոժակյան:

Երդվյալ թարգմանիչ՝ Նադիրաձե

Դատական քննիչ՝ Ն. Լիժին

Պալատի դատախազի տեղակալ՝ Ակսակով

ՀԱԱ, ֆ. 1457, ց. 3, գ. 5, թթ. 4198-4200: Թարգմանություն ռուսերենից:

27 «Ժամանակ» – հասարակական, տնտեսական, քաղաքական և գրական օրաթերթ: Թիֆլիս, Տպ. «Չերմես», 1906-1907: Խմբագիր-հրատարակիչ՝ Յովհ. Տեր-Միքայելյան, Սարգիս Մանասյան:

28 Եղել է «Յառաջ» թերթի հրատարակիչը:

29 «Վտակ» – հասարակական, տնտեսական, քաղաքական և գրական օրաթերթ: Թիֆլիս, Տպ. «Չերմես», 1907-1908: Խմբագիր-հրատարակիչ՝ Մուշեղ Խուրադյան:

**ԹԻՎ 3
ՈՐՈՇՈՒՄ**

ԵՐԿՐԱՅԻՆ

1911թ. փետրվարի 11-ից մինչև 24-ը: Քաղաք Նովոչերկասկ:

Նովոչերկասկի օկրուգային դատարանի հասրուկ կարևորության գործերով Դատական Ընկիչը, դիրարկելով իր կատարած նախաքննությունը հայ հեղափոխական «Դաշնակցություն» կուսակցության գործով, ԳՏԱՎ.

Որ ներքոանվանյալ մեղադրյալներին՝ սույն գործով ներկայացված Քրեական Դատավարության կանոնադրության 448-րդ և 476-րդ հոդվածների հիման վրա, նրանց նախաքննությամբ արված են հետևյալ հայտարարությունները.

X. Գարեգին Կարապետով Խաժակյան.

1. Ի հաստատումն այն բանի, որ նա՝ Գարեգին Խաժակյանը, չէր կարող ներկա լինել Թիֆլիս քաղաքում գումարված 1905թ. նոյեմբերի 17-ի Շրջանային ժողովում, քանի որ 1905թ. նոյեմբերի 10-ից 23-ը գտնվում էր Ելիսավետապոլ³⁰ քաղաքում – հարցաքննել վկաներ Արշակ Ստեփանովին, Սիխայիլ Ստեփանովին և Ամիր Ամիրխանովին:

2. Գործին կցել Թիֆլիսի պահնորդական բաժանմունքի պետի 1908թ. դեկտեմբերի 23-ի որոշումը Կասպար Խաժակյանի փոխարեն իր՝ Գարեգին Խաժակյանի ձերբակալության մասին,

3. Հարցաքննել պաշտոնական անձանց (գյուղ Շուլավերի տանուտերին, դատավորին, հարգված անձանց) ի հաստատումն այն բանի, որ ինքը՝ Խաժակյանը, այնտեղ ոչ ոքի չի ճանաչում և այնտեղ ոչ մի քարոզչություն չի վարել,

4. Ի հաստատումն այն բանի, որ ինքը՝ Խաժակյանը, հայկական Ներսիսյան դպրոցում [ուսուցիչ] էր նշանակվել կղերականների և մշակականների կողմից³¹ – հարցաքննել հոգևորական Գյուտ Աղանյանին³², Կարապետ Ստեփանովին և զեներալ Բեբուքովին,

5. Խաժակյանի կողմից Բաթում, Երևան, Ելիսավետապոլ, Ալեքսանդրապոլ³³ և Բաքու քաղաքներում կարդացած դասախոսությունների բնույթը պարզաբանելու համար տեղեկանքներ վերցնել ժամանակավոր զեներալ-նահանգապետ Ֆոն Պարկաուի, Ելիսավետապոլի նահանգապետ Կովալյովի, ժամանակավոր զեներալ-նահանգապետ Յացկևիչի և Բաքվի քաղաքագլուխ Մարտինովի գրասենյակներից,

6. Ի հաստատումն այն բանի, որ Գարեգին Տեր-Աստվածատուրյանի բնակարանում Բագրատովին [ուղղված] 1.000 ռուբլու սպառնալից պահանջով «Չինվորական Խորհրդի» կողմից «Սիիրան» ստորագրությամբ [գրությամբ] Աննա Աբուլյանցի նման կնոջ հետ հայտնվել է Հաբեթ Վարդերոսյանը³⁴, բայց ինքը՝ Գարեգին Խաժակյանը, հանդիմանելով Հաբեթ Վարդերոսյանցին և այդ կնոջը՝ վռնդել է, սպառնալով ոստիկանությամբ,

30 Գանձակ:

31 Պաշտպանական մարտավարության նկատառումով Գ. Խաժակը զանց է առնում ԴՅԴ կողմից իր ուսուցիչ նշանակվելու հանգամանքը, ինչը որպես մեղադրանք էր ներկայացվում:

32 Աղանյան Գյուտ քահանա (1856-1920) – անվանի բանասեր, խմբագիր, հրատարակիչ: Գրատարակել է «Դիվան հայոց պատմության» հատորները:

33 Գյումրի:

34 «Վարդերեսյանց» - Վարդերեսյանը Սիիրանի մերձավոր աջակիցն էր:

ԽՈՒՆԱՅԻՆ 2010 թվականի օգոստոսի 1(29), հունվար-մարտ 2010

ԿԵՄ համահայկական համոզան

7. Ի հաստատումն այն բանի, որ Միհրանը և նրա շրջապատը նենգաշորթներ են – հարցաքննել Հարություն Սեյլանովին, Համբարձում Էնֆիաջյանցին և Հակոբ Բասենցյանին,

8. Ի հաստատումն այն բանի, որ 1907թ. մայիսին Ջարուհի Ղազանջյանը սպառնացել է իրեն՝ Խաժակյանին, մեղադրել դպրոցից իր որդու հեռացման համար – հարցաքննել Ն. Քարիմյանին,

9. Ի հաստատումն այն բանի, որ Գարեգին Խաժակյանը վիճել է Թովչյանի և Լիպարիտ Նազարյանի³⁵ հետ և 1907թ. մայիսից չի այցելել այն թերթերի («Վտակ» և «Գործ»³⁶) խմբագրություններ, որտեղ գտնվում էին այդ անձինք – հարցաքննել Գևորգ Ղազարյանին,

10. Իրեն կրկին հիշեցնել Աննա Աբուլյանցի ցուցմունքը,

11. Տեղեկություններ հավաքել վկա Շահնազարովայի բարոյական հատկանիշների մասին, ով հաստատում է, որ Խաժակյանը հայտնի կուսակցական գործիչ է և կցել գործին, քանզի նա նենգաշորթ է,

12. Փոխել կալանման միջոցը,

13. Ներկա գործին կցել Հաբեթ Վարդերոսյանցի նամակը Էրզրումի բանտից, ինչի մասին 1910թ. մարտի 19-ի ցուցմունքում հիշատակում է Միհրանը, իսկ Հաբեթ Վարդերոսյանն այդ նամակում Միհրանին հաղորդում է Թիֆլիսից Խաժակյանի նախատեսվող փախուստի մասին:

ՀԱԱ, ֆ. 1457, ց. 3, գ. 6, թ. 4383: Թարգմանություն ռուսերենից:

Սեղադրյալ Գարեգին Խոժակյանը խնդրում է տեղեկություններ հավաքել իր դեմ ցուցմունք տվող վկա Մելիք-Շահնազարովայի բարոյական հատկանիշների մասին՝ ի հաստատումն այն բանի, որ նա նենգաշորթ է և այդպիսիք կցել ներկա գործին:

ՀԱԱ, ֆ. 1457, ց. 3, գ. 6, թ. 4488: Թարգմանություն ռուսերենից:

Սեղադրյալ Գարեգին Խոժակյանի կողմից հետևյալ միջնորդություններն են հայտարարված.

1. Ներկա գործին կցել Ա. Թիֆլիսի ժանդարմական վարչության պետի 1908թ. դեկտեմբերի 23-ի որոշումը Կասպար Խոժակյանի, այլ ոչ թե Գարեգին Խոժակյանի ձեռքակալության մասին, և Բ. Հաբեթ Վարդերոսյանի նամակները, ինչի մասին վկա Միհրանը վկայում է 1910թ. մարտի 19-ի իր ցուցմունքում, և որի մեջ Հաբեթ Վարդերոսյանը Էրզրումի բանտից հաղորդում է Թիֆլիսից Գարեգին Խոժակյանի նախատեսվող փախուստի մասին,

35 Նազարյան Լիպարիտ (1868, Ջալալօղլի–1947, Եգիպտոս) – հրապարակախոս, կուսակցական-հասարակական գործիչ: Մասնակցել է Բեռլինում ու Ռուսաստանում ԶՅԴ-ի կողմից վարվող բանակցություններին:

36 «Գործ»-հասարակական, քաղաքական և գրական օրաթերթ: Թիֆլիս, Տպ. Ջանգակ, 1908-1909: Խմբագիր-հրատարակիչ Ա. Դոշյան:

ԵՐԿՆԱԿՆԵՐ

2. [Տեղեկություններ] Հավաքել Բաթումի գեներալ-նահանգապետ Ֆոն Պարկլաուի, Ելիսավետպոլի նահանգապետ Կովինևի և այլոց գրասենյակներում Բաթումում, Երևանում, Ելիսավետպոլում, Ալեքսանդրապոլում և Բաքվում իր՝ Խոժակյանի, կողմից կարդացված հայերեն դասախոսությունների բնույթի մասին,

3. Հարցաքննել վկաներ.

Ա. Ստեփանովներին և Ամիրխանովին, որ 1905թ. նոյեմբերի 10-ից մինչև 23-ը ինքը գտնվել է Ելիսավետպոլում, դրա համար էլ չէր կարող ներկա գտնվել 1905թ. նոյեմբերի 17-ին քաղաք Թիֆլիսում «Դաշնակցություն» կուսակցության Շրջանային ժողովին³⁷,

Բ. Գյուղ Շուլավերի տանուտերին, դատավորներին և հարգարժան անձանց այն մասին, որ իրեն՝ Խոժակյանին այնտեղ չեն ճանաչում, և նա այնտեղ ոչ մի քարոզչություն չի վարել,

Գ. Վկա Գևորգ Գազարյանին, որ Խոժակյանը վիճել էր Թոփչյանի և Լիպարիտ Նազարյանի հետ, դրա համար էլ 1907թ. մայիսից չի այցելել այն խմբագրություններ («Վտակ», «Գործ»), որտեղ գտնվում էին այդ մարդիկ,

Դ. Գյուտ Աղանյանին, Բերութովին և Ստեփանովին, որ Խոժակյանը Ներսիսյան ճեմարանի ուսուցիչ է ընտրվել կղերականների և մշակականների կողմից:

Սակայն այդ բոլոր միջնորդությունները հետևյալ պատճառներով ենթակա չեն բավարարման: Առաջին, Խոժակյանի ձերբակալության մասին պահնորդական գրագրությունը և հետաքննությունը նշյալ որոշմամբ գործում արդեն առկա են: Ինչ վերաբերում է նույն մեղադրյալ Գարեգին Խոժակյանի կողմից հիշատակված Հաբեթ Վարդերոսյանի նամակին, որում նա Էրզրումի բանտից հաղորդում էր Խոժակյանի նախատեսվող փախուստի մասին և ինչի մասին 1910թ. մարտի 19-ի ցուցմունքում հիշատակում է վկա Միհրանը, ապա՝ մի կողմից մեղադրյալ Խոժակյանի հայտարարությունն իրականությանը չի համապատասխանում, քանզի վկա Քեշիշյանը 1910թ. մարտի 19-ի իր հարցաքննության ժամանակ ներկայացրեց Հաբեթ Վարդերոսյանի նամակը, ուր նշվում էր Թիֆլիսից Խոժակյանի նախատեսվող փախուստի մասին, իսկ արձանագրության մեջ այդ մասին նշված է. «Ներկայացնում են ձեզ Թորքիայից Հաբեթ Վարդերոսյանի եղբորից իմ ստացած նամակը, որ գաղտնի ուղարկել էր Էրզրումի բանտից: Այդ նամակում մանրամասն շարադրված է Հաբեթ Վարդերոսյանին ձերբակալած «Դաշնակցություն» կուսակցության անդամների գործունեությունը»: Ներկա գործին կցված նշյալ նամակի զննումից երևում է, որ դրանում Գարեգին Խոժակյանի մասին ոչ մի բառ չի հիշատակվում: Հաբեթ Վարդերոսյանի ուրիշ նամակներ Քեշիշյանը չի ներկայացրել: Երկրորդ, նշյալ քաղաքներում Գարեգին Խոժակյանի կողմից կարդացված հայերեն դասախոսությունների բնույթի մասին տեղեկանքները գործի համար ոչ մի նշանակություն չունեն: Երրորդ, ալիբի³⁸ ունեցող վկաների հարցաքննություններն ի հաստատումն 1905թ. նոյեմբերի 10-ից մինչև 23-ը քաղաք Թիֆլիսում անբացակա գտնվելու, գյուղ Շուլավերում Խոժակյանի անհայտ լինելը հաստատող վկաների և այնտեղ նրա կողմից քարոզչության վարման, վկայի

ԻԿ(Ը) փարի, թիվ 1(29), Խունվար-մարտ 2010

ՎԵՄ համահայկական հանդես

37 Ինչպես նշեցինք՝ խոսքը վերաբերում է 1905թ. նոյեմբերյան Կովկասյան ռայոնական ժողովին:
38 Ալիբի - անմեղության ապացույց:

ցուցմունքն ի հաստատումն Խոժակյանի՝ Եղիշե Թոփչյանի և Լիպարիտ Նազարյանի հետ վիճելու, որպես Խոժակյանի կողմից այդ թերթերի խմբագրություններ չայցելելու պատճառ, որտեղ գտնվում էին այդ անձինք, և վկաների ցուցմունքները կդերականների և մշակականների կողմից Ներսիսյան ճեմարանի ուսուցիչ ընտրվելու մասին - ենթակա չեն բավարարման, քանզի ինչպես վերն արդեն նշվել էր՝ հաստատվել է Գարեգին Խոժակյանի կողմից նույնիսկ գոյություն չունեցող փաստերի [շուրջ] վկաների ներկայացումը, որոնք պետք է հաստատեին նրա նկատմամբ վկա Ղազանջյանի չարացումը՝ ճեմարանի աշակերտների թվից դրանում չտվորող նրա որդի Կասպարի հեռացման համար: Դրան զուգահեռ դժվար է ենթադրել, որ ալիքի ունեցող վկաները կկարողանային հաստատել Գարեգին Խոժակյանի գտնվելու փաստը՝ հենց նրա ցանկացած ժամանակահատվածում 1905թ. նոյեմբերի 10-ից մինչև 23-ը, ինչը տեղի է ունեցել ավելի քան հինգ տարի առաջ, որպեսզի դրանով ապացուցվի Թիֆլիսում նրա ներկայության անհնարինությունը «Դաշնակցություն» կուսակցության շրջանային ժողովում, որտեղ 1905թ. նոյեմբերի 17-ին ժամը 10-2-ի միջև Խոժակյանը ելույթ է ունեցել «Ֆեդերացիայի մասին» թեմայով: Ավելին, Գարեգին Խոժակյանի կողմից նույնիսկ գրվել է «Դաշնակցություն» կուսակցության օրգան «Յառաջ»-ի գրադարանի հրատարակած «Դեպի ֆեդերացիա» գրքույկը³⁹: Ինչ վերաբերում է Խոժակյանի կողմից 1906 թ. գյուղ Շուլավեր այցելին, որտեղ նա ռուսական կառավարությանը դիմադրություն ցուցաբերելու մասին ելույթով դիմել էր որոշ բնակիչների և այլն, ապա այդ փաստը հաստատված է վկաներ Կագրիցևի և Տեր-Պողոսովի երդվյալ ցուցմունքներով, իսկ Շուլավեր գյուղի բնակիչների համար Խոժակյանի անհայտ լինելը ցույց է տալիս միայն այն զգուշությունը, որով նա վարել է այդ քարոզչությունը: Խոժակյանի վեճն այժմ արդեն հանգուցյալ Թոփչյանի և Թուրքիայում թաքնվող Լիպարիտ Նազարյանի հետ Գարեգինի համար չէր բացառում «Դաշնակցություն» կուսակցության օրգանների խմբագրություններ այցելելու հնարավորությունը, քանի որ դժվար է ենթադրել, որ «Դաշնակցություն» կուսակցության այնպիսի գլխավոր գործիչներ, ինչպիսիք եղել են Թոփչյանը, Նազարյանը և Խոժակյանը, իրենց անձնական շահերի պատճառով արհամարհեին կուսակցական գործերը, առավել ևս, որ վկա Աբուլյանցը երդման ներքո հաստատել է Թիֆլիսում հայկական թերթի խմբագրությունում Գարեգին Խոժակյանի հետ իր հանդիպումը, որտեղ 1908թ. սկզբին, այլ ոչ թե 1907թ., նրա [Խաժակի] կողմից նրան [Աբուլյանցին] հայտարարվել է իր որդու սպանության առթիվ. «Ուս ձեր գործը չէ, այլ կուսակցության...»: Ինչ վերաբերում է այն հանգամանքին, թե ով է մասնավորապես օգնել Խոժակյանին տեղավորվել ճեմարանի ուսուցիչ – կդերականները, մշակականները, թե դաշնակցականները, ապա դա չի կարող էական նշանակություն ունենալ գործի համար, քանի որ այդ պարագան բոլորովին չի բացառում «Դաշնակցություն» կուսակցության մեջ Գարեգին Խոժակյանի մասնակցության փաստը:

ՀԱԱ, ֆ. 1457, ց. 3, գ. 6, թ. 4515-4516: Թարգմանություն ռուսերենից:

39 Տե՛ս Գ. Խաժակ, Դեպի ֆեդերացիա: «Յառաջ»-ի գրադարան, թ. 42, Թիֆլիս, Տպ. «Աղանեան», 1907, 371 էջ:

**ԹԻՎ 4
ՄԵՂԱԳՐԱԿԱՆ ԱԿՏ**

ԵՐԵՎԱՆԻ ԳՐԱԴԱՐԱՆ

ԽՈՒՆԻՍԻ ԳՐԱԴԱՐԱՆ 2010
ԻԿ(Ը) ԳՐԱՐԻ ՔՈՎ 1(29), ԽՈՒՆԻՍԻ ԳՐԱԴԱՐԱՆ

ՎԵՂԱԿԱՆ ԿԱՆՈՒՄԻՏԻ

1907թ. հրատարակված «Ժամանակ» թերթի համարների զննման ճանապարհով հաստատվել է, որ ինչպես Մնացական Մոխսեն Նալբանդյանը – տեխնիկ, այնպես էլ և Գարեգին Կասպարով⁴⁰ Խաժակյանը – լրագրող, իրենց քաղաքական հայացքներով հարուստ են «Դաշնակցություն» կուսակցությանը, և նրանց անունները, որպես այդ կուսակցության թեկնածուների, 3-րդ գումարման Պետական Դումայի անդամի ընտրության համար, հրատարակված են ընտրողների թեկնածուների շարքում (բնագիր գործի հս. 52, թ. 1479):

Հարցաքննության ժամանակ որպես մեղադրյալ Մնացական Մոխսեն Նալբանդյանը, ժխտելով «Դաշնակցություն» կուսակցության Թիֆլիսի [Կենտրոնական] կոմիտեին իր պատկանելությունը, պարզաբանեց, որ ինքը զբաղված լինելով իր առևտրական գործերով, երկաթգծում կապալներով և ածուխի գործով, ժամանակ չունեի քաղաքականությամբ զբաղվելու, որ 1905թ. նա երկու ամիս գոյատևած «Յառաջ» թերթի հրատարակիչն էր, որը հետագայում վարչական իշխանության կողմից փակվեց: Թե ինչի համար է փակվել թերթը՝ չգիտի, քանի որ թերթի պահպանության պատասխանատուն խմբագիր-գլուղատնտես Սահակովն⁴¹ էր: Այն մասին, որ «Դաշնակցություն» կուսակցությունը «Յառաջ» թերթը համարել է իր կուսակցական օրգանը և միջոցներ է ձեռնարկել դրա տարածման համար 7 ռուբլի հատկացման մասին կոչերով՝ ինքն առաջին անգամ իմացել է միայն իրեն ներկայացված վերոնշյալ կոչից, ինչպես նաև «Դրոշակ» թերթի փոքրիկ հոդվածից այն մասին, որ ի թիվս այլ թերթերի՝ փակված «Յառաջ» թերթը «Դաշնակցություն» կուսակցության օրգանն էր (բնագիր գործի հս. 129, թ. 4179):

Վկաներ Կագրիցևի և Վարդան Տեր-Պողոսովի ցուցմունքներում հիշատակված ուսուցիչ Գարեգին Խաժակյանը՝ նույն ինքը Խոժակը, նաև լրագրությամբ զբաղվող, «Դաշնակցություն» կուսակցության օրգան «Յառաջ» թերթի խմբագրության անդամ էր և այդ կուսակցության կողմից առաջադրված էր, ինչպես այդ մասին արդեն նշվել է, որպես 3-րդ գումարման Պետական Դումայի անդամի ընտրության համար ընտրողի թեկնածու: Վկա Քեչիշյանի⁴² բացատրությամբ Խաժակյանը «Դաշնակցություն» կուսակցության Թիֆլիսի Կենտրոնական կոմիտեի անդամ էր, զբաղվում էր հակակառավարական բովանդակության գրքույկների և կոչերի կազմմամբ, որպես դասախոս հանդես էր գալիս կուսակցության կազմակերպած ժողովներում, այդ նպատակի համար ստանալով գործուղումներ տարբեր քաղաքներ և լինելով «Յառաջ» գրադարանի կուսակցական վարչության անդամ: Նախաքննության հետագա ընթացքում Քեչիշյանի այդ բացատրությունները գտան իրենց լիակատար հաստատումը (բնագիր գործի հս. 52, թ. 1486, հս. 7, թ. 149, հս. 50, թ. 1344):

Վերոհիշյալ «Յառաջ» թերթի 1905թ. առաջին համարի զննումից երևում է, որ դեկտեմբերի 11-ին Թիֆլիսում՝ Հավաքարի թատրոնում, հայ հեղափոխական «Դաշնակցություն» կուսակցությունը հանրահավաք-դասախոսություն է

40 Երևանի Կարապետի:
41 Ավետիք Սահակյան:
42 Գաբրիել Քեչիշյան – Միհրան:

կազմակերպել: Դասախոսության թեման եղել է նշյալ կուսակցության Կովկասյան գործունեության ծրագիրը⁴³, ընդ որում, դասախոս «Ընկ. Խ.»-ն մանրամասն կանգ է առել «Դաշնակցության» Կովկասյան գործունեության ծրագրի քաղաքական մասի վրա, պարզաբանել կենտրոնական կառավարության ընտրությունների անկատարությունը և միութենական կամ ֆեդերատիվ կազմակերպության մեծ առավելությունը: Ընդհանրապես պարզելով, թե ինչ է նշանակում ֆեդերացիա և ինչպիսի քաղաքական կարգ է պահանջում «Դաշնակցության» ծրագիրը, դասախոսը նշել է, որ «Կովկասում ֆեդերացիան Ռուսաստանի անբաժանելի մասն է», և որ միայն այդպիսի կարգը կարող է Ռուսաստանը դուրս բերել քայքայված վիճակից և երկրամասն ազատել բյուրոկրատական չինովնիկական անկարգությունից: Այդ դասախոսությունը կարդացած անձը, ինչքանով կարելի է ենթադրել Գարեգին Խաժակյանի գրական երկերից, հենց նա է, քանի որ «Յառաջ» գրադարանի հրատարակած երկերի մեջ գտնվում է Գարեգին Խաժակյանի «Դեպի ֆեդերացիա» գրքույկը: Ծիշտ այդպես հարկավոր է եզրակացնել, որ 1905թ. Թիֆլիսում «Դաշնակցություն» կուսակցության շրջանային ժողովում ներկա գտնված, հակակառավարական մի ամբողջ շարք բանաձևերի մշակող և բացառապես՝ ֆեդերացիայի մասին հանդես եկած «Ընկ. Խաժ.» անունով անձը Գարեգին Խաժակյանն էր: Ինչպես երևում է այդ [ժողովի] արձանագրությունից՝ Անդրկովկասի քաղաքական կառուցվածքի մասին վիճարանություններից հետո ընդունվել է բանաձև այն մասին, որ հայ հեղափոխական «Դաշնակցություն» կուսակցությունն անհրաժեշտ է գտնում Անդրկովկասի համար ֆեդերատիվ սկզբունքների վրա հիմնված կարգը, դա ներկայացնելով որպես քաղաքական նպատակ և որպես Անդրկովկասի ինքնավարության անմիջական պահանջ՝ հիմնված դեմագոգիկ սկզբունքների վրա և կապված Ռուսաստանի հետ ֆեդերատիվ եղանակով:

1908թ. Արմավիրում Չինչինյանի մոտ Դոնի Նախիջևանից 1906թ. սեպտեմբերի 3-ին «Անյա» ստորագրությամբ խուզարկությամբ գտնված նամակից երևում է, որ հեղինակը նամակի գրման նախօրեին գտնվել է մի հավաքում, որտեղ խոսել է «շատ կրթյալ, բազմաթիվ վայրերում եղած և նույն երեկոյան Կովկաս վերադարձած Խոժակ անունով դաշնակցականը»: Այդ նամակը հաստատում է «Դաշնակցություն» կուսակցության ծրագրի շուրջ դասախոսություններ կարդալու համար այլ քաղաքներ Գարեգին Խաժակյանի այցելությունների մասին վկա Քեշիշյանի ցուցմունքների ճշմարտացիությունը (բնագիր գործի հտ. 47, թ. 1170):

Ջբաղվելով գրական գործունեությամբ՝ Գարեգին Խաժակյանը, ինչքանով կարելի է ենթադրել մեղադրյալ Համազասպ Օհանջանյանի մոտ գտնված Արշակ Իսահակյանի⁴⁴ նամակից, «Դաշնակցություն» կուսակցության տեսանկյունից հայտնի հարցերի լուսաբանման խնդիրը հավատարմորեն լուծելուն իրազեկ անձ էր: Արշակ Իսահակյանը «Գործ» թերթի խմբագրությանն ուղարկելով Ռուսաստանում և Թուրքիայում «Դաշնակցություն» կուսակցության

43 Տե՛ս Նախագիծ Կովկասեան գործունեութեան, հրատ. ԳՅԳ, Ժընև, տպ. ԳՅԳ, 1905:

44 Ջամալյան (Իսահակյան) Արշակ (1882-1940) – ԳՅԳ անվանի գործիչ: 1905թ. ձերբակալվել է ցարական ոստիկանապետի ահաբեկման համար: 1906թ. Գերմանիայում հիմնել է «Եվրոպայի հայ ուսանողական միությունը»: Եղել է ԳՅ դեսպանը Վրաստանում, 1921թ. մասնակցել է Ռիգայի բանակցություններին:

ՎԱԿԵՐԱԳՐԵՐ

գործունեության մասին իր ձեռագիրը՝ անջատականների⁴⁵ խմբի մասին իր հայացքի շարադրման մասում նշում է զուտ խմբագրական կրճատման հնարավորությունը, հաղորդելով, որ ինքը չի կարող համաձայնել այն տեսակի որոշումների հետ, ինչպիսիք թույլ էին տրվել Խաժակի կողմից, ում «Գրոշակ»-ի խմբագրությունից կարծիքի համար փոխանցվել էր հայ-թաթարական ընդհարումների մասին Իսահակյանի գրքույկը (քնագիր գործի հտ. 49, ք. 1230):

Այդ կարծիքի հաստատմանն է ծառայում 1907թ. «Մշակ» թերթում տեղադրված և հետագայում առանձին գրքույկով հրատարակված «Դաշնակցությունը և նրա ղեկավարները» հոդվածը⁴⁶, որտեղ ի միջի այլոց միտք է արտահայտվում, որ «Դաշնակցություն» կուսակցություն ո՛չ Թուրքիայում և ո՛չ Կովկասում այժմ չի համապատասխանում ժամանակի պահանջներին: Ինչ վերաբերում է Կովկասյան գործունեության նախագծի ծրագրին և մարտավարությանը, ապա գրքույկում ցույց է տրվում, որ բացի դասակարգային պայքարից՝ ազգային հողի վրա ոչ մի հեղափոխական գործունեություն չի կարելի նախաձեռնել, ինչի համար էլ գրքույկի հեղինակը խորհուրդ է տալիս Թուֆչյանին և Խոժակին՝ որպես կուսակցության ղեկավարների, ավելի լավ ծանոթանալ նրա պատմությանը, այլ ոչ թե խեղաթյուրել այն տարբեր գովազդներով (քնագիր գործի հտ. 75, ք. 1966):

«Դաշնակցություն» կուսակցության գործունեությանը Խաժակյանի լիակատար տեղեկացվածության մասին վկայում է խուզարկությամբ նրա մոտ գտնված իր կողմից ֆրանսերենով գրված հոդվածը, ուր նա շարադրում է նշյալ կուսակցության կազմավորման, Թուրքիայում նրա հեղափոխական գործունեության, ողջ Եվրոպային իր խիզախությամբ զարմացրած Կոստանդնուպոլսում Օտոմանյան բանկի հարձակման կազմակերպման և Ռուսաստանի, Թուրքիայի, Պարսկաստանի և այլ պետությունների հայ բնակչության շրջանում այդպիսի գաղափարների լայն տարածման մասին:

1907թ. ապրիլ ամսին Մեծ Բարաքիլիսա գյուղում Էվոյանցների տան գաղտնի պահեստում խուզարկությամբ հայտնաբերված կուսակցական փաստաթղթերի մեջ գտնվել են բաց թողնված և ստացված զենքի ու զինամթերքի մատյանները: Ինչպես զննմամբ պարզվեց՝ երկու մատյաններում գտնվեցին 1905թ. փետրվարի 11-ի և մայիսի 11-ի գրություններ. «վելլոդոզ համակարգի ատրճանակների և դրանց փամփուշտների հանձնում Գ. Խաժ.» (այսինքն՝ Գարեգին Խաժակի մասին) (քնագիր գործի հտ. 50, ք. 1411):

«Դաշնակցություն» կուսակցության մեջ Գարեգին Խաժակյանի մասնակցությունը վկայվել է նաև թիֆլիսյան ավագ քահանայի կին Աննա Աբուլյանցի կողմից: Այդ վկայի ցուցմունքներից երևում է, որ 1907-1908թթ. իրականացնելով Թիֆլիսում հայ հեղափոխական «Դաշնակցություն» կուսակցության մեջ ներգրավվելու վախից Արմավիր ուղարկված և կորած իր որդի Սերգեյի փնտրտուքը, նա եկել է հայկական ինչ-որ թերթի խմբագրություն (հրատարակման ժա-

45 Նշյալ ժամանակահատվածում ԶՅԻ-ից տարանջատվել էին երկու ծայրահեղ թևերի ներկայացուցիչները՝ ձախ-անջատականները Լևոն Աթաբեկյանի և Արսեն Ամիրյանի (Մրավյան) ղեկավարությամբ (տես Վահե, Անջատումները, «Յառաջ» գրադարան մատ-շար, թիւ 47, Թիֆլիս, տպ. «Յերմես», 1907, 43 էջ) և աջագայնականները՝ խմբապետ Միրանի գլխավորությամբ: Առաջինի ներկայացուցիչները հետագայում համալրեցին էսեռների ու բոլշևիկների շարքերը, իսկ երկրորդը վերածվեց հակադաշնակցական աղանդի, և իր առաջնորդի պատուհասումից հետո մարեց:

46 Տես Խան-Ազատ Ռ., Դաշնակցութիւնը եւ իր ղեկավարները: Ալեքսանդրապոլ, Տպ. «Շիրակ», 1907, 52 էջ:

Ի(Ը) տարի, թիվ 1(29), հունվար-մարտ 2010

ՎԵՄ համահայկական հանդես

մասնակով դա «Վտակ» թերթն էր), որտեղ և դիմել է իր որդու փնտրտուքի մասին հայտարարության տպագրման վերաբերյալ միջնորդությամբ: Մերժում ստանալով՝ վկան իր որդու սպանության մեջ սկսել է մեղադրել Խաժակյանին, քանի որ նրա հավաքած տեղեկություններով՝ իր որդին սպանվել էր «Դաշնակցություն» կուսակցության վճռով, Խաժակյանն էլ պատկանել էր, ինչպես նրան հայտնի էր, այդ կուսակցության հայտնի գործիչների թվին, սակայն վերջինս նրան չէր լսել, ասելով . «Դա կուսակցության գործն է, այլ ոչ թե՛ ձեր» (բնագիր գործի հտ. 21, թ. 404):

Ինչպես հետագայում պարզվեց, Մերգեյ Աբուլյանցը «Դաշնակցություն» կուսակցության վճռով կուսակցության կողմից հետապնդվող Գաբրիել Բեշիշյանին՝ նույն ինքը Սիիրան, համակրելու համար 1907թ. Արմավիրում սպանվել էր (բնագիր գործի հտ. 77, թթ. 2060-2062):

«Դաշնակցություն» հեղափոխական ընկերակցությանը պատկանելու մեջ մեղադրվող և հետաքննության մեջ ներքաշված Գարեգին Խաժակյանը իրեն մեղավոր չճանաչելով այդ հանցանքի մեջ, բացատրեց, որ այդ կուսակցության գործունեության մեջ ինքը ոչ մի մասնակցություն չի ունեցել, այլ իր ժամանակը նվիրել է միայն գրական աշխատանքների և ուսուցչական պաշտոնի, որ ամենայն հավանականությամբ իրեն շփոթում են ինչ-որ ուրիշ Խաժակյանի հետ, քանի որ իր ձեռքակալության ժամանակ ոստիկանական պաշտոնյաները հարցրել են ոչ թե Գարեգին, այլ Կասպար Խաժակյանի, որ «Յառաջ» և «Վտակ» հայկական թերթերի խմբագրակազմի անդամ ինքը չի եղել, թեպետ համագործակցել է դրանց հետ՝ չիմանալով, որ այդ թերթերը կուսակցական են, որ «Վտակ» թերթում որդու փնտրտուքի մասին հաղորդագրության տպագրման խնդրանքով ոչ մի կին իրեն չի դիմել, որ իրեն Բեշիշյանց ներկայացված 1907թ. դեկտեմբերի 14-ի «Արշակ» ստորագրությամբ նշյալ նամակում հիշատակվող «Խաժակը» ակնհայտորեն որևէ այլ անձ է, այլ ոչ թե նա՝ Խաժակյանը, որ Դոնի Նախիջևանում տեղի ունեցած ժողովի առիթով Արամ Չինչինյանից առգրավված նամակում «Խոժակի» մասին հիշատակումը իր՝ մեղադրյալի հետ ոչ մի առնչություն չունի, քանզի նա այդ քաղաքում չի եղել, և որ Մեծ Դարաքիլիսա գյուղում գտնված կուսակցական մատյաններում գրառումներին վերաբերող «Գ. Խաժ.» անվամբ անձին փամփուշտներով ատրճանակի հանձնման առթիվ մեղադրյալը կարող է նշել, որ 1905թ. հայ-թաթարական անկարգությունների ժամանակ անհայտ երիտասարդից 7 ռուբլով ատրճանակ է գնել, որի հետ գուցե և եղել են փամփուշտներ, սակայն ինքը դա չի հիշում, և որ վկաների այն ցուցմունքները, որ ցույց են տալիս իր կողմից «Դաշնակցություն» կուսակցության կարիքների համար գումարի ստացման մասին՝ բացարձակապես վատահույս արժանի չեն (բնագիր գործի հտ. 21, թ. 415, հտ. 129, թ. 4198):

ՀԱԱ, ֆ. 1457, ց. 3, գ. 6, թ. 87-89: Թարգմանություն ռուսերենից:

**Թիվ 5
ՄԵՂԱԳՐԱԿԱՆ ՎՃԻՌ
17 հունվար-20 մարտ 1912թ.**

Երևանի նահանգի ք. Ալեքսանդրապոլի քաղքենի Գարեգին Կասապարով Խաժակյան, 42 տարեկան, մեղադրվում է այն բանում, որ.

31. Գարեգին Խաժակյան - եղել է [ՀՅԳ] Թիֆլիսի կազմակերպության անդամ: 1905թ. մասնակցել է նրա [ՀՅԳ] Կովկասյան շրջանային ժողովին, որտեղ մշակվել է Ռուսական կայսրության սահմաններում ակտիվ հեղափոխական գործունեության ծրագիր: Եղել է [ՀՅԳ] ընկերակցության շրջանային օրգան «Յառաջ» թերթի խմբագրության և գրքույկների հրատարակման «Յառաջ» գրադարանի վարչության անդամ: [ՀՅԳ] Կազմակերպության հանձնարարությամբ 1905թ. Թիֆլիսում և 1906թ. Գոնի Նախիջևանում որպես դասախոս ելույթ է ունեցել ընկերակցության ծրագրի տարածման և նոր անդամների ներգրավման նպատակներով: 1906թ. ընկերակցության այլ անդամների հետ Շուլավեր գյուղում ստացել է ընկերակցության կարիքների համար ստիպողական ճանապարհով հավաքված դրամները և պահպանել իր մոտ ընկերակցության պատմությունը շարադրող իր իսկ գրած հոդվածը:

ՀԱԱ, ֆ. 1457, ց. 3, գ. 6, թ. 235: Թարգմանություն ռուսերենից:

**ԴԱՏԱԿԱՆ ՆԻՍՏԻՆ ԿԱՆՉՎԵԼՈՒ ԵՆԹԱԿԱ ԱՆՁԱՆՑ ՑՈՒՑԱԿ
ՄԵՂԱԳՐՅԱԼՆԵՐ**

43. Գարեգին Կարապետով Խաժակյան – հտ. 21, գործի թերթ 7389, հտ. 75, թ. 24023, հտ. 129, թ. 42458⁴⁷, ք. Թիֆլիս:

ՀԱԱ, ֆ. 1457, ց. 3, գ. 6, թ. 255: Թարգմանություն ռուսերենից:

Համաձայն վերոշարադրյալի՝ Կառավարող Սենատի Հատուկ Ներկայացուցչությունը որոշում է. 2. քաղքենի Գարեգին Կասապարով Խաժակյանին, 42 տարեկան, համարել անմեղ և արդարացված՝ մեղադրանքների չսպացուցման պատճառով:

ՀԱԱ, ֆ. 1457, ց. 3, գ. 6, թ. 251: Թարգմանություն ռուսերենից:

47 Սրանք դատական գործի բնագրային տվյալներն են:

ՍՊԱՆՏԱԳՐԵՐ

Ի(Ը) տարի, թիվ 1(29), հունվար-մարտ 2010

ՎԵՄ համահայկական համոթես

ՀՅ ԴԱՇՆԱԿՑՈՒԹՅԱՆ ՄԵԾ ԳԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Համազասպ Սրվանձտյանցի դատական գործը*

ՀՅ Դաշնակցության նշանավոր գործիչ Համազասպ Սրվանձտյանցի հերոսական էջերով լի կենսագրության ամենավաղ դրվագները կապված են 1905-1906 թթ. հայ-թաթարական կռիվներում և 1918թ. Բաքվի հերոսամարտում նրա ունեցած ծանրակշիռ ներդրման հետ:

Համազասպ Խաչատուրի Սրվանձտյանցը ծնվել է 1873 թվականին Վանի մեծահամբավ Սանդեց (Սրվանձտյանց) գերդաստանում՝ ականավոր հոգևորական ու գիտնական-բանահավաք Գարեգին Սրվանձտյանցի եղբոր ընտանիքում: Դեռևս պատանեկության տարիներից Համազասպն ընդգրկվել է ազատագրական շարժման մեջ, իսկ հետագայում՝ 1890 թվականին, խուսափելով թուրքական իշխանությունների հետապնդումներից, մեկնել է Երևան և ապա գործունեության կենտրոն է ընտրել Արցախը:

Առաջին մեծամասշտաբ մարտական մկրտությունը Համազասպը ստացել է 1905-1906 թթ. հայ-թաթարական կռիվների ժամանակ՝ թե՛ իր անմիջական մասնակցությամբ և թե՛ հատկապես Ասկերանի, Խաչենի և Գանձակի շրջաններում հայոց ինքնապաշտպանությունը ղեկավարելով: Համազասպի կազմակերպչական և զորավարական տաղանդը փայլատակեց հատկապես Ասկերանում: Առանց չափազանցության կարելի է փաստել, որ միայն Ասկերանի կիրճը փակած Համազասպի հմուտ մարտավարության շնորհիվ էր, որ 1905-ի ամռանը հնարավոր եղավ պահպանել ուժերի հաշվեկշիռը՝ տափաստաններից Աղդամում կենտրոնացող և այնտեղից էլ հեղեղի նման Գարաբաղի խորքերը շտապող թաթարական զերակշիռ ուժերի դեմ: Համազասպի հմտորեն մշակած մարտավարության արդյունքում՝ Շուշիից Ասկերանի միջով Աղդամ վերադարձող թաթար բեկերի ջոկատները 1905 թ. օգոստոսի 22-ին ծուղակն ընկան, որից փրկվեց 200-ից միայն 6-ը: Այս դեպքից հետո Մ. Վարանդյանի բնորոշմամբ՝ «Համազասպի հռչակը տարածեցաւ Գարաբաղի մէջ: Թուրք խուժաններու համար վանեցի կտրիճը ճշմարիտ հոգեառ սաթայէլ մըն էր: Անոնք կը յիշատակէին «Համագօնփ» անունը անէծքով ու զարհուրանքով: Իսկ հայ աշխատատուր ժողովուրդը կերգէր խանդավառ իր «Համազանցը պանծալի...»»¹:

Սակայն 1905թ. ամռան ու աշնան ամիսներին Գարաբաղի լեռնային հատվածում ձեռք բերված հաղթանակներից հետո էլ Գանձակի նահանգի դրությունը խիստ վտանգավոր էր: Դրաստամատ Կանայանի կողմից ահաբեկված Բաքվի նահանգապետ Նակաշիճեի քրոջ որդին՝ Գանձակի նահանգապետ Տակայշվիլին ժամանակավորապես հաշվի էր նստում հայերի ուժի հետ: Վարանդայի ու Դիզակի գավառների առանձին գյուղերում ուժերի հարաբերակցությունը փոխվել էր հօգուտ հայերի: Շուշիում պաշարված թաթարների համար խիստ ծանր վիճակ

* Հոդվածն ընդունվել է տպագրության 17. 06. 2010:
1 Վարանդեան Մ., Գ.Յ. Դաշնակցութեան պատմութիւն, Եր., 1992, էջ 339:

ԵՐԿՐԱԿՆԵՐ

էր ստեղծվել, քանզի Մ. Վարանդյանի բնութագրմամբ՝ «Անդրկովկասի ոչ մէկ գաւառի մէջ հայ-թուրքական ընդհարումը այնքան կատաղի և արիւնահեղ եղաւ, ինչպէս Ղարաբաղում և անոր մայրաքաղաք Շուշիի մէջ»²:

Նման պայմաններում, 1905թ. նոյեմբերի 13-ից մինչև դեկտեմբերի 1-ը Թիֆլիսում տեղի ունեցած ՀՅԴ Կովկասյան շրջանային ժողովում «Ապառաժ»-ի (Ղարաբաղ) կենտրոնական կոմիտեության պատգամավոր Համազասպը բարձրացրեց Կովկասում կուսակցության ունեցած գենքի քանակությունն անբավարար լինելու հարցը և առաջադրեց մինչև 5 հազար հրացան ունենալու պահանջ³: Որոշվեց ժամանակավորապէս վերականգնել «Փոթորիկ»-ի գործը, որի միջոցով «... ձեռք բերած գումարները յանձնուելու են «ֆոնդի» Մարմնին, միմիայն ընդհանուր զինման եւ ինքնապաշտպանութեան գործին յատկացնելու համար»⁴:

ՀՅԴ Կովկասյան շրջանային ժողովի աշխատանքները դեռևս շարունակվում էին, երբ 1905 թ. նոյեմբերի 18-ին սկսվեց Գանձակի հայության ջարդը: Նահանգապետ Տակալշվիլին համոզվելով, որ Ղարաբաղի լեռնային հատվածն ու Ջանգեզուրը լավ են պաշտպանված, սադրանքի իրականացումը տեղափոխել էր Գանձակ: Այդ սադրանքի նպատակը Ղարաբաղի լեռնային հատվածում ու Ջանգեզուրում հայերի ձեռք բերած հաղթանակները Գանձակ քաղաքում ու Դաշտային Ղարաբաղում պարտությունների վերածելու մտադրությունն էր: Ուստի, լքելով կովկասյան շրջանային ժողովը՝ Գանձակ վերադարձան Ա. Գյուլիսան-դանյանն ու Համազասպը, որոնցից առաջինը նշանակվեց Գանձակի զինվորական շտաբի ղեկավար, իսկ Համազասպին հանձնվեց ռազմական գործողությունների ընդհանուր ղեկավարումը: Այս ճակատում «Համազասպն ալ շարունակ դիրքէ դիրք թռչելով, հրահանգներ կուտար մեր շրջանապետներուն ու խմբապետներուն»⁵:

Չնայած այն հանգամանքին, որ Գանձակում և շրջակա գյուղերում թաքարները քանակական մեծ առավելություն ունեին և ստանում էին նաև ցարական վարչության քողարկված աջակցությունը, Բաթումից, Թիֆլիսից և այլ վայրերից ժամանած ջոկատների և տեղական ուժերի մտածված գործողությունների հետևանքով 1905 թ. դեկտեմբերի, 1906 թ. հունվարի ընթացքում հաջողվեց մի շարք ջախջախիչ հարվածներ հասցնել հակառակորդին: Համազասպի հրահանգով ավերվեցին ավազակաբների վերածված Թոփալ-Հասանլու, Մոլլա-Ջալլու, Սոգյութլու և այլ խոշոր բնակավայրերը: Գրանից հետո՝ 1906 թ. փետրվարին կայացած ՀՅԴ Ջինվորական խորհրդակցությունը որոշեց. «... նախադարձակ լինել եւ ջնջել այն բոլոր որջերը, լինեն դրանք մեծ կամ փոքր, որոնք աւազակային կենտրոններ էին: Բացի այդ, անհրաժեշտ համարուեց վերացնել խոշընդոտ հանդիսացող այն թաթարական գիւղերը, որոնք խանգարում էին Գանձակից Շուշի, Շուշուց՝ Գորիս եւ Նոր Բայազիտից՝ Գորիս հաղորդակցութեան»⁶:

Արևելահայության ֆիզիկական գոյությունը պաշտպանելու գործում նշանակալի ներդրում ունեցած Համազասպ Մրվանձտյանցը հայ-թաթարական կռիվների շրջանից արդեն հայտնվել էր ցարական Օխրանայի ուշադրության կենտրոնում, ուստի բնական է, որ նա զերծ չմնաց ՀՅԴ գործիչների զանգվածային

2 Նույն տեղում, էջ 321:

3 Տե՛ս Նիւթեր Դ. 3. Դաշնակցութեան պատմութեան համար, հտ. ք., էջ 237:

4 Նույն տեղում, էջ 240:

5 Վարանդեան Մ., նշվ. աշխ., էջ 349:

6 Նիւթեր Դ. 3. Դաշնակցութեան պատմութեան համար, հտ. ք., էջ 251:

2010
ապրիլ-հունիս 2(30)
գրքի, քիվ 2(30)
Բ (Ը) գրքի

ԿԵՄ համահայկական հանդես

ձերբակալություններից: 1908 թ. Համագասպը ձերբակալվեց Գանձակի ոստիկանական մարմինների կողմից, իսկ 1909 թ. մարտի 13-ապրիլի 20-ի որոշմամբ որպես ՀՅԳ «Ահաբեկիչ-Մարմնի» ահաբեկչական խորհրդի անդամ՝ վերջնականապես կալանավորվեց: Դաշնակցական լինելուց փաստից բացի՝ նա մեղադրվել է որպես «Շուշիի և Ելիզավետպոլի կենտրոնական կոմիտեներին կից ահաբեկիչների ղեկավար»: Համագասպը հարցաքննությունների ժամանակ իրեն մեղավոր չի ճանաչել: Ավելին, նա ըստ ամենայնի պաշտպանել է նաև իր գործում հիշատակվող գործիչներին (Խանասորի Վարդան, Կոբյուն վարդապետ), ձգտելով նրանց ևս զերծ պահել դատական հետապնդումներից: Արդյունքում՝ Համագասպ Սրվանձտյանը դատապարտվեց մահապատժի, սակայն Գևորգ Ե. Ամենայն Հայոց կաթողիկոսի միջնորդությամբ վճիռը փոխարինվեց Սիբիրում 15 տարվա աքսորով: 1913 թ. Համագասպը փախավ աքսորից, անցավ Եվրոպա, ապա՝ Կ. Պոլիս:

Առաջին համաշխարհային պատերազմի Կովկասյան ճակատում Համագասպը 3-րդ հայկական կամավորական ջոկատի հրամանատարն էր: Նա մասնակցել է բազմաթիվ մարտերի, վճռորոշ դեր խաղացել Բասենի և Ալաշկերտի շրջանների հայության փրկության և Արևելյան Հայաստան գաղթեցման գործում: 1915 թ. մայիսին նրա ջոկատն առաջիններից մեկը մտավ ազատագրված Վան, հետո մարտնչեց Բիթլիսի և Խիզանի շրջաններում: 1917 թ. փետրվարին Ալաշկերտի շրջանում ղեկավարել է ժողովրդական աշխարհագործի ջոկատը: 1918 թ. ակտիվորեն մասնակցել է Նուրի փաշայի ոհմակներից Բաքվի հայության ինքնապաշտպանությանը, եղել է 3500 զինվորներից բաղկացած բրիգադի հրամանատար:

Հայաստանի առաջին Հանրապետության օրոք Համագասպը Նոր Բայազետի զորախմբի հրամանատարն էր: Հայաստանի խորհրդայնացումից հետո՝ 1921 թ. փետրվարի 18-ի նախօրեին, Համագասպ Սրվանձտյանը կացնահարվել է Երևանի բանտում:

Ավագ Ա. Հարությունյան
պատմ. գիտ. թեկնածու

THE FILES OF THE GREAT TRIAL OF ARF (DASHNAKTSUTYUN)

The Lawsuit of Garegin Srvandztyants

Avag A. Harutyunyan

**ԹԻՎ 1
ՈՐՈՇՈՒՄ**

1909թ. մարտի 13-ից մինչև ապրիլի 20-ը Նովոչերկասկի օկրուգային դատարանին կից հայրուկ կարևորության գործերով Դատական Զննիչի.

**Բ. ԱՀԱԲԵԿԻՉ-ՄԱՐՄԵԻ ԳՈՐԾԱԴԻՐ
ԱՀԱԲԵԿՉԱԿԱՆ ԽՈՐՀՐԴԻ ԱՆԴԱՄՆԵՐ.**

106. Համազասպ Սուրվասյանը⁷ (կուսակցական մականունը «խմբապետ Համազասպ», «հայոց իշխան Համազասպ») – [ՀՅԳ] կուսակցության 1905թ. նոյեմբերի 13-30-ի շրջանային ժողովի որոշումներից երևում է, որ նա որպես [ՀՅԳ] Շուշիի կենտրոնական կոմիտեի պատգամավոր՝ «խմբապետ Համազասպ» անունով, ներկա է եղել այդ ժողովին: Նա մատնանշել է, որ իր տրամադրության տակ փամփուշտներ և դրամ չկա, և որ իր շրջանի համար անհրաժեշտ է մինչև 600.000 փամփուշտ և 5.000 հրացան, իսկ ծախսերի համար՝ ոչ պակաս, քան 50.000 ռուբլի: Ինչպես երևում է կուսակցության բյուրոյի թղթերից, նա անդամակցել է Շուշիի կենտրոնական կոմիտեի Ջևանշիրի⁸ կոմիտեին, և 1906թ. օգոստոսի 1-ին որպես նշյալ կոմիտեի անդամ կուսակցության բյուրոյին գրած նամակում խնդրել է «Հովսեփ»⁹ անունով [ՀՅԳ] անդամի կողմից իրեն գրադարտելու առթիվ միջնորդական դատարան նշանակել: Նույն թվին, ինչպես նշված է նույն բյուրոյի մեկ այլ փաստաթղթում, նա եղել է [ՀՅԳ] Ելիզավետպոլի¹⁰ կենտրոնական կոմիտեի գծով Կորյուն վարդապետի¹¹ աշխատակիցը և արդեն անվանվել է «հայոց իշխան Համազասպ»: Նա գլխավորապես եղել է Շուշիի և Ելիզավետպոլի

կենտրոնական կոմիտեներին կից ահաբեկիչների ղեկավարը, և 1907թ. նրա ղեկավարությամբ ու անձնական մասնակցությամբ Կրասնովոդսկում իրականացվել է ահաբեկչություն Մուշեղ Օհանյանի¹² նկատմամբ, ով մերկացրել էր «Դաշնակցության» նոր կուսակցության¹³ գործունեությունը:

ՀԱԱ, ֆ. 1457, ց. 3, գ. 1, ք. 334-335:
Թարգմանություն ռուսերենից:

Վերոշարադրյալի հիման վրա և հաշվի առնելով, որ Համազասպ Սերվոսյանը միանգամայն մերկացվում է [ՀՅԳ-ին մասնակցության գործով], որ Համազասպ Սերվոսյանը դրանից գատ մեղադրվում է սպանությունների կատարման գործում սաղաանքի և մեղակցության համար, այսինքն՝ Պատժի մասին կանոնադրության 13-րդ, 120-րդ, 1453-րդ հոդվածներով նախատեսված հանցագործություններում, Որոշեցի. Քրեական կանոնադրության 102-րդ հոդվածի հիման վրա նրան որպես մեղադրյալի կալանավորել:

ՀԱԱ, ֆ. 1457, ց. 3, գ. 1, ք. 342-344:
Թարգմանություն ռուսերենից:

**ԹԻՎ 2
ՄԵՂԱԳՐՅԱԼԻ ՀԱՐՑԱՔՆՆՈՒԹՅԱՆ
ԱՐՉԱՆԱԳՐՈՒԹՅՈՒՆ**

Մեղադրյալ Համազասպ Սուրվասյանցի՝ համաձայն Նովոչերկասկի օկրուգային դատարանի հայրուկ կարևորության գործերով Դատական Զննիչի 1909 թ. մայիսի 30-ի թ. 1209 պահանջի:

1909 թ. հունիսի 3: Հարցաքննության վայր–Ելիզավետպոլի բանր: Ելիզավետպոլի օկրուգային դատարանի Դատական Զննիչի

7 Այսուհետ Համազասպի իսկական ազգանվան բոլոր աղավաղումները դատական գործից են:
8 Ջևանշիր - գավառ Գանձակի նահանգում:
9 Անձը պարզել չհաջողվեց:
10 Գանձակ:
11 Կորյուն վարդապետ Սահակյանը 1905-1906թթ. հայ-թաթարական կռիվների ժամանակ կարևոր դեր է կատարել Գանձակի գավառում, լիժիյան գործով մինչև 1917թ. մայիսը դատապարտվել է աքսորի Իրկուտսկի մարզ:
12 Մուշեղ Օհանյանը խմբապետ Միհրանի աջակիցներից էր:
13 Նկատի ունի «Կովկասյան նախագծով» ՅՅԳ որդեգրած սոցիալիստական քաղաքականությունը:

ԵՐԿՐԱՆՈՒՄ

Բ (Ը) ԳՄԻԻ, ԲԻՎ 2(30) ԿԱՊԻԻ-ԽՈՒՆԻ 2010

ԿԵՄ համահայկական համոն

պաշտոնակատար Սողովյուր Զրեական դատավարության կանոնադրության 403-407-րդ և 1037-րդ հոդվածներում նշված կանոնների պահպանմամբ որպես մեղադրյալի հարցաքննեց ներքոնականյալին, ով իրեն ներկայացված հարցերին հեղուկալ ցուցումները փոխեց.

Իմ անուն, հայրանուն, ազգանուն—Համագասպ Խաչատուրի Սիրվաթյան; հանցանք կատարելու ժամանակ տարիքը—36 տարեկան; ծննդյան վայրը և մկրտությունը—ք.Վան, Թուրքիայում; գրանցման վայրը — ք.Երևանի քաղաքների; մշտական բնակության վայրը — Շուշի, Ելիզավետպոլի նահանգ; ծնունդը — օրինական; կոչումը — հարկատու; ազգությունը — հայ; կրոնը—հայ-գրիգորյան; ինչպիսի կրթություն է ստացել — ծխական դպրոց Թուրքիայում; զբաղմունքը — ժամագործ վարպետ և ոսկերիչ; գույքային ապահովվածության աստիճանը — անձնական աշխատանք; ընտանեկան հարաբերությունները — ամուսնացած, երկու անչափահաս երեխաներս ապրում են իմ հետ; քննության տակ լինելը կամ նախկին դատվածությունը — դատապարտված բանտում, հատուկ իրավունքների զրկմամբ, պատիժը կրում են Կովկասյան ռազմաօկրուգային դատարանի վճռով; հատուկ նշաններ — չկան; մեղադրյալն արդյոք բացատրվում է ռուսերեն — վատ, բացատրվում է հայերեն:

Ապա, ըստ մեղադրանքի ներկայացված հարցերին, մեղադրյալը պարզաբանեց:

Ես ինձ մեղավոր չեմ ճանաչում այն բանում, որ պատկանել եմ 1905-1908 թվականներից Ռուսական պետության մեջ ձևավորված հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն իր գործունեության նպատակ էր առաջադրել գործադուլների, տնտեսական, կազմակերպական և քաղաքական ահաբեկչությունների ճանապարհով և զինված ապստամբության միջոցով բռնությամբ Ռուսական պետության մեջ օրենքներով հաստատված կառավարման հիմնական

ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի է ունեցել 1905-1908 թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ունեց` հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908 թթ. հրատարակված հակակառավարական ամսագրեր, թերթեր, թուղթիկներ` զինված ապստամբության կոչերով, Ռուսական պետության մեջ հանրապետության ձևավորման համար, սարքավորումներով տպարաններ, հրագեմի և սառը զենքի մեծ պահեստներ, պայթուցիկ արկեր (ռուժբեր), վառոդի, դինամիտի, փամփուշտի և այլնի մեծ պահեստներ, հեղափոխական զինվորների¹⁴ հատուկ ջոկատներ, ահաբեկչական ջոկատներ` «Ահաբեկիչ Մարմին»-ի¹⁵ խորհրդի գլխավորությամբ, որ կոմիտեների որոշումներով 1905-1908 թթ. Ռուսաստանում իրականացրել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել չցանկացող` ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից զատ [իրականացրել է] տեղական հայ բնակչության ամենամյա պարտադրված դրամահավաք` հանցավոր նպատակների համար և մահվան սպառնալիքի ներքո, առավել ևս` հատուկ ստիպողական մեծ դրամական շորթումներ [է կատարել] հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագլուխ կերպով յուրացնելով դատական իշխանության իրավասությունը, իրականացնելով քրեական և քաղաքացիական գործերի քննություններ, և այդ գործերով իր ապօրինի դատավճիռներն արձակելով, ընդ որում ես` Համագասպ Սուրվասյանցս [սա կրկին քննիչի կողմից

14 Փաստաթղթում զինվոր բառը փակագծերում գրված է ռուսերեն՝ зинвор:

15 Ռուսերեն տառերով հենց այսպես է գրված:

ներկայացված մեղադրանքի տեքստն է], անդամակցելով նշյալ կուսակցությանը և նրա Ելիզավետպոլի կենտրոնական կոմիտեին, Կորյուն վարդապետի հետ ղեկավարել են կոմիտեի բոլոր գործերը, կրելով «հայոց իշխան Համազասպ» մականունը, իսկ «խմբապետ Համազասպ» մականվան ներքո 1905թ. նոյեմբերի 13-30-ին գործուն մասնակցություն են ունեցել կուսակցության շրջանային ժողովում, մատնանշելով հանուն ռուսական կառավարության դեմ պայքարի կուսակցության Ելիզավետպոլի շրջանի համար գեներալ հայթայթման նպատակով ավելի քան 50.000 ռուբլու անհրաժեշտության վրա:

Որպես արդարացում պարզաբանեն: Ես երբեք «Դաշնակցություն» կուսակցությանը չեմ պատկանել¹⁶: Երբ 1905-1906 թթ. հայերի և թաթարների միջև ընդհարումներ էին տեղի ունենում, ես որպես տեղական բարքերին ու թաթարերենին և հայերենին լավատեղյակ, հարգարժան հայ և թաթար անձանց խնդրանքով մեկնեցի Ջևանշիրի գավառ, որպեսզի երկու ազգերին խաղաղության մղեմ: 1905 թ. սեպտեմբերին ես տիֆոլ հիվանդացա և Ելիզավետպոլում բժիշկներ Ամիրխանովի և Ջալիևի մոտ բուժվեցի, իսկ 1905 թ. նոյեմբերի 20-ին ընտանիքիս մոտ՝ Ելիզավետպոլ մեկնեցի: Չպատկանելով «Դաշնակցություն» կուսակցությանը՝ ես այդ կուսակցության ոչ մի ժողովի չէի կարող մասնակցել: Ես հետապնդեի իմ ժողովրդի շահերը՝ նույնիսկ հակադարձել եմ այդ կազմակերպության նպատակներին և թույլ չեմ տվել նրան հայ ժողովրդի շրջանում իր ազդեցությունը դրսևորել, ինչի համար այդ կուսակցության հետ թշնամանքի մեջ էի: Ծնունդով նույնպես Թուրքիայից՝ իմ դպրոցական ընկեր Կորյունի հետ ես բարեկամական հարաբերությունների մեջ էի: Նա նույնիսկ իմ երեխաների կնքահայրն է: Ես չգիտեի, որ նա հեղափոխական կուսակցության է պատկանել, սակայն տեսնում էի, որ մասնակցում է բարեգործական գործերի, օրինակ՝ աղքատներին հաց բաժանելով: Ես

«հայոց իշխան Համազասպ» և «խմբապետ Համազասպ» մականուններ չեմ կրել և այդ անվանումներով ոչ մի հանցավոր կազմակերպության գործեր չեմ կատարել: Ես գիտեմ, որ «Համազասպ» անուն ունեցող մի քանի անձինք կան, ովքեր հայ-թաթարական կոտորածի ժամանակ սպանությունների են մասնակցել և միգրացե այդ անձինք պատկանել են «Դաշնակցություն» կուսակցությանը: Հնարավոր է, դրա համար էլ ինձ շփոթում են այդ մարդկանց հետ: Որպես արդարացում ավելի բացատրել չեմ կարող: Յուզմունքը տրվել է հայերեն: Թարգմանել է Ելիզավետպոլի օկրուգային դատարանին կից դատական կատարածու Ա. Մելիքովը:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 1, ք. 550-551:
Թարգմանություն ռուսերենից:

**ԹԻՎ 3
ՈՐՈՇՈՒՄ**

1909 թ. հունիսի 3: Ելիզավետպոլի բանտ: Ելիզավետպոլի օկրուգային դատարանի Դատական Քննիչի պաշտոնակատար Սոլովյովը Քրեական դատավարության կանոնադրության 416-րդ հոդվածի 6-րդ կետի հիման վրա և Նովոչերկասկի օկրուգային դատարանի հատուկ կարևորության գործերով Դատական Քննիչի 1909թ. մայիսի 30-ի ք. 1209 առանձին պահանջի համաձայն՝ սույն թվին հարցաքննելով ըստ Քրեական կանոնադրության 102-րդ հոդվածի որպես մեղադրյալ Համազասպ Սուրվասյանցին, ՈՐՈՇԵՑ. Երևանի քաղքենի Համազասպ Խաչատուրի Սուրվասյանցի պատժի միջոց նշանակել կալանավորումը Ելիզավետպոլի բանտում, ինչի մասին և հայտարարել նրան:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 1, ք. 551:
Թարգմանություն ռուսերենից:

16 Այստեղ ներկայացված է միայն Համազասպին վերաբերող հատվածը:

ԹԻՎ 4

ՁՆՆՄԱՆ ԱՐՁԱՆԱԳՐՈՒԹՅՈՒՆ

1909 թ. օգոստոսի 2: *Քաղաք Նովոչերկասկ:*

Նովոչերկասկի օկրուգային դատարանին կից հարուկ կարևորության գործերով Դատական Ընկիչը Նովոչերկասկի Դատական պալատի Դատախազի տեղակալի և ներքուրտրագրյալ ընթերակաների ներկայությամբ իրականացրեց Քրեական կանոնադրության 126-րդ հոդվածով նախատեսված հանցանքներում մեղադրվող Ելիզավետպոլի հայոց թնակական առաջնորդ Կորյուն վարդապետի մասին Կովկասյան օկրուգային դատարանի Ձինվորական Դատախազի ուղարկած Թիֆլիսի նահանգային ժանդարմական վարչության պետի օգնականի կատարած հետաքննության գործի գնումը: Ընդ որում, գնումամբ պարզվեց հետևյալը: Այս գործը սկսվել է 1907 թ. սեպտեմբերի 12-ին և ավարտվել 1908 թ. փետրվարի 11-ին: Նրանում ընդամենը կա 209 թերթ:

Համազասպ Խաչատուրի Սերվաստյանց – որոշակի բնակավայր չունի:

Ինձ ներկայացված հարցերին պատասխանում եմ: 1905 թ. օգոստոսին Շուշի քաղաքում հայ-թաթարական ընդհարումից հետո՝ ի թիվս այլ հարգարժան հայերի, բնակչության կողմից ես սկզբում ընտրվեցի հաշտեցման, ապա ինքնապաշտպանության հանձնաժողովի անդամ: Ինքնապաշտպանության այդպիսի հանձնաժողովները, ստեղծված մասամբ՝ 1905 թ. վերջին, մասամբ՝ 1906 թ. սկզբին, Ելիզավետպոլի ողջ նահանգում, գերազանցապես նրա խոշոր կենտրոններում, ղեկավարում էին թաթարների հարձակումներից հայ բնակչության ինքնապաշտպանության ուղղությամբ գործունեությունը: Շուշիի ինքնապաշտպանության հանձնաժողովն ինձ ուղարկել էր ղեկավարելու Խաչենի ինքնապաշտպանությունը: 1906 թ. նոյեմբերին, երբ անկարգությունները, այսինքն՝ ընդհարումները դադարեցին, ես մեկնեցի Բաքու, քանի որ Ելիզավետպոլի նահանգում մնալն ինձ համար

համարում էի վտանգավոր, ի տես այն քանի, որ ինձ վրա չարացած մահմեդականները որոշել էին ինձ սպանել: Անցնելով Ելիզավետպոլի միջով՝ ես կանգ առա Կորյուն վարդապետի մոտ, ում ես լավ եմ ճանաչում մանկուց՝ դեռևս Թուրքիայից, [ու՜մ մոտ թողել էի] իմ երկու մատուցի ատրճանակները և մեկ «նագանը»: Այդ զենքերն ինձ չէին պատկանում, այլ ինձ հետ գնացող երեք երիտասարդ հայերի: Վերջիններս վախենալով զենքը ձեռքին ձերբակալվելուց՝ ինձ խնդրեցին իրենց զենքը պահպանության համար տեղավորել որևէ տեղ: Ես նրանց Կորյունին մատնանշեցի, ում անձամբ փոխանցեցի այդ երիտասարդների ցանկությունը:

Բաքվում այդ ժամանակ զենք ձեռք բերելը դժվար էր: Երիտասարդները ցանկանում էին այնտեղի հարուստների մոտ որպես պահակ և քիկնապահ ծառայության անցնել: Նրանք ինձ խնդրեցին Կորյունին իրենց հանձնած զենքը հետ ստանալու հարցում աջակցել: Ես Կորյունին նամակ գրեցի և հանձնեցի այդ երիտասարդներից Արսեն Պետրոսյանցին, ում ես միայն ազգանունով եմ ճանաչում: Չեր կողմից ինձ ներկայացված նամակը գրված է իմ ձեռքով և իմ կողմից փոխանցված է նշյալ Պետրոսյանցին՝ Կորյունից նրան պահպանության հանձնված զենքը հետ ստանալու համար: Ինձ հայտնի է, որ Կորյուն վարդապետը Ելիզավետպոլի ինքնապաշտպանության հանձնաժողովի ղեկավարն էր, սակայն այդ հանձնաժողովում նրա գործունեության մասին ես ոչինչ չգիտեմ: Վերոնշյալ զենքը նրան պահպանության էր հանձնված որպես իմ լավ ծանոթի, այլ ոչ թե՛ որպես ինքնապաշտպանության հանձնաժողովի նախագահի: Այն մասին, որ ինքնապաշտպանության հանձնաժողովները ենթարկվել են հայ հեղափոխական «Դաշնակցություն» կուսակցությանը՝ ես միայն թերթերից գիտեի: Այդ հանգամանքի մասին 1906 թ. վերջին և 1907 թ. սկզբին «Մշակ» թերթից իմացա: «Դաշնակցություն» կուսակցությանը Կորյունի պատկանելության մասին ինձ ոչինչ հայտնի չէ, սակայն կարծում եմ, որ նա այդ կուսակցությանը

չի պատկանել¹⁷: Վերադարձրել է իմ գրությանը գեներ Կորյունը, թե՞ ոչ – ինձ անհայտ է: Ով էր գտնվում Ելիզավետապոլի ինքնապաշտպանության հանձնաժողովի կազմում՝ ես չգիտեմ, և այդ առթիվ ինձ ոչինչ հայտնի չէ: Հավելեմ, որ Շուշի քաղաքում բնակչության կողմից հաշտեցման հանձնաժողովի կազմում ես 1905թ. հունիսին ընտրվեցի, իսկ ինքնապաշտպանության հանձնաժողովի կազմում ինձ ընտրեցին հայ-թաթարական կոտորածից հետո՝ 1905թ. օգոստոսին: Ավելին ցուցմունք տալ չեմ կարող: Ներկա արձանագրությունն ինձ ընթերցված է: ՀԱԱ, ֆ. 1457, ց. 3, գ. 1, ք. 653-654:

Թարգմանություն ռուսերենից:

**ԹԻՎ 5
ՃՆՆՄԱՆ ԱՐՉԱՆԱԳՐՈՒԹՅՈՒՆ**

1909 թ., օգոստոսի 7-10: Քաղաք Նուխ-չերկասկ:

Նուխչերկասկի օկրուգային դապարանին կից հաբուկ կարևորության գործերով Դաբասկան Քննիչը Նուխչերկասկի Դաբասկան պալատի Դաբասիսագի տեղակալի և ներքուտրագրյալ ընթերակասների ներկայությամբ իրականացրեց Ելիզավետապոլ քաղաքում «Երևան քաղաքի բնակիչ Համազասպ Խաչատուրով Սերվոնասյանցի մասին» ժամանակավոր զինվորական դապարանի գործի գնումը:

Ըստ այդմ, զննմամբ պարզվեց:

155 թերթ պարունակող այդ գործը սկսվել է 1908թ. ապրիլի 20-ին:

Այդ գործի 4-րդ թերթում կա հետևյալ բովանդակությամբ մեղադրական ակտը.

«Երևան քաղաքի բնակիչ Համազասպ Խաչատուրով Սերվոնասյանցի մասին գործով: 1906 թ. հունիսի 19-ին ատրճանակներով և նորագույն համակարգի գեներով զինված մի քանի հարյուր հայեր՝ ղեկավար ունենալով մեկ հայի, Քնային-Քայա, Քուշնազար և Նարիշտար վայրերում նախապես սկսեցին գնդա-

կոծել շիխովեճիների¹⁸ թաթարական քոչատեղիները՝ սպանելով մեկ և վիրավորելով մի քանի թաթարի, ապա երբ քոչվորները փախան, վրաններից գողացան նրանց գույքը և բշեցին նրանց անասունները: Այս դեպքը հետաքննություն և նախաքննություն կատարելու առիթ ծառայեց, ընդ որում պարզվեց հետևյալը: 1906 թ. հունիսի 19-ի առավոտյան քոչուն-ամիլյարցի և նարիշտարցի՝ շիխովեճիների թաթարական քոչատեղիների վրա Էյլան-Թայթիում, Քնային-Քայա վայրի մոտ, հարձակվել են երեք խմբերով, ատրճանակներով և նորագույն համակարգի գեներով զինված մոտ երեք հարյուր հեծյալ և հետիոտն հայեր, ունենալով կարմիր դրոշներ, շեփոհարներ և թմբուկներ յուրաքանչյուր խմբում, և մեկ ընդհանուր առաջնորդով՝ Երևանի բնակիչ Համազասպ Սերվոնասյանց: Մոտենալով այդ քոչատեղիներին՝ հայերը նախապես սկսեցին դրանք համազարկով գնդակոծել, ապա հետո, երբ թաթար քոչվորներն իրենց ընտանիքներով վախից ցրվեցին, թաքնվելով մերձակա սարերի ժայռերում, նրանց գույքը վրաններից գողացան և շատ անասուններ փախցրին: Հայերի կրակով սպանվեց Քոչուն-Ամիլյար գյուղի մի բնակիչ, վիրավորվեց Նարիշտար գյուղից մեկը և Նայիբի գյուղից երկուսը: Դրանից զատ գերվեց մեկը: Հայերը թալանելով Նարիշտարի և Շիխովեճի քոչատեղիները՝ սկսեցին բշել անասուններին: Ջինված քուրդի-ցիցիների հետ փոխհրաձգության ժամանակ սպանվել է վերոհիշյալ խմբերից մեկի առաջնորդը, շեփոհարը և ևս մեկ հայ, սակայն շուտով հայերը թալանված գույքով և անասուններով ուղղվեցին Նարիշտարի ձմեռատեղի, ապա հետապնդումից թաքնվեցին անտառում: Այդ հարձակման ժամանակ հայերի կողմից փախցվեց 829 գլուխ եղջերավոր անասուն, 400 ոչխար, 22 ձի, և վրաններից տարան տարբեր տնային իրեր՝ տուժողների գնահատմամբ շուրջ 5.000 ռուբլի գումար և փողով 70.000 ռուբլու, իսկ ընդհանուր առմամբ

17 Իրականում Կորյուն վարդապետն անդամակցել է ԳՅԴ-ին, իսկ Համազասպն ուղղակի փորձում էր նրան զերծ պահել դատական հետապնդումներից: 18 Թաթարական քոչվոր ցեղ:

նույն գնահատմամբ՝ 43.377 ռուբլի արժեքի¹⁹: Բազմաթիվ վկաների [թաթարներ և ռուս ոստիկաններ] ցուցմունքների համաձայն՝ հայերի առաջնորդը եղել է հանրահայտ Համազասպը, ում ճանաչել են Համազասպ Խաչատուրով Սերվանաստյանի (նույն ինքը Սերվոնասյանց) լուսանկարչական քարտով, ով հայկական դիրքերից ռաքի է կանգնել և ցանկանալով վախ սփռել թաթարների վրա՝ նրանց ասել է. «Ինչ եք քիթներդ խոթում այստեղ, չեք տեսնում, որ այս դիրքը զբաղեցված է իմ՝ Համազասպի կողմից»: Նա ունեցել է մատուցել համակարգի գեներ և փամփուշտներով բաճկոն²⁰: Նա հարձակումից առաջ ժամանել է թաթարների գյուղ և բնակիչներին խորհուրդ տվել հայերի հետ չվիճել և նրանց վրա չհարձակվել: Որպես մեղադրյալ հարցաքննված Համազասպ Սերվոնասյանցն իրեն մեղավոր չի ճանաչել և բացատրել է, որ 1905 թ. նա ոչ մի ավագակախումբ չի կազմակերպել, իսկ հայ-թաթարական անկարգությունների ժամանակ Շուշիում կազմակերպել է ինքնապաշտպանություն: Հարձակման օրը՝ հունիսի 19-ին, գտնվել է Շուշիի գավառի Խաչեն գյուղում, որտեղ թաթարների հետ խաղաղ բանակցություններ է վարել: Նշյալ մեղադրյալի վրա գործում գրավոր տվյալներ չկա:

Վերոշարադրյալի հիման վրա Երևան քաղաքի բնակիչ Համազասպ Սերվանոսյանցը (նույն ինքը Սերվանաստյան) մեղադրվում է.

1. Այն բանում, որ 1905 թ. ռազմական դրության մեջ գտնվող Ելիզավետպոլի մահանգի Ջևանշիրի գավառում սադրանքի կատարման և թաթարներից գույքի բացահայտ գողացման նպատակով կազմակերպել է նորագույն զենքերով և տորճանակներով զինված մի քանի հետևակ և հեծյալ հայերից կազմված ավագակախումբ, ինչը նախատեսված է Պատժի մասին կանոնադրության 13-րդ և 924-րդ հոդվածներով:

2. Այն բանում, որ ի կատարումն վերոհիշյալ ավագակախմբի նպատակադրումների՝ նա 1906 թ. հունիսի 19-ի առավոտյան Ջևան-

շիրի գավառի Քևային-Քայա և Քոշուն-Ամիլյար վայրերում բացահայտ հարձակվել է թաթարական քոչատեղիների վրա, շրջապատել նրանց և քոչվորների վրա սարսափ սփռելու և նրանց գույքին հեշտ տիրանալու նպատակով նախապես ռմբակոծելով այդ քոչատեղիները՝ սպանել է մի թաթարի, վիրավորել երեքի, ապա գերել մեկի, սեփականացման նպատակով քոչվորներին պատկանող գույքից բացահայտ ուժով զավթել 829 գլուխ եղջերավոր անասուն, 400 ոչխար, 22 ձի, 70.000 ռուբլի փող և տարբեր տնային իրեր՝ ընդհանուր առմամբ 43.377 ռուբլի գումարի, որից հետո գողոնով թաքնվել է, ինչը նախատեսված է նույն կանոնադրության 1627-րդ, 1629-րդ, 1632-րդ, 1633-րդ, 1634-րդ հոդվածներով:

Երեք նշյալ զանցանքների համար Երևան քաղաքի բնակիչ Համազասպ Խաչատուրով Սերվանոսյանցը (նույն ինքը Սերվանաստյան) 1892 թ. հրատարակված օրենքների հավաքածուի 2-րդ հատորի 23-րդ հոդվածի 19-րդ հավելվածի հիման վրա Ելիզավետպոլի ժամանակավոր նահանգապետի կողմից հանձնվել է Կովկասյան ռազմական օկրուգային դատարանին: Սեղադրական ակտը կազմվել է 1907 թ. հոկտեմբերի 20-ին Ելիզավետպոլ քաղաքում: Ռազմական Դատախազի օգնական կապիտան Սոկոլսկի»:

Այդ գործի 125-րդ բերթում կա Ելիզավետպոլ քաղաքում ժամանակավոր Ռազմական դատարանի 1909թ. փետրվարի 23-ի վճիռը: Այդ վճիռից երևում է, որ Երևան քաղաքի բնակիչ Համազասպ Սերվոնասյանցը (նույն ինքը Սերվոնաստյան) Պատժի մասին կանոնադրության 269-րդ հոդվածի 2-րդ կետի համաձայն մեկ տարի ժամկետով դատապարտվել է ուղղիչ կալանավորման բաժանմունք հանձնման՝ անձնապես ըստ սեփականության կամ կոչման նրան շնորհված բոլոր հատուկ իրավունքներից ու արտոնություններից զրկմամբ:

Սույն գործի 50-րդ էջում առկա է մեղադրյալ Համազասպ Խաչատուրով Սերվա-

19 Դատական մարմիններն անհասկանալի և ակնհայտորեն սխալ հաշվարկ են կատարել: 20 Նկատի ունի այսպես կոչված «պատրոնդաշը»:

մաստայանի հարցաքննության արձանագրությունը, որից պարզվում է, որ մեղադրյալ Սերվանաստյանը իրեն մեղավոր չի ճանաչել:

ՀԱԱ, ֆ. 1457, ց. 3, գ. 1, ք. 668-669, 675:

Թարգմանություն ռուսերենից:

ԹԻՎ 6

**ՄԵՂՎՊԻՅԱԼԻ ՀԱՐՑԱՔՆՆՈՒԹՅԱՆ
ԼՐԱՅՈՒՑԻՉ ԱՐՉԱՆԱԳՐՈՒԹՅՈՒՆ**

1910 թ. հոկտեմբերի 25: Քաղաք Նովոչերկասկ:

Նովոչերկասկի օկրուգային դատարանին կից հատուկ կարևորության գործերով Դատական Քննիչը Բրեական դատավարության կանոնադրության 403-405-րդ հոդվածների հիման վրա որպես մեղադրյալ հարցաքննեց ներքուսկանյային և նա ցուցմունք տվեց.

Համազասպ Խաչատուրով Սուրվասյանց – լրացուցիչ ցուցմունք եմ տալիս:

«Հարգարժան Սուրբ Հայր»-ի անունով հղված-ընթերցված հայերեն մամակում գտնված ինչպես Դուք, Դատական Քննիչ, ասում եք, Թիֆլիսում 1906 թ. հոկտեմբերի 25-ին, Կորյունի շտաբի կազմում «Դաշնակցություն» կուսակցությունից մտած անձանց ցանկում նշվում է «իշխան Համազասպ» անունով մեկը: Հայտարարում եմ, որ նման մամակն ինձ վերաբերել չի կարող, քանի որ ես այդպիսի մակնունն երբեք չեմ կրել: Ձեր կողմից ներկայացված հայերեն մամակում գտնված ինչպես Դուք, Դատական Քննիչ, ասում եք, վարդապետ Կորյունի մոտ Ելիզավետպոլ քաղաքում՝ 1907 թ. օգոստոսին վարդապետ Կորյուն Սահակյանի անունով «Քո Համազասպ» ստորագրությամբ, նազան ատրճանակ ուղարկելու մասին – իմ կողմից չի գրված, և այդ առթիվ ես հայտարարում եմ, որ հայ-թաթարական ընդհարումների ժամանակ, իրենց ընտանիքների պաշտպանության հա-

մար Բաքվից եկած Վանք և Դավչանու գյուղերում գտնվող հայերը բերել էին Բաքվի իրենց տերերին պատկանող ատրճանակները: Այդ ընդհարումների ավարտից հետո այդ անձինք պետք է գնային Բաքու՝ իրենց ծառայության վայրերը: Նրանք էին Արսեն Բոգդանի Երեմյանը և Լևոն Մելիք-Նուբարյանը²¹: Նրանք պետք է իրենց հետ զենքերը վերցնեին, որպեսզի վերադարձնեին տերերին, սակայն ռազմական դրության պատճառով նրանք դա չկարողացան անել: Նրանք ցանկանում էին զենքը որևէ վստահելի անձի մոտ պահպանության թողնել և այդ հարցով ինձ դիմեցին, քանզի ես Կորյուն վարդապետի համաքաղաքացին էի: Երկուսս էլ Վան քաղաքից էինք, դրանից զատ՝ Կորյուն վարդապետն իմ քավորն է: Ես նախագոյազարի Կորյուն վարդապետին, որ նրան պահպանության համար նշյալ անձինք ատրճանակներ կբերեն, ինչին նա համաձայնեց: Այդ անձինք զենքը Կորյուն վարդապետի մոտ տարան: Որոշ ժամանակ անց Երեմյանցն այդ ատրճանակները վերցնելու համար դիմեց ինձ: Ես նշյալ գրությունը Կորյուն վարդապետին գրեցի: Բանվոր Երեմյանցը տարավ այն և ստացավ նրա մոտ պահպանվող ատրճանակները, որոնք Երեմյանցին Բաքվում նենգաշորթներից պաշտպանվելու համար էին անհրաժեշտ²²: Ինձ ներկայացված և իմ կողմից ընթերցված հայերեն մամակը՝ գտնված ինչպես Դուք, Դատական Քննիչ, ասում եք, մույն Եղիզարովի²³ մոտ՝ «Հայ Հեղափոխական «Դաշնակցություն» կուսակցության Ջևանշիրի ինքնապաշտպանության մարմին» ստորագրությամբ, 1906 թ. օգոստոսի 1-ին՝ Ջևանշիրից «Ընկերներ»-ի անունով – իմ կողմից չի գրված և ինձ հետ ոչ մի առնչություն չունի: Այդ մամակի առթիվ ես դատարանում բացատրություն կտամ, ընդ որում «Համազասպ» ստորագրությունն այդ մամակում կեղծված է:

ՎԱՍԻՍՅԱՆ

Բ (Ը) ԳՊՔԻ, քիվ 2(30) աստի-հունիս 2010

ԿԵՄ համահայկական հանդես

21 Այն հայտ է, որ նշյալ անձինք Բաքվի ԳՅԴ կենտրոնական կոմիտեից ուղարկվել էին ինքնապաշտպանությանը մասնակցելու համար: Համազասպն այս անձանց դատական հետապնդումից զերծ պահելու համար նրանց գործունեությունն անձնական հենքի վրա է ներկայացնում:
22 Ավելի ճիշտ՝ հայության ինքնապաշտպանության համար:
23 Սարգիս (Սերգեյ) Փաշոյի (Պողոսի) Եղիզարյանը կուսակցական գործիչ էր, զբաղվում էր Թիֆլիսի «Յերմես» տպարանում ԳՅԴ գրականություն հրատարակելով: Ձերբակալվել է լիժինյան գործով:

Չեր կողմից ներկայացված հայերեն հինգ մամակները՝ գտնված, ինչպես Դուք, Դատական Քննիչ, ասում եք՝ Շուշի քաղաքում, Հակոբովների տանը, «Համազասպ» ստորագրությամբ, «Վարդանի»²⁴ անունով, իմ կողմից չեն գրված և ինձ հետ ոչ մի առնչություն չունեն: Վարդանի անձն ինձ հայտնի է, բայց նրա անուն-ազգանունը չգիտեմ²⁵: Վարդանը Դարաբաղի շրջանում թաթարներից հայերի ինքնապաշտպանության ղեկավարն էր:

Կարդացված է: Հավելում եմ: Խնդրում եմ ինձ տրամադրել «Դաշնակցություն» կուսակցությանն իմ պատկանելության մեղադրանքի գործի պատճենը:

Ստորագրություն – հայերեն:
Երովյալ թարգմանիչ՝ Նադիրաձե
Դատական Քննիչ՝ Ն. Լիժին
Պալատի Դատախազի տեղակալ՝ Ալասկով
ՀԱԱ, ֆ. 1457, ց. 3, գ. 5, թթ. 4214-4215:
Թարգմանություն ռուսերենից:

**ԹԻՎ 7
ՈՐՈՇՈՒՄ**

1911 թ. փետրվարի 11-ից մինչև 24-ը:
Քաղաք Նովոչերկասկ:

Նովոչերկասկի օկրուգային դատարանի հարստի կարևորության գործերով Դատական Քննիչը, դիտարկելով հայ հեղափոխական «Դաշնակցություն» կուսակցության գործով իր կատարած նախաքննությունը, ԳՏԱՎ

Որ ներքոնվանյալ մեղադրյալները՝ սույն գործով ներկայացված Քրեական դատավարության կանոնադրության 448-րդ և 476-րդ հոդվածների հիման վրա, նախաքննությամբ արել են հետևյալ հայտարարությունները.

30. Համազասպ Մերվոյանց.
Հնարավորություն տալ մեկ անգամ էլ ծա-

նոթանալ [իրեն] վերագրվող փաստաթղթերին և համեմատել թարգմանությունների հետ, որպեսզի տա սպառիչ բացատրություններ:

Մինչև քննչական նյութի և բնագիր փաստաթղթերի հետ ծանոթանալն ավելին հավելել չեմ կարող:

ՀԱԱ, ֆ. 1457, ց. 3, գ. 6, թթ. 4460:
Թարգմանություն ռուսերենից:

Մեղադրյալ Համազասպ Մերվոյանցի կողմից.

Վկաներ Միրանի, Ալեքսանդր Միխայլովի (ըստ երևույթին՝ Միքայելյան) և Պետտիչի առթիվ կարող եմ հայտարարել, որ առաջին երկուսի առնչությամբ և՛ վարչակազմի, և՛ դատարանի²⁶ կողմից հաստատվել է, որ նրանք նենգաշորքներ են:

ՀԱԱ, ֆ. 1457, ց. 3, գ. 6, թթ. 4476:
Թարգմանություն ռուսերենից:

**ԹԻՎ 8
ՈՐՈՇՈՒՄ**

1911 թ. փետրվարի 11-24: Քաղաք Նովոչերկասկ: Նովոչերկասկի օկրուգային դատարանի հարստի կարևորության գործերով Դատական Քննիչը ԳՏԱՎ, որ ներքոնվանյալ մեղադրյալը Քրեական դատավարության կանոնադրության 448-րդ և 476-րդ հոդվածների համաձայն՝ ներկայացված սույն գործի նախաքննությամբ, կատարել է հետևյալ հայտարարությունները.

XXXXXXXV. Համազասպ Խաչատրովի Մերվոյանց.

- 1. Կրկին ծանոթացնել քննչական նյութին:
- 2. Կրկին ծանոթացնել իրեն վերագրվող փաստաթղթերին և դրանք թարգմանությունների հետ համեմատել, որպեսզի հետագայում պարզաբանում տա:

24 Վարդան, Խանասորի Վարդան (Մեիրաբյան Սարգիս) – ազգային-ազատագրական պայքարի անվանի գործիչ: Ծնվել է Շուշիում: 1897 թ. Խանասորի արշավանքի ընդհանուր հրամանատար: 1905-1906 թթ. հայ-թաթարական կռիվների ժամանակ ղեկավարել է Արցախի հայության ինքնապաշտպանությունը: 1915 թ. ղեկավարել է Արարատյան զուևորդ: Մահացել է 1943 թ. Երևանում:

25 Վարդանին իրեն նվագ ծանոթ համարելով՝ Յամազասպը ցանկացել է նրան ևս գերծ պահել դատական հետապնդումից:

26 Նկատի ունի ցարական դատարանը:

3. Ելիզավետպոլ քաղաքում Գատական Քննիչ Սոլովյովի կողմից 1909թ. հունիսին թարգմանչի միջոցով հարցաքննության ժամանակ Սերվոյանցին հարց էր տրվել Ելիզավետպոլում 1905 թ. նոյեմբերի 18-30-ին «Գաշնակցություն» կուսակցության շրջանային ժողովին նրա մասնակցության առնչությամբ, սակայն ընթերցման ժամանակ պարզվել է, որ այդ ժողովը տեղի է ունեցել Թիֆլիս քաղաքում: Ընչտ այդպես՝ Գատական Քննիչ Սոլովյովի կողմից գրառված է, որ Սերվոյանցը ասել է, թե դեմ է եղել «Գաշնակցություն» կուսակցությանը, բայց նա այդպիսի բան չի հայտարարել, քանզի Սերվոյանցը դեմ չէր «Գաշնակցություն» կուսակցությանը, այլև նույնիսկ 1905 և 1906 թվերին հայ-թաթարական ընդհարումներում նրա դերը նկատի առնելով՝ կուսակցությանը վերաբերվել է մեծ հարգանքով:

4. Որպես հաստատում այն բանի, որ Գատական Քննիչ Սոլովյովը Սերվոյանցին հարցաքննել է հայերեն լեզվին անծանոթ թարգմանչի միջոցով՝ ինքը խնդրում է այն բանի վրա ուշադրություն դարձնել, որ թարգմանչի թելադրանքի ներքո իր կողմից գրված նամակը հայերեն նամակի բնագիր տեքստին չի համապատասխանում:

5. Քանի որ մեղադրման նպատակներով Գատական Քննիչի կողմից նպատակահարմար է գտնվել հայ ժողովրդի և հայ եկեղեցու բնութագրումն ընդհանրացնել Էջմիածնի հայկական սինոդի նախկին դատախազ Ֆրենկելի հաղորդման հիման վրա՝ Սերվոյանցը խնդրում է հայ ժողովրդի բնութագրման համար սույն գործին կցել Կովկասի փոխարքայի հետարքայազն Նսպոլեոնի ողջ գրագրությունը:

6. Որպես հաստատում այն բանի, որ թաթարները զինված էին ամենից կատարելագործված զենքով, իսկ հայերը կառավարու-

թյան վրա հույս դնելով՝ մեծ լուրջ պայքարի պատրաստ չէին և վատ էին զինված, որ մարտական փամփուշտները, որոնց հաշիվը Գատական Քննիչի կողմից հասցվում է տասնյակ հազարների՝ նպատակաուղղված էին թաթարների դեմ պայքարի համար, հայտարարում է հետևյալը: Շուշիի երկրորդ կոտորածի տաս օրերի ընթացքում հայերի կողմից ծախսվել է 310.000 փամփուշտ, և որ թաթարները՝ ինչպես հազար տարի առաջ, այնպես էլ այժմ, մնացել են նույն անկիրթ ազգը, և որ թաթարական խաժամուժին գազանությունների մեջ չի կարելի կասկածել՝ Սերվոյանցը ներկա գործին կցելու համար կներկայացնի Ալիբեգովի «Արյունոտ օրեր Ելիզավետպոլում» գրքույկը²⁷:

7. Որպես ապացույց այն բանի, որ բոլոր խորհրդակցությունները և ժողովները, որտեղ խոսվել է ինքնապաշտպանության տնտեսական հարցերի և կարիքների մասին, լեզալ էին, և որ 1905-1906թթ. հայ-թաթարական կոտորածների ժամանակահատվածում «Գաշնակցություն» կուսակցության գործունեությունը միանգամայն լեզալ էր, առաջարկում է Ա. Կցել ներկա գործին հայ-թաթարական կոտորածների ժամանակ պետական-կառավարական անձանց և հայ ժողովրդի ներկայացուցիչների գրագրությունը; Բ. Ուշադրություն դարձնել այն բանի վրա, որ չնայած սոցիալ-դեմոկրատական կուսակցության²⁸ հակակառավարական ծրագիրը Կովկասի փոխարքային հայտնի լինելուն, Կովկասի փոխարքա կոմս Վորոնցով-Գաշկովը²⁹ հայ-թաթարական կոտորածի ծագման առթիվ դիմել էր սոցիալ-դեմոկրատների ներկայացուցիչ Ռամիշվիլուն³⁰, և անկարգությունները կանխելու համար նրան 500 պետական բերդակնկա³¹ հանձնել: Ընդ որում, սոցիալ-դեմոկրատները թեքի վրա իրենց նշանով, դաշնակցականները՝ իրենց

27 Նկատի ունի հետևյալ գիրքը. Алибегов И. Елисаветопольские кровавые дни перед судом общества. Зарвавшиеся “публицист” и его общественные сподвижники.- Тифлис: К. П. Козловский, 1906, 181 с.
 28 Նկատի ունի վրաց սոցիալ-դեմոկրատներին:
 29 Վորոնցով-Գաշկով Իլլարիոն (1837, Պետերբուրգ–1916, Ալուպկա) - ռուս պետական գործիչ: 1905-1915 թթ. եղել է Կովկասի փոխարքա:
 30 Նոյ Ռամիշվիլին հետագայում դարձավ անկախ Վրաստանի առաջին վարչապետը:
 31 Հրացանի տեսակ:

կուսակցական նշանով – սպիտակ կտավի վրա, և այլն, քաղաքում զինված զբոսնում էին, և նրանց չէին ձերբակալում, իսկ առանց կուսակցական նշանների զինված անձանց զինվորներն անմիջապես ձերբակալում էին, և այդ ամենը տեղի էր ունենում փոխարքայի օգնականներ գեներալներ Շիրինկինի և Մալամայի աչքի առջև: Այա, Ելիզավետպոլում 1905 թ. նոյեմբերի 28-ին՝ ինքնասպան զինվորի թաղման ծեսին, գերեզմանոցում ներկա էին սպաները և զինվորները³² գեներալ Ֆլեյշերի գլխավորությամբ, զինվորական նվագախումբը, ում կողքով տանում էին «Դաշնակցության» դրոշը «Մահ կամ ազատություն» մակագրությամբ, և քայլում էին այդ կուսակցության 400 զինված զինվորներ: Այդ թաղման թափորը լուսանկարվել է, և լուսանկարը Սերվոյանցը գործին կցելու համար կներկայացնի; Գ. Սույն գործին կցել հայ-թաթարական կոտորածների հարցի առթիվ 1906 թ. փետրվարին Կովկասի փոխարքայի պալատում նրա օգնական Մալամայի նախագահությամբ տեղի ունեցած համագումարի որոշումները, քանի որ նշյալ համագումարի բանաձևերում պարզաբանվում է «Դաշնակցության» մանրամասն դերը՝ որպես ոչ միայն ռուսական կառավարության ոչ ակտիվ հակառակորդի, այլ նույնիսկ՝ այն պարտականությունը կատարողի, որն ընկած էր ռուսական կառավարության վրա:

8. Թիֆլիսում 1905 թ. նոյեմբերի 13-30-ին գումարված շրջանային ժողովի առնչությամբ Սերվոյանցը հավաստում է, որ ինչ-որ անհայտ անձի հետ եղել է ինչ-որ ժողովում, որտեղ գտնվել են հոգևորականներ, վաճառականներ, և որ Սերվոյանցն այդ ժողովում ասել է այն ամենը, ինչ առկա է ներկա գործում գտնվող «Դաշնակցություն» կուսակցության շրջանային ժողովի արձանագրության մեջ, սակայն նրան անհայտ էր, որ դա եղել է «Դաշնակցություն» կուսակցության նիստը, ընդ որում նա ներկա է եղել մինչև նոյեմբերի 16-ը, և ըստ նրա՝ այնտեղ ոչ մի հակակառավարական բան տեղի չի ունեցել և չի ասվել: 1905 թ

նոյեմբերի 17-ին Սերվոյանցը Չրելակի և Արարատյանցի հետ մեկնել է Ելիզավետպոլ, և միջնորդում է իր այդ մեկնման մասին հարցաքննել Չրելակին և Արարատյանցին:

9. Եղիզարովի մոտ գտնված «Համազասպ» ստորագրությամբ Ջևանշիրից 1906 թ. օգոստոսի 1-ի նամակը Սերվոյանցի կողմից չի գրված, այլ միայն նրա կողմից ստորագրված է «Հանուն Հայ Հեղափոխական «Դաշնակցություն» կուսակցության Ջևանշիրի ինքնապաշտպանության մարմնի, Համազասպ», այլ ոչ թե «Դաշնակցություն» կուսակցության Ջևանշիրի կոմիտեի անդամ», ինչպես Սերվոյանցն անվանվում է Դատական Քննիչի կողմից: Առավել ևս, որ Ջևանշիրի գավառում ոչ մի հեղափոխական կոմիտե գոյություն չի ունեցել, իսկ որպես նշյալ գավառում որևիցե հեղափոխական կոմիտեի լրիվ բացակայության հաստատում – հարցաքննել Ջանդիեռիին, Պողոս Տեր-Սարգիսովին, Ջախարբեկովին, Աբրահամ Ջալալովին, Աբաբեկ Ջալալովին և Բախշի Յուզբաշևին, որոնք նույնպես կապացուցեն, որ Համազասպ Սերվոյանցը ոչ մի հեղափոխական գործի չի մասնակցել, այլ նրա ողջ գործունեությունը միայն ինքնապաշտպանությանն է նվիրված եղել:

10. Շուշիի պահեստում Համազասպ Սերվոյանցի ստորագրությամբ գտնված նամակների առնչությամբ նա հայտարարում է, որ թեպետ իր կողմից այդպիսի նամակներ են գրվել, սակայն նա կազակների վրա հարձակվելու մտադրություն չի ունեցել, ինչպես պահանջում էր հայ ժողովուրդը³³, այլ միայն ցանկացել է կանխել սնանատիպ հարձակումը, և այդպիսի նամակ իր կողմից Գրիգոր Քալանթարովի միջոցով փոխանցվել է ինքնապաշտպանության գլխավոր պետ Վարդանին հանձնելու համար, ինչի առթիվ միջնորդում է Գրիգոր Քալանթարովին հարցաքննել:

11. Որ Եղիզարովի մոտ 12-13 չարդախվեցիների ստորագրություններով գտնված նամակում Համազասպ Սերվոյանցի

32 Նկատի ունի ցարական բանակի զինվորներին:

33 Փաստաթղթում բառացի այսպես է:

անունը հիշատակվում է նրա համար վիրավորական իմաստով՝ «իշխան Համազասպ» անվան տակ – հարցաքննել Չարդախլու գյուղի բնակիչներին առ այն, թե լսե՞լ է արդյոք նրանցից որևէ մեկը, որ Համազասպ Սերվոսյանցն իրեն երբևիցե անվանած լինի «իշխան Համազասպ», ինչպես նաև որպես հաստատում այն բանի, որ այդ նամակը որպես անստորագիր՝ ոչ մի նշանակություն չունի, կցել զինվորական դատարանի կողմից կազմված Կորյուն վարդապետի մեղադրական գործին:

12. Վկաներ Միհրանի, Ալեքսանդր Միխայլովի (Ալեքսանդր Միքայելյանց), Եգորովի և Պետտիչի ցուցմունքների առթիվ [Հ. Սրվանձտյանցը] հայտարարում է, որ առաջին երկուսի առնչությամբ և՛ դատարանի և՛ վարչակազմի կողմից հաստատվել է, որ նրանք նենգադրվել են, իսկ վերջին երկուսի ցուցմունքներն իրականությանը չեն համապատասխանում:

13. Հանձնել գործից պատճեններ:

14. Կատարել այն 240 փաստաթղթերի թարգմանությունը, որոնք թարգմանված չեն և որոնք միգուցե կարող են «Դաշնակցություն» կուսակցության մեջ իր չմասնակցությունը հաստատել, քանզի քննչական վարույթում ասված է, որ գտնված է 946, մինչդեռ թարգմանված է միայն 664 փաստաթուղթ:

15. Մինչև քննչական նյութի բնօրինակ փաստաթղթերի հետ նոր ծանոթացումը՝ հավելելու ոչ մի բան չունի:

ՀԱԱ, ֆ. 1457, ց. 3, գ. 6, ք. 4419-4421:

Թարգմանություն ռուսերենից:

* * *

Մեղադրյալ Համազասպ Սերվոսյանցի դիտարկություններն այն մասին.

1. Որ Ելիզավետպոլ քաղաքում 1909 թ. հունիսին ներկա գործով Դատական Քննիչ Սոլովյովի կողմից թարգմանչի միջոցով հարցաքննության ժամանակ հարց է տրվել՝ մասնակցե՞լ է արդյոք մեղադրյալ Համազասպ Սերվոսյանցը 1905 թ. նոյեմբերի 18-30-ին Ելիզավետպոլ քաղաքում «Դաշնակցություն» կուսակցության շրջանային ժողովին, սակայն քննչական նյութի ընթերցման ժամանակ

պարզվել է, որ այդ ժողովը տեղի է ունեցել Թիֆլիսում:

2. Որ թարգմանիչը, ում միջոցով իրեն հարցաքննել է Դատական Քննիչ Սոլովյովը, բացարձակապես ծանոթ չէր հայերենին, քանի որ Սերվոսյանցի կողմից թարգմանչի թելադրման ներքո էր գրվել ձեռագիրը, որի տեքստը հայերեն բնագիր նամակի տեքստին չի համապատասխանում: Բացի դրանից, հարցաքննության ժամանակ Սերվոսյանցի կողմից Դատական Քննիչ Սոլովյովին իբր ասվել է, որ ինքը հեղափոխական գործունեության անընդունակ և անպատրաստ է, մասնավորապես «Դաշնակցություն» կուսակցությանը անդամակցելու համար, որին Սերվոսյանցը վերաբերվել է հարգանքով՝ ի տես 1905-1906 թթ. հայ-թաթարական ընդհարումներում նրա դերակատարության, իսկ Դատական Քննիչ Սոլովյովի կողմից գրված է, որ իբր՝ Սերվոսյանցը դեմ էր «Դաշնակցություն» կուսակցությանը:

3. Որ թաթարները զինված էին ամենից նոր արտադրության զենքերով, իսկ հայերը պատրաստված չլինելով և կառավարության օգնությանը հուսալով՝ ոչ միայն թաթարների դեմ պայքարի պատրաստ չէին, այլև նույնիսկ վատ էին զինված:

4. Որ մեղադրման նպատակով քննության ընթացքում հարմար է գտնվել հայ ժողովրդի և հայ եկեղեցու բնութագիրը ներկայացնել նախկին դատախազ Ֆրենկելի հաղորդման հիման վրա, ինչի հետևանքով Սերվոսյանցը խնդրում է հայ ժողովրդի բնութագրման համար ներկա գործին կցել Կովկասի փոխարքայի հետ արքայազն Նապոլեոնի ողջ գրագրությունը:

5. Որ Եղիզարովի մոտ գտնված 1906 թ. օգոստոսի 1-ի Ջևանշիրից «Համազասպ» ստորագրությամբ նամակը գրել է Սերվոսյանցը, սակայն իր կողմից ստորագրված միայն բնագրի վրա կա այսպիսի ստորագրություն. «Հանուն Հայ Հեղափոխական «Դաշնակցություն» կուսակցության Ջևանշիրի ինքնապաշտպանության մարմնի, Համազասպ», այլ ոչ թե «Դաշնակցություն» կուսակցության Ջևանշիրի կոմիտեի անդամ», ինչպես անվանում է Դատական Քննիչը: Դրա համար

էլ որպէս Ձևանշիրի գավառում երբևէ հեղափոխական կոմիտէի բացակայության և այդ գավառում որևէ մեկի կողմից հեղափոխական գործունեություն չըղևնորելու ապացույց, ինչպէս նաև [որևէ] հեղափոխական կուսակցության մեջ մեղադրյալ Սերվոյանցի չմասնակցելու առթիվ՝ նա միջնորդում է նշյալ վկաների հարցաքննության մասին:

6. Որ գեների և ռումբերի Շուշիի պահեստում «Համազասպ» ստորագրությամբ գտնված մասնակները Սերվոյանցի կողմից Վարդանի անունով գրված են միայն կազակների վրա հարձակվելու՝ հայ ժողովրդի պահանջների և ոչ թե հարձակում կատարելու՝ Սերվոյանցի ցանկության առթիվ: Հարձակման կանխարգելման նպատակով Սերվոյանցի կողմից այդպիսի մասնակ Վարդանին որպէս ինքնապաշտպանության ղեկավարի է գրվել: Այդ մասնակը Վարդանին հանձնելու համար փոխանցվել է Գրիգոր Քալանթարովի միջոցով, ում և միջնորդում է այդ առթիվ հարցաքննել:

Սակայն մեղադրյալի այս բոլոր դիտողություններն իրականությանը չեն համապատասխանում, այլ միայն վկայում են իր ցուցմունքները ձևափոխելու նրա ընդունակության մասին՝ կախված այս կամ այն պայմանից, որոնք նա իր համար առավել ձեռնտու է համարում, որպէսզի ինչ-որ կերպ իրենից շեղի որևէ հեղափոխական կուսակցության գործունեությանը մասնակցելու մեղադրանքը՝ հղում անելով նմանաբնույթ գործերին իր անընդունակությունը, քանի որ.

Առաջին, 1909 թ. հունիսի 3-ին Դատական Զեննիչ Սոլովյովի կողմից մեղադրյալ Սերվոյանցի հարցաքննության արձանագրության մեջ նույնիսկ փոքր հիշատակում չկա, որ Զեննիչի կողմից Սերվոյանցին հարց տրված լինի, թե արդյո՞ք նա մասնակցել է «Դաշնակցություն» կուսակցության 1905 թ. նոյեմբերի 13-30-ի Ելիզավետպոլի շրջանային ժողովին,

քանզի այդ արձանագրության մեջ նշված է. «Խմբապետ Համազասպը 1905թ նոյեմբերի 13-ից մինչև 30-ը գործում մասնակցություն է ունեցել կուսակցության շրջանային ժողովին, մատնանշելով կուսակցության Ելիզավետպոլի շրջանի համար ավելի քան 50.000 ռուբլու անհրաժեշտության վրա...³⁴»:

Երկրորդ, թարգմանիչը, ում միջոցով Դատական Զեննիչ Սոլովյովը հարցաքննել է մեղադրյալ Սերվոյանցին, Ելիզավետպոլի օկրուգային դատարանին կից պետական ծառայության մեջ գտնվող դատական կատարածու կիրթ հայ Սելիքովն էր, ով կատարելապէս տիրապետում է ինչպէս ռուսերենին, այնպէս էլ հայերենին: Այսպէս, տարօրինակ է, որ ռուս-հայկական³⁵ դպրոցում որևէ կրթություն չստացած, բացարձակապէս անկիրթ մեղադրյալ Սերվոյանցը հայերենի չիմացության մեջ կարող է կիրթ հային մեղադրել: Սեղադրման պատճառները ոչ միայն միամիտ են, այլև նույնիսկ ոչ մի հիմք չունեն, քանի որ թարգմանիչ Սելիքովը որևէ բանում բոլորովին մեղավոր չէ: Այդ ամենը միասին վերցրած՝ միայն վկայում է մեղադրյալ Սերվոյանցի ձգտման մասին ինչ-որ կերպ նսեմացնել բոլոր այն անձանց արժանիքները, որոնք ներկա գործում որպէս թարգմանիչ ինչ-որ մասնակցություն են ունենում:

Երրորդ, Սերվոյանցի կողմից մեղադրումը Դատական Զեննիչ Սոլովյովին՝ հարցաքննության արձանագրության մեջ «Դաշնակցություն» կուսակցության վերաբերյալ իր ասածները սխալ գրառելու առթիվ, այսինքն՝ որ [ինքը] հեղափոխական գործունեությանն անընդունակ և անպատրաստ է, մասնավորապէս՝ «Դաշնակցություն» կուսակցությանն անդամակցելու համար, որին Սերվոյանցը վերաբերվում է մեծ հարգանքով, մինչդեռ Դատական Զեննիչի կողմից արձանագրության մեջ գրված է, որ իբր՝ Սերվոյանցը «Դաշնակցություն» կուսակցությանը դեմ է եղել-ոչ

34 Ժողովի արձանագրության մեջ նշված է. «Ապառաժ (Շուշի, Դարաբաղ)՝ խմբապետ Համազասպ-Կարիք կա 600.000 ծայրի, 5.000 հրացանի եւ 50.000 ռ. դրամի՝ ընթացիկ ծախսերի համար»: Տե՛ս Նիւթեր Դ. Յ. Դաշնակցութեան պատմութեան համար, հտ., ք., Պէյրուս, 1985, էջ 237:

35 Բնագիր տեքստում բառացիորեն այսպէս է նշված, հավանաբար նկատի ունի՝ արևելահայ:

միայն իրականությանը չեն համապատասխանում, այլև նույնիսկ ցույց են տալիս այն պատճառը, որը Սերվոյանցին մղել է այդպիսի դիտողություն անելու, հատկապես որպեսզի [ինքը] ստրկորեն հետևի ներկա գործով կիրթ մեղադրյալներ Համազասպ Օհանջանյանին³⁶ և Աբրահամ Գյուլխանդանյանին³⁷, ովքեր Նովոչերկասկում հարցաքննության արձանագրություններում իրենց ասածների ոչ ճիշտ գրառման առթիվ նմանատիպ դիտողություններ էին արել, չնայած այն բանին, որ իրենց արդարացման օգտին բոլոր բացատրությունները կամ նրանց ներկայացված փաստաթղթերը երկվյալ թարգմանչի և Դատական պալատի Դատախազի տեղակալի ներկայությամբ էին գրառվել, բառացիորեն՝ Գյուլխանդանյանի և Օհանջանյանի թելադրանքով, իսկ բուն արձանագրությունները հանձնվել են նրանց՝ անձամբ ընթերցելու համար և ընթերցելուց հետո ոչ մի առարկություն չի արվել, իսկ քննության ներկայացման ժամանակ հայտնվել են այս կամ այն բացատրությունները՝ հարցաքննությունների մեջ ոչ ճիշտ գրառումների վերաբերյալ:

Ինչ վերաբերում է Սերվոյանցին, ապա նա, հետևելով վերոնշյալ օրինակին, ուշադրությունից բաց է թողնում այն հանգամանքը, որ եթե նրա բոլոր երեք բացատրությունները համեմատվեն, ինչպես օրինակ՝ 1909 թ. հունիսի 3-ին Ելիզավետպոլ քաղաքում, 1910 թ. հոկտեմբերի 28-ին և 1911 թ. հունվարի 9/13-ին՝ Նովոչերկասկ քաղաքում, ապա այդ բոլոր բացատրությունները միմյանց հետ ուղղակի հակասության մեջ են գտնվում, ինչը վկայում է այս կամ այն պայմաններից կախված՝ իր բացատրությունները փոխելու Սերվոյանցի ընդունակության մասին, որոնք նա իր համար տվյալ դեպքում առավել ձեռնառու է համարում:

Չորրորդ, հայ ժողովրդին որպես ոչ հեղափոխականների բնութագրող Կովկասի փոխ-

արքայի հետ արքայազն Նապոլեոնի ողջ գրագրությունը ներկա գործին կցելու մասին մեղադրյալ Սերվոյանցի միջնորդության առթիվ, [և] որ հարմար է գտել ներկա գործով քննության ընթացքում մեղադրման նպատակներով հայ ժողովրդի և հայ եկեղեցու բնութագրումը Էջմիածնի սինոդի նախկին դատախազ Ֆրենկելի ցուցմունքների ու հաղորդումների հիման վրա տալ – ոչ մի հիմք չունի, դրա համար էլ չի կարող բավարարման ենթակա լինել, քանի որ Համազասպ Սերվոյանցն իրեն և «Դաշնակցություն» կուսակցության ներկայացուցիչներին ողջ հայ ժողովրդի հետ նույնացնելու մեծ խիզախություն է ստանձնում: Հայ ժողովուրդն, ըստ քննության տվյալների, բոլորովին էլ հեղափոխական չէ, այլ ընդհակառակը՝ հեղափոխականներին հակահարված տալու ձգտում ունեցող:

Մեղադրյալ Սերվոյանցի դիտողությունն այն առթիվ, որ թաթարներն ամենից կատարյալ զենքով էին զինված, իսկ հայերը թաթարների դեմ լուրջ պայքարի համար բոլորովին պատրաստ չէին – իրականությանը չի համապատասխանում, քանզի ո՛չ նրանք, ո՛չ մյուսները միմյանց դեմ պայքարի պատրաստ չէին: Ո՛չ առաջինների, ո՛չ վերջինների մոտ այդ պայքարի համար զենք չկար, սակայն հայ ժողովրդի միջավայր ներխուժած «Դաշնակցություն» կուսակցությունը ցանկանալով իր հեղափոխական գործունեության ճանապարհին խոչընդոտ կանգնած թաթարների նկատմամբ ուժերը փորձել, նախապատրաստել էր այդ պայքարը, քանզի եթե թաթարների մոտ, որոնք Կովկասում քանակով հայերից երկու անգամ շատ էին, ամենից կատարյալ զենք լիներ՝ ինչպես հաստատում է մեղադրյալ Սերվոյանցը, և եթե թաթարներն այդ պայքարին պատրաստված լինեին, ապա հայերը ոչ մի կերպ չէին կարողանա թաթարների նկատմամբ առավելության հասնել, սա-

36 Համազասպ Օհանջանյանի դատական գործը տես «Վեմ», 2009, հուլիս-սեպտեմբեր, թիւ. 2, էջ 144-170:

37 Գյուլխանդանյան Աբրահամ (1875-1945) – անվանի կուսակցական-հասարակական գործիչ: 1905-1906 թթ. հայ-թաթարական կռիվների ժամանակ Գանձակի հայության ինքնապաշտպանության ղեկավարներից: Դատվել է ԴՅԴ Մեծ դատավարության գործով:

կայն քննության տվյալներից երևում է, որ «Դաշնակցություն» կուսակցությունն այդ պայքարում հանդես է եկել իր տրամադրության ներքո ունենալով կատարյալ զենքի մեծ քանակ և թաթարների դեմ անգամ պայթուցիկ արկերով է գործել:

Հինգերորդ, մեղադրյալ Համազասպ Սերվոսյանցի հղումն այն առթիվ, որ 1906 թ. օգոստոսի 1-ի Ջևանշիրից նրա ստորագրությամբ քնագիր նամակ-փաստաթղթում առկա է իր կողմից արված գրառում և «Հայ Հեղափոխական «Դաշնակցություն» կուսակցության Ջևանշիրի ինքնապաշարանության մարմին, Համազասպ» ստորագրություն, այլ ոչ թե այնպես, ինչպես ցույց է տալիս նրան Դատական Քննիչը. «Դաշնակցություն» կուսակցության Ջևանշիրի կոմիտեի անդամ»: Որ Ջևանշիրի գավառում ոչ մի հեղափոխական կոմիտե չկար, որ Սերվոսյանցը ոչ մի հեղափոխական գործում որևէ մասնակցություն չի ունեցել–հերքվում է Եղիգարովի գրասենյակում «Դաշնակցություն» կազմակերպության կուսակցական փաստաթղթերի մեջ գտնված մեղադրյալ Սերվոսյանցի ստորագրած 1905 թ. օգոստոսի 1-ի նամակով, քանզի այդ փաստաթղթերում, ինչպես հաստատվել է դրա թարգմանությամբ, առկա է «Հայ Հեղափոխական «Դաշնակցություն» կուսակցության զինվորական ինքնապաշարանության Ջևանշիրի կոմիտեի մարմին, Համազասպ» ստորագրություն: Հետաքննությամբ այդ գրության և ստորագրության մեջ «կոմիտե» բառի բացակայության առթիվ մեղադրյալ Սերվոսյանցի դիտողությունն իրականությանը չի համապատասխանում: Միակ բանը, որ մեղադրյալ Համազասպ Սերվոսյանցի հայտարարության մեջ ճշմարտության բաժին է ներառում – հիշյալ նամակի ներքո նշյալ գրառման և ստորագրության առթիվ նրա դիտողությունն է, ինչը հաստատված է և փորձաքննությամբ: Ժխտելով որևէ հեղափոխական կուսակցության մեջ իր մասնակցությունը ու մատնանշելով Ջևանշիրի գավառում «Դաշնակցություն» կուսակցության կոմիտեի և հեղափոխական գործունեության բացակայությունը՝ մեղադրյալ

Սերվոսյանցը հակասում է իր նշյալ նամակին, որտեղ հստակ գրված է, որ Ջևանշիրի գավառում 1906 թ. գործել է «Դաշնակցություն» հեղափոխական կուսակցության կոմիտե, որ Համազասպ Սերվոսյանցը եղել է դրա անդամ, որ Ջևանշիրի գավառում դրսևորվել է «Դաշնակցություն» կուսակցության հեղափոխական գործունեությունը, որ մեղադրյալ Սերվոսյանցի ողջ գործունեությունը հեղափոխական ասպարեզում խստորեն ենթակա էր կենտրոնից (այսինքն՝ կուսակցության Արևելյան բյուրոյից, Թիֆլիս քաղաքից) ելնող «Դաշնակցություն» կուսակցության ծրագրին և մարտավարությանը: Հետևաբար, մեղադրյալ Համազասպ Սերվոսյանցը, որպեսզի ապացուցի իրականությանն այդ ամենի անհամապատասխանությունը, իր մատնանշած վկանների օգնությամբ ցանկանում է հերքել այն ամենը, ինչ իրականում տեղի է ունեցել:

Վեցերորդ, թեպետ մեղադրյալ Համազասպ Սերվոսյանցի դիտողությունն այն մասին, որ զենքի և ռումբերի Շուշիի պահեստում գտնված բոլոր նամակներն իր կողմից գրվել և ստորագրվել են «Համազասպ» մականունով՝ համապատասխանում են իրականությանը, և մինչև հայտարարությունը կատարված փորձաքննությամբ միանգամայն հաստատվում է այդ համազամանքը, սակայն նրա այդ դիտողությունը չի կարող այնուամենայնիվ հաստատել, որ իր գրած նամակը կազակների վրա իր կողմից նախատեսվող հարձակման մասին պայմանավորված էր նման հարձակում կատարելու՝ հայ ժողովրդի ցանկությամբ: Նման արարքի նախագուշացման և կանխարգելման հնարավորության մասին Սերվոսյանցը թաթարներից հայ ժողովրդի ինքնապաշարանության ղեկավար «Վարդանին» նամակ է գրել, որպեսզի նման հարձակում թույլ չտա: Քանզի նշյալ նամակից բոլորովին էլ չի երևում, որ հայ ժողովուրդը ցանկանար կազակների վրա հարձակվել, իսկ Վարդանի անունով «Հո Համազասպ» ստորագրությամբ այդ նամակում Սերվոսյանցը Վարդանից կազակների վրա հարձակվելու թույլտվություն է խնդրում, որ իբր նա իր զինվորներով ցանկացել է

հարձակվել ռուսական կազակների ճամբարի վրա և բոլորին կոտորել³⁸: Վարդանի անունով մեղադրյալ Համազասպ Սերվոյանցի 1906 թ. ապրիլի 30-ի մեկ ուրիշ նամակից միանգամայն հստակ երևում է, որ մեղադրյալ Սերվոյանցը «Դաշնակցություն» կուսակցության մեջ գործուն մասնակցություն է ունեցել տեղյակ լինելով կուսակցության Մշավի, Ելիզավետապոլի և Շուշիի կոմիտեների կուսակցական գործերին, մինչդեռ դրանց գոյությունը և իրեն հայտնի լինելը Սերվոյանցը հայտարարությամբ ժխտում է:

Հարցաքննության մասին մեղադրյալ Սերվոյանցի միջնորդություններն առ այն, որ.

1. Չարդախլու գյուղի բնակիչներին – լսե՞լ է որևէ մեկը, որպեսզի Համազասպ Սերվոյանցն իրեն վիրավորական իմաստով անվանի «Համազասպ Սերվոյանց», ինչպես այդ նշվում է Եղիզարովների գրասենյակի կուսակցական թղթերում գտնված 12-13 չարդախլուների ստորագրությամբ նամակում:

2. Որպես հաստատում վկաներ Չրելանի և Արարատյանցի հետ Թիֆլիսից Ելիզավետապոլ 1905 թ. նոյեմբերի 17-ին Սերվոյանցի մեկնման փաստի, որի արդյունքում Սերվոյանցը 1905 թ. նոյեմբերի 13-16-ին Թիֆլիսում իրեն անհայտ անձանց հրավերով վաճառականներից, հոգևորականներից և իրեն անծանոթ ման անձանցից բաղկացած ինչ-որ հավաքի է մասնակցել, և խոսել է այն ամենը, ինչ նշված է «Դաշնակցություն» կուսակցության շրջանային ժողովի արձանագրության ներկա գործում, չիմանալով, որ այդ նշյալ կուսակցության ժողովն էր:

3. Ներկա գործին Ալիբեգովի «Արյունոտ օրեր Ելիզավետապոլում» գրքի կցման մասին միջնորդությունը բավարարման ենթակա չէ, որովհետև վկա Քեշիշյանի և այլոց վկայություններով հաստատված է, որ Համազասպ Սերվոյանցը հայտնի էր «խմբապետ Համա-

զասպ», «հայոց իշխան Համազասպ» անուններով: Անհրաժեշտություն չկա Ալիբեգովի գրքի կցման, քանզի Ելիզավետապոլում հայթաթարական արյունոտ ընդհարումների փաստը միանգամայն հաստատված է:

«Դաշնակցություն» կուսակցության նոյեմբերի 13-16-ին շրջանային ժողովին այցելելուց հետո Թիֆլիսից 1905 թ. նոյեմբերին իր մեկնելու մասին մեղադրյալ Սերվոյանցի դիտողությունը գործի համար ոչ մի նշանակություն չունի, քանի որ «Դաշնակցություն» կուսակցության շրջանային ժողովի արձանագրություններից երևում է, որ Համազասպ Սերվոյանցը 1905 թ. նոյեմբերի 13-14-ի ժողովին «խմբապետ Համազասպ» անունով է մասնակցել, և որ ժողովում ոչ մի վաճառական, ոչ մի հոգևորական և համանման անձինք չեն եղել, այլ իրենց կուսակցական մականուններով ներկա են եղել միայն «Դաշնակցություն» հայ հեղափոխական կուսակցության քսան պատգամավորներ: Այսպես, օրինակ՝ «խմբապետ Համազասպ», «Ընկեր Խաժ.» (այսինքն Խաժակյան³⁹), «Ընկեր Համո⁴⁰», «Ընկեր Ղառիբ⁴¹», և այլն: Հետևաբար, մեղադրյալ Սերվոյանցի դիտողությունն առ այն, որ նա իրեն անհայտ անձի կողմից հրավիրված լինելով այդ ժողովին պատահաբար է մասնակցել, և որ իրեն անհայտ է եղել «Դաշնակցություն» կուսակցության անդամների այդ նիստ-ժողովների մասին–իրականությանը չի համապատասխանում, քանզի այդ ժողովի 1905 թ. նոյեմբերի 13-14-ի արձանագրություններում Սերվոյանցը նշվում է «խմբապետ Համազասպ», որպես «Ապառաժ»-ի, այսինքն՝ «Դաշնակցություն» կուսակցության Շուշիի կոմիտեի պատգամավոր:

ՀԱԱ, ֆ. 1457, ց. 3, գ. 6, թ. 4580-4585:
Թարգմանություն ռուսերենից:

38 Խոսքը թերևս վերաբերում է Վարանդայի գավառում կազակների կատարած գազանություններին հակադարձելու՝ Համազասպի ցանկությանը:
39 Գարեգին Խաժակի դատական գործը տես «Վեն», 2010, թիւ 1, էջ 149-165:
40 Նկատի ունի Համո Օհանջանյանին:
41 Նկատի ունի Ավետիս Ահարոնյանին:

**ԹԻՎ 9
ՄԵՂԱՊՐԿԱՆ ԱԿՏ**

* * *

Մեղադրյալներ Սարգիս Մանասյանը, Համազասպ Օհանջանյանը, Պողոս Չուբարյանը, Համազասպ Սերվանստյանը և Արիստակես Դավթյանը (Տեր-Դավթյանց) ժխտելով ռուսական պետության մեջ հայ հեղափոխական «Դաշնակցություն» կուսակցության հեղափոխական և հակակառավարական գործունեությունը՝ ցույց են տալիս Ռուսական կայսրության սահմաններում այդ կազմակերպության գործունեության լեգալ բնույթը, փորձում են ապացուցել, որ հայ հեղափոխական «Դաշնակցություն» կուսակցությունը ոչ միայն ռուսական կառավարության ակտիվ հակառակորդ չի եղել, այլև կատարել է այն պարտականությունները, որոնք ընկած էին վերջինիս վրա:

ՀԱԱ, ֆ. 1457, ց. 3, գ. 6, թթ. 4603:
Թարգմանություն ռուսերենից:

Ինչ վերաբերում է մեղադրյալ Համազասպ Սերվանստյանցին (Համազասպ Օհանջանյանի, Աբրահամ Գյուլխանդանյանի և Սարգիս Մանասյանցի հետ) կալանքից ազատելու մասին միջնորդություններին, ապա այդպիսի միջնորդությունները դրանց համար օրինական հիմնավորումների բացակայության պատճառով չեն կարող բավարարվել:

Շարադրյալի հիման վրա Դատական Զննիչը որոշեց, բոլոր վերոնշյալ միջնորդություններում նշված հիմքի վրա հիշյալ մեղադրյալներին սույն որոշման մեջ մերժել:

Դատական Զննիչ՝ Ն. Լիժին
ՀԱԱ, ֆ. 1457, ց. 3, գ. 6, թթ. 4607:
Թարգմանություն ռուսերենից:

ՀՅ ԳԱՇՆԱԿՑՈՒԹՅԱՆ ՄԵԾ ԳԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Աբրահամ Գյուլխանդանյանի դատական գործը*

Նշանավոր քաղաքական ու պետական գործիչ Աբրահամ Գյուլխանդանյանը 19-րդ դարի վերջին -20-րդ դարի սկզբին հայ ազգային-ազատագրական պայքարի ասպարեզ մտած ՀՅԴ Անկախության սերնդի վառ ներկայացուցիչներից մեկն է:

Աբրահամ Իսահակի Գյուլխանդանյանը ծնվել է 1875 թ. օգոստոսի 13-ին Վաղարշապատում: Նախնական կրթությունը ստացել է ծննդավայրի նախակրթարանում, իսկ 1894 թ. ավարտել է Էջմիածնի Գևորգյան ճեմարանի լսարանական բաժնի վեցամյա շրջանը: 1895 թ. անդամակցել է ՀՅ Դաշնակցությանը: 1898 թ. ավագ եղբոր՝ Անդրեասի հետ տեղափոխվել է Բաքու և աշխատել նավթարդյունաբերության ոլորտում՝ այդ հանգամանքն օգտագործելով որպես կուսակցական գործունեության քողարկում: Բաքվում ծանոթացել է Քրիստափոր Միքայելյանի հետ և ակտիվորեն մասնակցել նրա ղեկավարած «Փոթորիկի» գործին: 1902 թվականից եղել է ՀՅԴ Բաքվի (Ոսկանապատի) կենտրոնական կոմիտեի անդամ և աստիճանաբար դարձել է քաղաքի դաշնակցական կազմակերպության ամենագործուն ու ճանաչված ղեմը:

Տեղին է հիշատակել, որ այդ ժամանակ Բաքուն Անդրկովկասի հայության տնտեսական, ինչու չէ, նաև մշակութային և հասարակական-քաղաքական կենտրոններից մեկն էր: ՀՅԴ գործունեության մեջ և հատկապես կուսակցությանն անհրաժեշտ դրամական միջոցների հանգանակության ասպարեզում այն խիստ կարևոր դեր էր խաղում:

Ա. Գյուլխանդանյանի կուսակցական գործունեության ու մանավանդ՝ նրա կազմակերչական ունակությունների դրսևորման ակտիվ փուլը 1905-1906 թթ. հայ-թաթարական կռիվների շրջանն էր: Անդրկովկասի հայության ինքնապաշտպանությունը առաջնորդում էր ՀՅԴ-ն և Ա. Գյուլխանդանյանը՝ որպես պատասխանատու գործիչ ղեկավար դերակատարություն ունեցավ Բաքվում:

1905թ. փետրվարին՝ Բաքվում հայերի կոտորածները սկսվելուց հետո, Ոսկանապատի կենտրոնական կոմիտեն ստեղծում է ստուգող մարմին, որի նպատակը հանցագործության կազմակերպիչներին հայտնաբերելն էր: Նիկոլ Դումանի հետ միասին այդ մարմնին անդամակցում էր նաև Աբրահամ Գյուլխանդանյանը: Հստակեցնելով այն փաստը, որ կոտորածի գլխավոր կազմակերպիչ-մեղավորներից մեկը նահանգապետ Նակաշիձեն է, ՀՅԴ Բաքվի կենտրոնական կոմիտեն նախագորշական նամակ ուղարկեց տխրահռչակ նահանգապետին: Նրանում մասնավորապես նշվում էր. «Հարկատր չդատելով ապացոյցներ բերել ձեր յանցագործ վարմունքի համար, որը բազմաթիւ անմեղներու կորստեան պատճառ եղաւ, Հայ Յեղափոխական Դաշնակցութեան Կենտ. Կոմիտեն, նախքան իր վրայ դրած սրբազան պարտականութեան կատարման ձեռնարկելը՝ պաշտպան հանդիսանալ անմեղ զոհերուն, ատելորդ չի համարեր յայտարարել Ձեզ, Պրն. Նահանգապետ, որ եթէ արինահեղութիւնը չէք դադարեցնէր, Ձեր ձեռքը եղած բոլոր միջոցներով, այդ դէպ-

* Ընդունվել է տպագրության 13.09.2010:

քին դուք պատասխանատու էք Ձեր արինով, այլ եւ Ձեր մեղսակիցներու արինով»¹:

Ուշագրավ է, որ այս հայատյաց ոճրագործի պատուհասումը կազմակերպելու պատասխանատվությունը ևս հանձնարարվեց Ա. Գյուլխանդանյանին: Քաջ հայտնի է, որ 1905 թ. մայիսի 11-ին այդ առաջադրանքն իրականացրեց Դյոն, որին գործողությանը նախորդած ակնթարթներին նահանգապետի կառքի մոտենալու մասին տեղեկացրել է հենց ինքը՝ Աբրահամ Գյուլխանդանյանը:

1905 թ. նոյեմբերին Ա. Գյուլխանդանյանը մասնակցել է Թիֆլիսում տեղի ունեցած ՀՅԴ Կովկասյան շրջանային ժողովին: Այն դեռ չէր ավարտվել, երբ նոյեմբերի 18-ին սկսվեցին Գանձակի հայության ջարդերը: Շրջանային ժողովից անմիջապես Գանձակ են մեկնում Ա. Գյուլխանդանյանն ու Համազասպը, որոնցից առաջինը նշանակվում է Գանձակի զինվորական շտաբի ղեկավար, իսկ երկրորդը ստանձնում է ռազմական գործողությունների ընդհանուր հրամանատարությունը: Դարաբաղի մայրաքաղաք Շուշիից այստեղ է ժամանում նաև ՀՅԴ առաջնորդ Ռոստոմը: 1905 թ. վերջերին-1906 թ. սկզբներին տեղի ունեցած դաժան կռիվներն ավարտվում են հայության հաղթանակով: Գանձակի ինքնապաշտպանության ընթացքում իր դրսևորած կազմակերպական ունակությունների շնորհիվ է, որ Ա. Գյուլխանդանյանը դարձավ «համակովկասեան չափանիշով գործիչ»²:

Հայ-թաթարական կռիվների ավարտից հետո՝ 1906թ. վերջից Ա. Գյուլխանդանյանը խմբագրել է ՀՅԴ անլեզալ «Գրոհ» պաշտոնաթերթը, որը տպագրվում էր Բաքվի կուսակցական գաղտնի տպարանում:

1902-1908 թթ. ընթացքում լինելով ՀՅԴ Ոսկանապատի կենտրոնական կոմիտեի անդամ, Ա. Գյուլխանդանյանը 1908-ից շարունակաբար ընտրվել է ՀՅԴ Արևելյան Բյուրոյի անդամ: Նրա հեղինակությունը զգալի էր Բաքվի մտավոր և գործարար շրջանակներում: Ակնհայտ էր Ա. Գյուլխանդանյանի ղեկավար մասնակցությունը Բաքվի շրջանի ազգային-հանրային բոլոր գործերում:

Բնակաբար, Աբրահամ Գյուլխանդանյանի նման անհատը չէր կարող անուշադրության մատնվել ցարական իշխանությունների կողմից. ղեկավար դաշնակցական գործիչը, չնայած հմուտ քողարկմանը, 1910թ. ապրիլի 1-ին այնուամենայնիվ ձերբակալվեց:

Ո՞րն էր նրան վերագրվող մեղադրանքը: Ա. Գյուլխանդանյանն ամբաստանվում էր ՀՅԴ «գլխավոր անդամներից» մեկը լինելու, 1905-1908 թթ. Ելիզավետպոլի, Թիֆլիսի և Բաքվի կենտրոնական կոմիտեների գործունեությանը մասնակցելու, ահաբեկչական ակտերի նախապատրաստումը ղեկավարելու և իր տնօրինության տակ եղած դրամական միջոցները կոմիտեներին բաշխելու համար: Այսինքն՝ մեղադրանքները վերաբերում էին գերազանցապես Ա. Գյուլխանդանյանի կուսակցական առօրյա գործունեությանը, ինչը, սակայն, լիժինների համար արդեն իսկ բավական էր՝ նրան դատական հետապնդման ենթարկելու համար:

Լիժինյան բռնաճնշումների ենթարկված ՀՅԴ մեկ այլ ղեկավար գործիչ՝ Հ. Օհանջանյանը հետագայում վերհիշում էր, որ «Բանտին մեջ ես ան եղաւ ղեկավար դեր մը կատարող ընկեր եւ ուղղութիւն տուաւ դատը վարելու եղանակին: Յայտնի է, թէ ինչպէս պատուով տարին իրենց դատը բանտարկուած ընկերները, որ մինչև անգամ շուս դատաւոր-սենադէօրներու հիացմունքը առաջ բերաւ, եւ այս բանին մէջ ես Աբրահամի խաղացած դերը խոշոր էր»³: Ուստի պատահական չէր, որ Ա. Գյուլխան-

1 Յեղափոխական ալպոմ, Ե. հտ., 1964, թիւ 4, էջ 99-100:

2 Նույն տեղում, էջ 105:

3 Նույն տեղում, էջ 106:

դանյանը ներկայացված «հանցագործություններում» իրեն մեղավոր չի ճանաչել:

Բանտից Ա. Գյուլխանդանյանն ազատվել է 1912 թ.: Դրանից հետո նա ավարտել է Յարոսլավլի Դեմիդովյան բարձրագույն վարժարանի իրավաբանական բաժինը: Այնուհետև անդամակցել է Ազգային Բյուրոյին կից գործող պատասխանատու մարմնին, որն ստեղծվել էր Արևմտահայաստանի բարենորոգումների ծրագիրը մշակելու համար: Իսկ ավելի ուշ՝ Առաջին աշխարհամարտի օրերին, Հայ կամավորական զորքերի կազմակերպիչ մարմնի անդամ էր: 1916 թ. վերադարձել է Բաքու և շուտով ցարական ինքնակառության տապալումից հետո ընտրվել է Բաքվի Հայոց ազգային խորհրդի նախագահ, ինչը Ա. Գյուլխանդանյանի ունեցած վաստակի և հեղինակության առավելագույնը էր:

Արբանյան Գյուլխանդանյանը Ռոստոմի և ՀՅԴ այլ գործիչների հետ միասին ղեկավարել է 1918 թ. Բաքվի հերոսամարտը: Ամենաճակատագրական օրերին՝ Բաքվի Կոմունայի տապալումից մինչև Ցենտրոկասսիի դիկտատուրայի հաստատումը, Հայոց ազգային խորհրդի նախագահը իրականացրել է քաղաքի ինքնապաշտպանությունը ղեկավարող դիկտատորի լիազորությունները:

Բաքվի անկումից հետո Արբանյան Գյուլխանդանյանը տարագրվել է Պարսկաստան: 1919 թ. հունիսին նա ՀՅԴ ցուցակով ընտրվել է Հայաստանի խորհրդարանի անդամ, 1919 թ. օգոստոսին Ալ. Խատիսյանի կառավարության կազմում դարձել է ներքին գործերի և արդարադատության նախարար: 1920թ. մայիսին Բյուրո-կառավարության կազմում ստանձնել է առևտրի նախարարի պաշտոնը: Հայաստանի խորհրդայնացումից հետո տարագրվել է Կ. Պոլիս, Ռումինիա, ապա վերջնականապես հաստատվել Փարիզում: 1933 թ. ՀՅԴ 12-րդ Ընդհանուր ժողովում ընտրվել է Գերագույն մարմնի անդամ: Փարիզում գլխավորապես զբաղվել է գրական աշխատանքով, դասակարգել է ՀՅԴ Դիվանի վավերագրերը, գրել հուշեր⁴ ու հոդվածներ՝ Ա. Մեևան ստորագրությամբ:

Երկրորդ աշխարհամարտի ավարտին՝ 1944 թ. հոկտեմբերի 20-ին, երբ Փարիզն ազատագրվեց գերմանական բռնազրավումից, Ա. Գյուլխանդանյանը ձերբակալվել է «անանուն հայ բոլշևիկի» մատնությամբ, սակայն, 1945 թ. սեպտեմբերի 26-ին ազատվել է բանտից: Մահացել է 1946 թ. հունվարի 1-ին և քաղվել Փարիզի Մոնմոնրանսի գերեզմանատանը: Նրա գերեզմանին հրաժեշտի վերջին խոսքեր են արտասանել Բաքվի հերոսամարտի օրերից իր անբաժան ընկեր Գերասիմ Բալայանը, Հ. Սամուելը, Ա. Զխենկելին:

Ավագ Ա. Հարությունյան
պատմ. գիտ. թեկնածու

THE FILES OF THE GREAT TRIAL OF ARF (DASHNAKTSUTYUN)

The Lawsuit of Abraham Gyulkhandanyan

Avag A. Harutyunyan

4 Տես Դայ-թաթարական ընդհարումները, հտ. Ա, Բագուի առաջին ընդհարումները, Փարիզ, 1933: Յեղափոխական հայուհիներ, մաս Ա., Փարիզ, 1939: Ազգային շարժումների դրոպապատճառները ժԹ դարում, Փարիզ, 1939: Կովկաս. երկիրը, ժողովուրդը, պատմությունը, Փարիզ, 1943: Գ. Յ. Դաշնակցութեան առաջին ծրագիրը եւ նրա հեղինակները, Աթենք, 1987:

**ԹԻՎ 1
ՈՐՈՇՈՒՄ**

1910թ. մայիսի 17: Քաղաք Նովոչերկասկ: Նովոչերկասկի օկրուգային դատարանին կից հատուկ կարևորության գործերով Գատական Քննիչը սույն թվին հայ հեղափոխական «Դաշնակցություն» կուսակցության մեջ, այսինքն՝ Քրեական կանոնադրության 102-րդ հոդվածով նախատեսված հանցագործության մեջ մասնակցության համար մեղադրվող, 36 տարեկան Աբրահամ Իսահակի Գյուլխանդանյանին հարցաքննելով՝ ԳՏԱՎ. 1. նշյալ Գյուլխանդանյանը մերկացվում է ինչպես հարցաքննված վկաներ Ֆրենկելի, Քեշիշյանի⁵, Ղազանջյանի, Շահնագարովայի և այլոց ցուցմունքներով, այնպես էլ Եղիզարովի⁶, Օհանջանյանի⁷ և նախկին Կորյուն վարդապետի⁸ մոտ խուզարկությամբ առգրավված հեռագրերով: Աբրահամ Գյուլխանդանյանը հայ հեղափոխական «Դաշնակցություն» կուսակցության գլխավոր անդամներից էր և 1905-ից մինչև 1908թ. մասնակցել է նշյալ կուսակցության Ելիզավետպոլի, Թիֆլիսի և Բաքվի կենտրոնական կոմիտեների գործունեությանը, եղել է նույն կուսակցության Ելիզավետպոլի կենտրոնական կոմիտեի ղեկավար Կորյուն վարդապետի մերձավոր աշխատակիցը, ղեկավարել ահաբեկչական ակտերի նախապատրաստումը, կուսակցական կարիքների համար իր տնօրինության ներքո կուսակցության կոմիտեներից դրամական միջոցներ է ստացել և այլն, 2. նրան սպառնացող պատիժը ուղեկցվում է սեփականության իրավունքի զրկմամբ: Համաձայն վերոշարադրյալի՝ Գատական Քննիչը, ղեկավարվելով Քրեական դատավարության կանոնադրության 416-րդ հոդվածի 6-րդ կետով, 419-րդ և 421-րդ հոդվածներով և Քրեական կանոնադրության 102-րդ հոդվածով,

5 Խմբապետ Միիրան:

6 Սարգիս (Սերգեյ) Փաշոյի (Պոռոսի) Եղիզարյան – կուսակցական գործիչ: Թիֆլիսի «Յերմես» տպարանում հրատարակել է ԴՅԴ գրականություն: Ձերբակալվել է լիժնյան գործով:

7 Համազասպ Օհանջանյանի դատական գործը տես «Վեն», 2009, հուլիս-սեպտեմբեր, N 2, էջ 144-170:

8 Կորյուն վարդապետ Սահակյանը 1905-1906թթ. կարևոր դեր է կատարել Գանձակի գավառում: Եղել է ԴՅԴ անդամ: Մեղադրվել է լիժնյան գործով և մինչև 1917 թ. մայիս դատապարտվել է աքսորի՝ Իրկուտսկի մարզ:

ՈՐՈՇԵՑ. նշյալ մեղադրյալ Աբրահամ Գյուլխանդանյանին կալանավորել Նովոչերկասկի բանտում, ինչի մասին և հայտնել նրան:

Բնագիրը համապատասխան ստորագրությամբ:

ՀԱԱ, ֆ. 1457, ց. 3, գ. 4, ք. 2692:

Թարգմանություն ռուսերենից:

**ԹԻՎ 2
ՄԵՂԱԳՐՅԱԼԻ ՀԱՐՑԱՔՆՆՈՒԹՅԱՆ
ԱՐՉԱՆԱԳՐՈՒԹՅՈՒՆ**

1910 թ. մայիսի 17: Քաղաք Նովոչերկասկ: Նովոչերկասկի օկրուգային դատարանին կից հատուկ կարևորության գործերով Գատական Քննիչը Քրեական դատավարության կանոնադրության 403-405-րդ հոդվածների հիման վրա որպես մեղադրյալ հարցաքննեց ներքտանվանյալին և նա ցուցմունք տվեց.

Իմ անունը, հայրանունը, ազգանունը - Աբրահամ Իսահակի Գյուլխանդանյանց:

36 տարեկան:

Իմ կոչումը - պատվավոր քաղաքացի, Վաղարշապատ գյուղից սարկավագի որդի:

Բնակության մշտական վայրը – վերջին ժամանակ ապրել եմ Թիֆլիսում:

Իմ ծննդավայրը - Երևանի նահանգի Էջմիածնի գավառի Վաղարշապատ գյուղ:

Հավատքը - հայ-գրիգորյան:

Կրթված եմ:

Ամուսնացած չեմ:

Իմ զբաղմունքը - Յարուսավլի Գեմիդովյան լիցեյի ուսանող:

Անշարժ սեփականություն չունեմ:

Հատուկ նշաններ չունեմ:

Զինապարտություն - երկրորդ կարգի աշխարհագորային:

Քննության տակ չեմ եղել:

Գատված չեմ եղել:

Ներկայացված հարցերին՝ ճանաչում եմ

ԵՐԿՆԵՐԻՆԻ

Բ (Ը) քաղթ, քիվ 3 (31) հուլիս-սեպտեմբեր 2010

ՎԵՄ համահայկական համդես

ինձ մեղավոր այն բանում, որ [ստորև շարադրվում են Ա. Գյուլխանդանյանին դատական քննիչի կողմից ներկայացված մեղադրանքները] ես պատկանել եմ 1905-1908 թվականներից Ռուսական պետության մեջ ձևավորված հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն իր գործունեության նպատակ էր առաջադրել գործադուլների, սոստեսական, կազմակերպական և քաղաքական ահաբեկչությունների ճանապարհով և զինված ապստամբության միջոցով բռնությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի է ունեցել 1905-1908 թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ուներ՝ հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908 թթ. հրատարակած հակակառավարական ամսագրեր, թերթեր, թուղթիկներ՝ զինված ապստամբության կոչերով, Ռուսական պետության մեջ հանրապետության ձևավորման համար, սարքավորումներով տպարաններ, հրագեմի և սառը զենքի մեծ պահեստներ, պայթուցիկ արկեր (ռումբեր), վառոդի, դինամիտի, փամփուշտի և այլնի մեծ պահեստներ, հեղափոխական զինվորների⁹ հատուկ ջոկատներ, ահաբեկչական ջոկատներ՝ «Ահաբեկիչ Մարմին»-ի¹⁰ խորհրդի գլխավորությամբ, որ կոմիտեների որոշումներով 1905-1908 թթ. Ռուսաստանում իրականացրել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել չցանկացող՝ ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից զատ [իրականացրել է] տեղական հայ բնակչության ամենամյա

պարտադրված դրամահավաք՝ հանցագործ նպատակների համար և մահվան սպառնալիքի ներքո, առավել ևս՝ հատուկ ստիպողական մեծ դրամական շորթումներ [է կատարել] հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագլուխ կերպով յուրացնելով դատական իշխանության իրավասությունը, իրականացնելով քրեական և քաղաքացիական գործերի քննություններ, և այդ գործերով իր ապօրինի դատավճիռներն արձակելով, ընդ որում նա՝ Աբրահամ Իսահակի Գյուլխանդանյանը, կրելով «Աբրահամ», «Աբրամովիչ» կուսակցական ծածկանունները, եղել է հայ հեղափոխական «Դաշնակցություն» կուսակցության գլխավոր անդամներից, և 1905-ից մինչև 1908 թ. մասնակցել է նշյալ կուսակցության Ելիզավետպոլի, Թիֆլիսի և Բաքվի կենտրոնական կոմիտեների աշխատանքներին, ընդ որում 1905-1906 թթ. եղել է Ելիզավետպոլի կենտրոնական կոմիտեի գլխավոր ղեկավար Կորյուն վարդապետի մերձավոր աշխատակիցներից, և դրանից զատ Երևանի ու Էջմիածնի գավառներում կուսակցության անունից ղեկավարել է ահաբեկչական բոլոր գործողությունների նախապատրաստումը, իր տրամադրության տակ [ՀՅԴ] կոմիտեներից կուսակցական ծախսերի և իր շտաբի պահպանման համար դրամական միջոցներ ստացել, ինչպես նաև փոխանցել է կուսակցության մյուս անդամներին և կոմիտեներին իր տրամադրության տակ գտնվող դրամական միջոցներ կուսակցական ծախսերի համար, ինչի մասին վկայում են. 1. 1907 թ. սեպտեմբերին խուզարկությամբ կուսակցական գրագրության մեջ գտնված երկու փաստաթղթերը: Առաջինից երևում է, որ 1906 թ. Կորյուն վարդապետի շտաբին բաց է թողնվել 6.508 ռուբլի, իսկ «Աբրահամի» շտաբին՝ 7.664 ռուբլի, որ «Աբրահամի» տրամադրության տակ դրանից զատ գտնվել է 8.873 ռուբլի կուսակցական գումար: Կուսակցության Արևելյան Բյուրոյի անդամ «Համազասպ Օհանջանյանի» ստորագրությամբ 1907 թ. հունվարի 10-ի երկրորդ նամակից երևում է, որ Օհան-

9 Փաստաթղթում զինվոր բառը փակագծերում գրված է ռուսերեն՝ зинвор:
 10 Ռուսերեն տառերով հենց այսպես է գրված:

ջանյանի կողմից կուսակցության անունից Կորյուն վարդապետի միջոցով Աբրահամ Գյուլխանդանյանին («Աբրամովիչին») և նրա աշխատակիցներին կարգադրություններ են արվել: 2. 1907թ. սեպտեմբերի 2-ին Եղիզարովի մոտ նույն կուսակցության կուսակցական գրագրության մեջ գտնված՝ Կորյուն վարդապետի անունով 1906 թ. հոկտեմբերի 25-ին հղված մամակից երևում է, որ Կորյուն վարդապետը և «Դաշնակցություն» կուսակցության գծով նրա աշխատակից «Աբրահամը» եղել են «Դաշնակցություն» կուսակցության ղեկավարներ և իրենց կից ունեցել հասուկ շտաբ, և նույնը [վկայում է] Եղիզարովի մոտ կուսակցական գրագրության մեջ գտնված [ՀՅԳ] Թիֆլիսի կենտրոնական կոմիտեի անդամների անունով զենքի համար բաքվեցիներից ստացված փողի մասին «Աբրամովիչ» ստորագրությամբ հաղորդագրությունը: 3. 1908թ. դեկտեմբերի 12-ին Համազասպ Օհանջանյանի մոտ խուզարկությամբ նույն կուսակցության կուսակցական գրագրության մեջ գտնված «Շուշիկի» անունով մամակից երևում է, որ «Աբրահամին» հաղորդվել է կուսակցության կոմիտեներում բոլոր իրադարձությունների մասին՝ նրա կողմից համապատասխան միջոցների ընդունման համար, որպեսզի «Դաշնակցություն» կուսակցության ներսում ղժգոհության առիթներ չլինեն: 4. Գտնված բանկային ստացականներից և դրամական փոխանցումների մասին բանկային հայտարարագրություններից երևում է, որ՝ Ա. 1905թ. հուլիսի 9-ին Աբրահամ Գյուլխանդանյանը Բաքվից Աստրախան կուսակցական կարիքների համար փոխանցել է 3.000 ռուբլի, որպիսի գումար ստացվել է այդ կոմիտեի գլխավոր անդամ և գանձապահ Հովհաննես Մեղնիկյանի կողմից, Բ. 1905թ. հուլիսի 9-ին Գյուլխանդանյանը Գրիգոր Բեդեկյանցին Բաքվից Դոնի Ռոստով փոխանցել է 1.000 ռուբլի, որպիսի գումար նշվում է Նալբանդի¹¹ կենտրոնական կոմիտեի հաշվետվության մեջ որպես կուսակցական

ծախսերի համար ստացված գումար, Գ. նույն թվի հուլիսի 11-ին նույն Գյուլխանդանյանի կողմից Բաքվից Սարատով կուսակցական ծախսերի համար Մնացական Վարդանովին փոխանցվել է 1.000 ռուբլի, Դ. նույն Գյուլխանդանյանը 1906թ. դեկտեմբերի 30-ին Թիֆլիսից Ելիզավետպոլ Կորյուն վարդապետին փոխանցել է 1.700 ռուբլի: 5. Բռնագրաված հեռագրերով հաստատվել է Ա. 1907թ. հունիսի 15-ին Թիֆլիսից Բաքու է ուղարկվել հետևյալ հեռագիրը. «Մելիքյանի լուսանկարչատուն, Աբրամովիչին: Պյատիգորսկից Նորավանի օգնության համար խնդրում են՝ շտապեցրու Մեղավորյանին փողով ուղարկել Արտավազդին»: Այսինքն՝ այդ հեռագրով «Աբրամովիչից» պահանջվում էր կարգադրել Արմավիրի կոմիտեին ահաբեկիչներին ահաբեկչական ակտեր կատարելու ծախսերի համար իբրև օգնություն գումար ուղարկել, Բ. 1907թ. օգոստոսի 4-ին Թիֆլիսից Աբասուման հեռագիր էր ուղարկվել, ուր «Արտեմը» (Արտեմ Թայիրյան¹²) Գյուլխանդանյանին տեղեկացնում էր ահաբեկիչների ուղարկումը չեղյալ համարելու մասին՝ հաղորդելով, որ «Սարգիսը» (այսինքն՝ Սարգիս Մանասյանց) ինքն է մեկնում: Այսինքն՝ Քրեական Դատավարության կանոնադրության 102-րդ հոդվածով նախատեսված հանցագործության մեջ ինձ մեղավոր չեմ ճանաչում: Որպես իմ արդարացում բացատրեն: 1905-1906 թթ. ես եղել եմ Ելիզավետպոլում: Բաքվում կոտորածներից հետո Բալախանիում «Երկաթ» անունով արհեստանոց ունեի: Երբ 1905թ. Բալախանիում կոտորած եղավ, այրվեց և իմ արհեստանոցը: Բալախանիում ապրելու հնարավորություն չկար և ես եկա Թիֆլիս: Չեմ կարող ասել, թե ինչքան ժամանակ ես ապրեցի Թիֆլիսում, բայց ես ապրել եմ «Սևերնիե նոմերա» հյուրանոցում¹³: Բանի որ ինձ անհրաժեշտ էր իմանալ, թե ինչ վիճակում է իմ արհեստանոցը, որը այրվել էր, և հնարավոր էր արդյոք պետական վարկ ստանալ (այդ

11 Հարավային Ռուսաստանի կազմակերպական շրջանի կուսակցական անվանումը:
 12 Արտեմ Թայիրյանը նույնպես դատապարտվել է լիժնյան գործով:
 13 «Սևերնիե նոմերա» հյուրանոցը ՀՅԴ հիմնադրման շրջանում գլխավոր հավաքատեղիներից էր:

վարկը տրվում էր Բալախանիի նավթարդյունաբերողներին), ապա ես նույնների 19-ին կամ 20-ին Թիֆլիսից մեկնեցի Բաքու: Դա եղել է 1905 թ.: Դանապարհին, երբ մենք մոտենում էինք թաթարական շրջաններին, այնտեղ բոլոր ուղևորներին՝ հատկապես հայերին, խուճապ տիրեց, թե թաթարները հարձակվում են զնաքների վրա, սպանում հայ ուղևորներին, որ Եվլախում հրդեհել են կայարանը և ճանապարհը շարունակել վտանգավոր է: Ստիպված ճանապարհին մի անվտանգ տեղ կանգ առանք, իսկ այդպիսի միակ տեղը Ելիզավետպոլում էր: Ուղևորների մի մասը, ի թիվս և ես, մնացինք այդտեղ: Կայարանում էր իմիջիայլոց Շեյխ-Ուլ-Իսլամը¹⁴: 3-4 ժամ անց կազակների ջոկատի ուղեկցությամբ Ելիզավետպոլի կայարան ժամանեց ոստիկանապետը: Նա ասաց, որ քաղաքում այժմ հանգիստ է և անվտանգ, ու կարելի է մեկնել այնտեղ: Քանի որ կայարանում անհնար էր գիշերել, ապա ուղևորների մի մասը՝ այդ թվում և ես, Շեյխ-Ուլ-Իսլամի հետ մեկնեցինք քաղաք: Շեյխ-Ուլ-Իսլամը և թաթար ուղևորների մի մասը կանգ առան թաթարական քաղում, իսկ հայ ուղևորները և ես մեկնեցինք հայկական թաղ: Ես այնտեղ ապրեցի մինչև նույնների 27-28-ը: Ես ոչինչ չեմ արել և մտածում էի միայն այնտեղից հեռանալու մասին, բայց երբ հայերի վրա նույնների 27-28-ին երկրորդ անգամ հարձակվեցին, դրանից հետո ես որոշեցի մնալ այնտեղ և մասնակցել ինքնապաշտպանությանը: Ես այնտեղ՝ քաղաքի ծայրամասում, ապրել եմ մինչև 1906 թ. հունվարի 28-ը: Դրանից հետո ես մեկնեցի Թիֆլիս, ամիս ու կես ապրեցի «Սևերնիե նոմերա» հյուրանոցում: Թիֆլիսում ես ուզում էի իմանալ, թե պետական վարկ կտատանա՞ն, թե ոչ, սակայն մերժում ստացա: Բաքու հնարավոր չէր մեկնել, դրա համար էլ ես մեկնեցի ծննդավայր Վաղարշապատ գյուղ: Իմ եղբայր Անդրեյ¹⁵ Իսահակի Գյուլխանդանյանը այնտեղ սկսել էր նավթի առևտրով զբաղվել

և պահեստ ուներ, և ես նրա հետ մասնակցեցի այդ գործին: Այնտեղ ես մնացել եմ մինչև 1907 թ. հունվար կամ փետրվար, երբ մեկնեցի Բաքու: Վաղարշապատում ապրելու ժամանակ մեկ կամ երկու անգամ մեկնել եմ Թիֆլիս՝ Միլալովյան հիվանդանոցում տեղավորել իմ հոգեկան հիվանդ եղբորը՝ Համազասպ¹⁶ Իսահակի Գյուլխանդանյանին: Թիֆլիսում ես այդ ժամանակ մնացել եմ մի քանի օր: Դրանից զատ ես մի անգամ եղել եմ Բաքվում, ուր ապրել եմ «Ռոսիա» հյուրանոցում: Բալախանիում արդեն վերաշինվել էր իմ արհեստանոցը, որին ես տիրում էի Սիմոն Տեր-Գրիգորյանցի, Նիկոլայ Դավթյանցի, իմ եղբայր Անդրեյի, Գևորգ Վաղարշյանցի և այլոց ընկերակցությամբ: Ես որոշեցի բնակության մեկնել Բաքու, ուր վերջնականապես հաստատվեցի 1907 թ. փետրվարին: Բաքվում «Երկաթ» արհեստանոցում ես վարում էի հաշվապահությունը: Երբ իմացա, որ համալսարան են ընդունում նրանց, ովքեր հոգևոր ճեմարան են ավարտել, ես դիմեցի Յարուսլավի Դեմիդովյան լիցեյ և ընդունվեցի լատիներենից լրացուցիչ քննություն հանձնելու պայմանով: Մինչև 1908 թ. ես ամբողջ ժամանակ ապրել եմ Բաքվում, և ապա 1908 թ. փետրվարին վերադարձա տուն՝ Վաղարշապատ, վերցրի իմ հիվանդ Համազասպ եղբորը, տարա նրան Խարկով, տեղավորեցի պրոֆեսոր Գրեյդենբերգի հիվանդանոցում, ապա այնտեղից մեկնեցի Յարուսլավի լիցեյ: Այնտեղ հանձնեցի քննությունները, ապա վերադարձա տուն, երբ հայրս մահացավ: Դա մոտավորապես 1908 թ. օգոստոսի 20-ն էր: Այդ ժամանակ Երևանի նահանգապետից բարեհուսության վկայական ստացա, որը և ներկայացրի լիցեյ: 1908 թ. սեպտեմբերին Վաղարշապատից մեկնեցի Բաքու: Հոկտեմբերին մեկնեցի Յարուսլավի, քննություն հանձնեցի, իսկ դեկտեմբերին այնտեղից վերադարձա Թիֆլիս, ուր ապրում էի «Անգլետեր» հյուրանոցում: Լրացնեմ, որ Յարուսլավից մի քանի օրով մեկնեցի Բաքու, ապա Թիֆլիս: Մինչև

14 Շեյխ- ուլ-իսլամը Անդրկովկասի մահմեդականների հոգևոր առաջնորդն էր:
 15 Անդրեասն Աբրահամի ավագ եղբայրն էր, անկուսակցական:
 16 Համազասպը (Հայկ) Աբրահամի կրտսեր եղբայրն էր, ուսանող, ՀՅԴ անդամ, մահացել է երիտասարդ տարիքում:

1909 թ. ապրիլը ես ողջ ժամանակ ապրել եմ կամ Բաքվում, կամ Թիֆլիսում: Իմիջիայլոց, մտածում էի Թիֆլիսում տպարան բացել: 1909 թ. ապրիլին ես կրկին մեկնեցի Վաղարշապատ, որտեղ, ինչպես նաև Երևանում, ապրեցի մինչև նույն թվի հոկտեմբեր: Երևանում ես ապրել եմ իմ ազգական Աղաբեկ Ամատունու մոտ: 1909 թ. հոկտեմբերին ես ժամանեցի Թիֆլիս՝ մի քանի օր մնալու նպատակով, սակայն քանի որ երկարացվեց իմ բնակության ուսանողական թույլտվությունը, ես այնտեղ ապրեցի Ազիզ Թովմասի Պետրոսյանցի անվամբ՝ ուրիշի անձնագրով: Այդ անձնագիրը ես գնել էի Երևանում, որն այնտեղ ինձ համար ճարել էր անձանոթ մեկը, ում հետ ծանոթացել էի Երևանի ճանապարհին: Անձնագրի համար վճարել եմ 5 ռուբլի: Այդ մարդն անձնագիրն ինձ է հանձնել փողոցում: 1909 թ. հոկտեմբերից մինչև 1910 թ. ապրիլի 1-ը, երբ ձերբակալվեցի, ես Թիֆլիսում ապրել եմ «Վեռցել» հյուրանոցում: Թիֆլիսում մինչև իմ ձերբակալությունը համագործակցել եմ «Հորիզոն» թերթին: «Դաշնակցություն» կուսակցության գործունեությանը ես չեմ մասնակցել¹⁷, նշանակում է ոչ մի կարգադրություն չէի կարող ստորագրել, այսինքն՝ կարգադրություններ ահաբեկչական գործողությունների կապակցությամբ: Ընթերցված է:

Բնագիրը համապատասխան ստորագրություններով:

Չեր առաջարկած հարցերին պատասխանում եմ: Չեր ներկայացրած Աբասումանից՝ Բաքու 1907 թ. հունիսի 13-ի հետևյալ հեռագիրը. «Բաքու, Մելիքյանի լուսանկարչատուն¹⁸: Բուժումը շարունակվում է, եթե անհրաժեշտ է՝ անհապաղ կմեկնեմ: Աբրահամ» – ես եմ գրել: Ինչ առիթով եմ գրել այդ հեռագիրը՝ չեմ հիշում: Ես այն ժամանակ մոտ մի ամիս ապրել եմ Աբասումանում, ուր բուժվում էի: Ապրում էի

Միրաքովի հյուրանոցում: Մելիքյանն իմ լավ ծանոթն է: Նա լուսանկարչատուն ունի Բաքվի Առևտրական փողոցի վրա: Նրա հետ ծանոթացել եմ լուսանկարչատանը, ուր հաճախ էի լուսանկարվում: Նրա հետ ոչ մի գործնական կապերի մեջ չեմ եղել: Չեր ներկայացրած 1907 թ. հուլիսի 28-ի Աբասումանից Թիֆլիս հետևյալ հեռագիրը. «Թիֆլիս, «Խարիսխ»-ի¹⁹ խմբագրություն: Շարաֆյանին: Պատասխան չի եղել: Աբրահամ» – ես չեմ գրել և նման հեռագիր չեմ ուղարկել: Շարաֆյանին ես չեմ ճանաչում: Ես չեմ հիշում, որ ստացած լինեմ Չեր ներկայացրած 1907թ. օգոստոսի 4-ի Թիֆլիսից Աբասուման հետևյալ հեռագիրը. «Աբասուման, Միրաքովի հյուրանոց: Գյուլխանդանյանին: Ուղարկել պետք չէ, Մարգիսը²⁰ վաղը մեկնում է: Արտեմ»: Միզուցե այդպիսի հեռագիր ես ստացել եմ, միզուցե և չեմ ստացել: Այդ հեռագրի բովանդակության առթիվ ոչինչ չեմ կարող պատասխանել, թե ովքեր են այդ հեռագրում հիշված «Մարգիսը» և «Արտեմը» - ես չգիտեմ: Մարգիս Մանասյանին չգիտեմ: Ես գիտեմ, որ Արտեմ Թայիրյանը 1905-1906 թթ. Բաքվում ծառայել է նավթարդյունաբերողների համագումարի խորհրդում: Նրա հետ ծանոթ էի, սակայն ոչ մի գործնական հարաբերություններ չեմ ունեցել: Չեր ներկայացրած 1907 թ. հուլիսի 15-ի Թիֆլիսից Բաքու հետևյալ հեռագիրը. «Բաքու, Մելիքյանի լուսանկարչատուն: Աբրամովիչին: Պյատիգորսկից Նորավանի համար օգնություն եմ խնդրում: Շտապեցրեք Մեղավորյանին մեկնել կատարողներով և գումարով: Արտավազը» - ինձ հետ ոչ մի առնչություն չունի և բոլորովին ինձ չի վերաբերում: Չեր ներկայացրած 1907 թ. հուլիսի 28-ի Թիֆլիսից Աբասուման հետևյալ հեռագիրը. «Աբասուման, Միրաքովի հյուրանոց: Գյուլխանդանյանին: Ինչպիսին է Ելիզա-

17 Այս ձևակերպումը վերաբերում է ոչ թե անդամակցությունից հրաժարվելուն, այլ ահաբեկչական գործողությունների պարագային:
 18 Իսահակ Մելիքյանի լուսանկարչատունը գտնվել է Բաքվի Առևտրական և Մարինսկայա փողոցների անկյունում, հայկական եկեղեցուց 200-250 քայլ հեռու:
 19 «Խարիսխ» օրաթերթը 1906-1909թթ. ընթացքում հրատարակված ՀՀԴ Արևելյան Բյուրոյի պաշտոնաթերթ «Յառաջ»-ի անվանափոխումներից մեկն էր: «Խարիսխ»-ը հրատարակվել է Թիֆլիսում 1907 թ., 44 համար, 4 էջ ծավալով: Խմբագիր-հրատարակիչը շուկավերցի Արշակ Պետրոսի Մեհրաբյանն էր, ով նույնպես ձերբակալվել էր լիժինյան գործով և դարձել առաջին մեղադրյալը:
 20 Մարգիս Մանասյան:

վետպոլի պատասխանը, պատասխանեք խմբագրությանը: Շարաֆյան» – ինչ-որ ուսուցիչ Շարաֆյան խնդրում էր ինձ Ելիզավետպոլի հայկական ծխական ուսումնարանում ուսուցչի պաշտոնի համար միջնորդել Կորյուն վարդապետին: Կորյուն վարդապետին ես ճանաչում եմ դեռ այն ժամանակից, երբ Էջմիածնի հոգևոր ճեմարանի ուսանող էի, իսկ նա կաթողիկոսի²¹ քարտուղարն էր: 1907 թ. օգոստոսի 21-ի Ելիզավետպոլից Թիֆլիս հետևյալ հեռագրի առնչությամբ. «Թիֆլիս, «Խարիսխ»-ի խմբագրություն: Գյուլխանդանյանին: Բազմաթիվ վիրավոր հայեր հեռանում են քաղաքից: Մանրամասները փոստով: Բաբաքոյիսվով» - ես կարող եմ միայն ասել, որ այդ հեռագիրն ուղարկվել է սպանված մի կազակի պատճառով կազակների կողմից Ելիզավետպոլում կատարած կոտորածների առթիվ:

Բաբաքոյիսվովին ես անձամբ չգիտեմ և անձանոթ եմ: Ինչու է Բաբաքոյիսվովը հեռագիրն իմ անունով հասցեագրել - ես կարող եմ միայն պատասխանել, որ գուցե «Խարիսխ»-ի խմբագրությանը այդ կոտորածի առթիվ ես հարցում էի արել՝ գուցե Բաբաքոյիսվովի անունով, ամենայն հավանականությամբ «Խարիսխ»-ի խմբագրության ցուցումով, և նա ինձ պատասխանել է այդ հեռագրով: Ես ինքս «Խարիսխ»-ի խմբագրությունում չեմ ծառայել, այդ թերթի վարիչ չեմ եղել, բայց այդ կամ մեկ այլ թերթում - ճիշտը չեմ հիշում, ես «.....»²² կեղծանունով հոդվածներ եմ հրատարակել՝ դրանցում քաղաքական կյանքին չանդրադառնալով: Արդյոք Բաբաքոյիսվովը 1907 թ. օգոստոսին ապրել է Աբասթումանում - ես չգիտեմ: Դռնի Ռոստովում բնակվող Գրիգոր Բեդեյանցին ես չգիտեմ: Ձեր ներկայացրած պետական բանկի Բաբաքի բաժանմունքի 1905 թ. հուլիսի 9-ի թերթիկը Աբրահամ Գյուլխանդանյանցի կողմից Բաբաքից՝ Ռոստով Գրիգոր

Բեդեյանցին 1.000 ռուբլի փոխանցելու մասին ես չեմ գրել, սակայն նշված «Բռնդարնայա 139» հասցեն իմն է, որտեղ ես իրականում այն ժամանակ ապրել եմ Բաբաքում: Այդ թարգմանության առթիվ ես ոչինչ չեմ հիշում: Ձեր ներկայացրած 1905 թ. հուլիսի 9-ի թերթիկը Բաբաքից՝ Աստրախան Աբրահամ Գյուլխանդանյանի կողմից հոգևորական Սեդրակ Աղաբուլանցին 3.000 ռուբլի փոխանցելու մասին - նույնպես ես չեմ գրել և 3.000 ռուբլի չեմ ուղարկել: Հովհաննես Սեդեյիկյանին ես փող չեմ ուղարկել: Հովհաննես Սեդեյիկյանին ես ճանաչում եմ, նրա հետ սովորել եմ Էջմիածնի հայկական հոգևոր ճեմարանում: Նա ինձ դուր չէր գալիս և նրա հետ նույնիսկ մտ չեմ եղել: Բաբաքից՝ Սարատով Մնացական Վարդանովին 1.000 ռուբլի ես չեմ փոխանցել, նրա անձն ինձ անհայտ է: Ես չեմ հիշում՝ 1906 թ. մարտի 9-ին Թիֆլիսից Ելիզավետպոլ Կորյուն վարդապետին 1.700 ռուբլի արդյոք ուղարկե՞լ եմ, թե ոչ: Ձեր ներկայացրած Թիֆլիսի Առևտրական բանկի 1905 թ. դեկտեմբերի 30-ի թերթիկը Թիֆլիսից՝ Ելիզավետպոլ Կորյուն վարդապետին 900 ռուբլի փոխանցելու մասին, ըստ որի այդ գումարը փոխանցված է Աբրահամ Իսահակի Գյուլխանդանյանի կողմից «Ժամանակ» թերթի²³ խմբագրությանը - գրված է իմ ձեռագրով, գուցե ես այդ գումարը «Ժամանակ» թերթի խմբագրության հանձնարարությամբ եմ ուղարկել: Ձեր ներկայացրած «Աբրամովիչ» ստորագրությամբ «Մեծ Բաղաքի»²⁴ ընկերներ»-ի անունով հայերեն նամակը գեներլի համար 110 ռուբլի հանձնելու վերաբերյալ - ես չեմ գրել, այդ նամակը նույնիսկ անգրագետ է գրված:

Բժիշկ Համազասպ Օհանջանյանին ես չեմ ճանաչում²⁵: 1907 թ. հունվարի 10-ի Թիֆլիսից Կորյուն վարդապետի անունով հայերեն հետևյալ նամակը. «Մեծարգո Սուրբ Հայր: Խոնարհաբար խնդրում եմ 1.500 ռուբլի փոխանցել Աբրամովիչին կամ նրա ընկերներին: Հարգանքով՝ Համազասպ Օհանջան-

21 Նկատի ունի Սկրտիչ Խրիմյանին:

22 Դատական բնագիր գործում այսպես է նշված:

23 «Ժամանակ» - հասարակական, տնտեսական, քաղաքական և գրական օրաթերթ: Թիֆլիս, Տպ. «Յերմես», 1906-1907: Խմբագիր-հրատարակիչ Յովհ. Տեր-Միքայելյան, Սարգիս Մանասյան:

24 Թիֆլիսի շրջանը:

25 Չասկանալի պատճառով այստեղ Ա. Գյուլխանդանյանը պարզապես ձգտում է Յ. Օհանջանյանին գերծ պահել դատական լրացուցիչ մեղադրանքներից:

յան»: Այդ մասնակն ինձ չի վերաբերում: 1907 թ. հունվարին ես նույնիսկ Ելիզավետպոլում չէի: Հայերեն հետևյալ գրառումը. «Հավաքված գումարը Մ. Նվագին»²⁶: Գրառումներում նշված են հետևյալ գումարները. «Աբրահամ - 8873», «Աբր. շտաբին - 7664» և «Աբրահամ - 528» - բոլորովին ինձ չեն վերաբերում:

Ընթերցված է: Ընթերցման ընթացքում ես կհավելեմ - եթե հիշատակված Շարաֆյանը ուսուցիչ է, ապա ես հիշում եմ, որ ինչ-որ ուսուցիչ դիմել էր ինձ՝ Ելիզավետպոլի հայկական ուսումնարանում ուսուցչի պաշտոնի համար խնդրելու Կորյուն վարդապետին: Ավելին հավելել չեմ կարող:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 6, քք. 2688-2692:
Թարգմանությունն ուսերենից:

**ԹԻՎ 3
ՈՐՈՇՈՒՄ**

1911թ. փետրվարի 11-ից մինչև 24-ը: Քաղաք Նովոչերկասկ:

Նովոչերկասկի օկրուգային դատարանի հատուկ կարևորության գործերով Դատական Քննիչը դիտարկելով հայ հեղափոխական «Դաշնակցություն» կուսակցության գործով իր կատարած նախաքննությունը՝ Գ.ՏԱՎ.

Որ ներքոնվանյալ մեղադրյալը սույն գործով ներկայացված Քրեական դատավարության կանոնադրության 448-րդ և 476-րդ հոդվածների հիման վրա նախաքննությամբ կատարել է հետևյալ հայտարարությունները.

XXXXXXXXV. Աբրահամ Իսահակի Գյուլխանդանյան

1. Հնարավորություն տալ ծանոթանալ բնագիր գործին և դրան վերաբերող բոլոր փաստաթղթերին, քանզի առաջին անգամ անուշադիր է նախել դրանք:

2. Դիտման համար տրամադրել բոլոր փաստաթղթերը կամ դրանց պատճենները, քանզի փաստաթղթերի թարգմանության մեջ առկա

են բազմաթիվ սխալներ, և թարգմանիչները հայերեն լեզվին անբավարար են ծանոթ եղել:

3. Կատարել հայերեն փաստաթղթերի նոր թարգմանություններ՝ հայերեն լեզվին և գրականությանը միանգամայն ծանոթ թարգմանիչների միջոցով:

4. Որպես Ջարոտի Դազանջյանի ցուցմունքի հերքում, ըստ որի նա Գյուլխանդանյանին ճանաչում է որպես Թիֆլիսի հայկական Ներսիսյան դպրոցի ուսուցչի²⁷ - պահանջել տեղեկանք այդ դպրոցից, որ Գյուլխանդանյանն այդ դպրոցում ուսուցիչ չի եղել:

5. Հաբեթ Վարդերեսյանը²⁸ նշում է մինչև 200 դաշնակցականների, իսկ Միհրանը՝ 600, ընդ որում Միհրանը շեշտում է՝ «Աբրահամ Սահակի Գյուլխանդանյան», ինչը նշված է անձնագրային գրքույկում, այնպես որ՝ դա կարծես թե մեկի կողմից թելադրված է Միհրանին:

6. Միհրանը, Հաբեթը և Ջարոտին կեղծ վկայություններ են տալիս, քանզի նրանք ընդունակ են ցանկացած խարդախության ու զբաղվում են նեմզադորթությամբ, ինչի առթիվ հարցաքննել Սեյլանովին և Բասենցեին:

7. Ֆրենկելի ցուցմունքը, ըստ որի Գյուլխանդանյանը եղել է կուսակցության Ելիզավետպոլի կենտրոնական կոմիտեի անդամ և Կորյունի աջակից, իսկ 1905 թ. ձևի համար է Վաղարշապատում նավթի կրպակ ունեցել՝ ոչ մի քննադատության չի դիմանում և կեղծ է, քանի որ 1905 թ. նա ապրել է Բախախանիում, այնտեղ ունենալով «Երկաթ» արհեստանոց, ինչի մասին կարող են հաստատել «Մասնակից» ընկերության բոլոր ծառայողները: Ապա նա 1905 թ. օգոստոսից ապրել է Բաքվում Բոնդարնայա 139 տանը, ինչի հաստատումը կարող ենք տեսնել անձնագրային գրքույկում: 1905 թ. սեպտեմբերին կամ հոկտեմբերի սկզբին մեկնել է Թիֆլիս՝ այնտեղ ապրելով «Սևերնիե մոմերա» հյուրանոցում, իսկ 1905 թ. նոյեմբերի 20-ին մեկնել է Ելիզավետպոլ: Վաղարշապատ մեկնել է միայն տոներին և 1906 թ. մարտից հետո հաստատվել է Վաղարշապատում, ինչի մասին

26 Հավանաբար դատական գործի բազմաթիվ սխալներից մեկն է, պետք է լինի «Ս. [եծ] Քաղաք»:
27 Ա. Գյուլխանդանյանը երբեք Ներսիսյան դպրոցում չի աշխատել:
28 Վարդերեսյանը Միհրանի մերձավոր աջակիցն էր:

հարցաքննել Գարեգին Ենգիբարյանին, ինչպես նաև նայել վանքապատկան կալվածքների կառավարման մատյանները - նավթի պահեստի համար տարածքի վարձակալման ժամկետի պարզման նպատակով:

8. Նավասարդ Միրումյանի ցուցմունքները կեղծ են՝ Ա. որ իբր Գյուլխանդանյանն ասել է նրան, թե ինքը ձեռքակալվել է «Ազիզ Պետրոսյանցի» անունով, Բ. որ իբր Գյուլխանդանյանի հրամանով սպանվել է [Ելիզավետպոլի] գավառապետ Ավալիանին, Գ. որ իբր Գյուլխանդանյանից էր կախված, թե ում ենթարկել ահաբեկչության կամ ազատել դրանից, իսկ Ավալիանիի սպանությունը տեղի է ունեցել 1908 թ. մարտ-ապրիլին, երբ Գյուլխանդանյանն ապրել է Յարուսլավլում՝ լինելով Դեմիդովյան լիցեյի ուսանող, իսկ ողջ 1908 թ. անց է կացրել. ծննդավայր Էջմիածնում, ապա հիվանդ Համազասպ եղբոր հետ մեկնել է Խարկով, ինչի առթիվ միջնորդում է տեղեկանքներ վերցնել Էջմիածնի գավառապետից, Խարկովի հյուրանոցից և հիվանդանոցից, Դեմիդովյան լիցեյից:

9. Կորյուն վարդապետը ձեռքակալվել է 1907 թ., և 1908 թ. գտնվում էր բանտում, դրա համար էլ 1907 թ. և 1908 թ. Նավասարդ Միրումյանի նշած ահաբեկչության առիթով խորհրդակցություններ չէին կարող տեղի ունենալ:

10. «Աբրամովիչ» ծածկանունը Գյուլխանդանյանին վերագրվել է Դատական Քննիչի կողմից: Ըստ Միհրանի՝ «Աբրամովիչ» ծածկանունը Սամսոն Հարությունովին²⁹ էր, իսկ Գյուլխանդանյանին Դատական Քննիչն իրավունք չուներ նման ծածկանուն վերագրել:

11. Աբրահամ Իսահակի Գյուլխանդանյանի կողմից Ելիզավետպոլ՝ Կորյուն վարդապետին 1906 թ. դրամական երկու փոխանցումները կատարվել են իր կողմից խմբագրության³⁰ խնդրանքով, իսկ որ այդ գումարները գտնվում էին խմբագրության տրամադրության տակ - կարելի է հանդգնել նշյալ թերթի խմբագրության մատյանների և փաստաթղթերի գնմամբ:

12. Քննչական նյութում նշվում է, որ Կորյուն վարդապետն Աբրահամից ստացել է 10.000 ռուբլի, իսկ մնացել է 500 ռուբլի, դրա համար էլ որպես հաստատում այն բանի, որ «Աբրահամ» ծածկանունն իրեն չի վերաբերում՝ հարցաքննել նախկին Կորյուն վարդապետին, գործին կցել ինքնապաշտպանության համար գումարի հանգանակության առթիվ Ելիզավետպոլի քաղաքացիների կազմած արձանագրությունը և հարցաքննել արձանագրության մեջ նշված բոլոր անձանց՝ հաստատելու համար, որ Գյուլխանդանյանն այդ գումարի հանգանակմանը չի մասնակցել:

13. Սույն գործին կցել Կորյունից առգրավված բոլոր փաստաթղթերը և ներկայացնել Գյուլխանդանյանին՝ ծանոթանալու համար:

14. Ինչ վերաբերում է փաստաթղթին, ուր նշված է հետևյալը. «Կորյունի շտաբի վրա ծախսված է 15.852 ռուբլի 40 կոպեկ, Աբրահամի շտաբի վրա - 9401 ռուբլի», ապա նշյալ Աբրահամը - ինքը Գյուլխանդանյանը չէ, այդ փաստաթուղթն իր հետ ոչ մի առնչություն չունի, փաստաթուղթը թարգմանված է սխալ և միջնորդում է փաստաթուղթն իրեն ներկայացնել:

15. Արտեմ Թայիրյանի հետ Գյուլխանդանյանը ծանոթացել է 1907 թ.: Առաջինը նավթարդյունաբերողների համագումարի խորհրդի հաշվապահն էր, իսկ երկրորդը՝ «Դրուժբա» ընկերության հաշվապահը, ինչուս կարելի է հանդգնել՝ պահանջելով «Դրուժբա» ընկերության և համագումարի խորհրդի գրասենյակի հաշիվները:

16. Նոր փորձագետների միջոցով Բաքվից Աստրախան և Դոնի Ռոստով դրամական փոխանցումների փորձաքննություն կատարել, քանի որ ռուս փորձագետները սխալվել են՝ իրեն վերագրելով այդ դրամական փոխանցումները:

17. Իր բացատրությունները հնարավոր է լրացնի, եթե հանգամանորեն ծանոթանա քննչական վարույթում գտնվող գործի հետ, քանզի 1910 թ. նոյեմբերի 13-ից մինչև դեկտեմբեր-

29 Հարությունյան Սամսոն (1869, գ. Վերին Աղդան-1941) – անվանի հասարակական-քաղաքական գործիչ: Եղել է Կովկասի Հայոց բարեգործական ընկերության նախագահ, Ազգային Բյուրոյի նախագահ: 30 Նկատի ունի «Խարիսխ» թերթը:

ԵՐԿՆԵՐԻՆԻ

րի 20-ը առանց ընդմիջման 6 ժամ թռուցիկ ընթերցման պատճառով ինքը չի հասցրել քննչական գործի հետ մանրամասն ծանոթանալ:

Փոխել կալանման միջոցը:

ՀԱԱ, ֆ. 1457, ց. 3, գ. 6, թթ. 4404-4406:

Թարգմանություն ռուսերենից:

* * *

CCXV. Աբրահամ Գյուլխանդանյան

(լրացուցիչ հայտարարություններ հեռագրով և խնդրագրով)

1. Նշանակել դատաբժշկական զննություն և ազատել կալանքից:

2. [Դատական] Ողջ գործից տրամադրել պատճեններ:

ՀԱԱ, ֆ. 1457, ց. 3, գ. 6, թ. 4444: Թարգ-

մանություն ռուսերենից:

* * *

25. Աբրահամ Իսահակի Գյուլխանդանյան

(Դիտել բնագիր վարույթը, ինչպես նաև հայերեն փաստաթղթերը, որոնք առնչվում են իրեն, քանզի առաջին անգամ անուշադիր է նայել դրանք):

Դիտման համար ներկայացնել բոլոր փաստաթղթերը կամ դրանց պատճենները, քանզի բարգձմության մեջ առկա են բազմաթիվ սխալներ և թարգմանիչներն անբավարար են ծանոթ եղել հայերեն լեզվին և նրա ոգուն, կատարել հայերեն փաստաթղթերի նոր թարգմանություն հայերեն լեզվին, հին ու նոր գրականությանը միանգամայն ծանոթ թարգմանիչների միջոցով:

Ներկայացնել փաստաթուղթը, որտեղ նշվում է, թե նրա ղեկավարությամբ կուսակցական կարիքների համար ծախսվել է 35.295 ռուբլի 70 կոպեկ կուսակցական գումար: Ներկայացնել իրեն Կորյունից առգրավված բոլոր փաստաթղթերը: Ինչ վերաբերում է այն փաստաթղթին, որտեղ նշված է հետևյալը. «Կորյունի շտաբի վրա ծախսված է 15.852 ռուբլի 40 կոպեկ, Աբրահամի շտաբի վրա - 9401 ռուբլի» - ապա այդ փաստաթուղթը սխալ է թարգմանված և այդտեղ նշված անձն ինքը

չէ: Իր բացատրությունները հնարավոր է լրացնի, եթե հնարավորություն տրվի ծանոթանալ քննչական վարույթի գործի հետ, քանզի 1910 թ. նոյեմբերի 18-ից մինչև դեկտեմբերի 20-ը օրական 6 ժամ անընդմեջ թռուցիկ ընթերցման դեպքում չի կարողացել մանրամասն ծանոթանալ քննչական նյութի հետ:

ՀԱԱ, ֆ. 1457, ց. 3, գ. 6, թ. 4459: Թարգ-

մանություն ռուսերենից:

* * *

9. Մեղադրյալ Աբրահամ Գյուլխանդանյանը՝ վրդովված վկա Ֆրենկելի դեմ այն բանի համար, որ վերջինս նշում է, թե իբր Աբրահամ Գյուլխանդանյանը եղել է Կորյունի աջակիցը, մասնակցել է «Դաշնակցության» գործունեությանը, եղել նրա Ելիզավետպոլի կենտրոնական կոմիտեի անդամը, 1905 թ. աչք փակելու համար Վաղարշապատում ունեցել նավթի կրպակ, ուր լինում էին նաև ուրիշ անձինք - հայտարարում է, որ նման ցուցմունքը քննադատության չի դիմանում և կեղծ է: Սակայն, քանի որ մեկ այլ վկա՝ Նավասարդ Միրումյանը, հաստատում է վկա Ֆրենկելի փաստարկները Գյուլխանդանյանի՝ որպես Կորյունի աջակցի և կուսակցության նույն կոմիտեում մասնակցության վերաբերյալ՝ Գյուլխանդանյանին վերագրելով ահաբեկչության գծով ոչ միայն Ելիզավետպոլ քաղաքում, այլև Ելիզավետպոլի նահանգում ղեկավար դերակատարություն, ապա մեղադրյալ Գյուլխանդանյանն այդ վկային ևս անվանում է ստախոս՝ նրա ցուցմունքը կեղծ համարելով: Ընդ որում, որպես վկա Ֆրենկելի փաստարկների հերքում՝ Գյուլխանդանյանը խնդրում է հարցաքննել Բալախանիում «Մասնակից» ընկերության ծառայողներին, զննել իր անձնագիրը, նավթի կրպակի համար վարձակալության համար վանքապատկան կալվածքների կառավարման մատյանները, վերցնել տեղեկանք նրա բարեհուսության մասին, հարցաքննել վկա Ենգիբարյանին և իր եղբայր Անդրեյ Գյուլխանդանյանին ի հաստատումն 1905 թ. իր՝ Բալախանիում, Թիֆլիսում, Բաքվում, Վաղարշապատում, Ելիզավետպոլում ապրելու

101
102
103
104
105
106
107
108
109
110
111
112
113
114
115
116
117
118
119
120
121
122
123
124
125
126
127
128
129
130
131
132
133
134
135
136
137
138
139
140
141
142
143
144
145
146
147
148
149
150
151
152
153
154
155
156
157
158
159
160
161
162
163
164
165
166
167
168
169
170
171
172
173
174
175
176
177
178
179
180
181
182
183
184
185
186
187
188
189
190
191
192
193
194
195
196
197
198
199
200

Բ (Ը) փայտի, թիվ 3 (31) Խովիս-նկարներ 2010
ՎԵՄ համահայկական համադր

մասին: Սակայն, մեղադրյալի այս միջնորդությունը բավարարման ենթակա չէ, քանզի այդ փաստերի առթիվ նույն մեղադրյալի հղումով հարցաքննվել են բազմաթիվ վկաներ, ուլքեր հաստատել են այն հղումը, որն ըստ էության Գյուլխանդանյանի արդարացման օգտին ոչինչ չի տալիս, այլ միայն ամրապնդում է մեղադրող կողմի վկաներ Քեշիշյանի և Վարդերեսյանի փաստարկները, ուլքեր ցույց են տվել կուսակցության մեջ Գյուլխանդանյանի շրջիկ դերակատարությունը³¹ և ըստ այդմ՝ նրա մասնակցությունը տարբեր կենտրոնական կոմիտեներում՝ մեկ Բաքվի, մեկ Թիֆլիսի, մեկ Ելիզավետպոլի: Հավասարապես հարգման արժանի չէ նույն մեղադրյալ Գյուլխանդանյանի միջնորդությունը նրան մերկացնող վկա Միրումյանի ցուցմունքների հերքման առթիվ հետևյալ պատճառներով.

Ա. Թիֆլիսի նահանգային ժանդարմական վարչության պետից և Ելիզավետպոլի նահանգի գծով նրա օգնականից տեղեկանքների ստացման մասին, ըստ որի Գյուլխանդանյանը Թիֆլիսում իր ձերբակալության ժամանակ հայտարարել է իր թյուրիմացաբար ձերբակալության մասին և միջնորդել է իր հարցաքննության համար,

Բ. Դեմիդովյան լիցեյից, Էջմիածնի գավառապետից, Խարկովի հիվանդանոցից և հյուրանոցից տեղեկանքների ստացման մասին առ այն, որ ի հաստատումն այն բանի, որ 1908 թ. ապրիլին գավառապետ Ավալիանիի սպանության ժամանակ ինքը՝ Գյուլխանդանյանը Ելիզավետպոլում չի գտնվել,

Գ. Տեղեկանքների ստացում առ այն, որ Կորյունը ձերբակալվել է 1907 թ., և 1908 թ. գտնվում էր բանտում, և ըստ այդմ ինքը՝ Գյուլխանդանյանը 1908 թ. չէր կարող Կորյունի հետ խորհրդակցել,

Դ. Հարցաքննել Նավասարդ Միրումյանի եղբորը՝ Գևորգին առ այն որ առաջինը հղում է կատարել Գյուլխանդանյանի՝ Կորյունի հետ ահաբեկչության առթիվ խորհրդակցություն կատարելու մասին,

Ե. Որ Թիֆլիսում ինքը ձերբակալվել է

31 Նկատի ունի կուսակցական շրջիկ գործիչ լինելու հանգամանքը:

Ազիզ Պետրոսյանի անվան տակ, որի անունով ապրել է մեկ տարի, և միայն Ելիզավետպոլի բանտում Նավասարդ Միրումյանի վկայությամբ բացահայտվել է իր իսկական անունը:

Մեղադրյալ Գյուլխանդանյանի այս միջնորդություններն անհիմն են և բավարարման ենթակա չեն:

ՀԱԱ, ֆ. 1457, ց. 3, գ. 6, թթ. 4491-4492:
Թարգմանություն ռուսերենից:

ԹԻՎ 4
ՄԵՂԱԳՐԱԿԱՆ ԱԿՏ

Ինչ վերաբերում է մեղադրյալ Աբրահամ Գյուլխանդանյանին [Համազասպ Օհանջանյանի, Սարգիս Մանասյանցի և Համազասպ Սրվանձտյանցի հետ] կալանքից ազատելու մասին միջնորդություններին, ապա այդպիսի միջնորդությունները՝ դրանց համար օրինական հիմնավորումների բացակայության պատճառով, չեն կարող բավարարվել:

Շարադրյալի հիման վրա Դատական Քննիչը որոշեց. բոլոր վերոնշյալ միջնորդություններում հիշատակվող մեղադրյալներին՝ նշված հիմքով սույն որոշման մեջ մերժել:

Դատական Քննիչ Ն. Լիժին
ՀԱԱ, ֆ. 1457, ց. 3, գ. 6, թթ. 4607:
Թարգմանություն ռուսերենից:

* * *

134. Հարցաքննված Գաբրիել Քեշիշյանը ցուցմունք է տվել, որ Աբրահամի անվան տակ «Դաշնակցություն» կուսակցության մեջ հայտնի էր Աբրահամ Գյուլխանդանյանը՝ կազմակերպության գլխավոր անդամներից մեկը, ում միջոցով կոմիտեները հաղորդակցվում էին իրար հետ, ով սկզբում անդամակցում էր Ելիզավետպոլի, ապա Բաքվի կենտրոնական կոմիտեներին (քնագիր գործ, հտ. 13, թ. 226):

ՀԱԱ, ֆ. 1457, ց. 3, գ. 6, թ. 134:
Թարգմանություն ռուսերենից

ՎԱՎԵՐԱԳՐԵՐ

ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Հովհաննես Քաջազունու դատական գործը*

Հայաստանի Հանրապետության առաջին վարչապետ Հովհաննես Քաջազունին անջնջելի հետք է թողել Հայոց նոր պատմության մեջ՝ դառնալով 20-րդ դարի առաջին տասնամյակներին մեր ազգային երկնակամարի վրա փայլատակած վառ անհատականություններից մեկը:

Հովհաննես Քաջազունին (Իզիթխանյան) ծնվել է 1868 թ. փետրվարի 1-ին Ախալքալաքի գավառի Գանձա գյուղում՝ քահանայի ընտանիքում: Իզիթխանյանների ընտանեկան միջավայրը և մեծ եղբոր՝ ՀՅԴ հիմնադիրների հետ սերտ կապեր ունեցող Վարդգես Քաջազունու բարերար ազդեցությունը մանկուց բորբել են նրա ազգային-հայրենասիրական զգացմունքները:

Հովհաննես Քաջազունին 1877-1886 թթ. Թիֆլիսում ստացել է միջնակարգ կրթություն՝ սովորելով մասնավոր դպրոցում, ապա՝ ռեալական ուսումնարանում: 1883 թ. անդամակցել է «Նարողնայա Վոլյա» կուսակցության ղեկավարած գաղտնի աշակերտական խմբակին: 1885-1886 թթ. ընդգծված ազգային բնույթ ձեռք բերած այս աշակերտական խմբակում նա սերտել է ընդհատակյա աշխատանքի առաջին դասերը: Այնուհետև 1887-1893 թթ. սովորել է Պետերբուրգի Քաղաքացիական ինժեներների ինստիտուտում, մասնակցել տեղի հայ ուսանողների ժողովներին: Եղել է Պետերբուրգի հայ ուսանողների կողմից ժողովրդական ընթերցանության համար նախատեսված գրքույկների մատենաշարի հրատարակման խմբագրական հանձնաժողովի անդամ:

Քաղաքացիական ինժեներների ինստիտուտն ավարտելուց հետո 1893-1895 թթ. ծառայել է Բաքվի անհանգային վարչությունում որպես տեխնիկ: Միտոն Չավարյանի ջանքերով անդամակցելով ՀՅ Դաշնակցությանը, կապեր է հաստատել գործարանային շրջաններում, ծավալել քարոզչություն, անդամներ հավաքադրել կուսակցության մեջ: 1895-1897 թթ. Բաքումում ծառայել է որպես ինժեներ՝ սահմանապահ պահպանության կորպուսի սևծովյան բրիգադում: Օգտվելով իր դիրքից, ուսումնասիրել է Ղորղիսի սահմանագիծը՝ Արևմտյան Հայաստան գեներալ-տեղափոխելու համար լրացուցիչ հենակետեր ստեղծելու նպատակով, սակայն այդ նախագիծը չի իրականացվել: Միաժամանակ աշխատակցել է Գ. Թումանովի «Նովոյե օբզորենիե» թերթին, գրել փոքրիկ պատմվածքներ, գրաքննադատական ակնարկներ: 1897-1899 թթ. Հովհաննես Քաջազունին աշխատել է իբրև

* Ընդունվել է տպագրության 25.11.1010:

Թիֆլիսի քաղաքային վարչությանը կից ճարտարապետ: Մասնակցել է Արևմտյան Հայաստանից գաղթած բանվորների կազմակերպման՝ ՀՅԴ աշխատանքներին, զենքի գաղտնի տեղափոխման համար մարդկանց հավաքագրման և նախապատրաստման նպատակով:

1899-1906 թթ. Բաքվում ծառայել է «Նավթարդյունաբերողների խորհրդում» որպես ավագ ինժեներ, նավթաշրջանի գլխավոր վարիչ: Իրեն ենթակա տեխնիկական բաժինը դարձրել է ՀՅԴ կենտրոնատեղիներից մեկը, այնտեղ հավաքել ու ժամանակավոր ապաստան տվել ընդհատակյա գործիչներին: 1901թ. վերջին որպես զբոսաշրջիկ ճանապարհորդել է Արևմտյան Եվրոպայում: Գրել է ճանապարհորդական ակնարկներ, որոնք «Հարյուր տաս օր Եվրոպայում» խորագրի ներքո հրատարակվել են «Բաքու» թերթում, ապա՝ առանձին գրքույկով: Հրապարակայնորեն քննադատել է Հայաստանյայց եկեղեցու գույքի բռնագրավման և հայ-թուրքական կռիվների հրահրման՝ ցարական իշխանությունների քաղաքականությունը: 1906 թ. օգոստոսին մասնակցել է Էջմիածնում կայացած Արևելահայերի (Ռուսահայոց) Կենտրոնական ժողովին, որտեղ հստակորեն ձևակերպվել են Ռուսաստանի հայության կյանքի բարեփոխման՝ ՀՅԴ պահանջները:

1907-1910 թթ. Բաքվում զբաղվել է հայկական տաճարի նախագծման և շինարարության հետ կապված աշխատանքներով: Նույն շրջանում՝ 1908 թ. երիտթուրքական հեղաշրջումից հետո, կուսակցական գործերով երկու ամսով մեկնել է Կ. Պոլիս:

ՀՅԴ դեմ ուղղված լիժնյան հալածանքներն իրենց շրջանակի մեջ առանձին Հովհաննես Քաջազնունուն: Հետաքննության ընթացքում նա իրեն մեղավոր չճանաչեց: Ավելին՝ ներկայացված մեղադրանքներն ավելի քան պարզունակ էին. մասնակցություն Էջմիածնում գումարված «հայկական համագումարին», ՀՅԴ օգտին տեսական ուղղվածության հողվածի հրապարակում՝ օրինական կերպով տպագրվող պարբերականում: Ազատվելով խոշոր չափի գրավի դիմաց և խուսափելով դատից՝ Հովհաննես Քաջազնունին 1910 թ. վերջին հեռանում է արտասահման:

1911-1913 թթ. բնակվել է Փարիզում, Մոնպելյեում, Գենտում և Բրյուսելում: Գոյատևման միջոցներ հայթայթելու համար դարձել է «Բաքու» թերթի սեփական թղթակիցը, հողվածներ գրել «Ռ. Իվանովիչ» ստորագրությամբ: Հովհաննես Քաջազնունու այս շրջանի հրապարակումների հիմնական թեման բալկանյան պատերազմներն էին:

1913 թ. ամռանը Կ. Պոլիս, Տրապիզոնի եւ Էրզրումի վրայով անցել է Վան, դարձել ՀՅԴ Վասպուրականի կենտրոնական կոմիտեի խորհրդատուն, կատարել կուսակցական որոշ հանձնարարություններ, կարդացել հրապարակային դասախոսություններ: Արևմտյան Հայաստանից շարունակել է թղթակցել «Բաքու» թերթին՝ «Իմ հայրերի երկրում» ընդհանուր խորագրով: Հետաքրքրվել է նաև Վասպուրականի քրդերի բանահյուսությամբ, գրառել բազմաթիվ երգեր ու հեքիաթներ:

Առաջին համաշխարհային պատերազմը սկսվելուց հետո՝ 1914 թ. սեպտեմբերին, գաղտնի կերպով անցել է Թիֆլիս: Կուսակցական շրջանակներում կայացած

Բ (Ը) ԳԱՐԻ, ՔԻՎ 4 (32) ԽՈԿՐԱԲԵՐՆԵՐ-ՐԵԿՎԵՐԵՆՏԵՐ 2010

ՎԵՄ ԿԱՄԱՆԱԿԱԿԱԿԱՆ ԿԱՆՈՒՄ

հանդիպումներում Հովհաննես Քաջազնունին կտրուկ կերպով դեմ է արտահայտվել կամավորական շարժմանը: 1915 թ. սկզբին Ռուսաստանում տեղի ունեցած ընդհանուր համաներման շնորհիվ անցել է լեզալ գործունեության, անդամակցել Ազգային Բյուրոյին՝ դառնալով նրա քարտուղարը: Եղել է Քաղաքների միության Կովկասյան կոմիտեի անդամ՝ և այդ կարգավիճակով կարճ ժամանակով տեսչության մեկնել Ալաշկերտ:

1917 թ. սկզբին անցել է Բաքու՝ ստանձնելով նավթարդյունաբերող ֆիրմաների միջև դեֆիցիտ նյութերի բաշխման գործը: 1917 թ. Փետրվարյան հեղափոխության առաջին օրերից Հովհաննես Քաջազնունին դարձել է հայ հասարակական ուժերի կազմակերպման աշխատանքների գործունյա մասնակիցը: Բաքվում աշխատել է միջկուսակցական խորհրդակցություններում, պաշտպանել բոլոր հեղափոխական ուժերի սերտ համախմբման գաղափարը: 1917 թ. վերջին ընտրվել է Համառուսաստանյան Սահմանադիր ժողովի անդամ:

Անդրկովկասյան Սեյմի ձևավորումից հետո եղել է նրա անդամը, աշխատել որպես խնամատարության նախարար՝ Գեգեչկորիի և առանց պորտֆելի նախարար Չխենկելիի կառավարություններում: Անդրկովկասյան Սեյմի պատվիրակությունների կազմում մասնակցել է Տրապիզոնի և ապա՝ Բաթումի հաշտության բանակցություններին: Անդրկովկասյան Սեյմի լուծարումից հետո վերադարձել է Բաթում, որտեղ արդեն՝ Հայաստանի անկախ Հանրապետության անունից, թուրքերի հետ կնքել է խաղաղության պայմանագիրը:

1918 թ. երկրորդ կեսին եւ 1919 թ. առաջին հինգ ամիսներին Երևանում վարել է Հայաստանի Հանրապետության վարչապետի ծանր ու չափազանց պատասխանատու պաշտոնը: 1919 թ. երկրորդ կեսից սկսած մինչև 1920 թ. առաջին եռամսյակը Հայաստանի Հանրապետության համար տնտեսական օգնություն փնտրելու նպատակով մեկնել է Փարիզ, Լոնդոն, ԱՄՆ: Չորս ամիս եղել է Փարիզում, ապա Լոնդոնում, իսկ հետո գլխավորապես՝ Ամերիկայում, որից օգնության առավել մեծ ակնկալիքներ ուներ:

1920 թ. հոկտեմբեր-նոյեմբերին եղել է Հայաստանի Խորհրդարանի նախագահը: 1921թ. փետրվարի սկզբին ձերբակալվել է և բանտարկվել խորհրդային Արտակարգ հանձնաժողովի կողմից: Փետրվարյան ապստամբությունից հետո Լեռնահայաստանով անցել է Պարսկաստան, որտեղից մեկնել է Կ. Պոլիս, ապա՝ Բուխարեստ: Հեղինակել է ազգային-հասարակական հնչեղության գրքեր¹:

Խորհրդային կարգերի ամրապնդումից հետո, 1925 թ. վերադարձել է Երևան, աշխատել շինարարական նախագծերի հսկողության ոլորտում: 1926-1931թթ. դասավանդել է Երևանի համալսարանում, ապա՝ Շինարարական ինստիտուտում, եղել է Հայկական տեխնիկական ընկերության նախագահության անդամ, ապա՝ նախագահ:

1930-ականների ստալինյան բռնաճնշումների զոհերից մեկը դարձած Հովհաննես Քաջազնունին գիտակցորեն դիմավորեց անխուսափելի մահը՝ 1937 թվականի Մայիսի 28-ը միայնակ տոնելով մայրաքաղաք Երևանում՝ Հրազդանի կիրճում:

1 Տե՛ս Գ. Յ. Դաշնակցութիւնը անելիք չունի այլևս, Վիեննա, Պուքրէշ, Աղէքսանդրիա, Թիֆլիս, 1923; Եր., 1994: Բաց նամակ Շ-ին. Ռուսաստան թէ Թուրքիա: Պուքրէշ, 1924 ; Պէյրուք, 1965, Եր., 1990: Յետ մահու: Պէյրուք, 1965: Ազգ եւ հայրենջք, Պէյրուք, 1979, Եր., 2008: Հայաստանի Հանրապետութիւն, Եր., 1993:

Հայաստանի Հանրապետության առաջին վարչապետ Հովհաննես Քաջագունին ձերբակալվել է 1937 թ. հոկտեմբերի սկզբին, «լրտեսության» վերաբերյալ խոստովանություն կորզելու համար կուրացվել է 3500 մոմանոց էլեկտրական լամպերի միջոցով ու տանջամահ արվել 1938 թ. հունվարին, չեկայի բանտի ներքնահարկում:

Ավագ Ա. Հարությունյան
պարս. գիր. թեկնածու

**THE FILES OF THE GREAT TRIAL OF ARF
(DASHNAKTSUTYUN)**

The Lawsuit of Hovhannes Qajaznuni

Avag A.Harutyunyan

**ԹԻՎ 1
ՄԵՂԱԳՐՅԱԼԻ ՀԱՐՑԱՔՆՆՈՒԹՅԱՆ
ԱՐՉԱՆԱԳՐՈՒԹՅՈՒՆ**

1910 թ. օգոստոսի 19: Քաղաք Բաքու: Բաքվի օկրուգային դատարանի հարուկ կարևորության գործերով Կարսկան Քննիչ Պողոթինսկին Քրեական դատավարության կանոնադրության 403-րդ հոդվածում նշված կանոնների պահպանմամբ որպես մեղադրյալի հարցաքննեց ներքոնախկային, ով իրեն ներկայացված հարցերին հետևյալ ցուցմունքը տվեց.

Իմ անուն, հայրանուն, ազգանուն – Հովհաննես Մատթեոսի Տեր-Հովհաննեսյանց Քաջագունի: տարիքը – 42 տարեկան: ծննդյան վայրը – ք. Ախալքալակ, Թիֆլիսի նահանգ: գրանցման վայրը – նույն տեղում: բնակության վայրը – քաղաք Բաքու, Բալախանիի փողոց, Կաշչևի տուն: ծնունդը – օրինական: կոչումը – տոհմիկ պատվավոր քաղաքացի: ազգությունը – հայ: կրոնը – հայ-գրիգորյան: կրթությունը – ք. Պետերբուրգում ավարտել է քաղաքացիական ինժեներների կայսերական ինստիտուտը: զբաղմունքը – քաղաքացիական ինժեներ: գույքային ապահովվածության աստիճանը – ստանում է աշխատավարձ, [եկամտի] այլ միջոցներ չունի: ընտանեկան դրությունը – ամուսնացած, ունի եր-

կու դուստր և չորս որդի: դատվածություն – չի եղել: հատուկ նշաններ – չկան:

Ապա, ըստ մեղադրանքի ներկայացված հարցերին, հետևյալ ցուցմունքն է տալիս:

Ես ինձ մեղավոր չեմ ճանաչում այն բանում, որ պատկանել եմ 1905-1908 թվականներից Ռուսական պետության մեջ ձևավորված հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն իր գործունեության նպատակ էր առաջադրել գործադուլների, տնտեսական, կազմակերպական և քաղաքական աստիճանների ճանապարհով և զինված ապստամբության միջոցով բռնությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի է ունեցել 1905-1908 թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ուներ հեղափոխական բյուրո, հատուկ հեղափոխական կենտրոնական ու տեղական կոմիտեներ և ենթակոմիտեներ, խմբեր, 1905-1908 թթ. հրատարակած հակակառավարական ամսագրեր, թերթեր, թուղթիկներ զինված ապստամբության կոչերով, Ռուսական

ՎԱՎԵՆԱԳՐՈՒ

Թ (Ը) ԳՐԱՅԻ, ԹԻՎ 4 (32) ԽՈԿՐԵՆԵՐ-ՐԵԿՎԵՐԵՆԵՐ 2010

ՎԵՄ ԿԱՄԱՆԱԿԱԿԱՆ ԿԱՆՈՒՆ

պետության մեջ հանրապետության ձևավորման համար, սարքավորումներով տպարաններ, հրագեների և սառը զենքի մեծ պահեստներ, պայթուցիկ արկեր (ռումբեր), վառողի, դինամիտի, փամփուշտի և այլնի մեծ պահեստներ, հեղափոխական զինվորների հատուկ ջոկատներ, ասիական ջոկատներ՝ «Ահաբեկիչ Մարմին»-ի խորհրդի գլխավորությամբ, որ կոմիտեների որոշումներով 1905-1908 թթ. Ռուսաստանում իրականացրել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել չցանկացող՝ ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից գատ [իրականացրել է] տեղական հայ բնակչության ամենամյա պարտադրված դրամահավաք՝ հանցագործ նպատակների համար և մահվան սպառնալիքի ներքո, առավել ևս՝ հատուկ ստիպողական մեծ դրամական շորթումներ [է կատարել] հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագլուխ կերպով յուրացնելով դատական իշխանության իրավասությունը՝ իրականացնելով քրեական և քաղաքացիական գործերի քննություններ և այդ գործերով իր ապօրինի դատավճիռներն արձակելով, ընդ որում ես՝ Հովհաննես Քաջազնունիս [սա կրկին քննիչի կողմից ներկայացված մեղադրանքի տեքստն է], կրելով «Հայկազունի» կուսակցական մակամուն, 1906-ից եղել եմ հայ հեղափոխական «Դաշնակցություն» կուսակցության Բաքվի կոմիտեի անդամ, դրանում ունեցել եմ ամենից գործունյա մասնակցություն հեղափոխական քարոզչության մեջ, ինչպիսի գործունեության մասին [նրա] հաստատված է հետևյալը.

1. [ՀՅԴ] կուսակցության Արևելյան Բյուրոյի օրգան «Ալիք» թերթի գնումից և թարգմանությունից երևում է, որ 1907 թ. հունիսին ք.Թիֆլիսում Ներսիսյան հայկական ճեմարանի հոգաբարձուներ են ընտրվել «Դաշնակցություն» կուսակցության կողմից ներկայացված նրա անդամներ Ավետիս Ահարոնյանը, Սարգիս Մանասյանը, Մինաս Մուրադովը, ճարտարապետ Հովհաննես Քաջազնունին;

2. «Դաշնակցություն» կուսակցության Թիֆլիսի Կենտրոնական կոմիտեի օրգան «Ժամանակ» թերթի գնումից երևում է, որ նշյալ թերթի 1907 թ. հունվարի 13-ի թիւ 9-ում «Հովհաննես Քաջազնունի» ստորագրությամբ «Ի՞նչ կլինի

«Դաշնակցության» հետ» հոդվածում Քաջազնունին առարկում է «Մշակ» թերթում տպված Մարկոսյանի հոդվածների դեմ, որոնցում վերջինս փորձել է ցույց տալ, թե իբր «Դաշնակցություն» կուսակցությունը ստեղծված է Թուրքիայում գործելու համար, և որ նա պետք է տեղ ունենա Թուրքիայում, այլ ոչ թե Ռուսաստանում, սակայն այդ կուսակցության ղեկավարները դրա գործունեության կենտրոնը փոխադրել են Ռուսաստան: Այդ հոդվածում Հովհաննես Քաջազնունին առարկելով Մարկոսյանին՝ ցույց է տալիս, որ ռուսական հեղափոխությունը և դրա հետ կապված կոկկասյան հայերի հարցը «Դաշնակցություն» կուսակցության վրա մոր պարտականություններ են դրել, որոնք բխում են հայ հեղափոխության ըմբռնումից: Ըստ նրա՝ երբ Ռուսաստանը կանգնեց հեղափոխական ուղու վրա, «Դաշնակցությունը» չկարողացավ ձեռնպահ մնալ այդ հեղափոխական պայքարին մասնակցությունից, քանի որ այդ հեղափոխության հետ է կապված Ռուսաստանում մեկ ու կես միլիոն հայ ժողովրդի բախտը:

3. Բաքվում 1908 թ. փետրվարի 25-ին Պորոս Ավագյանից և Սլյուտիչ Բալայանցից խուզարկությամբ առգրավված կուսակցական թղթերից երևում է, որ այդ թղթերի մեջ հայտնվել են՝

Ա. 1907 թ. դեկտեմբերի 10-ից «Հայ Հեղափոխական «Դաշնակցություն» կուսակցության Բաքվի շրջանի երկրորդ կոմիտե» բլանկով հարդրագրություն կոմիտեի «Ավո» անդամի ստորագրությամբ այն մասին, որ կոմիտեի շրջանից պատգամավոր է ընտրվել նրա անդամ Հայկազունին,

Բ.«Նախագահ Հովհաննես Վարդանյան» և «քարտուղար Հայկազունի» ստորագրությամբ 1907 թ. դեկտեմբերի 21-ի հարդրագրությունը «Դաշնակցություն» կուսակցության Բաքվի Կենտրոնական կոմիտեին այն մասին, որ Սև և Սպիտակ քաղաքներից դաշնակցական շրջանային ժողովի պատգամավոր է ընտրվել կուսակցության անդամ Սլյուտիչումը²,

4.Էջմիածնում 1906 թ. օգոստոսին գումարված հայկական համագումարի մասին Երևանի նահանգապետի և Էջմիածնի Սիմոնի դատախազի գործի գնումից երևում է, որ Հովհաննես Քաջազնունին այդ համագումարում հանդես է եկել որպես «Դաշնակցություն» կուսակցության պատգամավոր, ընդ որում նաև՝ Հովհաննես Քաջազնունին, երբ 1906 թ. օգոստոսի 30-ին այդ համագումարը փակվել է իշխա-

2 Փաստաթղթի բնագրում այսպես է նշված: Պետք է լինի Սկրտում: Անձը պարզել չհաջողվեց:

ԵՐԵՎԱՆԻ ԳՐԱԴԱՐԱՆ

Բ (Ը) ԳՐԱԹԻՎ 4 (32) ԽՈՒՆՎԱԿԱՆՆԵՐ 2010

ԿԵՆՏՐԱԿԱՆ ԿՆՆՈՒՄ

նությունների կողմից, մնացած 37 դաշնակցական պատգամավորների հետ բողոքել է Էջմիածնի գավառապետին. «Բողոքում ենք այդպիսի կարգադրության դեմ, որպես յուրաքանչյուր քաղաքացու խոսքի և ժողովների ազատության խախտող, յուրաքանչյուրի ազգային գործերը լուծելու իրավունքը ոտնահարող քայլ»:

Որպես արդարացում հայտարարում են, որ են «Դաշնակցություն» կուսակցությանը չեն պատկանել և չեն պատկանում: «Հայկազունի» կուսակցական մականուն, ինչպես և ընդհանրապես որևէ մականուն և ոչ մի կեղծանուն են երբեք չեն ունեցել և չունեն: Չպատկանելով «Դաշնակցություն» կուսակցությանը, են չեն եղել և չէի կարող լինել կուսակցական քարոզիչ: Ինձ ներկայացված մեղադրանքի առաջին կետում նշված հողվածը «Ժամանակ» թերթում են տպել են: Երբ են են գրել այդ հողվածը և ինչպիսի վերնագիր է նա կրել՝ այժմ չեն հիշում: Գիտեմ միայն, որ այդ հողվածը «Ժամանակ» («Ալիք») թերթում իմ կողմից գրվել է այն ժամանակ, երբ «Դաշնակցությունը» տեղական կյանքում ուներ այնպիսի ակնառու դերակատարություն, որ նրանով հետաքրքրված էին բոլորը: Ես անձամբ նույնպես հետաքրքրված լինելով, խորապես ուսումնասիրել են այդ կուսակցության ծրագիրը, հետևել նրա գործունեությանը, քանի որ այն դառնում էր հասարակական երևույթ: Ես այդ կուսակցության մասին որոշակի կարծիք կազմեցի, որը և արտահայտել են նշյալ հողվածում: Այդ հողվածը բացարձակապես պատահական և եզակի էր: Այն հրատարակվել է լեզալ օրգանում իմ լրիվ ստորագրությամբ: Արդյոք եղել է այդ թերթը կուսակցական՝ են չգիտեմ, ինչպես այն ժամանակ, այնպես էլ հիմա՝ դա ինձ անհայտ է⁴: Դրա ուղղվածությունը՝ տոմր ընդհանուր էր ողջ արմատական մամուլի համար: «Ժամանակ» թերթի հետ են կապեր չեն ունեցել և չունեն: Ներսիսյան ճեմարանի հոգաբարձուների խորհրդի անդամ են իսկապես ընտրվել են, թեպետև առանց իմ ինստիտուտի: Դա պատահել է այսպես: Թիֆլիսում ճեմարանի համար նոր մեծ շենքի կառուցման մասին հարց կար օրակարգում (այդ շենքը հիմա կառուցվում է): Ընտրողները, ինչպես ինձ հետագայում հայտարարեցին, ցանկացել են հոգաբարձուների խորհրդի կազմում ունենալ ինձեներ ճարտարապետի, որպիսի կարգավիճակում

և առաջադրել են իմ թեկնածությունը: Այն ժամանակ են ընտանիքով ցանկանում էի տեղափոխվել Թիֆլիս: Ես հետագայում որոշեցի չտեղափոխվել Թիֆլիս և հոգաբարձության անդամությունից հրաժարվեցի: Հոգաբարձուների խորհրդի կազմում 9 հոգի են, իսկ մեղադրականում նշված են միայն 4-ը - ես, Ախարոնյանը, Մանասյանը և Մուրադովը: Նրա համար, որպեսզի դառնայի հոգաբարձուների խորհրդի անդամ, ինձ անհրաժեշտ չէր «Դաշնակցություն» կուսակցության անդամ լինել, քանի որ ես Բաքվի հայկական դպրոցների հոգաբարձու էի, այժմ էլ՝ թեմական խորհրդի անդամ եմ: Այդ մարմինների մոտ «Դաշնակցություն» կուսակցությանն իմ պատկանելու առնչությամբ երբեք կասկած չի առաջացել: Ընտրված պատգամավորը են չեն, նա անկասկած այլ անձ է, ում հետ ինձ թյուրիմացաբար նույնացնում են: Կրկնում են, որ «Հայկազունի» մականուն են երբեք չեն ունեցել: Նույնը են հայտարարում են Վարդանյանի և Հայկազունու ստորագրությամբ 1907 թ. դեկտեմբերի 21-ի հաղորդագրության առնչությամբ:

1906 թ. Էջմիածնի կենտրոնական համագումարում ներկա են եղել, բայց պատգամավոր ընտրվել էի ոչ թե «Դաշնակցություն» կուսակցության կողմից, այլ Բաքվի անահանգի Շենախայի գավառի հայ բնակչության կողմից: Շենախայի գավառում ինձ ճանաչում են, քանի որ ես այնտեղ ժամանակին ճանապարհների ինժեներ-շինարար եմ աշխատել: Կենտրոնական համագումարը հրավիրվել է կաթողիկոսի⁵ օրհնությամբ և Փոխարքայի թույլտվությամբ: Այդ համագումարի պատգամավորների ընտրությունները անցկացվել են բաց և ոստիկանության պաշտոնյաների ներկայությամբ: Համագումարը միանգամայն լեզալ էր: Այդ համագումարի նպատակն էր մշակել եկեղեցական գույքի ու եկեղեցական-ժխական դպրոցների վարչական կառավարման հարցերը: Հայկական բոլոր եկեղեցական-ժխական դպրոցները գլխավորապես պահպանվում են եկեղեցական և վանքապատկան գույքի եկամուտների հաշվին: Համագումարը զբաղվել է միայն դպրոցների և դրանց պահպանման մասին հարցերով, այլ հարցեր այնտեղ չեն բարձրացվել և պետությունից եկեղեցու անջատման մասին հարց չի եղել: Երբ համագումարը մինչև աշխատանքների ավարտը փակվեց, ապա են մնացյալ ներկա պատգամա-

3 Այս դրվագը, ինչպես պարզվում է հետագա դատական նյութերից, կեղծված է քննիչի կողմից:
4 Սրանով է. Քաջագունին ձգտում է «Ժամանակ» թերթը զերծ պահել հետապնդումներից:
5 Նկատի ունի կաթողիկոս Մկրտիչ Խրիմյանին:

վորների հետ միասին բողոքեցի փակման դեմ միանգամայն օրինական ձևով, քանի որ գտնում էի և այժմ էլ գտնում եմ, որ համագումարը իշխանությունների կողմից տրամադրված արտոնությունների շրջանակներից դուրս չէր եկել:

Հովհաննես Մատթևոսի
Տեր-Հովհաննեսյանց Քաջազնունի
/ստորագրություն/

ՀԱԱ, ֆ. 1457, ց. 3, գ. 5, թթ. 3543-3545:
Թարգմանություն ռուսերենից:

**ԹԻՎ 2
ՈՐՈՇՈՒՄ**

1910 թ. օգոստոսի 19: Քաղաք Բաքու: Բաքվի օկրուգային դատարանի հատուկ կարևորության գործերով Դատական Քննիչ Պողգորենսկին Նովոչերկասկի օկրուգային դատարանի դատական պալատի հատուկ կարևորության գործերով Դատական Քննիչի 1910 թ. հուլիսի 24-ի թ. 3131 պահանջով հարցաքննելով մեղադրյալ Հովհաննես Մատթևոսի Քաջազնունուն ըստ Քրեական կանոնադրության 102-րդ հոդվածի, Քրեական դատավարության կանոնադրության 421-րդ հոդվածի 5-րդ կետի հիման վրա, և Դատական Քննիչ Լիժնիի պահանջով, ՈՐՈՇԵՑ. քննությունից և դատից խուսափելու եղանակի կանխման միջոց ընտրել 10.000 ռուբլի դրամական գրավը, իսկ մինչև դրա ներկայացումը Հովհաննես Քաջազնունուն կալանավորել:

Դատական Քննիչ /ստորագրություն/
Հովհ. Քաջազնունուն հայտարարվել է:

ՀԱԱ, ֆ. 1457, ց. 3, գ. 5, թ. 3545: Թարգմանություն ռուսերենից:

**ԹԻՎ 3
ԵՐԱՇԽԱՎՈՐԱԿԱՆ ԱՏՈՐԱԳՐՈՒԹՅՈՒՆ**

1910 թ. օգոստոսի 19: Քաղաք Բաքու: Ես՝ ներքստորագրյալս, բաքվեցի վաճառական, «Գործակից և ընկ.» գրասենյակի տնօրեն Մինաս Մերգեյի Կաչկաչևս, տալիս եմ սույն ստորագրությունը Դատական Քննիչ Պողգորենսկուն առ այն, որ վերցնում եմ 10.000 ռուբլի գումարով գրավի տակ քաղաքացիական ինժեներ Հովհաննես Մատթևոսի Քաջազնունուն (նույն ինքն՝ Տեր-Հովհաննեսյանց), մեղադրվող Քրեական կանոնադրության 102-րդ

հոդվածով, և պարտավորվում եմ բերել տեղ հասցնել նրան դատական իշխանության յուրաքանչյուր պահանջով, և չներկայացնելու դեպքում պատասխանում եմ վերոնշյալ գումարով, ընդ որում ներկայացնում եմ Բաքվի գանձապետարանի 10.000 ռուբլու օգոստոսի 19-ի թիւ 310132 անդորրագիրը: Բաքվի 2-րդ գիլդիայի վաճառական Մինաս Մերգեյի Կաչկաչև:

Դատական Քննիչ /ստորագրություն/

Տեղեկանք - թիւ 1 անդորրագիրը 1910 թ. օգոստոսի 19-ին ստացել եմ՝ Մինաս Կաչկաչև:

ՀԱԱ, ֆ. 1457, ց. 3, գ. 5, թ. 3545: Թարգմանություն ռուսերենից:

**ԹԻՎ 4
ՈՐՈՇՈՒՄ**

1910 թ. օգոստոսի 19: Քաղաք Բաքու: Բաքվի օկրուգային դատարանի հատուկ կարևորության գործերով Դատական Քննիչ Պողգորենսկին նկատի առնելով Մինաս Կաչկաչևի կողմից ներկայացրած Բաքվի գանձապետարանի օգոստոսի 19-ի թիւ 310132 անդորրագիրը, որը վկայում է, թե պահանջվող գրավը տաս հազար ռուբլի գումարի չափով, մուծված է Հովհաննես Քաջազնունու համար որպես ապահովում նրա քննության և դատի ներկայանալու համար, ՈՐՈՇԵՑ. ազատել նշյալ Քաջազնունուն անձնական կալանքից:

Դատական Քննիչ /ստորագրություն/

ՀԱԱ, ֆ. 1457, ց. 3, գ. 5, թ. 3545:
Թարգմանություն ռուսերենից:

**ԹԻՎ 5
ՉԵՌԱԳՐԻ ՓՈՐՉԱԳԻՏՈՒԹՅԱՆ
ԱՐՉԱՆԱԳՐՈՒԹՅՈՒՆ**

1910 թ. օգոստոսի 25: Քաղաք Նովոչերկասկ: Նովոչերկասկի օկրուգային դատարանի հատուկ կարևորության գործերով Դատական Քննիչը Նովոչերկասկի Դատական պալատի դատախազի տեղակալի և ներքստորագրյալ ընթերակաների ներկայությամբ, մշտապես Թիֆլիսում բնակվող տիտղոսակիր խորհրդական, հրավիրված փորձագետ Իվան Արտեմի Սրաբովի միջոցով իրականացրեց մեղադրյալ

Հովհաննես Մատթևոսի Քաջագունուն (նույն ինքը՝ Տեր-Հովհաննեսյանց), մականունը «Հայկազունի», անկասկած պատկանող ձեռագրի համեմատությունը, որով գրված են արձանագրությամբ գնված 1910 թ. հունիսի 10-ից մինչև 23-ը, հայերեն «Հայկազունի» ստորագրությամբ, ինչպես նաև հայ հեղափոխական «Դաշնակցություն» կուսակցության Սև և Սպիտակ քաղաքների կոմիտեների նույն կուսակցության Բաքվի Կենտրոնական կոմիտեին 1907 թ. դեկտեմբերի 27-ին ուղղված հաղորդագրության տեքստը՝ նշյալ կոմիտեից շրջանային ժողովի պատգամավոր Սկրտունին ընտրելու մասին (գործի թերթ 34294):

Ձեռագրերի նշյալ համեմատության վարությամբ փորձագետը պարզեց հետևյալը:

Ողջ ձեռագրային տեքստը և «քարտուղար Հայկազունի» ստորագրությունը անկասկած լրիվ նմանություն ունի Հովհաննես Մատթևոսի Քաջագունուն (նույն ինքը՝ Տեր-Հովհաննեսյանց) ձեռագրի հետ, ինչպիսի նմանություն դրսևորվում է նամակի ընդհանուր բնույթի և առանձին տառերի, արտահայտությունների և բառերի մեջ, օրինակ՝ «կ» (փափուկ), «ա», «ռ» (փափուկ), «ղ», «ի», «մ», «ն», «զ», «Հայկազունի», դրա համար էլ փորձագետի եզրակացությամբ նշյալ գրության տեքստը և «քարտուղար Հայկազունի» ստորագրությունը գրված և ստորագրված են անկասկած Հովհաննես Մատթևոսի Քաջագունուն (նույն ինքը՝ Տեր-Հովհաննեսյանց) կողմից:

Բնագիրը՝ համապատասխան ստորագրություններով:

ՀԱԱ, ֆ. 1457, ց. 3, գ. 5, թթ. 3987-3988:

Թարգմանություն ռուսերենից:

ԹԻՎ 6

ՄԵՂԱԴՐՅԱԼԻ ՀԱՐՑԱՔՆՆՈՒԹՅԱՆ ԼՐԱՅՈՒՑԻՉ ԱՐՉԱՆԱԳՐՈՒԹՅՈՒՆ

1910 թ. սեպտեմբերի 11: Նովոչերկասկի օկրուգային դատարանի հարուկ կարևորության գործերով Դատական Քննիչը Քրեական դատավարության կանոնադրության 403-րդ և 1037-րդ հոդվածներում նշված կանոնների պահպանմամբ հարցաքննեց ներքոնախնայալին, ով հետևյալ ցուցմունքը տվեց.

Ես՝ Հովհաննես Մատթևոսի Տեր-Հովհաննեսյանց Քաջագունիս, լրացուցիչ ցուցմունք են տալիս.

Էջմիածնից մեկնման առնչությամբ 1906

թ. օգոստոսի 30-ի բողոքագրի «6» թվի դիմաց «Հովհ. Քաջագունի» ստորագրությունը գրված է իմ կողմից: Հայերեն տեքստը, ինչպես նաև հավասարապես «քարտուղար Հայկազունի» ստորագրությունը՝ ներկայացված 1907 թ. դեկտեմբերի 21-ի գրության վրա, Սկրտունին շրջանային ժողովի անդամ նշանակելու վերաբերյալ, իմ կողմից չեն գրված: Հավելեմ, որ ոչ Սպիտակ քաղաքում, ոչ Սև քաղաքում ես երբեք չեմ ապրել և ոչ մի գործ չեմ ունեցել: Ոչ 1905 թ., ոչ 1906 թ., ոչ Դոնի Ռոստով քաղաքում, ոչ Դոնի Նախիջևան քաղաքում ես չեմ եղել: Մինչև 1901 թ. ես կրել եմ քաղաքացիական ինժեների հագուստ: Դոնի Նախիջևան քաղաքի հետ ես բացարձակապես անձամոթ եմ: Ավելին հավելելու բան չունեմ: Հավելեմ, որ 1905 թ. ջարդերից կարճ ժամանակ հետո Պետերբուրգից երթանցով մի քանի ժամ անց եմ կացրել Դոնի Ռոստովում: Ավելին հավելելու բան չունեմ:

Հովհաննես Մատթևոսի Տեր-Հովհաննեսյանց Քաջագունի:

Խնդրում եմ տրամադրել «Դաշնակցություն» կուսակցությանը իմ պարկանելու մեջ մեղադրական գործի քննչական վարույթի պատճեն:

Հ. Քաջագունի:

Բնագիրը համապատասխան ստորագրություններով:

Քաղաք Նովոչերկասկ, Դոնի մարզ:

ՀԱԱ, ֆ. 1457, ց. 3, գ. 5, թ. 3873:

Թարգմանություն ռուսերենից:

ԹԻՎ 7

ՈՐՈՇՈՒՄ

CXXVIII. Հովհաննես Մատթևոսի Տեր-Հովհաննեսյանց Քաջագունի

1. Որպես հաստատում այն բանի, որ 1907 թ. դեկտեմբերի 21-ի կուսակցական հաղորդագրությունը «քարտուղար Հայկազունի» ստորագրությամբ իր կողմից չի գրված՝ փորձաքննություն կատարել, որը մինչ այժմ չի կատարվել, ընդ որում փորձաքննությունը կատարել Ս. Պետերբուրգի օկրուգային դատարանի դատախազին կից լուսանկարչական կաբինետում,

2. Իր դեմ Քեչիշյանի⁶ ցուցմունքները մերկապարանոց և կեղծ են, քանզի նա կամ հոգեկան հիվանդ է կամ՝ կատաղած բանասարկու, քանի որ իր Քաջագունի ազգանունը շրջանառվում է Քեչիշյանին դուր չեկած հայկական հարյուրավոր և հազարավոր ազգանունների մեջ,

3. Որպես հաստատում այն բանի, որ նա Ներսիսյան ճեմարանի հոգաբարձու ընտրվել է ոչ թե «Դաշնակցություն» կուսակցության կողմից, այլ որպես ճարտարապետ – հարցաքննել Ղազարոս Աղայանին, Ղազարոս Տիգրանյանին, Իսահակ Լիսիցյանին, ովքեր իր թեկնածությունն էին առաջադրել,

4. Կեղծ է գավառապետ Լեմմերմանի ցուցմունքը, որտեղ Քաջագունին Էջմիածնի համագումարի 57 պատգամավորներից անվանված է «Դաշնակցություն» կուսակցության անդամ, ինչպես նաև միտումնավոր և կեղծ են Ֆրենկելի ցուցմունքներն այդ համագումարի հակակառավարական բնույթի, այնտեղ հեղափոխական ելույթների և բանաձևերի մասին:

ՀԱԱ, ֆ. 1457, ց. 3, գ. 6, ք. 4428:
Թարգմանություն ռուսերենից:

* * *

CCXXII. Հովհաննես Քաջագունի

(լրացուցիչ հայտարարություն խնդրանքում)

Նվազեցնել գրավի գումարը 10.000 ռուբլուց 5.000 ռուբլի:

ՀԱԱ, ֆ. 1457, ց. 3, գ. 6, ք. 4445:
Թարգմանություն ռուսերենից:

* * *

21. Հովհաննես Քաջագունի – 1906 թ. եղել է [ՀՅԳ] ընկերակցության Բաքվի կազմակերպության անդամ և մասնակցել Էջմիածնի համագումարի նիստերին, որը իրեն հռչակել էր ողջ հայ ժողովրդի օրինական իշխանություն, լիազորված լուծելու նրա բոլոր գործերը, և 1907 թ. «Ժամանակ» թերթում հրապարակել է «Ի՞նչ կլինի «Դաշնակցության» հետ» վերնագրով հոդվածը, որտեղ նշում էր ընկերակցության ընտրած հեղափոխական ուղղվածության ճշմարտացիությունը:

ՀԱԱ, ֆ. 1457, ց. 3, գ. 6, ք. 240:
Թարգմանություն ռուսերենից:

⁶ Նկատի ունի խմբապետ Միհրանին:

ՎԱՎԵՐԱԳՐԵՐ

ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Ավետիք Սահակյանի դատական գործը*

Նշանավոր քաղաքական ու պետական գործիչ Ավետիք Սահակյանը (Հայր Աբրահամ) հայ հանրությանն առավելապես հայտնի է որպես Հայաստանի առաջին Հանրապետության խորհրդարանի խոսնակ¹: Մինչդեռ, իր երկարատև կյանքի ընթացքում նա եղել է ՀՅ Դաշնակցության հիմնադիր սերնդի աչքի ընկնող դեմքերից մեկը, մասնակցել է 19-րդ դարի վերջերի և 20-րդ դարի սկզբների հայ ազգային-ազատագրական պայքարին և վերջապես՝ լուրջ հետազոտություններ է կատարել գյուղատնտեսության բնագավառում²: Իսկ Ավետիք Սահակյանի՝ հայ հանրությանը համեմատաբար նվազ հայտնի լինելու փաստը, ի թիվս այլ պատճառների, թերևս պայմանավորված էր նրա անօրինակ համեստությամբ:

Ավետիք Հովհաննեսի Սահակյանը ծնվել է 1863 թ.³ Ջալալօղլիում (Ստեփանավան): Ծննդավայրում նախնական կրթություն ստանալուց հետո ավարտել է Շուշիի ռեալական դպրոցը: 1887 թ. Ռոստոմի (Ստեփան Զորյան) և Մարտին (Մարտիրոս) Շաթիրյանի հետ միասին ընդունվել է Մոսկվայի հանրահայտ Պետրովսկայա գյուղատնտեսական ակադեմիա, որտեղ ուսանում էր նաև նրա հայրենակից Միսնո Ջավարյանը: Պետրովսկայա ակադեմիան դարձավ Ավ. Սահակյանի հեղափոխական գործունեության սկիզբը, որտեղ 1890 թ. փետրվար-մարտին տեղի ունեցած ուսանողական հուզումներից մասնակցելու արդյունքում նա «արժանացավ» առաջին ցարական ձեռքակալությանը:

Ավ. Սահակյանի ուսանողական ընկերը՝ Մարտին Շաթիրյանը, հետևյալ սպառնիչ գնահատականն է տվել իր արտաքինի ու բնավորության պատճառով ՀՅ Դաշնակցության հիմնադիր սերնդի շրջանում «Հայր Աբրահամ» կուսակցական անունը ստացած Ավ. Սահակյանին. «Անշուշտ, բնութիւնը նրան չէր ստեղծել յեղափոխական. նա մշակոյթի մարդ էր իր մտային ու հոգեկան կառուցվածքով: Նա չունէր Քրիստափորի անդիմադրելի յեղափոխիչ միտքը, Ջաւարեանի անհանգիստ ու կրակոտ խիղճը, կամ Ռոստոմի ծրագրուած գործի համառ

Գ. (Թ) Գարի, քիվ 1 (33) հունվար-մարտ 2011

ՎԵՄ համահայկական հանդես

* Ընդունվել է տպագրության 7. 03. 2011:

1 Ավ. Սահակյանի կյանքի ու գործունեության վերաբերյալ հրապարակվում առկա միակ ուսումնասիրությունը 2003 թ. Երևանում հրատարակված Աշոտ Ներսիսյանի «Ավետիք Սահակյան» աշխատությունն է, որտեղ ամփոփ կերպով ներկայացված է վաստակաշատ գործչի անցյալը:

2 Այդ կապակցությամբ արժե հիշատակել, որ նա գտել է գիտությանն անհայտ նոր մակարայ, որը կոչել է Telenomus Saakowi անվամբ:

3 Ներկա դատական գործը վկայում է, որ 1910 թվականին Ավ. Սահակյանը 47 տարեկան էր:

հետետողականութիւնը»:⁴ Այդուհանդերձ, իր ողջ գործունեության ընթացքում Ավ. Սահակյանը բոլորի համար մնաց իբրև Հայր Աբրահամ, ով իր բարոյական հեղինակությամբ հարթեցնում էր կուսակցության ներսում ծագած վեճերը՝ Քր. Միքայելյանի օրինակով հաճախ կատարելով յուրատեսակ հաշտարարի դեր:

Ավ. Սահակյանի մեծ հեղինակության մասին է վկայում այն փաստը, որ 1898 թ. Թիֆլիսում կայացած ՀՅԴ երկրորդ Ընդհանուր ժողովում նա ընտրվել է Արևելյան Բյուրոյի անդամ: Այնուհետև ներկա է եղել կուսակցական գրեթե բոլոր պատասխանատու ժողովներին և իր համեստ կեցվածքով, բայց հիմնավոր խոսքի կշռով արժանի ներդրում է ունեցել ՀՅԴ վճիռների կայացման գործում:

1899 թ. հունվարի 16-26-ին «Լավար» կեղծանունով Ավ. Սահակյանը մասնակցել է ՀՅԴ Արևելյան Բյուրոյի ժողովին: Որպես Արևելյան Բյուրոյի անդամ, Հարություն Շահրիկյանի (Նիթրա) հետ միասին նա դարձել է Բաքվի և Ռուսաստանի կուսակցական մարմինների պատասխանատու: 1904թ. փետրվար-մարտին Մոֆիայում գումարված ՀՅԴ երրորդ Ընդհանուր ժողովին Ավ. Սահակյանը մասնակցում էր որպես Արևելյան Բյուրոյի ներկայացուցիչ:

Բեղմնավոր է եղել նաև Ավ. Սահակյանի հրատարակչական-խմբագրական գործունեությունը: Այսպես, 1905 թ. դեկտեմբերի 13-ից Թիֆլիսում նրա խմբագրությամբ սկսեց հրատարակվել «Յառաջ»-ի «Լրատուն» կամ «Լրատու թերթիկները»: 1906 թ. մարտ-ապրիլին կայացած ՀՅԴ Արևելյան մարմինների Ռայոնական ժողովը որոշեց «Յառաջ»-ը հռչակել Արևելյան Բյուրոյի պաշտոնական օրգան և ապրիլից այն սկսեց լույս տեսնել որպես կանոնավոր հրատարակություն: Պատահական չէր, որ ՀՅԴ կովկասյան գլխավոր պարբերականի խմբագրումը վստահվեց հենց Ավ. Սահակյանին: Հիշատակենք, որ թերթի հիմնական աշխատակիցներից էին Ավ. Ահարոնյանը, Գ. Խաժակը, Ե. Թովչյանը, Մ. Վարանդյանը: «Յառաջ»-ի հետ կապված մի ուշագրավ հանգամանք ևս. ՀՅԴ հիմնադիրներից Ս. Ջավարյանը ցանկություն էր հայտնել լինել խմբագիրներից մեկը, ինչին խիստ հակառակվում էր Ավ. Ահարոնյանը, արդյունքում. «Պէտք եղաւ Հայր Աբրահամի հայրական միջամտութիւնը այդ անախորժ վեճը յարդարելու համար: Միմոնը մտաւ խմբագրութեան մէջ, մնաց քանի մը շաբաթ, ինք իսկ համոզուեցաւ, որ իր տեղը չէր եւ հեռացավ»:⁵

1906 թ. մարտի 26-ապրիլի 8-ին գումարված ՀՅԴ Ռայոնական ժողովը քննարկեց Ռուսաստանի առաջին Պետական դումայի ընտրությունների, հայ-թաթարական կռիվների, Արևմտյան Հայաստանի վիճակի և կուսակցության կովկասյան գործունեության հարցերը: Մասնավորապես, Պետական դումայի ընտրությունների առնչությամբ որոշվեց. «Հենց սկզբից եւէթ բոյկոտի ենթարկել լայն պրոպագանդայով, գիտակցութեան հրավիրել ժողովուրդը եւ ընդհանրապէս բոլոր յեղափոխական պահանջների թոյլ տուած հնարաւոր միջոցներով խանգարել բոլոր աստիճաններում»:⁶

Այս ուսյունական ժողովում, որին մասնակցում էին ՀՅԴ ժամանակի բոլոր անվանի գործիչները՝ Ս. Ջավարյան, Ռոստոմ, Արմեն Գարո, Հ. Դավթյան, Հ. Օհանջանյան, Ավ. Ահարոնյան, Ե. Թովչյան, Գ. Խաժակ, Մ. Վարանդյան, Սեբաստացի Մուրադ, Ա. Գյուլխանդանյան, Վ. Փափագյան, Համազասպ, Ավ.

4 Տե՛ս Տարագիր, Դայր Աբրահամի մասին (իր մահուան առթիւ), «Չայրենիք», 1933, նոյեմբեր, N 1, էջ 84:

5 Տե՛ս Միմոն Ջաւարեան. մահուան եօթանասունամեակին առթիւ, Պէյրուք, հտ. Ա., 1983, էջ 40:

6 Նիւթեր Դ. Յ. Դաշնակցութեան պատմութեան համար, հտ. Բ, Պէյրուք, 1985, էջ 261:

ԵՐԵՎԱՆԻ ԳՐԱԴԱՐԱՆ

100 հունվար-մարտ 2011

Գ (Թ) փարի, թիվ 1 (33) հունվար-մարտ 2011

Սահակյանը հանդես եկավ «Կովկասյան նախագծի» շուրջ առկա երկու հիմնական տեսակետները ուշադիր ուսումնասիրելու առաջարկով: Նա Ս. Չավարյանի, Ռոստոմի, Հ. Օհանջանյանի, Հ. Դավթյանի հետ կրկին ընտրվեց Արևելյան Բյուրոյի անդամ:

20-րդ դարի սկզբներին արևելահայության քաղաքական ճակատագրի հստակեցման առումով կարևոր նշանակություն ունեցավ 1906 թ. օգոստոսին Էջմիածնում գումարված Կեդրոնական ժողովը կամ՝ Արևելահայոց համագումարը, որի 60 պատգամավորներից 54-ը ՀՅԴ անդամներ էին: Չանգեզուրից պատգամավոր Ավ. Սահակյանն ընտրվեց Կեդրոնական ժողովի առաջին փոխնախագահ (նախագահը Ս. Չավարյանն էր): Նշյալ տարիներին Ավ. Սահակյանի կուսակցական գործունեության արժևորման տեսանկյունից հարկ է հիշատակել ՀՅԴ ներսում նրա մղած հետևողական պայքարը միհրանականների և ձախ անջատականների (Լ. Աթաբեկյան և ուրիշներ) դեմ:

Թեպետ 1907 թ. կայացած ՀՅԴ չորրորդ Ընդհանուր ժողովում Ավ. Սահակյանը չընտրվեց Արևելյան Բյուրոյի անդամ, այդուհանդերձ նրա ազդեցությունը նկատելի էր կուսակցական բոլոր հարցերի քննարկման ժամանակ:⁷ Եվ չնայած այն հանգամանքին, որ Ավ. Սահակյանը «քողարկվել էր» գյուղատնտեսի պաշտոնով, ՀՅԴ-ի ներսում նրա կարևոր դերակատարության փաստը չէր կարող վրիպել ցարական իշխանությունների ուշադրությունից: Այդ պատճառով, թեպետ ոստիկանությունը չհայտնաբերեց Ավ. Սահակյանի դեմ ուղղված որևէ առանձնակի և լուրջ «ահաբեկչական» հանցանք, բայց քննիչ Լիժինի առջև խնդիր էր դրված՝ որքան հնարավոր է շատ դաշնակցականների ձերբակալել: Ուստի դատական հաշվեհարդարին աղմկալից բնույթ տալու⁸ առաջադրանքի տեսանկյունից Ավ. Սահակյանի ձերբակալությունը անխուսափելի էր ու տրամաբանական:

Ի վերջո, որո՞նք էին Ավ. Սահակյանին ներկայացված ամբաստանությունները: Նա մեղադրվում էր ՀՅԴ կողմից Նախիջևանի և Շարուր-Դարալազյազի գավառներ գործուղվելու և կուսակցական կարիքների համար 10.000 ռուբլի տանելու, «Էջմիածնի համագումարում» եկեղեցին պետությունից անջատելու և իշխանության դեմ պայքարի կոչեր հնչեցնելու և վերջապես՝ «Յառաջ»-ի խմբագիր եղած ժամանակ որոշ հոդվածներ տպագրելու համար: Ինչ խոսք, այս բոլորից առավել «վտանգահարույցը» առաջին կետն էր, քանզի Լիժինը նպատակ էր դրել ապացուցել, թե իբր՝ Ավ. Սահակյանի գործունեությունների միջոցով ՀՅԴ-ն զինել է Նախիջևանի գավառի հայությանը: Դրանով հնարավորություն էր ստեղծվում հայ-թաթարական ընդհարումների հրահրման պատասխանատվությունը ցարական իշխանություններից տեղափոխել դաշնակցականների վրա:

Հարցը դիտարկելով ժամանակի հեռավորությունից՝ միանգամայն հավանական ենք համարում կուսակցության կողմից նման գումարի տրամադրումը Հայր Աբրահամին: Սակայն Ավ. Սահակյանն ինքը, քաջ գիտակցելով, թե Լիժինը հարվածի պաթը շեղում է կուսակցության ուղղությամբ, բազմիցս հետևողականորեն ժխտում էր ՀՅԴ կողմից իր գործուղվելու փաստը: Ավելին՝ դատական գործով վկաներ Հ. Առաքելյանն ու Ալ. Քալանթարը նույնպես միաբերան պնդեցին, որ նա

7 Որպես ՀՅԴ Արևելյան Բյուրոյի անդամ Ավ. Սահակյանի գործունեության մասին մանրամասն տես Ներսիսյան Ա., նշվ. աշխ., էջ 40-96:
8 Ա. Սահակյանի դատավարության մեկնաբանությունը տես նաև՝ Ներսիսյան Ա., նշվ. աշխ., էջ 97-123:

գործուղված է եղել Կովկասում Հողագործության նախարարության լիազորի կողմից: Իսկ ՀՅԴ-ի վերաբերյալ երկուսն էլ տվեցին նույն խուսափողական պատասխանը. «Ավ. Սահակյանը գործուղված է եղել Հայ հեղափոխական Դաշնակցության կողմից, թե ոչ՝ ինձ անհայտ է»:⁹

1910 թ. օգոստոսի 14-ին Թիֆլիսի օկրուգային դատարանի հատուկ կարևորության գործերով քննիչ Ռոմաշչևի կողմից հարցաքննության ժամանակ Ավ. Սահակյանն իրեն մեղավոր չի համարել, մերժել է պետական իշխանությունների դեմ պայքարի կոչ անելու ամբաստանությունը և այդ առումով ևս ՀՅԴ-ին զերծ է պահել մեղադրանքից: Նա մատնանշել է «կառավարության կողմից տրված ազատ մամուլ ունենալու իրավունքով» հրատարակվող «Յառաջ» թերթում ոչ միայն ՀՅԴ-ի, այլև մյուս կուսակցությունների որոշումների հրապարակման փաստը, հավելելով, որ նման քայլ կատարել են նաև մյուս թերթերը:¹⁰

Պետերբուրգում տեղի ունեցած դատավարության արդյունքում Ավ. Սահակյանը ևս դատվեց 52 դատապարտյալների շարքը, սակայն շուտով Հ. Օհանջանյանի, Ս. Մանասյանի, Համազասպի և այլոց հետ միասին վճռաբեկ բողոք ներկայացրեց: Նրանք բողոքում էին, «...որ սենատի առանձին ատեանը բավականաչափ ուշադրութիւն չնուիրեց մի շատ կարևոր հարցի վրայ. թե այս կամ այն դատապարտեալի մասնակցութիւնը և գործունէութիւնը «Դաշնակցութեան» մէջ այդ կուսակցութեան որ շրջանին է վերաբերում: Մեղադրական ակտից էլ արդեն երեւում է, որ Դաշնակցութեան ծրագիրը, որը պարտաւորեցուցիչ էր այս կուսակցութեան բոլոր անդամների համար, մինչև նրա վերաքննութիւնը 4-րդ Ընդհանուր ժողովում (փետրուար-մայիս 1907) վերաբերում էր այդ կուսակցութեան գործունէութեանը միայն Թուրքիայում եւ չէր շոշափում Ռուսաստանում գոյութիւն ունեցող կարգի տապալման հարցը: Առանձին ատեանը իր դատավճռի մէջ չի պարզել այն կարդինալ հարցը, թէ արդեոք դաշնակցականների մօտ գտած զենքը նշանակուած էր ապստամբութեան նպատակով, թէ՞ նախապատրաստուած ամբողջովին Թուրքիա ուղարկելու համար սկիզբներում եւ յետո թուրքերի դեմ ինքնապաշտպանութեան համար»:¹¹

Սրանով բողոքարկողները դատական հետապնդումից պաշտպանում էին այն անձանց, ովքեր պայքարել էին միայն թուրքական բռնապետության դեմ:

Շուրջ երեք տարվա բանտարկությունից հետո՝ ընդհանուր համաներման արդյունքում՝ 1912 թ. երկրորդ կեսին, Ավ. Սահակյանը ազատվեց բանտից: Այնուհետև նա «Հայոց Գյուղատնտեսական և տնայնագործական ընկերության» նախագահն էր, խմբագրել ու հրատարակել է «Գյուղատնտես» պարբերականը: Առաջին աշխարհամարտի սկսվելուց հետո Ավ. Սահակյանի գլխավորությամբ այս ընկերությունը զգալի աշխատանքներ է կատարել Արևմտյան Հայաստանի տնտեսության վերականգնման գործում:

1917 թ. ապրիլին Ռոստոմի հետ միասին մասնակցել է ՀՅԴ Կովկասյան մարմինների առաջին ազատ Ռայոնական ժողովին, եղել 1917 թ. ապրիլի 10-13-ին Թիֆլիսում գումարված միջկուսակցական խորրդակցության նախաձեռնողներից մեկը: 1917 թ. երկրորդ կեսին և 1918 թվականի սկզբներին Ավ. Սահակյանը

9 ՂԱԱ, ֆ. 1457, ց. 3, գ. 5:

10 Տե՛ս նույն տեղում:

11 «Դորիզոն», Թիֆլիս, 1912, մայիսի 29, N 112:

ակտիվորեն մասնակցել է հայության համախմբման և Կովկասյան ճակատի փլուզումը կանխելու ձեռնարկներին, իսկ քիչ անց ընտրվել է Անդրկովկասյան Սեյմի անդամ: 1918 թ. մարտին նա Սեյմի պատվիրակության կազմում մեկնում է Գանձակ՝ 269-րդ գնդի զենքին տիրանալու համար սկիզբ առած հայ-թաթարական վեճերն ու ընդհարումները կանխելու համար:

1918 թ. ապրիլի 7-8-ին Ալեքսանդրապոլի խորհրդաժողովում (ներկա էին Արամը, Ն. Աղբալյանը, Դրոն, Ալ. Խատիսյանը, Ռուբենը, Ս. Վրացյանը, Վ. Փափազյանը, Մ. Սիլիկյանը, Մ. Պապաջանյանը) Ավ. Սահակյանը հանդես է եկել թուրքերին դիմադրելու և ճակատն ուժեղացնելու կոչով: Անդրկովկասյան Սեյմի կառավարության մեջ զբաղեցրել է պարենավորման նախարարի պաշտոնը (Ալ. Խատիսյանը՝ ելևմտական, իսկ Հ. Քաջազնունին՝ խնամատարության նախարարներ էին):

ՀՀ անկախության հռչակումից հետո դիվանագիտական գործունեության անցած Ավ. Սահակյանի փոխարեն Ավ. Սահակյանը ընտրվում է Հայոց Ազգային խորհրդի նախագահ, իսկ Հայաստանի խորհրդի ձևավորումից հետո դառնում նրա նախագահը: Ալ. Խատիսյանի կառավարության կազմում զբաղեցրել է խնամատարության և աշխատանքի նախարարի պաշտոնը, եղել փոխվարչապետ: Անուրանալի է Ավ. Սահակյանի ներդրումն ու մեծ վաստակը Հայաստանի առաջին Հանրապետության պետական մարմինների, մանավանդ՝ օրենսդիր իշխանության ձևավորման գործում: Ի դեպ, ՀՀ խորհրդարանի անդամ էր նաև նրա կինը, նույնպես լռեցի Վառվառա Սահակյանը (Թադևոսյան), ով ճանաչված էր «Մայր Աբրահամ» կեղծանունով:

Հայաստանի խորհրդայնացումից հետո Ավ. Սահակյանը ձերբակալվում է չեկայի կողմից: Փետրվարյան ապստամբությունից հետո՝ 1921-1926 թթ. բնակվել է Թավրիզում, ապա Իրանի կառավարության կողմից հրավիրվել է Թեհրան՝ որպես գյուղատնտես-միջատաբան: 1928 թ. նույն պաշտոնով հրավիրվել է նաև Բաղդադ, իսկ 1930 թվականից վերջնականապես հաստատվել Բեյրութում: Մահացել է 1933 թ. ապրիլի 18-ին: 1972 թ. նոյեմբերի 25-ին ՀՅԴ որոշմամբ Ավ. Սահակյանի և նրա կնոջ աճյունները Բեյրութի ազգային գերեզմանատնից վերահուղարկվորվել են Բուրջ Համուդի գերեզմանատան ՀՅԴ Պանթեոնում:

Ռուսերենից թարգմանությամբ ընթերցողի ուշադրությանը ներկայացվող Ավետիք Սահակյանի դատավարության փաստաթղթերը կարող են նպաստել Հայաստանի Հանրապետության խորհրդարանի առաջին խոսնակի գործունեության մինչ օրս անհայտ էջերի լուսաբանմանը:

Ավագ Ա. Հարությունյան
պատմ. գիտ. թեկնածու

**THE FILES OF THE GREAT TRIAL OF ARF
(DASHNAKTSUTYUN)**

The Lawsuit of Avetik Sahakyan

Avag A. Harutyunyan

**ԹԻՎ 1
ՈՐՈՇՈՒՄ**

1910 թ. օգոստոսի 14: Քաղաք Թիֆլիս:

Թիֆլիսի օկրուգային դատարանի հատուկ կարևորության գործերով դատական քննիչ Ռոմաչչևը, հարցաքննելով 102-րդ հողվածով մեղադրվող գյուղատնտես Ավետիս (Ավետիք) Իվանի (Հովհաննեսի) Սահակովին (Սահակյան), հայկական ապստամբական Դաշնակցություն կուսակցությանը պատկանելու կապակցությամբ, և նկատի առնելով Նովոչերկասկի օկրուգային դատարանի հատուկ կարևորության գործերով դատական քննիչ Լիժինի 1910 թ. հուլիսի 24-ի N 3113 հատուկ պահանջը¹², ՈՐՈՇԵՑ. մեղադրյալ գյուղատնտես Ավետիս (Ավետիք) Իվանի (Հովհաննեսի) Սահակովին (Սահակյան), 47 տարեկան, հետաքննությունից խուսափելը կանխելու համար, 416-421 հողվածների հիման վրա շարունակել պահել կալանքի տակ, որի մասին տեղեկացնել նրան:

Դատական քննիչի պաշտոնակատար (ստորագրություն)

Սույն որոշման գանգատարկման եղանակը հայտնել Ա. Սահակովին:

Դատական քննիչի պաշտոնակատար (ստորագրություն)

Դատախազի տեղակալ (ստորագրություն)

ՀԱԱ, ֆ. 1457, ց. 3, գ. 5: Թարգմանություն ռուսերենից:

ԹԻՎ 2

ՄԵՂԱԳՐՅԱԼԻ ՀԱՐՑԱՔՆՆՈՒԹՅԱՆ ԼՐԱՑՈՒՅԻՉ ԱՐՁԱՆԱԳՐՈՒԹՅՈՒՆ

1910 թ. հոկտեմբերի 29: Քաղաք Նովոչերկասկ:

Նովոչերկասկի օկրուգային դատարանին կից հայրուկ կարևորության գործերով Դատական Քննիչը Քրեական դատավարության կանոնադրության 403-405-րդ հոդվածների պահպանմամբ, հարցաքննեց ներքոնականյալին, ով ցուցմունք տվեց:

Ավետիք Հովհաննեսով Սահակյանց, լրացուցիչ ցուցմունք են տալիս:

Ձեր կողմից ներկայացված կես էջ թղթի վրայի գրառումից՝ առգրավված, ինչպես

Դուք, Դատական Քննիչ, ասում եք, 1909 թ. ապրիլին Պետերբուրգում, Դավիթ Չավրիևից, ես տեսնում եմ, որ այդ գրառման մեջ նշված է, որ իբր գյուղատնտես Ավետիս Սահակյանը 1906 թ. գործուղվել է մեկ ամիս դրանից առաջ «Դաշնակցություն» կուսակցության Թիֆլիսի կոմիտեի կողմից Նախիջևանի գավառ՝ հայկական տուժած գյուղերի ուսումնասիրության համար, և սեպտեմբերի 7-ին նա ներկայացրել է շատ հետաքրքիր զեկուցագիր, ըստ որի կոմիտեն բաց է թողել 10.000 ռուբլի: Այդ գրառման առթիվ հայտարարում եմ, որ այն ակնհայտ կեղծիք է: Ձեզ տված իմ առաջին ցուցմունքում արդեն մանրամասն շարադրել եմ, որ ես գործուղվել եմ ոչ թե «Դաշնակցություն» կուսակցության կողմից, այլ հայ-թաթարական ընդհարումներից տուժած հայերին օգնություն ցուցաբերող կենտրոնական հանձնաժողովի կողմից: Հանձնաժողովը հավանություն էր ստացել Կովկասի փոխարքայի կողմից և գործում էր Վրացա-Իմերեթական թեմի առաջնորդ, արքեպիսկոպոս Սաթուրյանի նախագահությամբ: Այն գրության մեջ, որ Դուք, Դատական Քննիչ, ասում եք, 1908 թ. դեկտեմբերին գտնվել է Վլադիկավկազում Աջանտոնյանցի և Մարտիրոսովի մոտ, «Հայ Յեղավոխական «Դաշնակցություն» կուսակցության 1905 թ. նոյեմբերի 13-ի շրջանային ժողով» հայերեն ձեռագրի 45, 100 հակ. և 101 հակ. թերթերում՝ կողքից «Ընկեր Սիկ. (Սահակ)» նշումների դիմաց – ինձ հետ ոչ մի առնչություն չունեն, քանզի այդ ժողովին ներկա չեմ եղել և ընդհանրապես ներկա չեմ եղել «Դաշնակցություն» կուսակցության ժողովներին, ինչի մասին ես արդեն ասել եմ իմ առաջին ցուցմունքում: Հավելեմ, որ իմ հայրանունը ոչ թե «Հովհաննեսով» է, այլ «Իվանով»: Արձանագրությունը կարդացված է անձամբ իմ կողմից, Ավետիս Սահակով:

Երդվյալ թարգմանիչ Նադիրաձե
Դատական Քննիչ Ն. Լիժին
Դատական պալատի Դատախազի
տեղակալ Մերգես

ՀԱԱ, ֆ. 1457, ց. 3, գ. 6, թ. 4215:
Թարգմանություն ռուսերենից:

12 Նկատի ունի Ավ. Սահակյանի դատական գործը:

**ԹԻՎ 3
ՈՐՈՇՈՒՄ**

XXXVIII. Ավետիք Հովհաննեսով Սահակյան - գյուղատնտես

Ս. Պետերբուրգում Դավիթ Ջավրիկի մոտ կուսակցական թղթերի մեջ խուզարկությամբ գտնված գյուղատնտես Ավետիք Սահակյանցի զեկույցից երևում է, որ նա գործուղվել է «Դաշնակցություն» կուսակցության կողմից Նախիջևանի գավառ՝ հայկական գյուղերի տնտեսական վիճակը ուսումնասիրելու համար և որ «Դաշնակցություն» կուսակցության կոմիտեի կողմից, ըստ նրա զեկույցի, իր տրամադրության ներքո բաց է թողնվել 10.000 ռուբլի:

«Վոզրոժդենիե» թերթի 1905 թ. դեկտեմբերի 9-ի թ. 43 համարից երևում է, որ 1905 թ. դեկտեմբերի վերջերին կսկսի լույս տեսնել «Յառաջ» հայերեն թերթը, ընդ որում հրատարակիչ է հաստատվել Մնացական Նալբանդյանը, իսկ խմբագիր՝ գյուղատնտես Սահակյանը: Թերթի աշխատակիցները պետք է բացառապես լինեն «Դաշնակցություն» հայ հեղափոխական կուսակցության ներկայացուցիչներ:

«Դաշնակցություն» կուսակցության զեմքի և ռումբերի Շուշիի պահեստում 1910 թ. հունվարի 15-ին կուսակցական թղթերի մեջ գտնված Շուշիի գավառային կոմիտեներին ուղղված՝ Շուշիի կենտրոնական կոմիտեի 1906 թ. հունվարի 24-ի շրջաբերականից պարզվել է, որ նշյալ կենտրոնական կոմիտեի կողմից գյուղական կոմիտեներին հրահանգվել է կուսակցական միջոցներից հանգանակել 7-ական ռուբլի, ընդ որում՝ Շուշիի կենտրոնական կոմիտեն պարտավորվել է այդ թերթը կոմիտեներին հասցնել առաջին իսկ փոստով:

«Յառաջ» և «Ալիք» հայերեն թերթերի զեմումից և թարգմանությունից երևում է, որ Ավետիս Սահակյանը եղել է «Յառաջ» թերթի խմբագիր, որը տպագրել է Հայ հեղափոխական «Դաշնակցություն» կուսակցության հեղափոխական բովանդակությամբ հողվածներ, որոշումներ, ազդեր և այլ կարգադրություններ:

«Ալիք» թերթի 1906 թ. ապրիլի 27-ի թիվ 1 համարում նշվում է, որ «Դաշնակցություն» կուսակցության կողմից Ներսիսյան հայկական ճեմարանի հոգաբարձուներ են առաջադրվել նրա անդամներ գյուղատնտես Ավետիս Սահակյանը, Եղիշե Թոփչյանը և այլք, ովքեր և ընտրվել են այդ ճեմարանի հոգաբարձուներ:

«Դաշնակցություն» կուսակցության Վլադիկավկավի կենտրոնական կոմիտեի կուսակցական թղթերի մեջ 1908 թ. դեկտեմ-

բերին խուզարկությամբ գտնված նշյալ կուսակցության 1905 թ. նոյեմբերի 13-ից մինչև դեկտեմբերի 1-ը շրջանային ժողովի ձեռագիր տեղեկագրից երևում է, որ այդ ժողովին ներկա կուսակցության անդամ Սահակյանը մատնանշել է, որ «Դաշնակցություն» կուսակցությունը պետք է միշտ պատրաստ լինի ռուսական կառավարության դեմ գործելու, հետևի մյուս հեղափոխական կուսակցություններին, որպեսզի նախապատրաստի ապագա հեղափոխական կազմակերպության և ձգտի իր կողմը թեթև ռուսական զորքերին:

1906 թ. օգոստոսին Էջմիածնում հայկական պատգամավորների համագումարի մասին Երևանի մահանգապետի գործի զեմումից, ինչպես նաև վկաներ Ֆրեմկելի, Լիմմերմանի, Թումանյանի և այլոց ցուցմունքներից երևում է, որ գյուղատնտես Ավետիք Սահակյանը այդ համագումարին մասնակցել է որպես «Դաշնակցություն» կուսակցության պատգամավոր, ընտրվել այդ համագումարի նախագահի տեղակալ, և որ 1906 թ. օգոստոսի 30-ին նա ստորագրել է կառավարող իշխանության պաշտոնյաների կողմից այդ համագումարի փակման դեմ բողոքը:

ՀԱԱ, ֆ. 1457, ց. 3, գ. 4, քթ. 3262-3263:
Թարգմանություն ռուսերենից:

**ԹԻՎ 4
ԶՆՆՄԱՆ ԱՐՉՆԱԳՐՈՒԹՅՈՒՆ**

1910 թ. նոյեմբերի 17/18: Քաղաք Նովոչերկասկ:

Նովոչերկասկի օկրուգային դալարանին կից հայրուկ կարևորության գործերով Դալարական Զննիչը Նովոչերկասկի Դալարական պալատի Դալարախազի տեղակալի և ներքոսրորագրյալ ընթերակաների ներկայությամբ զննեց Թիֆլիսի Դալարական պալատի ուղարկած «Յառաջ» հայկական թերթի խմբագիր Ավետիս Իվանով (Հովհաննեսով) Սահակյանցի գործը, որից ընդ որում պարզվեց.

Թիֆլիսի Դատական պալատի 1-ին քրեական դեպարտամենտի 1906 թ. փետրվարի 23-ին սկսած՝ «Յառաջ» հայկական թերթի դատապարտյալ խմբագիր Սահակյանի մասին գործը, ով մեղադրվում է Քրեական կանոնադրության 129-րդ հոդվածի 2-րդ մասով նախատեսված պետական հանցագործության մեջ, ունի երկու համարակալված և կնքված թերթեր:

ԵՐԵՎԱՆԻ ԳՐԱԴԱՐԱՆ

101 համար, թիվ 1 (33) հունվար-մարտ 2011

ԿԵՄ համահայկական համերկ

Նշյալ գործում կա Թիֆլիսի օկրուգային դատարանի հատուկ կարևորության գործերով Դատական Քննիչ Ն. Ն. Իլյուշենկոյի կողմից «Յառաջ» թերթի խմբագիր Սահակյանի մեղադրման գործը սկսված 1906 թ. փետրվարի 6-ին և ավարտված 1906 թ. փետրվարի 9-ին, տասնմեկ համարակալված և կնքված թերթերի վրա:

2-րդ և 3-րդ թերթերում կա կովկասյան գրաքննչական կոմիտեի 1906 թ. փետրվարի 1-ի թիվ 223 գրությունը Թիֆլիսի Դատական պալատի Դատախազին հետևյալ բովանդակությամբ. «Թիֆլիսում հրատարակվող հայերեն «Յառաջ» ամենօրյա թերթի ս. թ. հունվարի 28-ի թիվ 11 համարում տպագրվել է «Հնչակյան կուսակցության նոր վերակազմավորումը» վերնագրով հոդվածը, որտեղ այդ քաղաքական կուսակցության Երևանի կազմակերպությունը հայտարարում է սոցիալ-դեմոկրատական բանվորական կուսակցության վերակազմակերպվելու մասին: Կովկասյան գրաքննչական կոմիտեն «Յառաջ» թերթում Ռուսական սոցիալ-դեմոկրատական բանվորական կուսակցության Երևանի ժամանակավոր կոմիտեի որոշման տպագրումը դիտարկելով հանցավոր արարք, նախատեսված Քրեական կանոնադրության 129-րդ հոդվածի 2-րդ մասով, որոշեց վերոգրյալի մասին տեղեկացնել Չեզ՝ Թիֆլիսում Նալբանդյանցի հրատարակած «Յառաջ» ամենօրյա հայկական թերթի խմբագիր Ավետիք Սահակյանի դեմ դատական հետապնդում ներկայացնելու տեսքով: Նշյալ թերթի խմբագրությունը գտնվում է Ֆրեյլինյան փողոցի թիվ 6 հասցեում»:

Ուսումնասիրել Թիֆլիսի Դատական պալատի 1-ին քրեական դեպարտամենտի գործը՝ Թիֆլիսի օկրուգային դատարանի վճռի առթիվ դատապարտյալ Ավետիս Սահակյանի բողոքարկող հայցով: Նա մեղադրվում է 1906 թ. մարտի 18-ի Բարձրագույն հրովարտակի 2-րդ կետով նախատեսված հանցագործության մեջ: Գործը բաղկացած է 18 համարակալված և կնքված թերթերից:

8-րդ թերթում կա Ջալալօղլիի գյուղական հասարակության տանուտերի 1906 թ. մարտի 20-ի թիվ 369 գրությունը «Յառաջ» թերթի խմբագիր Ավետիք Հովհաննեսով Սահակովին հետևյալ բովանդակությամբ. «Հասարակական վճռով Դոք ընտրված եք Բորչալուի գավառի գավառական համագումարի լիազոր, Շուլավեր ներկայանալու օրվա մասին հատուկ կհայտնվի Չեզ»:

9-րդ թերթում կա թիվ 2119 վկայականը հետևյալ բովանդակությամբ. «Մույն վկայականը հանձնվել է կրտսեր գյուղատնտես

Սահակովին՝ Թիֆլիսի Դատական պալատ ներկայանալու համար առ այն, որ հողագործության մինիստրության Կովկասում գլխավոր լիազորը Երևանի նահանգապետի խնդրանքով բույսատիչ է պ. Սահակովին գործուղել Երևանի նահանգապետի տրամադրության ներքո՝ 1906 թ. մարտի 16-ից մեկ ամսով, հայ-թաթարական ընդհարումներից տուժած բնակչությանը գյուղատնտեսական օգնություն կազմակերպելու համար: Ընդ որում նշյալ գործումից վերադառնալուց հետո Սահակովը ներկայացրել է պատշաճ հաշվետվություն, ինչի մասին ստորագրությամբ և պետական կնիքով վավերացնում են: 1908 թ. ապրիլի 1, քաղաք Թիֆլիս: Հողագործության մինիստրության Կովկասում գլխավոր լիազորի փոխարեն իսկական պետական խորհրդական (ստորագրությունն անընթեռնելի է)»:

10-րդ թերթում կա Վրացա-Իմերեթական հայ-գրիգորյան թեմի առաջնորդի 1908 թ. ապրիլի 1-ի թիվ 263 վկայականը հետևյալ բովանդակությամբ. «Մույնը տրված է գյուղատնտես Ավետիս Իվանի Սահակովին Թիֆլիսի Դատական պալատ ներկայացնելու համար առ այն, որ պարոն Սահակովը՝ որպես Նորին Սրբություն Ամենայն Հայոց կաթողիկոսի կոնդակով իմ նախագահությամբ Վրացա-Իմերեթական թեմին կից ստեղծված հայ-թաթարական ընդհարումներից տուժածներից օգնություն ցուցաբերող կենտրոնական հանձնաժողովի անդամ, 1906 թ. մարտի 16-ից մինչև ապրիլի 15-ը կոմիտեի միջոցների հաշվին գործուղվել է Նախիջևանի և Շարուր-Դարպազյազի գավառներում պարենային և գյուղատնտեսական օգնություն կազմակերպելու համար, ընդ որում նշյալ գործուղումից վերադառնալուց հետո նա ներկայացրել է Երևանի նահանգում նշյալ ժամկետում իր գործունեության մասին մանրամասն հաշվետվություն: Թեմի առաջնորդ Գարեգին արքեպիսկոպոս»:

12-րդ և 13-րդ թերթերում կա հետևյալ բովանդակությամբ արձանագրություն. «1908 թ. ապրիլի 1-ին Թիֆլիսի Դատական պալատի դատական նիստում ըստ 1-ին քրեական դեպարտամենտի ներկայացրած գործի, ներկա էին՝ նախագահող Ա. Չեխովսկի, պալատի անդամներ՝ Վ. Օրովսկի, Կ. Ժանոն, պալատի Դատախազի տեղակալ Ա. Մոսկալևի մասնակցությամբ, քննարկվեց դատապարտյալ Ավետիս Սահակյանի բողոքարկման հայցը Թիֆլիսի օկրուգային դատարանի 1907 թ. հոկտեմբերի 31-ի վճռի դեմ, որով նա մեղադրվում է 1906 թ. մարտի 8-ի Բարձրագույն հրովարտակի 2-րդ կետով

ԵՐԵՎԱՆԻ ԳՐԱԴԱՐԱՆ

101 հունվար-մայր 2011 Գ. (Թ) փարի, թիվ 1 (33) հունվար-մայր 2011

ԿԵՄ համահայկական հանդես

նախատեսված հանցագործության մեջ: Հրապարակայնորեն լաված դատական նիստին ներկա գործով ներկայացան դատապարտյալ Ավետիս Սահակյանցը և նրա պաշտպաններ, երդվյալ ատենակալներ Մուրավյովը և Հովհաննիսյանցը: Ա. Չեխովսկին ներկայացրեց երկու գործերը, դրանց հանգամանքները, օկրուգային դատարանի վճիռը, դատական նիստերի արձանագրությունները, դատապարտյալի բողոքարկումները և գործերին վերաբերող օրենքները: Այս Մուրավյովը, մատնանշելով այն հանգամանքը, ըստ որի երկու գործերի վարույթից երևում է, որ դատապարտյալը ողջ ժամանակ հաստատում է, թե մեղադրանք ներկայացնող հողվածները թերթում տպագրվել են իր բացակայության ժամանակ և դրանց բովանդակությունը հաստատ է նրա անձնական հայացքներին, և խնդրում է Դատախազի տեղակալի համաձայնության դեպքում բույլատրել որպես վկայի հարցաքննել պալատի շենքում գտնվող Ա. Ի. Խատիսովին՝ որպես վերոշարադրյալ հանգամանքների հավաստում:

Խորհրդակցելուց հետո Դատական պալատը որոշեց Խատիսովին թույլատրել ներկա գործով որպես վկայի հանդես գալ՝ դատապարտյալի անմեղսունակությունը վկայելու համար: Վկայի հարցաքննությանը պարզվեց, որ նա կողմերի հետ ոչ մի հարաբերության մեջ չի գտնվում: Վկան հետևյալ ցուցմունքը տվեց. «1906 թ. սկզբին ես ակտիվ մասնակցություն ունեցա քաղաքական կյանքում, Թիֆլիս քաղաքից Պետական Դումայի ընտրող եղա, հրապարակային դասախոսություններ կարդացի և այդ վերջինների համար նյութեր հավաքեցի, ծանոթացա հասարակական մտքի հոսանքների հետ: Սահակյանի հետ բազմաթիվ գրույցներից ես եզրակացրի, որ նա Դումայի ընտրություններին բնակչության մասնակցության ջերմ կողմնակից էր: Դատապարտյալի հետ ժամհիպել եմ տուժած հայերին օգնություն ցուցաբերող կենտրոնական կոմիտեի նիստում: Այդ կոմիտեի միջոցների հաշվին՝ 1906 թ. մարտի որոշմամբ Սահակյանը գործուղվել է Երևանի նահանգ և վերադարձել ապրիլին՝ Պետական Դումայի գումարումից քիչ առաջ, երբ էլ դժգոհել է, որ իր բացակայության ժամանակ իր խմբագրած թերթը տպագրել է հողվածներ, որոնք իր հայացքների հետ չեն համընկնում»:

Մուրավյովը որպես հաստատում այն բանի, որ դատապարտյալ Սահակյանը իրականում 1906 թ. մարտին և ապրիլին Երևանի

նահանգում գտնվել է գործուղման մեջ՝ ներկայացրեց երկու վկայություններ և Երևանի նահանգապետի հեռագիրը ու խնդրեց այդ փաստաթղթերը կցել գործին: Դատախազի տեղակալը չառարկեց: Ներկայացված փաստաթղթերը պալատի որոշմամբ կցվեցին գործին, ինչպես նաև Հովհաննիսյանցի խնդրանքով վկայվեց, որ որպես մեղադրանք ներկայացվող «Ժողովուրդը և Դուման» հողվածը ստորագրված է թերթի աշխատակից Գուլայանցի¹³ կողմից: Դատախազի տեղակալը դատաքննությանը ձեռք բերված նոր տվյալների հանդես գալով՝ խնդրեց գործի լսումը հետաձգել, այն վերադարձնելով լրաքննության՝ «Յառաջ» թերթում հանցավոր բովանդակության հողվածների տպագրման մեղավորներին գտնելու համար»:

Մուրավյովը գտնում է, որ «Յառաջ» թերթի խմբագրի մեղադրման գործին կարելի է վերջ տալ՝ հողվածները գրած անձանց դեմ նոր գործի հարուցումից անկախ և միջնորդեց Սահակյանի մասին գործն ըստ էության լուծել ներկա նիստում: Հովհաննիսյանցը միացավ այս հայտարարությանը:

Խորհրդակցելով՝ Դատական պալատը դատապարտյալ Սահակյանցի հանդեպ վերջնականապես բացահատված ներկա գործի քննության հիմք չգտավ և նկատի առնելով, որ նշյալ հողվածների տպագրման մեղավոր անձանց ներգրավումը չի կարող վերացնել Սահակյանցի պատասխանատվությունը որոշեց Դատախազի տեղակալի միջնորդությունը մերժել, որից հետո դատաքննությունը հայտարարվեց ավարտված և պալատն անցավ կողմերի եզրափակիչ ելույթների լսմանը:

Դատախազի տեղակալը ենթադրում է հաստատել օկրուգային դատարանների վճիռները, բնդ որում՝ նվազեցնելով պատիժը:

Երդվյալ հավատարմատարներ Մուրավյովը և Հովհաննիսյանցը խնդրեցին դատապարտյալի արդարացման մասին: Դատապարտյալն իր վերջին խոսքում խնդրեց արդարացնել իրեն:

1908 թ. ապրիլի 2: Դատարանը նույն կազմով փոփոխելով դատապարտյալ Ավետիս Սահակյանի վերաբերյալ Թիֆլիսի օկրուգային դատարանի 1907 թ. հոկտեմբերի 31-ի վճիռը՝ որոշեց նրան 200 ռուբլի չափով դրամական տույժի ենթարկել, իսկ նրա անվճարունակ լինելու դեպքում՝ Սահակյանին ենթարկել երկու ամիս կալանքի: Ավետիս Սահակյանի հայրը թողնվեց անհետևանք:

Սահակյանը խնդրում է իր գործողություններում հանցակազմի բացակայության

13 Գուլայանցը կամ Ավ. Գալոյանցը նույն անձն է, որի ինքնությունը չհաջողվեց պարզել:

պատճառով իր հանդեպ չկիրառել 1905 թ. նոյեմբերի 24-ի օրենքը և ազատել իրեն այն փաստերի հիման վրա, որ կներկայացնի գործի քննության օրը: Դատական պալատը գտնում է, որ «Յառաջ» հայկական թերթում, որի պատասխանատու խմբագիրը Սահակյանն էր, տպագրվել են հոդվածներ, որտեղ քաղաքացիներին Պետական Դումայի ընտրություններից մասսայաբար խուսափելու, ինչպես նաև պետական իշխանությունների նկատմամբ բշտամական վերաբերմունքի կոչեր էին արվում: Սակայն, քանի որ դատական գործով անկասկած ապացուցվել է, որ թերթի վերոնշյալ համարների տպագրման ժամանակ դատապարտյալ Սահակյանը Թիֆլիսում չի եղել և անձամբ չի մասնակցել հոդվածների կազմմանն ու դիտմանը, որ Սահակյանն անձամբ Պետական Դումայի ընտրություններին կողմ է եղել, սակայն թույլատրել է տպագրել հակառակ կարծիքի հոդվածներ՝ այդ հարցի բազմակողմանի պարզաբանման համար, որ նշյալ հոդվածը ստորագրված է Ավ. Գալոյանցի կողմից, իսկ դատապարտյալ Սահակյանը ոչ այդ հոդվածի կազմմանը, ոչ էլ դրանց դիտմանը չի մասնակցել որպես «Յառաջ» թերթի պատասխանատու խմբագիր, այլ թույլատրել է իր բացակայության դեպքում այլ անձանց խմբագրել «Յառաջ»-ի թողարկումը, և որպես պատասխանատու խմբագիր բացահայտ անզգույշ արարք է թույլ տվել, ինչի համար ենթակա է 200 ռուբլի դրամական տույժի, իսկ անվճարունակության դեպքում ենթակա է 2 ամիս կալանքի: Դրա համար էլ Դատական պալատը ՍԱՀՄԱՆՈՒՄ է՝ որպես Թիֆլիսի օկրուգային դատարանի 1907 թ. հոկտեմբերի 31-ի նախնական վճռի դատապարտյալ Ավետիս Սահակյանին ենթարկել 200 ռուբլի դրամական տույժի, իսկ անվճարունակության դեպքում՝ կալանել երկու ամսով: Ավետիս Սահակյանի հայցը թողնվեց անհետևանք:

Ա. Չեխովսկի
Վ. Օռլովսկի
Կ. Ժամն

ՀԱԱ, ֆ. 1457, ց. 3, գ. 6, թթ. 4312-4316:
Թարգմանություն ռուսերենից:

**ԹԻՎ 5
ՈՐՈՇՈՒՄ**

1910 թ. նոյեմբերի 19: Քաղաք Նովոչերկասկ:

Նովոչերկասկի օկրուգային դատարանին կից հատուկ կարևորության գործերով Դատական Զննչին ուշադրության առնելով այն հանգամանքը, որ նոյեմբերի 17-18-ին արձանագրությամբ զննված «Յառաջ» հայկական թերթի խմբագիր Ավետիս Իվանով Սահակյանցի մասին դատական գործի՝ որպես իրեղեն ապացույց կամ «Հայ հեղափոխական «Դաշնակցություն» կուսակցության մասին» սույն գործին հավելվածի տեսքով կցելն էական անհրաժեշտություն չէ, ՈՐՈՇԵՑ՝ «Յառաջ» հայկական թերթի խմբագիր Ավետիս Իվանով Սահակյանցի մասին գործն ըստ պատկանելության վերադարձնել Թիֆլիսի Դատական պալատ:

Դատական Զննչի Լիժին

ՀԱԱ, ֆ. 1457, ց. 3, գ. 6, թ. 4317:
Թարգմանություն ռուսերենից:

**ԹԻՎ 6
ՈՐՈՇՈՒՄ**

1911 թ. փետրվարի 11-ից մինչև 24-ը: Քաղաք Նովոչերկասկ:

Նովոչերկասկի օկրուգային դատարանի հարուկ կարևորության գործերով Դատական Զննչիչը, դիտարկելով իր կարարած նախաքննությունը հայ հեղափոխական «Դաշնակցություն» կուսակցության գործով, ԳՏԱՎ:

Որ ներքոնվանյալ մեղադրյալներին՝ սույն գործով ներկայացված Քրեական Դատավարության կանոնադրության 448-րդ և 476-րդ հոդվածներին հիման վրա, նրանց նախաքննությամբ արված են հետևյալ հայտարարությունները.

XXXXXXXXIV. Ավետիս Իվանով Սահակով

1. Հնարավորություն ընձեռել տեսնելու իրեն վերաբերող հայերեն հետևյալ փաստաթղթերը. Ա. «Յառաջ» թերթի մասին «Դրոշակ» ամսագրի համարը, Բ. «Յառաջ» թերթի մասին [ՀՅԴ] Ապառաժի կոմիտեի տպագիր գրությունը, Գ. «Դաշնակցություն» կուսակցության 1905 թ. շրջանային ժողովի արձանագրությունները, որպեսզի դրանք համեմատի ռուսերեն թարգմանությունների հետ,

2. Կրկին ներկայացնել Նախիջևանի գավառ իր այցելությանը վերաբերող Ջավրիկի մոտ գտնված փաստաթուղթը,

3. Ներկայացնել նախիջևանյան գործուղմանը վերաբերող իր կնոջ տրամադրած բոլոր

ԵՐԵՎԱՆԻ ՊԱՐԼԱՄԵՆՏ

101 Գ- (Թ) փարի, թիվ 1 (33) հունվար-մարտ 2011

ՎԵՐԱԿԱՅԻՆ ԿԱՄԱՐԱԿԱՅԻՆ ԿԱՆՈՒՄ

փաստաթղթերը,

4. Որպես հաստատում այն բանի, որ 1905 թ. հուլիսին ինքը՝ Ավետիս Իվանով Սահակովը, Կովկասում հողագործության մինիստրի լիազոր Մեդվեդևի թույլտվությամբ, հայ-թաթարական ընդհարումներից տուժած հայերին օգնություն ցուցաբերող գլխավոր հանձնաժողովի կողմից գործուղվել է Նախիջևանի և Շարուր-Ղարալագյազի գավառներ, որ այդ գավառներում իր գործունեությունը եղել է օրինական, ինչպես նաև նշյալ հանձնաժողովի կողմից այդ կարիքների համար 10.000 ռուբլի բաց թողնելու, այդ գավառներում նշյալ օգնության ցուցաբերման ուղղությամբ իր աշխատանքի մասին – հարցաքննել արքայազն Նապոլեոնին, Երևանի նահանգապետ Տիգեհասուզեմին, Նախիջևանի և Շարուր-Ղարալագյազի գավառապետներին, այդ օգնության գավառային կոմիտեների անդամներին, հողագործության մինիստրության Կովկասում լիազոր Մեդվեդևին, նշյալ օգնության ցուցաբերման կենտրոնական հանձնաժողովի անդամներ Քալանթարին, Առաքելյանին և այլոց,

5. Որպես հաստատում այն բանի, որ «Յառաջ» թերթը «Դաշնակցություն» կուսակցության օրգանը չէր քննչական նյութից երևում է, որ «Դաշնակցություն» կուսակցությունն ուներ միայն մեկ պաշտոնական կենտրոնական օրգան՝ «Դրոշակ» թերթը, իսկ մեղադրյալ Բալուդյանի և վկա, «Պրիագովսկի կրայ» թերթի խմբագիր-հրատարակիչ Հարությունյանի ցուցմունքներն այն մասին, որ «Յառաջ» թերթը կուսակցական էր և «Դաշնակցություն» կուսակցության կողմից ֆինանսավորվող – հնարովի են և նշանակություն չունեն,

6. Գործին կցել Համբարձում Առաքելյանի քարտուղարությամբ Թիֆլիսում գումարված կենտրոնական հանձնաժողովի նիստերի արձանագրությունը, Նախիջևանի և Շարուր-Ղարալագյազի կոմիտեների արձանագրությունները, Սահակովի զեկույցը արքայազն Նապոլեոնին, Սահակովի 1906 թ. զարման հաշվեկշիռը Երևանի նահանգապետին, Սահակովի նշյալ գործողման աշխատանքների, իրեն բաց թողնված դրամական միջոցների վերաբերյալ նահանգապետին, զենքալ-նահանգապետին, գավառապետներին, կենտրոնական հանձնաժողովի նախագահին ուղղված հեռագրերը,

7. Թիֆլիսում Սահակովի հարցաքննության արձանագրության մեջ գրված է, որ Դավիթ Զավրիևի մոտ խուզարկությամբ

գտնվել է Սահակյանի զեկույցը, սակայն իրեն ներկայացնելու ժամանակ նման զեկույց չի եղել,

8. Որպես հաստատում այն բանի, որ 1907 թ. հունվարից մինչև նույն տարվա վերջն ինքը ղեկավարության կարգադրությամբ զբաղված էր Կովկասյան երկրամասում դաշտային մկների դեմ պայքարով, և ոչ թե զնացել էր արձակուրդ կամ արտասահման – հարցաքննել Լոզինո-Լոզինսկուն, Մեդվեդևին, Մոնասի գավառապետին, հաշտարար միջնորդ Ջուրջաձեին, Պառլամունես Տիմոֆեևին, Ջունկովսկուն, Պավլովին, Բոգարկոյին, Ալեքսևսկուն, փոխարքայի օգնական Միցկևիչին և այլոց, ինչպես նաև պահանջել մորեխի դեմ պայքարի վերաբերյալ Սահակովի հաղորդագրությունները, նախագծերը,

9. Վկա Ֆրենկելի ցուցմունքը միակողմանի և միտումնավոր է, քանզի նա պետության շահերին նվիրված համեստ գործիչ Սահակովին դարձրել է հեղափոխական, իսկ վկա Միհրանի ցուցմունքները զուրկ են որևէ փաստացի հիմքից, քանզի նա հանգիստ չի թողել ոչ մի հասարակական գործչի՝ բողոքի անվանելով դաշնակցականներ կամ հեղափոխականներ,

10. Քանի որ «Դաշնակցություն» կուսակցության շրջանային ժողովում Սահակովին վերագրվող ելույթը ռուսերեն սխալ է թարգմանված ու խեղաթյուրված է, քանզի բնագրում առկա են միայն «Ս. Խ. Կ.» հայերեն տառերը, իսկ թարգմանության մեջ հիշատակվում է նրա՝ Սահակովի ազգանունը, և որ բնագրում խոսք չի եղել գործի ու կառավարության դեմ գործողությունների մասին, իսկ թարգմանության մեջ այդ ելույթի հեղինակը պահանջում է գործի և կառավարության դեմ պայքարել, դրա համար էլ այդ փաստաթուղթը՝ որպես իր դեմ մեղադրական կետերից մեկը, տրամադրել իրեն տեսության համար և համենատեղ ռուսերեն թարգմանության հետ,

11. Վարդապետ Տեր-Սիքայելյանի այն ցուցմունքը, ըստ որի Էջմիածնի համագումարում Ավետիս Սահակյանն իրեն անվանել է «Դաշնակցություն» կուսակցության պատգամավոր, սարկավազ Չոբեքչյանի¹⁴ այն ցուցմունքը, ըստ որի այդ ժողովում Ավետիս Սահակյանի նախագահությամբ բարձրացվել է պետությունից եկեղեցու անջատման հարցը, ինչպես նաև այդ մասին Ֆրենկելի ցուցմունքը իրականությանը չեն համապատասխանում,

12. Որպես հաստատում այն բանի, որ կառավարական և հասարակական հիմ-

14 Դետագայի Գևորգ Զ Չոբեքչյան Ամենայն Դայոց կաթողիկոսն է:

նարկներում Ավետիս Սահակյանի ողջ գործունեությունն այնքան տարաբնույթ է եղել և նրանից այնքան շատ ժամանակ է խլել, որ նա ոչ մի հնարավորություն չի ունեցել որևէ ընդհատակյա գործունեությամբ զբաղվելու և քսանամյա ծառայության ընթացքում նրա ողջ գործունեությունը եղել է բացահայտ և օրինական, հարցաքննել Մեղվեղևին, Վասիլին, Շիմանովսկուն, Արխիպովին, Ռուխիվաձեին, Եվանգուլովին, Իոսելիանիին, Տիմոֆեևին, Արդուրինսկուն, Գրուզինսկուն, Դրիմ-Գիրեյին և այլոց,

13. Հնարավորություն տալ տեսնել բնագիր գործը՝ հայերեն փաստաթղթերի բնագրերը և համեմատել դրանք ռուսերեն բարգձմությունների հետ,

14. Ներկայացնել Մեղվեղևի ցուցմունքը,

15. Պահանջել Կովկասում հողագործության մինիստրության լիազորի գրասենյակից Սդնխի գավառում Սահակովի աշխատանքի մասին հաշվետվությունը, այդ գործողման մասին գրությունը և այդ հարցի առթիվ Թիֆլիսի նահանգապետի կարծիքը,

16. Նովոչերկասկի բանտում 1910 թ. դեկտեմբերի 20-ին իրեն ներկայացված քննչական նյութի հետ Սահակովը դեռ չի հասցրել ծանոթանալ,

17. Կատարել զննում և ներկա գործին որպես իրեղեն ապացույցներ կցել իրենից առգրավված հետևյալ փաստաթղթերը.

Ա. Գարեգին արքեպիսկոպոս Սաթունյանի նախագահությամբ, Համբարձում Առաքելյանի քարտուղարությամբ, Քալանթարի, Շղիշե Թոփչյանի և այլոց անդամությամբ գործող հայ-բարարական անկարգություններից տուժածներին օգնություն ցույց տվող կենտրոնական հանձնաժողովի 1905 թ. հուլիսի 5-ի և սեպտեմբերի 7-ի երկու արձանագրությունները՝ Ավետիս Սահակովին Նախիջևանի գավառ տուժյալ բնակչության կարիքներին ծանոթանալու համար գործուղելու մասին,

Բ. Նշյալ հանձնաժողովին իր հետագոտության արդյունքների մասին Ավետիս Սահակովի զեկուցագիրը՝ այդ կարիքների համար 18.000 ռուբլի բաց թողնելու միջնորդությամբ և հանձնաժողովի կողմից ըստ այդ զեկուցագրի Նախիջևանի գավառի կարիքների համար 10.000 ռուբլի տրամադրելու մասին,

Գ. «Մշակ» թերթի 1905 թ. սեպտեմբերի 10-ի ք.182 համարի «Գյուղերի վիճակը Նախիջևանի գավառում» (Նախիջևանի գավառի տուժյալ գյուղերում Ավետիս Սահակովի այցի առթիվ) հոդվածը,

Դ. Նույն թերթի 1905 թ. հուլիսի 10-ի ք.133 համարի «Օգնության ոլորտում» (հանձնաժողովի կողմից մասնագետ Սահա-

կովին Նախիջևանի գավառ բնակչության ընթացիկ կարիքների ուսումնասիրման համար գործուղման առթիվ) հոդվածը,

Ե. Օգնության Թիֆլիսի կոմիտեի Հին Նախիջևանի հանձնաժողովին 1905 թ. հուլիսի 19-ին ուղղված ք. 283 գրության պատճենը՝ տուժած հայերին օգնելու մասին,

Զ. Գյուղատնտեսական կայսերական կովկասյան ընկերության 1905 թ. հուլիսի 20-ի ք. 639 նամակը Նախիջևանի գավառում գյուղատնտեսության դրության վերաբերյալ տեղեկություններ հավաքելու նպատակով Ավետիս Սահակյանի գործողման մասին,

Է. Երևանի նահանգապետի 1905 թ. օգոստոսի 1-ի նամակը Սահակյանին Նախիջևանի գավառում ոստիկանության պաշտոնյաների կողմից նրան ամեն տեսակ աջակցություն ցուցաբերելու մասին,

Ը. Շարուր-Դարալագյազի գավառի չորս գյուղերի հաշտարար վճիռները պարենային օգնության ստացման մասին,

Թ. Ժամանակավոր զենեղալ-նահանգապետի միջնորդությամբ Ավետիս Սահակյանի գործողման ժամկետի երկարացման մասին հողագործության մինիստրության Կովկասում լիազորի 1905 թ. հոկտեմբերի 14-ի ք. 5446 թույլտվությունը,

Ժ. Երևանի նահանգապետի 1906 թ. հունվարի 24-ի ք. 314 գրությունը 10.030 ռուբլու ծախսման հաշվետվության մասին,

ԺԱ. Սահակովի գրությունը Շարուր-Դարալագյազի գավառապետին անասունների զնման համար դրամի փոխանցման մասին,

ԺԲ. 15.984 ռուբլի պարենի զնման համար ծախսելու մասին 1906 թ. փետրվարի 24-ի գրությունը Երևանի նահանգապետին,

ԺԳ. Սահակովի 1905 թ. սեպտեմբերի 19-ի զեկուցագիրը Նախիջևանի գավառում գյուղատնտեսության օգնության կազմակերպման մասին,

ԺԴ. Սահակովի 1908 թ. հունվարի 30-ի ք. 203 դրամական հաշվետվությունը՝ 883 ռուբլի 62 կոպեկ ծախսման մասին,

ԺԵ. Նախիջևանի գավառապետի կարգադրությունը Նախիջևանի գավառում Սահակովին օգնություն և աջակցություն ցուցաբերելու մասին,

ԺԶ. Տուժած բնակչությանը օգնություն ցուցաբերող Նախիջևանի հանձնաժողովի 1905թ. սեպտեմբերի 26/30-ի նիստի արձանագրությունը,

ԺԷ. Տուժած բնակչությանը օգնություն ցուցաբերող Շարուր-Դարալագյազի հանձնաժողովի 1905 թ. հոկտեմբերի 11-ի նիստի արձանագրությունը,

ԺԸ. Թիֆլիսից 1905 թ. սեպտեմբերի 3-ի

հեռագիր Սահակովի անունով գութաններ գնելու մասին,

ԺԹ. Չավրիսի 1905 թ. սեպտեմբերի 14-ի հեռագիրը Նախիջևանի գավառում օգնության կազմակերպման վերաբերյալ տեղեկություններ ստանալու մասին,

Ի. Ալեքսանդրապոլից 1905 թ. սեպտեմբերի 24-ի հեռագիրը Նախիջևանի գավառ գութաններ ուղարկելու մասին,

ԻԱ. Թիֆլիսից Թովմա վարդապետի 1905 թ. հոկտեմբերի 7-ի հեռագիրը կոշիկ ուղարկելու մասին,

ԻԲ. Երևանից 1905 թ. հոկտեմբերի 6-ի հեռագիրը Սահակովին Երևանի նահանգապետի կողմից Շարուր-Ղարալազյազի գավառում տուժածներին 100.000 ռուբլի փոխանցելու մասին,

ԻԳ. Նախիջևանից 1905 թ. հոկտեմբերի 13-ի հեռագիր Սահակովին անասուն գնելու մասին,

ԻԴ. Երևանից Նապոլեոնի 1905թ. հոկտեմբերի 23-ի հեռագիրը Սահակովի գործուղումը հողագործության լիազորի կողմից երկարացնելու թույլտվության մասին,

ԻԵ. 1906 թ. հունվարի 16-ի հեռագիր Սահակովին տուժած բնակչությանը դրամական միջոցներ բաժանելու մասին,

ԻԶ. Հողագործության մինիստրության Կովկասում լիազորի 1907 թ. հունվարի 1-ի կարգադրությունը Սահակովին՝ խաղողի վազերի վնասների հաշվառման համար Գյուլչայի և Շամախիի գավառներ մեկնելու մասին,

ԻԷ. Սահակովի զեկույցը հողագործության մինիստրության Կովկասում լիազորին 1907 թ. Սղնախի գավառում աշխատանքների արդյունքների մասին,

ԻԸ. Հողագործության մինիստրության Կովկասում լիազորի 1907 թ. փետրվարի կարգադրությունը Այսրկովկասի երկրամասի հողային գումարներից ավանսի ծախսման հաշվետվություն ներկայացնելու մասին,

ԻԹ. Ռազմաբժշկական լաբորատորիայի վարիչի 1907 թ. ապրիլի 29-ի նամակը Սահակովին հակամոծակային շիճուկ ուղարկելու մասին,

Լ. Անդրկովկասում 1907 թ. մորեխների դեմ աշխատանքի մասին գյուղատնտես Սահակովի հաշվետվությունը,

18. Որպես հաստատում այն բանի, որ Սահակովն իր ողջ ժամանակը և ուժերը նվիրել է երկրամասի գյուղատնտեսության և մշակութային ժառանգության զարգացման գործին, և որ բնակչության հասարակական կյանքի առաջընթացի մասին նրա հայացքները քաջ հայտնի են գյուղատնտեսական հասարակության անդամներին և արտա-

հայտված են «Անդրկովկասում զեմսովա-յին հիմնարկությունների մտցման անհրա-ժեշտության մասին» գրքույկում, թույլատրել նրան նշյալ գրքույկը ներկայացնել ներկա գործին կցելու համար և հարցաքննել Ցինամագարովին և Ալիբեգովին,

19. Որպես հաստատում Ախալքալակի գավառում և Թուրքեստանում մորեխների դեմ պայքարի աշխատանքներին Սահակովի մասնակցության՝ ներկա գործին կցելու համար թույլատրել ներկայացնելու նրա ուսումնասիրությունները,

20. Որպես երկրամասում մորեխների դեմ պայքարի ոլորտում Սահակովի աշխատանքների հաստատում՝ հարցաքննել Մեդվեդևին, Արխիպովին, Վասիլևին, Շիմանովսկուն, Ջունկովսկուն, Վեյդենբաումին, Պետերսոնին, ինչպես նաև՝ հողագործության մինիստրության Կովկասում լիազորի գրասենյակից պահանջել Անդրկովկասում 1907 թ. և 1909 թ. մորեխների դեմ պայքարի ուղղությամբ Սահակովի աշխատանքների մասին հաշվետվությունները, դրանք կցել գործին և լիազորին հարցնել 1910 թ. աշնանը Ս. Պետերբուրգ Սահակովի նախատեսվող գործուղման մասին:

1. Փոխել կալանման միջոցը գրավի կան երաշխավորության,

2. Տրամադրել քննչական վարույթի գործի պատճենը:

ՀԱԱ, ֆ. 1457, ց. 3, գ. 6, քթ. 4417-4419: Թարգմանություն ռուսերենից:

ՎԱՎԵՐԱԳՐԵՐ

ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

Հայ հոգևորականների դատական գործերը*

19-րդ դարի վերջերին և 20-րդ դարի սկզբներին հայ հոգևորականության բազմաթիվ ներկայացուցիչներ դարձել են ազատամարտի ակտիվ մասնակիցներ ու ջերմ աջակիցներ:

Արևմտյան Հայաստանում ծավալված հայդուկային կռիվներում կարևոր դեր են խաղացել Տարոնում՝ Հակոբ Սարկավազ Տեր-Ղևոնդյանը, Մշո Ս. Կարապետի վանքի վանահայր Ներսես վարդապետ Խարախանյանը, Ատրպատականում՝ Գերիկի Ս. Աստվածածին վանքի վանահայր Բագրատ վարդապետ Թավաքալյանը և ուրիշներ: Խանասորի արշավանքին մասնակցել և ծանր վիրավորվել է Բաշկալեի վարդան վարդապետ Նալբանդյանը:

Հայ հոգևորականությունն ակտիվորեն մասնակցել է նաև 1903 թ. սկսված՝ հայ եկեղեցական գույքի բռնագրավման դեմ պայքարին: Այդ պատճառով ցարական իշխանությունների կողմից արքայազն Նուբիաս արքեպիսկոպոս Պարզյանցը, Նոր Բայազետի առաջնորդական փոխանորդ Խորեն վարդապետ Մուրադբեկյանը, Մխիթար վարդապետ Տեր-Սկրտչյանը, Իսահակ վարդապետ Տեր-Միքայելյանը, Կարսի Ս. Նշան եկեղեցու Առաքել քահանա Առաքելյանը, Մանգլիսի Անդրեաս քահանա Արշակունին, Խարկովի Սրապիոն քահանա Սամվելյանը:

1905-1906 թթ. հայ-թաթարական կռիվների ժամանակ Անդրկովկասի հայության ինքնապաշտպանության դեկավարներից էին. Նախիջևանում՝ Մեսրոպ վարդապետ Տեր-Մովսիսյանը, Ջանգեգուրում՝ Ներսես վարդապետ Մելիք-Թանգյանը, Շուշիում՝ Գարեգին քահանա Հովհաննիսյանը, Գանձակում՝ Կորյուն վարդապետ Սահակյանը:

Նման պայմաններում հասկանալի է, որ հայ հոգևորականները նույնպես չէին կարող գերծ մնալ ՀՅ Դաշնակցության դեմ ուղղված լիժինյան համատարած հաշվեհարդարից: Ցարական պաշտոնյաները քաջ գիտակցում էին, որ հայ եկեղեցականը գորավիզ է հարազատ ժողովրդի ազգային-ազատագրական պայքարին: Այդ պատճառով, թեպետ ՀՅԴ Մեծ դատավարության ընթացքում հայ հոգևորականության շրջանում դատական բռնաճնշումները զանգվածային բնույթ չկրեցին, սակայն ձերբակալվեցին մի շարք հոգևորականներ, իսկ տասնյակները ենթարկվեցին հարցաքննության ու խուզարկության: Հայ հոգևորականների դատապարտումը հայատյաց լիժինների մտահոգացմամբ պետք է ծառայեր

* Ընդունվել է տպագրության 6. 06. 2011:

Գ. (Թ) փարի, թիվ 2 (34) ամբի-հունիս, 2011

ՎԵՄ համահայկական համոքս

որպես ռուսական հասարակության շրջանում հակահայ տրամադրություններ ստեղծելու «փաստարկ»:

Ուստի՝ ՀՅԴ Մեծ դատավարության ընթացքում ձերբակալվել ու հարցաքննվել են բազմաթիվ հոգևորականներ, որոնց մի մասը եղել է կուսակցության անդամ, իսկ մյուսները՝ համակիրներ: Բայց եղել են նաև ՀՅԴ այս կամ այն գործչի հետ համագործակցելու պատճառով ձերբակալվածներ, որոնք իրենց ցուցմունքներում սահմանազատվել են կուսակցությունից:

Սակայն, չնայելով սկիզբ առած հալածանքներին, ՀՅԴ Մեծ դատավարության ժամանակ Ամենայն Հայոց Գևորգ Ե. կաթողիկոսը հատուկ խնդրանքով դիմեց ցարական վերնախավին և նպաստեց ձերբակալվածների մեծ մասի ազատ արձակմանը: Կաթողիկոսի կարգադրությամբ Պետերբուրգի Շլիսելբուրգյան բանտում կալանվածներին այցելեց Նոր-Նախիջևանի և Բեսարաբիայի թեմի կոնսիստորիայի նախագահ Տիրայր վարդապետ Հովհաննիսյանը:

Ընթերցողների ուշադրությանը ներկայացվող՝ լիժինյան հալածանքներին արժանացած հայ հոգևորականների դատական հետապնդման փաստաթղթերը կարող են նպաստել 20-րդ դարասկզբի հայ իրականության մեջ առանցքային դերակատարություն ունեցած ՀՅ Դաշնակցության և Հայաստանյայց Առաքելական եկեղեցու պատմության անհայտ էջերի լուսաբանմանը և այդ երկու ազգային կառույցների փոխհարաբերությունների համակողմանի քննությանը:

Դատական գործերի մեջ իբրև մեղադրյալներ կամ վկաներ ներառված յուրաքանչյուր հոգևորականին վերաբերող փաստաթղթերը խմբավորվել են որպես մեկ ամբողջություն, որոնց կցվել են մեր կողմից ձեռք բերված՝ նրանց ավելի ուշ շրջանի լուսանկարները:

Ավագ Ա. Հարությունյան
Պատմ. գիտ. թեկնածու

**THE FILES OF THE GREAT TRIAL OF ARF
(DASHNAKTSUTYUN)**

The Lawsuits of the Armenian Clergymen

Avag A. Harutyunyan

ԹԻՎ 1
ՄԵՂԱԳՐՅԱԼԻ ՀԱՐՅԱՔՆՆՈՒԹՅԱՆ
ԱՐՁԱՆԱԳՐՈՒԹՅՈՒՆ

1910թ. օգոստոսի 10: Քաղաք Վլադիկավկազ:

Վլադիկավկազի օկրուգային դատարանի Վլադիկավկազ քաղաքի 1-ին տեղամասի Դատարանն Քննիչը Քրեական դատավարության կանոնադրության 403-րդ հոդվածի պահպանմամբ հարցաքննեց ներքոսնվանյալ մեղադրյալին, և նա ցուցմունք տվեց.



Տեր Հակոբ Արզումանի Սառիկյանց¹, 37 տարեկան, ծնվել էմ Դազախի գավառի Վերին Աղդան գյուղում, գրանցված էմ Ելիզավետպոլի նահանգում, բնակվում էմ Վլադիկավկազում, Վորոնցովյան փողոց, Առաքելովի տանը, ամուսնացած էմ, հայ, հայ-գրիգորյան հավատքի, ավարտել էմ հայկական հոգևոր ճեմարան, ունեմ 5 անչափահաս երեխա, Վլադիկավկազի հայկական եկեղեցու հոգևորական, սեփականություն չունեմ, հատուկ նշաններ չունեմ, չեմ դատվել, գործում մասնակիցներին օտար եմ:

1. Հակոբ Արզումանի Սառիկյան (20.12.1872, գ. Գանձաքար, Իջևան - 1945, Երևան) - մշակութային գործիչ, գրող, մանկավարժ, հոգևորական, Խանասորի արշավանքի մասնակից. ԳՅԴ 10-րդ (ժլատի) կենտրոնական կոմիտեության ակտիվ գործիչ, հայ ազգային-ազատագրական շարժման պատմության վերաբերյալ անսոսի հուշերի հեղինակ:

Ես ինձ մեղավոր չեմ ճանաչում այն բանում, որ ես պատկանել եմ 1905-1908 թվականներից Ռուսական պետության մեջ ձևավորված հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն իր գործունեության նպատակ էր առաջադրել գործադուլների, տնտեսական, կազմակերպական և քաղաքական ահաբեկչությունների ճանապարհով և զինված ապստամբության միջոցով բռնությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի է ունեցել 1905-1908 թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ուներ հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908 թթ. հրատարակած հակակառավարական ամսագրեր, թերթեր, թռուցիկներ՝ զինված ապստամբության կոչերով, Ռուսական պետության մեջ հանրապետության ձևավորման համար, սարքավորումներով տպարաններ, հրագեների և սառը զենքի մեծ պահեստներ, պայթուցիկ արկեր (ռումբեր), վառոդի, դինամիտի, փամփուշտի և այլնի մեծ պահեստներ, հեղափոխական զինվորների հատուկ ջոկատներ, ահաբեկչական ջոկատներ՝ «Ահաբեկիչ Մարմին»-ի խորհրդի գլխավորությամբ, որ կոմիտեների որոշումներով 1905-1908 թթ. Ռուսաստանում իրականացրել է նշյալ հանցավոր կազմակերպության համար վտանգավոր համարվող և նրա կարգադրություններին ենթարկվել չցանկացող՝ ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից զատ [իրականացրել է] տեղական հայ բնակչության ամենամյա պարտադրված դրամա-

ՎԱԿԵՆԱԳՐԵՐ

Գ. (Թ) Գարի, թիվ 2 (34) ապրիլ-հունիս, 2011

ՎԵՄ համահայկական համոքես

հավաք՝ հանցավոր նպատակների համար և մահվան սպառնալիքի ներքո, առավել ևս՝ հատուկ ստիպողական մեծ դրամական շորթումներ [է կատարել] հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագուլի կերպով յուրացնելով դատական իշխանության իրավասությունը՝ իրականացնելով քրեական և քաղաքացիական գործերի քննություններ, և այդ գործերով իր ապօրինի դատավճիռներն արձակելով, ընդ որում են՝ Հակոբ Սառիկյանս, իբր՝ եղել են «Դաշնակցություն» հայ հեղափոխական կուսակցության անդամ, Վլադիկավկազի կենտրոնական կոմիտեի համար իմ անունով հասցեագրված դրամական միջոցների և կուսակցական գրագրության փոխանցման միջնորդ: «Դաշնակցություն» հայ հեղափոխական կուսակցությանը ես երբեք չեմ անդամակցել և չեմ անդամակցում: Այդ կուսակցության գոյության մասին ես գիտեմ: Ինձ հայտնի է, որ այն ձևավորվել է 1895-1896 թթ.: Այդ ժամանակից ես գիտեմ Թուրքիայում նրա գործունեության մասին: Ես գիտեի, որ այդ կուսակցությունը հեղափոխական է և ստեղծվել է Թուրքիայում հայերի նկատմամբ կատարվող բռնություններին դիմակայելու նպատակով: Գիտեմ, որ այդ կուսակցությունը հետագայում վերակազմավորվեց սոցիալիստականի: Այդ բոլոր տեղեկությունները ես ձեռք եմ բերել հայկական և ռուսական թերթերից: «Դաշնակցություն» հայ հեղափոխական կուսակցության անդամների հետ ես ծանոթություն չեմ ունեցել, դրա համար էլ այդ կուսակցությանը ծանոթանալու այլ աղբյուր չեմ ունեցել: Բացի վերոնշյալից՝ այդ կուսակցության մասին ուրիշ ասելիք չունեմ: Գուցե և իմ ծանոթներից ինչ-որ մեկը անդամակցել է այդ կուսակցությանը, սակայն դա ինձ անհայտ է: Իմ ծանոթությունների

շրջանակը շատ մեծ է, քանի որ ես ծառայել եմ Կովկասի բազմաթիվ վայրերում, աշխատակցել «Մշակ» և «Արձագանք»² թերթերին, մանկական հանդեսներին: Որպես տեղական հայկական ծխի քահանա՝ ես այստեղ շատ երևելի տեղ եմ զբաղեցնում, դրա համար էլ իմ միջոցով է անցնում տարբեր մարդկանց հանձնելու համար ինձ հասցեագրված դրամական փոխանցումների, ծանրոցների և նամակների զանգվածը: Թե Ստեփան Տեր-Սյրտչյանը, Ջևադ Բեկ-Բալուդյանը, Գրիգորյանը եղել են «Դաշնակցություն» հայ հեղափոխական կուսակցության անդամներ, թե ոչ՝ չգիտեմ: Երբ 1908 թ. ես հրավիրվեցի բանտ՝ հուղարկավորելու տիֆլիզ մահացած Գրիգորյանին, իմացա, որ նրա ազգանունը եղել է Չիլինգարյան: Դավիթ Ջավրիևին³ ես չգիտեմ: «Նոր կյանք» թերթի⁴ խմբագրությունում գտնված ինձ հասցեագրված և «Միզ»-ին փոխանցելու համար նամակի առթիվ ոչինչ հաղորդել չեմ կարող: Ոչ Միզին, ոչ Սիմոն Գրուզինյանին⁵ չեմ ճանաչել և նրանց մասին ոչինչ չեմ լսել: Իմ կարծիքով՝ նամակն իմ անունով է հասցեագրվել այն պատճառով, որ ես բազմաթիվ դեպքերում, ինչպես արդեն բացատրել եմ, փոխանցիկ կետ եմ եղել նամակների, ծանրոցների և դրամական փոխանցումների հանձնման համար՝ այն անձանց, ում հասցեներն ամենայն հավանականությամբ, ուղարկողներին անհայտ են եղել: Որպես իմ արդարացում՝ ավելին ասել չեմ կարող:

Ընթերցված է:

Հոգևորական Հ. Սառիկյան:

Դատական Քննիչ:

Դատախազի տեղակալ (ստորագրություն):

ՀԱԱ, ֆ. 1457, ց. 3, գ. 5, թթ. 3471-3473:

Թարգմանություն ռուսերենից:

2 «Արձագանք» գրական և քաղաքական լրագիրը հրատարակվել է Թիֆլիսում 1882-1898 թթ., խմբագիր-հրատարակիչը Աբգար Յովհաննիսյանն էր:

3 Ջավրիև (Ջավրյան) Դավիթ Քրիստափորի (23.06.1889, Թիֆլիս - 11.08.1957, Թբիլիսի) – հասարակական գործիչ, քիմիկոս: Պետերբուրգի համալսարանում աշակերտել է Դ. Մենդելեևին: 1921թ. հոկտեմբերից մինչև 1922 թ. փետրվարը եղել է ԵՊՊ ռեկտոր, ՅԽՍՀ գիտության վաստակավոր գործիչ:

4 «Նոր կյանք» գրական, հասարակական և քաղաքական շաբաթաթերթը հրատարակվել է Նոր Նախիջևանում 1906-1907 թթ.: Խմբագրել են Գր. Անուփյանը, Յ. Խարազյոզյանը, հրատարակիչը՝ Գր. Բեդեյանը:

5 Նկատի ունի ՀՀԳ հայտնի գործիչ Սիմոն Վրացյանին: «Միզ»-ը և Սիմոն Գրուզինյանը նրա կուսակցական կեղծանուններն էին:

ԹԻՎ 2

ՄԵՂԱԳՐՅԱԼԻ ՀԱՐՑԱՔՆՆՈՒԹՅԱՆ ԱՐՁԱՆԱԳՐՈՒԹՅՈՒՆ

1910 թ. սեպտեմբերի 4⁶: Քաղաք Վլադիկավկազ: Նովոչերկասկի օկրուգային դատարանին կից հայրուկ կարևորության գործերով Դատական Զննիչը Քրեական դատավարության կանոնադրության 403-405-րդ հոդվածների հիման վրա որպես մեղադրյալի հարցաքննեց ներքոսևվանյալին, և նա ցուցմունք տվեց.

Իմ անուն, հայրանուն, ազգանուն – Տեր Հակոբ Արզումանի Սառիկյան:

Առաջադրված հարցերին լրացուցիչ պատասխանում եմ.

Չեմ կողմից ներկայացված բացկի վրա պատկերված անձին՝ Չեմ ասելով, Հակոբ Չիլինգարյանին, ճանաչում եմ «Միքայել Գրիգորյան» ազգանունի տակ: Արդյոք Չիլինգարյանը անդամակցել է «Գաշնակցություն» կուսակցությանը՝ ինձ հայտնի չէ: Առաջին անգամ Չիլինգարյանի հետ ծանոթացել եմ 1905 թ. հայ-թաթարական ընդհարումների սկզբում: Նշյալ Չիլինգարյանն ինձ անհայտ լինելով՝ ինձ մոտ եկավ ք. Վլադիկավկազ, անվանելով իրեն Միքայել Գրիգորյան, որպես վլադիկավկազցի գինու առևտրական Սերգեյ Ավագի Վարդիգորովի ներկայացուցիչ, և խնդրեց ինձ ստանալ Բլայարից Պետական բանկ փոխանցված 500 ռուբլի գումարը: Ընդ որում, չգիտեմ թե ինչու էր փոխանցումը կատարված իմ անվամբ: Թե ում կողմից էր այդ փոխանցումը՝ ես այն ժամանակ անդորրագրի վրա ուշադրություն չդարձրի: Սակայն նշյալ Գրիգորյանը ինձ բացատրեց, որ լինելով Բլայարից՝ հենց ինքն է իմ անունով փոխանցել, իսկ իր առևտրի գործընկեր Վարդիգորովի անունով չի փոխանցել այն պատճառով, որովհետև հույս չուներ նրան գտնել Վլադիկավկազում: Նրա հետ ես գնացի Պետական բանկ և ստացա 500 ռուբլի փոխանցումը, որը և հենց բանկում հանձնեցի նրան: Բլայարի գանձապետարանի ներկայացրած 1905 թ. նոյեմբերի 1-ի N 16882 անդորրագրի

դարձերեսի «1905 թ. նոյեմբերի 9-ին հինգ հարյուր ռուբլի ստացել է հոգևորական Հ. Սառիկյանը» ստորագրությունն իմն է, իսկ թե ինչու է նշյալ անդորրագրում փոխանցումը նշված ոչ թե Միքայել Գրիգորյանից, այլ Հովհաննես Եգորյանից, չգիտեմ և բացատրել չեմ կարող: Հովհաննես Եգորյանի անձն ինձ բացարձակապես անհայտ է: Ես չեմ կարող բացատրել, թե ինչու է Գրիգորյանն ասել, որ ինքն է կատարել այդ փոխանցումը, և որ գումարը փոխանցած անդորրագրում նշված անձը ոչ թե Միքայել Գրիգորյանն է, այլ ոմն Հովհաննես Եգորյանը: Ես դրա վրա ոչ մի ուշադրություն չեմ դարձրել: Այդ ժամանակ իմ բնակարանում ներկա էր Վլադիկավկազում բնակվող Միքայել Ստեփանի Աթոռովը⁷: Այդ ամենը տեղի է ունեցել նրա ներկայությամբ, և ինչպես պարզվեց, նա գիտեր Միքայել Գրիգորյանին: Դրանից որոշ ժամանակ անց կրկին իմ բնակարան եկավ նշյալ Միքայել Գրիգորյանը (դա արդեն 1906 թ. էր) և բերեց ինձ նույն գանձապետարանի 700 ռուբլու անդորրագիր՝ խնդրելով դրանով ստանալ դրամը, ասելով, որ ինքն անձամբ իր անունից է այդ փոխանցումը իմ անունով կատարել: Այդ ժամանակ նրա հետ գնացել եմ բանկ և ստացել նշյալ գումարը և փոխանցել նրան: Չեմ ներկայացրած Բլայարի գանձապետարանի 1906թ. փետրվարի 4-ի N 1783 անդորրագրում «հոգևորական Տեր Հակոբ Սառիկյան, 1906թ. փետրվարի 14, 701 ռուբլի 85 կոպեկ ստացա» ստորագրությունը Տեր Խաչատուր Շափրյանից փոխանցման ստացման առթիվ՝ իմն է: Այդ անդորրագրով գումարի ստացման ժամանակ բոլորովին ուշադրություն չեմ դարձրել, թե ում կողմից էր կատարված փոխանցումը: Տեր Խաչատուր Շափրյանին ճանաչում եմ: Նա ք. Բլայարի հանգուցյալ հոգևորականն է: Թե ինչու է Գրիգորյանն ասել, որ այդ փոխանցումն իրենից է, իսկ անդորրագրում նշված է Շափրյանից, այն ժամանակ ուշադրություն չդարձրի, այլ հավատացել եմ նրան՝ որպես ինձ մոտ անդորրագրով եկած անձի, դրա համար էլ ոչ մի կասկած

ՎԱԿԵՆԱԳՐԵՐ

Գ. (Թ՝ Գարսի, թիվ 2 (34) ամսիկ-հունիս, 2011

ՎԵՄ համահայկական համոթն

6 Բնագրում հարցաքննության ժամկետի նշումն ակնհայտ սխալ է, հավանաբար պետք է լինի օգոստոսի 10: 7 Այսպես է բնագրում:

չունեի: Ինչ վերաբերում է Ստեփան Տեր-Սկրտչյանից 1906 թ. հոկտեմբերին 1000 ռուբլի փոխանցմանը, ապա Ջանգարով եղբայրների գրասենյակի ներկայացրած 1906թ. հոկտեմբերի 10-ի N 10807 անդորրագրի դարձերեսի «Սույն փոխանցումով հազար ռուբլի 1906 թ. հոկտեմբերի 14-ին ստացավ հոգևորական Սառիկյանը» ստորագրությունն իմն է: Նշյալ փոխանցումով այդ գումարը ես ստացել եմ ք. Վլադիկավկազում Ազով-Գոնյան բանկից և փոխանցել դրանք ք. Վլադիկավկազում բնակվող ոչ այն է Բալայանցին, ոչ այն է Բերյանցին՝ համաձայն Ստեփան Տեր-Սկրտչյանից ստացած նամակի, ում ես անձամբ ճանաչում էի որպես նախկին ուսուցչի, սակայն նրա հետ մոտիկից ծանոթ չէի: Ինչ վերաբերում է Ջևաղ Բեկ-Բալուդյանից 375 ռուբլի Արմավիրից Ազով-Գոնյան առևտրական բանկի միջոցով չորրորդ փոխանցմանը, ապա Ձեր ցույց տված 1906թ. փետրվարի 8-ի N 982086 անդորրագրի դարձերեսի «հոգևորական Հակոբ Սառիկյան» ստորագրությունն իմն է, և այդ գումարը պատկանում էր ինձ: Ես այն ժամանակ ք. Վլադիկավկազում բնակվող Մերգեյ Յուզբաշևից պարտքով 500 ռուբլի էի խնդրել: Նա տվեց 125 ռուբլի՝ խոստանալով ճանապարհից փոխանցել մնացած գումարը: Սակայն փոխանցումը ստացվեց Բալուդյանից՝ ամենայն հավանականությամբ այդ փոխանցումը կատարած Յուզբաշևի հանձնարարությամբ: Թե ինչի համար էին ուղարկված 500 ռուբլի, 701 ռուբլի 85 կոպեկ և 1.000 ռուբլի փոխանցումները՝ չգիտեմ: Ես խնդրում եմ Ձեզ Ստեփան Տեր-Սկրտչյանի կողմից Բալայանին կամ Բերյանին 1.000 ռուբլի փոխանցման ստացման և հանձնման հանգամանքների առթիվ հարցաքննել Արսեն Վարդանի Դերիսարկայանցին: Ինչ վերաբերում է Ստեփան Տեր-Սկրտչյանի նամակին, ապա դա ես ոչնչացրել եմ, քանի որ նամակներ պահպանելու սովորություն չունեմ: Հավելեմ: Տեր-Սկրտչյանից փոխանցումի անդորրագիրը բերել է իրեն ոչ այն է Բալայան, ոչ այն է Բերյան անվանած ինձ անհայտ անձը: Այդ ժամանակ վկաներից ոչ ոք չկար, իսկ Դերիսարկայանցը միայն տեսել է, թե ինչպես եմ ես այդ անդորրագրով

1.000 ռուբլի ստացել և փոխանցել ոչ այն է Բալայան, ոչ այն է Բերյան ազգանունով անձին: Դերիսարկայանցը չէր ճանաչում նշյալ Բալայանին: Թե որտեղ է բնակվում նշյալ Բալայանը՝ չգիտեմ, սակայն նա ք. Վլադիկավկազում չէ:

Ընթերցված է: Ես խնդրում եմ Ձեզ արձանագրության մեջ գրառել հետևյալը. ես տարբեր հայտնի և անհայտ անձանցից այնքան շատ եմ նամակներ, ծանրոցներ, դրամական փոխանցումներ ստացել, և այդ հանձնարարություններն այն աստիճան էին ինձ ծանրաբեռնել, որ եկեղեցում ներկաներին դիմեցի մնան հանձնարարություններով ինձ չժանրաբեռնելու խնդրանքով: Դա կարող եմ հաստատել հետևյալ անձինք՝ 1. հոգևորական Գրիգոր Տեր-Հովհաննիսյանը, 2. տեղական եկեղեցու երեցվոխ Սկրտիչ Տեր-Աբրահամովը, 3. սաղմոսերգու Հովհաննես Սկրտումյանը:

Ընթերցված է: Խնդրում եմ արձանագրության մեջ գրառել նաև, որ եկեղեցում նշյալ հայտարարությունը ես ունեցել եմ չորս-հինգ տարի առաջ:

Հոգևորական Տեր Հակոբ Սառիկյան:

Դատական Քննիչ Ն. Լիժին:

Պալատի Դատախազի տեղակալ Ալսակով:

ՀԱԱ, ֆ. 1457, ց. 3, գ. 5, թթ. 3813-3814:

Թարգմանություն ռուսերենից:

ԹԻՎ 3

ՈՐՈՇՈՒՄ

1910 թ. օգոստոսի 10: Բաղաք Վլադիկավկազ:

Վլադիկավկազի 1-ին տեղամասի Դատական Քննիչը ս. թ. հարցաքննելով Տեր Հակոբ քահանա Սառիկյանին՝ որպես Քրեական դատավարության կանոնադրության 102-րդ հոդվածով նախատեսված հանցագործության մեջ մեղադրյալի, Նովոչերկասկի օկրուգային դատական պալատի հատուկ կարևորության գործերով Դատական Քննիչի 1910 թ. հուլիսի 24-ի N 3095 պահանջի հիման վրա, և ուշադրության առնելով, որ այդ պահանջում պատժի միջոցը քննության և դատի գալուց խուսափելն է ընտրվել և գրավը՝ հինգ

հազար (5000) ռուբլի չափով, Քրեական դատավարության կանոնադրության 416-րդ, 419-րդ, 421-րդ հոդվածների հիման վրա, ՈՐՈՇԵՑԻ. մեղադրյալ հոգևորական Տեր Հակոբ Արզումանի Սառիկյանի համար պահանջել գրավ հինգ հազար (5000) ռուբլի չափով, իսկ մինչև դրա ներկայացումը՝ նրան կալանքի տակ պահել Վլադիկավկազի մարզային բանտում: Դատական Քննիչ (ստորագրություն): Որոշման բովանդակությունը մեղադրյալին հաղորդվել է: Հոգևորական Հ. Սառիկյան: Դատական Քննիչ (ստորագրություն):

ՀԱԱ, ֆ. 1457, ց. 3, գ. 5, ք. 3473: Թարգմանություն ռուսերենից:

ԹԻՎ 4

ԱՐՉԱՆԱԳՐՈՒԹՅՈՒՆ ԵՎ ՈՐՈՇՈՒՄ

1910 թ. օգոստոսի 10: Քաղաք Վլադիկավկազ:

Ինձ՝ քաղաք Վլադիկավկազի 1-ին տեղամասի Դատական Քննիչին, ս. ք. այցի եկավ Սղնախի քաղաքացի Սերգեյ Իվանի Յուզբաշևը, որը բնակվում է Վլադիկավկազում, Վորոնցովյան փողոց, սեփական տանը, և ներկայացնելով հինգ հազար (5000) ռուբլի որպես գրավ մեղադրյալ Տեր Հակոբ Սառիկյանի համար, խնդրեց ազատել նրան ներկայացված գրավի դիմաց: Համաձայն ս. ք. իմ որոշման, ՈՐՈՇԵՑԻ. Սղնախի քաղաքացի Սերգեյ Իվանի Յուզբաշևից ընդունել նրա հինգ հազար (5000) ռուբլի գրավը մեղադրյալի համար և մեղադրյալ հոգևորական Տեր Հակոբ Արզումանի Սառիկյանին անմիջապես ազատ արձակել:

Գրավատու Սերգեյ Յուզբաշև:
Դատական Քննիչ (ստորագրություն):

ՀԱԱ, ֆ. 1457, ց. 3, գ. 5, ք. 3473: Թարգմանություն ռուսերենից:

ԹԻՎ 5

ՎԿԱՅԻ ՀԱՐՅԱՔՆՆՈՒԹՅԱՆ ԱՐՉԱՆԱԳՐՈՒԹՅՈՒՆ

1910 թ. օգոստոսի 11: Գյուղ Վաղարշապատ:

Երևանի օկրուգային դատարանի Դատական Քննիչ Սիրավան Քրեական դատավարության կանոնադրության 712-րդ և 1037-րդ հոդվածների պահպանմամբ հարցաքննեց ներքնակվանյալին, և նա ցուցմունք տվեց.



Սուքիաս արքեպիսկոպոս Պարզյանց՝ (հարցաքննված է):

Թե ինչպիսի հանգամանքներում և ինչ առիթով 1906 թ. հոկտեմբերի 29-ին վանական հյուրանոցի մերձակայքում ինձ անպատվեցին՝ ես իմ սկզբնական ցուցմունքում մանրամասն բացատրել եմ: Եզրփոխ ասել, թե ով է հավաքել այդ ամբողիցն, ով է այն դեկավարել՝ լարելով իմ դեմ, չեմ կարող: Բայց ես պետք է ասեմ, որ ամբողիցն նկատեցի Համազասպ Նորիհատյանցին՝, ում ես անձամբ ճանաչում եմ, սակայն նրան չեմ ճանաչում ներկայացված լուսանկարչական քարտում (ներկայաց-

8 Սուքիաս արքեպիսկոպոս Պարզյանց (10.12.1837, Աստապատ - 12.09.1914, Վաղարշապատ) - անվանի հոգևոր գործիչ, բանասեր, մանկավարժ: 1856 թ. ավարտել է Եջմիածնի ժառանգավորաց դպրոցը, 1869 թ. օսվել է վարդապետ, 1875 թ. եպիսկոպոս: 1869-1872 թթ. եղել է Ախալցխայի, 1872-1874, 1875-1877թթ.՝ Ալեքսանդրապոլի, 1881-1883 թթ.՝ Նոր Նախիջևանի, 1883-1886 թթ.՝ Աստրախանի, 1888-1890, 1899-1903 թթ.՝ Երևանի, 1893-1895 թթ.՝ Ատրպատականի թեմերի առաջնորդ, 1888-1891 թթ.՝ Սինոդի անդամ, 1895-1899 թթ.՝ Վևորայան ճեմարանի տեսուչ, 1897-1899թթ.՝ «Արարատ»-ի խմբագիր: Հայաստանայց եկեղեցու իրավունքների պաշտպանության համար 1891-1893 թթ. աստրվել է Օրյոլ, 1903-1905 թթ.՝ Օրենբուրգ: Նրա նյութական աջակցությամբ են հրատարակվել Ղազար Փարպեցու, Ագաթանգեղոսի, Մովսես Խորենացու աշխատությունները:
9 Նորիհատյան Համազասպ Գրիգորի (1870, Գյումրի - 1920, Կարս) - 1890-ից՝ ՀՀԳ անդամ, 1920 թ. եղել է Կարսի քաղաքագլուխ, կախվել է թուրքերի կողմից:

ված է Համազասպ Նորհատյանցի լուսանկարչական քարտը): Նորհատյանցը կանգնած էր ամբոխի մեջ՝ իմ դեմ որևէ ակտիվ գործողություններ չցուցաբերելով: Դրանից գատ, նշյալ Նորհատյանցը մինչև դիպվածը մեկ ամիս բնակվել է վանական հյուրանոցում: Պողոս Չուբարյանին ես նույնպես անձամբ ճանաչում էի, ներկայացված լուսանկարչական քարտում (ներկայացված է Չուբարյանի քարտը) ես ճանաչում եմ Չուբարյանին: Ինձ վիրավորած ամբոխում ես Չուբարյանին չեմ տեսել, սակայն, ինչպես ինձ հայտնի է, Չուբարյանն ամբոխի առջև ելույթ է ունեցել և նրան լարել իմ դեմ: Ներկայացված լուսանկարչական քարտի վրայի անձը (ներկայացված է Լևոն Մուշեղյանի քարտը) ինձ անհայտ է: Մուշեղյանին վերոնշյալ ամբոխում ես չեմ տեսել և չեմ լսել, որ նա ինձ վիրավորելու մեջ որևէ մասնակցություն ունենա: Որտեղ եմ բնակվել Նորհատյանցը, Չուբարյանը և Մուշեղյանը և ինչով են նրանք զբաղվել և անդամակցել են արդյոք «Դաշնակցություն» կուսակցությանը կամ ոչ՝ ինձ անհայտ է: Պողոս Չուբարյանը հոգևոր ճեմարանի դասախոս երբեք չի եղել: Ինձ անպատվելու առիթն այն հանգամանքն էր, որ ես կաթողիկոսին խնդրել էի, որպեսզի նա Մխիթար, Մեսրոպ և Եղիշե վարդապետներին Մինոդի անդամներ նշանակելու մասին ներկայացու՞մը՝ ներքին գործերի նախարարին, հետ վերցնի: Իմ միջնորդությունը կաթողիկոսը հարգել էր: Վերոնշյալ անձինք Մինոդի անդամության թեկնածուներ են առաջադրվել հետևյալ հանգամանքներում. կաթողիկոսի դիվանում գումարվել է գաղտնի խորհրդակցություն, որտեղ ներկա են եղել աշխարհիկ անձինք: Ովքեր են ներկա եղել այդ խորհրդակցությանը և ով է եղել դաշնակցականների և հնչակյանների թեկնածուն՝ ես չգիտեմ, սակայն այդ խորհրդակցության մանրամասների մասին կարող էր հայտնել դիվանի գրագիր Բարսեղ Դարիքյանը: Ինձ անպատվելը

«Դաշնակցություն» կուսակցության կողմից վրեժ էր, թե ոչ՝ չգիտեմ: Կաթողիկոսին ուղղված իմ խնդրանքը պայմանավորված էր նրանով, որ Մեսրոպը, Մխիթարը և Եղիշեն վանական միաբանության կողմից չէին ընտրվել, ինչպես հարկ էր անել ըստ 1906 թ. կաթողիկոսի հրապարակած կոնդակի: Ինձ վիրավորած ամբոխը թշնամաբար էր տրամադրված նաև Կարապետ վարդապետ Տեր-Մկրտչյանի¹⁰ դեմ, ով ևս դեմ էր Մեսրոպի, Մխիթարի և Եղիշեի ներկայացմանը: Նշյալ ամբոխը ներխուժել է Կարապետի կացարանը, որտեղ ջարդել է ապակիները և լամպը: Ինձ անպատվելու համար ես վարչակազմին չեմ բողոքել, իմ վիրավորման առթիվ գործի վարույթին ընթացք տալու խնդրանքով չեմ դիմել: Նշյալ ամբոխից ինձ առաջինը վիրավորել է՝ խուլիգան անվանելով, Վաղարշապատի քահանայի փեսա Մեխակը, իսկ ամբոխին, ըստ երևույթին, ղեկավարել է շուրջ մեկ տարի Էջմիածնում բնակված դոկտոր Զավրիկը: Վերոիշյալ անձանցից բացի, թե էլի ովքեր են մասնակցել ամբոխին՝ չգիտեմ: «Դաշնակցություն» կուսակցության նպատակների, խնդիրների և գործունեության և նշյալ կուսակցությանն անդամակցող անձանց մասին ինձ ոչինչ հայտնի չէ: Ավելին ցուցմունք տալ չեմ կարող:

Ընթերցված է:

Սուքիաս արքեպիսկոպոս Պարզյանց:

Դատական Զննիչ Սիդավա:

Դատախազի տեղակալ (ստորագրություն):

ՀԱԱ, ֆ. 1457, ց. 3, գ. 5, թ. 3579: Թարգմանություն ռուսերենից:

ԹԻՎ 6

ՎԿԱՅԻ ՀԱՐՑԱՔՆՆՈՒԹՅԱՆ ԱՐՉԱՆԱԳՐՈՒԹՅՈՒՆ

1910 թ. նոյեմբերի 29: Գյուլ Վաղարշապատ: Երևանի օկրուգային դատարանի Դատական Զննիչ Սիդավան Զրեակսան

¹⁰ Կարապետ եպիսկոպոս Տեր-Մկրտչյան (17.03.1866, գ. Ցղնա, Նախիջևան - 19.11.1915, Բաքու) - անվանի հայագետ, հոգևոր գործիչ: 1889-1894 թթ. ուսանել է Լայպցիգի, Յալթեի և Բեռլինի համալսարաններում, 1895 թ. օծվել է վարդապետ, 1909 թ.՝ եպիսկոպոս: Եղել է Գևորգյան ճեմարանի տեսուչը, «Արարատ» հանդեսի խմբագիրը: 1903-1906 թթ. եղել է Երևանի թեմի փոխանորդը, 1907-1912 թթ.՝ Ատրպատականի, 1914-1915 թթ.՝ Շամախու թեմերի առաջնորդը:

դատավարության կանոնադրության 712-րդ և 1037-րդ հոդվածների պահպանմամբ հարցաքննեց ներքոսևվանյային, և նա ցուցմունք տվեց.

Սուքիաս արքեպիսկոպոս Պարզյանց, ապրում են Էջմիածնում, հայ-գրիգորյան, չեն դատվել, գործում մասնակիցներին օտար են:

1907 թ. հունվարին Էջմիածնի սինոդի գործավար Հովհաննես Հովհաննիսյանը Էջմիածնի Սինոդի նախկին դատախազ Ֆրենկելի անունից վերջինիս 300 ռուբլի պարտք տալու խնդրանքով դիմեց ինձ: Պարտքը ամիս ու կես ժամկետով տվեցի առանց ստացականի: Ես ստացական չցանկացա վերցնել՝ հայտարարելով, որ եթե Ֆրենկելը կարգին մարդ է, ապա առանց դրա էլ կվճարի: Նշված ժամկետում ես գումարը չստացա, սակայն 1907 թ. օգոստոսի 17-ին Ֆրենկելի կնոջից նամակ ստացա, որով նա ամենից կարճ ժամկետում խոստանում էր պարտքը վճարել: Էջմիածնի գավառապետը Ֆրենկելի պարտքի հաշվին ինձ 200 ռուբլի տվեց: 100 ռուբլի մինչ այժմ չեն ստացել, թե պետ գրել են Ֆրենկելին, որի պատճենը կից ներկայացնում են: Հեռանալով Էջմիածնից՝ Ֆրենկելը զբաղեցրած բնակարանի համար վանքին պարտք է մնացել: Էջմիածնի Սինոդը մի քանի անգամ Ֆրենկելից պահանջել է վճարել, դրանք որպես Սինոդի անդամ ստորագրել է Հուսիկ վարդապետ Չոհրաբյանը: Չոհրաբյան վարդապետին ճանաչում են մանկությունից: Նրա կյանքն ու գործունեությունն անցել են իմ աչքի առաջ, և ես կարող եմ վճռականապես հայտարարել, որ Չոհրաբյանը ոչ միայն «Դաշնակցություն» կուսակցությանը չի անդամակցել, այլև եղել է նրա ակնհայտ հակառակորդը: Նա բազմիցս «Մշակ» թերթում «Էլպիս» կեղծանունով դաշնակցականների դեմ հանդես է եկել: Ինչպես հայտնի է, «Մշակ» թերթը «Դաշնակցության» հակառակորդն է: 1908 թ. կաթողիկոսի ընտրություններում Չոհրաբյան վարդապետը ձայն է տվել Օրմանյան պատրիարքին, ով համարվում էր «Դաշնակցություն» կուսակցության ընդգծված հակառակորդը: Եկեղեցական գույքի վերադարձնելուց հետո գումարները ստանալու համար կաթողիկոսը Թիֆլիս գործուղեց Նահապետ

եպիսկոպոսին, բայց վերջինիս դաշնակցականներն արգելեցին մեկնել: Այդ առթիվ Չոհրաբյան վարդապետը՝ որպես կաթողիկոսի դիվանապետ, ընդդիմացավ դաշնակցականներին և «Մշակ»-ում նրանց դեմ գրեց, որ խառնվում են կաթողիկոսի կարգադրությանը: Ես կրկին պնդում եմ, որ Չոհրաբյանը ոչ մի ընդհանուր բան չունի «Դաշնակցություն» կուսակցության հետ, և որ նա իր հայացքներով պահպանողական է: Ավելին ցուցմունք տալ չեմ կարող:

Ընթերցված է:

Սուքիաս արքեպիսկոպոս Պարզյանց:

Դատական Քննիչ Սիդավա:

Դատախազի տեղակալ (ստորագրություն):

ՀԱԱ, ֆ. 1457, ց. 3, գ. 5, ք. 4348: Թարգմանություն ռուսերենից:

ԹԻՎ 7

ՄԵՂԱԳՐՅԱԼԻ ՀԱՐՅԱՔՆՆՈՒԹՅԱՆ ԱՐՉԱՆԱԳՐՈՒԹՅՈՒՆ

1910 թ. սեպտեմբերի 15: Քաղաք Երևան: Երևանի օկրուգային դատարանի Դատական Քննիչ Սիդավան Քրեական դատավարության կանոնադրության 403-րդ հոդվածի պահպանմամբ իր բանտախցում որպես մեղադրյալի հարցաքննեց ներքոսևվանյային, և նա ցուցմունք տվեց.



Չոհրաբյան Հուսիկ Սկրտիչի¹¹, 39 տարե-

ՎԱՎԵՐԱԳՐԵՐ

Գ (Թ) տարի, քիվ 2 (34) ապրիլ-հունիս, 2011

ՎԵՄ համահայկական համդես

կան, վարդապետ, գրանցված են Դոնյան գործի մարզում, Մեծ Սալի գյուղում, ծնվել են նույն գյուղում, ծնունդս՝ օրինական, ազգությունս՝ հայ, հայ-գրիգորյան, ավարտել են Էջմիածնի հոգևոր ճեմարանը և Լալայցիզի համալսարանը, Էջմիածնի Սինոդի անդամ, անշարժ գույք չունեմ, հատուկ նշաններ չունեմ, չեմ դատվել:

Ես ինձ մեղավոր չեմ ճանաչում այն բանում, որ պատկանել եմ 1905-1908 թվականներից Ռուսական պետության մեջ ձևավորված հանցավոր ընկերակցությանը՝ «Դաշնակցություն» հայկական հեղափոխական միություն անվանումով կուսակցությանը, որն իր գործունեության նպատակ էր առաջադրել գործադուլների, տնտեսական, կազմակերպական և քաղաքական ահաբեկչությունների ճանապարհով և զինված ապստամբության միջոցով բռնությամբ Ռուսական պետության մեջ օրենքներով հաստատված կառավարման հիմնական ձևի փոփոխությունը և դաշնակցային, ժողովրդավարական հանրապետության հաստատման համար գոյություն ունեցող հասարակական կարգի տապալումը, որ տեղի է ունեցել 1905-1908 թթ., [և որ] նշյալ նպատակների համար իր տրամադրության տակ Թիֆլիս քաղաքում և Ռուսական կայսրության ուրիշ քաղաքներում ուներ հեղափոխական բյուրո, հատուկ հեղափոխական կենտրոնական և տեղական կոմիտեներ և ենթակոմիտեներ, խմբեր, 1905-1908 թթ. հրատարակած հակակառավարական ամսագրեր, թերթեր, թուցիկներ՝ զինված ապստամբության կոչերով, Ռուսական պետության մեջ հանրապետության ձևավորման համար սարքավորումներով տպարաններ, հրագենի և սառը զենքի մեծ պահեստներ, պայթուցիկ արկեր (ռումբեր), վառոդի, դինամիտի, փամփուշտի և այլնի մեծ պահեստներ, հեղափոխական զինվորների հատուկ ջոկատներ, ահաբեկչական ջոկատներ՝ «Ահաբեկիչ Մարմին»-ի խորհրդի գլխավորությամբ, որ կոմիտեների որոշումներով 1905-1908 թթ. Ռուսաստանում իրականացրել է նշյալ հանցավոր կազմակերպության համար

վտանգավոր համարվող և նրա կարգադրություններին ենթարկվել չցանկացող՝ ինչպես կառավարող իշխանության ներկայացուցիչների, այնպես և մասնավոր անձանց սպանությունների մի ամբողջ շարք, դրանից զատ [իրականացրել է] տեղական հայ բնակչության ամենամյա պարտադրված դրամահավաք՝ հանցավոր նպատակների համար և մահվան սպառնալիքի ներքո, առավել ևս՝ հատուկ ստիպողական մեծ դրամական շորթումներ [է կատարել] հարուստ անձանցից, որոնց հրաժարման դեպքում նրանց [սպառնացել են] սպանել, դրանից բացի ինքնագլուխ կերպով յուրացնելով դատական իշխանության իրավասությունը՝ իրականացնելով քրեական և քաղաքացիական գործերի քննություններ, և այդ գործերով իր ապօրինի դատավճիռներն արձակելով, ընդ որում ես՝ Հուսիկ Ջոհրաբյանս, եղել եմ «Դաշնակցություն» կուսակցության անդամ, ինչի մասին վկայել են երդման տակ հարցաքննված վկաներ Քեչիշյանը, Վարդերեսյանը¹² և Ֆրեմկելը, վկայելով, որ ես որպես «Դաշնակցություն» կուսակցության անդամ իմ առջև նպատակ են դրել ռուսական պետությունից Հայաստանի ապագա անջատումը: Դրանից զատ, իմ հեղափոխական գործունեության մասին է իբր՝ վկայում Թիֆլիսում 1907 թ. սեպտեմբերի 2-ին Եղիզարովների բնակարանում «Դաշնակցություն» կուսակցության այլ հեղափոխական թղթերի մեջ խուզարկությամբ գտնված, իբրև կաթողիկոսի դիվանապետ-գրաքննիչի իմ թույլտվությամբ, «Դաշնակցություն» կուսակցության անդամի կողմից 1907 թ. հրատարակված հայերեն «Լույս» օրացույցը, այսինքն՝ [մեղադրվում է] Քրեական դատավարության կանոնադրության 102-րդ հոդվածով նախատեսված հանցագործության մեջ:

Որպես իմ արդարացում պարզաբանեմ հետևյալը: «Դաշնակցություն» հեղափոխական կուսակցությանը ոչ միայն չեմ անդամակցել, այլև ընդհանրապես դեմ եմ եղել բոլոր հեղափոխական կուսակցություններին, հատ-

11 Ջոհրաբյան Հուսիկ արքեպիսկոպոս (5.11.1870, Մեծ Սալա - 23.10.1943, Բուխարեստ) - հոգևոր-մշակութային գործիչ: 1924 թ. ձեռնադրվել է Եպիսկոպոս: 1920-ից եղել է Ռումինիայի թեմի առաջնորդ: 12 Նկատի ունի խմբապետ Միհրանի և նրա օգնականի ամբաստանությունը:

կապես «Դաշնակցություն» կուսակցությանը, ինչը կարող եմ ապացուցել ինչպես վկաների ցուցմունքներով, այնպես էլ փաստաթղթային տվյալներով: Ինչ վերաբերում է վկաներ Քեշիշյանին և Վարդերեսյանին, ապա նրանց բռնությունները չգիտեմ և նրանց երբեք չեմ տեսել¹³, իսկ Էջմիածնի Սինոդի նախկին դատախազ, վկա Ֆրենկելի ցուցմունքը բացատրում եմ միայն անձնական վրեժով¹⁴, քանզի իմ՝ որպես կաթողիկոսի դիվանապետի, և նրա միջև տեղի են ունեցել բյուրիմացություններ Էջմիածնի վանքում Ֆրենկելի գրադեցրած տան բնակարանային վարձի պատճառով: Ինչ վերաբերում է «Լույս» օրացույցին, ապա օրացույցների գրաքննությունը պաշտոնական եկեղեցական մասով կաթողիկոսի իրավասությունն էր, ով և թույլատրում էր տպագրությունը, իսկ օրացույցի մնացյալ մասը ենթակա էր ընդհանուր գրաքննության: Ես գրախոսել եմ «Լույս» օրացույցի միայն այն մասը, որը կազմել և ստորագրել էր Խորեն վարդապետ Դազարյանը: Շարադրվածին խնդրում եմ հավելել հետևյալը. քանի որ ինձ մտ կան էական նշանակություն ունեցող վավերագրեր, ապա համապատասխան փաստաթղթերով, մանրամասն բացատրություն կներկայացնեմ երկու-երեք օր հետո: Ավելին առայժմ ցուցմունք տալ չեմ կարող:

Ընթերցված է:

Հուսիկ վարդապետ Սյրտիչի Չոհրաբյան:

ՀԱԱ, ֆ. 1457, ց. 3, գ. 5, ք. 4036-4037:

Թարգմանություն ռուսերենից:

ԹԻՎ 8

ՈՐՈՇՈՒՄ

1910 թ. սեպտեմբերի 15: Զաղաք Երևան:

Երևանի օկրուգային դատարանի Դատական Քննիչ Սիդավան սույն քվին որպես Քրեական դատավարության կանոնադրության

102-րդ հոդվածով նախատեսված հանցագործության մեջ մեղադրվողի, հարցաքննել է Էջմիածնի վանքի վարդապետ Հուսիկ Սյրտիչի Չոհրաբյանին, և ուշադրության առնելով նրան սպառնացող պատժի խստությունը, Նովոչերկասկի օկրուգային դատական պալատի հատուկ կարևորության գործերով Դատական Քննիչի ս. թ. հուլիսի 31-ի N 3470 պահանջը, այլև հավասարապես ղեկավարվելով Քրեական դատավարության կանոնադրության 421-րդ հոդվածով, ՈՐՈՇԵՑԻ. մեղադրյալ Չոհրաբյանի համար նշանակել երեք հազար ռուբլի գումարի գրավ, իսկ մինչև դրաներկայացումը նրան պահել կալանքի տակ:

Բնագիրը համապատասխան ստորագրությամբ:

ՀԱԱ, ֆ. 1457, ց. 3, գ. 5, ք. 4037: Թարգմանություն ռուսերենից:

ԹԻՎ 9

ՎԿԱՅԻ ՀԱՐՑԱՔՆՆՈՒԹՅԱՆ ԱՐՉԱՆԱԳՐՈՒԹՅՈՒՆ

1910 թ. նոյեմբերի 26: Զաղաք Երևան:

Երևանի օկրուգային դատարանի Դատական Քննիչ Սիդավան Քրեական դատավարության կանոնադրության 403-րդ և 1037-րդ հոդվածների պահպանմամբ հարցաքննեց ներքոնվանյալին, և նա ցուցմունք տվեց.

Հուսիկ վարդապետ Չոհրաբյան, լրացուցիչ ցուցմունք եմ տալիս.

1. Ինձ ծանր մեղադրանք է ներկայացված առ այն, որ ես իբր՝ անդամակցելով «Դաշնակցություն» հեղափոխական կուսակցությանը, քարոզել եմ այսպես կոչված՝ «Մեծ Հայաստանի» անջատումը ռուսական կայսրությունից:

Չխոսելով այն մասին, որ բանականությունը չկորցրած ոչ մի հայ մման խելացնոր միտք չի տաժում, կտրականապես հայտարարում եմ, որ դեռևս դպրոցական նստարանից իմ

13 Այստեղ մեկ անգամ ևս հաստատվում է այն փաստը, որ Սիիրանը և նրա խումբը, լիժինների հետ համագործակցելով, որպես կանոն, առաջնորդվել են անձնական հաշիվներով և ցարական իշխանությունների առջև հաճոյանալու համար «դաշնակցականների» ցուցակում են ընդգրկել նույնիսկ հակադաշնակցական կեցվածքով հայտնի այնպիսի գործչի, ինչպիսին Գուսիկ Չոհրաբյանն էր:

14 Այս Ֆրենկել կոչված ցարական պաշտոնյան ԳՅԴ Մեծ դատավարության ընթացքում բոլոր ձերբակալվածների վերաբերյալ բացասական վկայություններ է տվել՝ առաջնորդվելով իր հայատյացությամբ: Գուսիկ Չոհրաբյանի պարագայում ևս նա ղեկավարվել է հաշիվհարդարի մոլուցքով: Իրենց մեղադրանքները «հիմնավորելու» համար հենց սրա նմաններին էին օգտագործում լիժինները:

հայացքներով, դաստիարակությամբ ես դրան տրամագծորեն հակառակ ուղղության կողմնակից էի, ուղղակի թշնամաբար էի տրամադրված ցանկացած հեղափոխական ուսմունքի: Որպես իմ խոսքերի հաստատում՝ բացատրեմ, որ դեռ 1890 թ. Էջմիածնի հոգևոր ճեմարանի ուսանողների խմբի կազմում¹⁵ մեր տեսուչ, այժմ հանգուցյալ Նահապետի [Եպիսկոպոսի] ազդեցությամբ, որ բոլորին հայտնի էր իր ծայրահեղ պահպանողական հայացքներով, ընդունել էի կուսակրոնության ուխտ, և գերմանական համալսարաններում բարձրագույն աստվածաբանական կրթություն ստանալուց հետո ինձ նվիրեցի հոգևորականությանը հասանելի խաղաղ մշակութային ասփոսակալական աշխատանքի: Մեր գործունեության առաջին իսկ քայլերից մենք իրեն հայ իրականության մեջ լիբերալ կուսակցություն անվանող, գոյություն ունեցող հայ եկեղեցու և հոգևորականության կարգի դեմ պայքարող հայ մտավորականության և մամուլի մի մասի կողմից հանդիպեցինք մեր նկատմամբ թշնամական վերաբերմունքի: Սկզբում այդ նույն կուսակցությունը, ապա 1905 թ. հետո բացահայտ գործող հեղափոխական կուսակցությունները, որոնց թվում և «Դաշնակցություն» կուսակցությունը, մեզ՝ Նահապետ Եպիսկոպոսի աշակերտներին և մերձավոր բարեկամներին, ոչ այլ կերպ էին անվանում, քան ռեակցիոներներ և խավարամուկներ, և չէին դադարում հետապնդել՝ մեզ ժողովրդի թշնամիներ և իբր թե՝ իրենց առաջադիմական ձգտումների հակառակորդներ համարելով: Մատնանշեմ մի քանի առավել ակնհայտ փաստեր, որ հավաստում են, թե իմ ու իմ ընկերների՝ մի կողմից և հեղափոխական

խմբերի՝ մյուս կողմից, միջև առկա է մի ամբողջ անդունդ, ըստ որի մեր և նրանց գործունեության ու մտածելակերպի միջև ոչ մի ընդհանուր բան չկա:

Ա. Այսպես, 1906 թ. գարնանը հանգուցյալ Սկրտիչ Ա կաթողիկոսը¹⁶ Նահապետ Եպիսկոպոսի անունով տված մարտի 25-ի N 375 կոնդակով հրահանգեց վերջինիս նախագահությամբ դպրոցական գործի կարգավորման համար հատուկ ուսումնական հանձնաժողով ձևավորել: Հենց որ դրա մասին հայտնի դարձավ հեղափոխականների շրջանում, անմիջապես հարց բարձրացվեց, թե իբր ունահարվում են ժողովրդի իրավունքները, որ Էջմիածնում գործում են ժողովրդական սկզբունքների դեմ, և այլև, և այլև: Եվ ահա, մի քանի օր անց, Նահապետ Եպիսկոպոսը ապրիլի 28-ին «Դաշնակցություն» կուսակցության Մրգաստանի 3-րդ կենտրոնական կոմիտեից ստացավ առաջին և վերջին «նախագուշացումը», ինչի մասին նա ինձ հաղորդեց ստացման օրը: Մեր ընկերների մոտ պահպանվող այդ փաստաթուղթն իմ կողմից ներկայացվել է ս. թ. սեպտեմբերի 19-ին: Այժմ խնդրում եմ այդ փաստաթուղթը համեմատել «Դաշնակցություն» կուսակցության «Ալիք» թերթի 1906 թ. մայիսի 3-ի N 25 համարում գրեթե միաժամանակ հայտնված հողվածի հետ, որը վերաբերում է հենց նույն դպրոցական հարցին: Եվ կարծում եմ, որ կասկած չկա, որ «Դաշնակցության» կենտրոնական կոմիտեի հիշատակված նամակում Նահապետ Եպիսկոպոսի «ոքոչ վանականների», «համախոհների» մեջ նկատի ունենին և ինձ: Այո, նախ և առաջ ինձ՝ որպես Ամենայն հայոց կաթողիկոսի դիվանա-

15 1889 թ. հունիսի 17-ին Արշակ Նահապետյանը (ապագա Եպիսկոպոս), Գևորգ Չորեքյանը (ապագա Գևորգ Զ. Ամենայն Հայոց կաթողիկոս), Գարեգին Հովսեփյանը (ապագա Մեծի Տանն Կիլիկիո Գարեգին Ա. կաթողիկոս), Կարապետ Տեր-Սկրտչյանը և Հուսիկ Զոհրաբյանը Ներսես Եպիսկոպոս Խուրդավերդյանի կողմից սարկավազ են ձեռնադրվել: Մինչ այդ ճեմարանի շրջանավարտները հեռու էին մնում հոգևոր կոչում ստանալուց: Այդ որոշումը ճեմարանում կարճատև ժամանակ դասավանդած Մաղաքիա Եպիսկոպոս Օրմանյանի ազդեցության արդյունքն էր:

16 Սկրտիչ Ա. Վանեցի Խրիմյան Հայրիկ (4.04.1820, Վան - 29.10.1907, Էջմիածին) - 1854 թ. ձեռնադրվել է վարդապետ, 1868 թ.՝ Եպիսկոպոս: Եղել է Վարագա վանքի վանահայր, հրատարակել հանրահայտ «Արժույթի Վասպուրական» հանդեսը, 1862-1868 թթ.՝ Տարոնի թեմի առաջնորդ և Ս. Կարապետի վանքի վանահայր, 1869-1873 թթ.՝ Կ. Պոլսի Հայոց պատրիարք: Ստեղծել է գավառահայության հարստահարությունները քննող հանձնաժողով: 1878 թ. Բեռլինի վեհաժողովում ղեկավարել է հայկական պատվիրակությունը, 1879-1884 թթ. եղել է Վանի թեմի առաջնորդ և նպաստել «Սև խաչ» (Վան) և «Պաշտպան հայրենյաց» (Կարին) ազատագրական կազմակերպությունների ստեղծմանը: 1890 թ. Գում-Գափուի ցույցից հետո թուրքական իշխանությունների կողմից քստրովել է Երուսաղեմ: Ամենայն Հայոց կաթողիկոս՝ 1892-1907 թթ.:

ՎԱԿԵՆՎՈՐԵՐ

Գ. (Թ՝ Գարթի, քիվ 2 (34) ապրիլ-հունիս, 2011

ՎԵՄ համահայկական համոզան

պետի: «Ալիք» թերթի նշյալ հոդվածում գրված էր. «Միթե ժողովուրդը, որ հզոր բողոքներով, համարձակ զոհողություններով իր իրավունքների հետևողական պաշտպանությամբ կարողացավ գոլիցինների և պլեվեների դեմ հանդես գալ, այժմ ինչ-որ խավարանով Նահապետների և խղճուկ Հուսիկների առջև ընկրկում է: Բնականաբար՝ ոչ: Գազանների հետ պայքարածը չի վախենա մկներից...»:

Բ. Կաթողիկոսի թույլտվությամբ և Սինոդի 1906 թ. հունիսի 2-ի որոշմամբ ես բուժման նպատակով արձակուրդ գնացի: Ինձ կաթողիկոսի դիվանապետի պաշտոնում փոխարինեց Տաճատ վարդապետը: Ես արձակուրդից Էջմիածին վերադարձա մույն թվի օգոստոսի 15-ին և երկու-երեք օր անց կաթողիկոսի պնդմամբ ստանձնեցի իմ պաշտոնը, սակայն մի քանի օր անց ստիպված էի վերջնականապես հեռանալ իմ զբաղեցրած պաշտոնից «Դաշնակցություն» կուսակցության պահանջով, ինչը կարող է ապացուցվել հանգուցյալ կաթողիկոսի զարմիկ Խորեն Խրիմյանի 1906 թ. օգոստոսի 26-ին Թիֆլիսի թեմի առաջնորդ Գարեգին արքեպիսկոպոս Սաթունյանին¹⁷ գրած նամակի հետևյալ խոսքերով, որը վերջինիս կողմից ինձ հաղորդվել է սեպտեմբերի 8-ի նամակով. «Մենք ուրախացանք հայր Հուսիկի գալով, սակայն դեռ չսկսած իր պաշտոնի կատարումը՝ պատգամավորական համագումարի պատվիրակներից վշտացած, վերջնականապես պաշտոնաթող եղավ: Շնորհիվ պատվիրակների միջամտության՝ առայժմ պաշտոնը շարունակում է Տաճատ վարդապետը»: 1906 թ. օգոստոսի 21-ի պաշտոնաթողության մասին իմ որոշումը, որի վավերացված պատճենը ս. թ. սեպտեմբերի 19-ին ներկայացրել եմ, հետևյալ բովանդակության էր. «Ներկա պայմաններում, հնարավորություն չունենալով շարունակել Ձերդ Սրբազնության դիվանապետի պաշտոնի կատարումը, խնդրում եմ Ձեր համաձայնությունը՝ ազատելու ինձ այդ պաշտոնից»: Երեք օր անց՝ հենց օգոստոսի 24-ին, «Դաշնակցու-

յուն» կուսակցության «Ջանգ» թերթի N 11-ում հայտնվեց հաղորդում Էջմիածնից՝ թվագրված օգոստոսի 22-ով, որը ես ներկայացրել եմ սեպտեմբերի 19-ին ռուսերեն թարգմանությամբ:

Վերոնշյալ տվյալները, որոնք վերաբերում են կենտրոնական պատգամավորական համագումարի գումարման ժամանակաշրջանին, կարծում եմ, նույնպես կասկածի տեղիք չեն թողնի, որ ես ոչ միայն երբեք «Դաշնակցություն» կուսակցությանը չեմ անդամակցել, այլև մշտապես նրա կողմից հետապնդվել եմ:

Գ. 1906 թ. հոկտեմբերի 29-ին Էջմիածնում տեղի ունեցավ տզեղ միջադեպ: Մի քանի սրիկաների կողմից դեկավարվող ամբոխը ծանր վիրավորանք հասցրեց վաստակաշատ Սուքիաս արքեպիսկոպոսին: Խաժամոժի վայրի բնագոյների պողոթան մեջ ընդհանուր կարծիքը մեղադրում էր հենց նույն դաշնակցականներին: Չայրացած այդ անվայելուչ քայլից՝ «Մշակ» թերթի նոյեմբերի 5-ի N 243 և նոյեմբերի 7-ի N 244 համարներում «Էլպիս» (իմ Հուսիկ անունի հունական թարգմանությունը – հույս) կեղծանունով երկու հոդված տպագրեցի: Այդ առթիվ ներկայացրել եմ «Մշակ» թերթի խմբագրության 1910 թ. մարտի 1-ի վկայությունն առ այն, որ այդ հոդվածները գրված են իմ կողմից: «Դաշնակցության» նկատմամբ իմ թշնամական վերաբերմունքի գնահատումը թողնում եմ ձեր դատին:

Դ. 1907 թ. հոկտեմբերի վերջին վախճանվեց Ամենայն հայոց կաթողիկոս Մկրտիչ Ա-ն: Սկսվեց նախընտրական պայքար: Բոլորը հիշում [են], թե ինչպիսի էներգիայով էր «Դաշնակցություն»-ը քարոզում Կ. Պոլսի նախկին պատրիարք Օրմանյանի թեկնածության դեմ, ում աթոռից գահընկեց անելը ուղեկցվել է նշյալ կուսակցության դեկավարությամբ գործող ամբոխի վայրենի գործողություններով: Ակնհայտ է, որ կուսակցության ոչ մի անդամ չէր համաձայնի ձայն տալ հայերի շրջանում հեղափոխական շարժման այնպիսի ընդգծված հակառակորդի, ինչպիսին Օրման-

17 Գարեգին արքեպիսկոպոս Սաթունյան (1852, Աշտարակ - 3.11.1910, Թիֆլիս) - հոգևոր գործիչ: 1878 թ. ծնունդով է վարդապետ, 1901 թ. եպիսկոպոս: 1901-1904 թթ. եղել է Սանահինի վանահայր, 1895-1897 թթ. Ղարաբաղի, 1904-1910 թթ.: Վրաստանի և Իմերեթիայի թեմերի առաջնորդ:

յան արքեպիսկոպոսն էր, ով մի քանի անգամ ահաբեկիչների կողմից մահափորձի էր ենթարկվել: 1908 թ. հոկտեմբերի 31-ին Ամենայն հայոց կաթողիկոսի ընտրության ժամանակ շուրջ 100 ձայներից Օրմանյանն ստացավ ընդամենը 10-ը, իհարկե՝ ոչ «Դաշնակցություն» կուսակցության համակիրներից, և ես նրան ձայն տվողներից մեկն էի (տե՛ս Էջմիածնի Սինոդի 1907 թ. N 126 գործը Սկրտիչ Ա-ի մահվան և նոր կաթողիկոսի ընտրության մասին): Հայոց եկեղեցական-հասարակական կյանքին քիչ թե շատ ծանոթ յուրաքանչյուր ոք, ով վերջին տասնամյակում թեկուզ և հպանցիկ հետևել է հայ ժամանակակից մամուլին, կհավաստի, որ հայերի շրջանում անիմաստ է պատկերացնել հեղափոխականորեն տրամադրված մի մարդու, ով կաթողիկոսի գահին ցանկանար տեսնել Օրմանյան արքեպիսկոպոսին: Ընդհակառակը, պահանջվում էր անիրաժեշտ քաղաքացիական խիզախություն, որպեսզի բողոքին լսելի կերպով՝ շնորհագրված նախկին պատրիարքին անվանի Էջմիածնի գահի արժանի թեկնածու և իր կարծիքը ստորագրի պաշտոնական ընտրական արձանագրության մեջ: Այդպիսին էր հանգուցյալ Նահապետի «համակիրների» խմբի կողմից Օրմանյանի նկատմամբ վերաբերմունքը: Գահին Օրմանյանի բարձրացմանն ուղղված մեր ջանքերի արդյունքն էր, իմիջիայլոց, մեր խնդրանքով մեր ընկեր Գարեգին վարդապետի կազմած գրքույկը, որը հրատարակվել էր 1908 թ. նախընտրական պայքարի շրջանում՝ մեր համատեղ ջանքերով:

Ե. Ավելորդ չեմ համարում հիշատակել և մի փաստի մասին, որն, անկասկած, ապացուցում է, որ ես ոչ մի դեպքում չեմ կարող դավել «Դաշնակցություն» կուսակցության շարքերը: Դա հաստատվում է ինձ ուղղված Հ. Առաքելյանի 1907 թ. հոկտեմբերի 1-ի նամակով: 1907 թ. Ռուսաստանի Պետական Դումայի՝ Երևանի և Ելիզավետպոլի նահանգներից պատգամավորի ընտրության ժամանակ ես ընտրվեցի Էջմիածնի գավառից պատվիրակ և ընտրություններին մասնակցեցի քաղաք Ելի-

զավետպոլում: Այդ ընտրությունների բոլոր մասնակիցները կարող են հավաստել, որ ես «Դաշնակցություն» կուսակցության հակառակորդների թվում եմ եղել, և այդ մասին վկայում է Առաքելյանի նշյալ նամակը: Այդ առթիվ հղում անեմ նաև ընտրություններին չմասնակցած անձի, ով կվկայի իմ հիշատակած փաստը: Այդ անձը Ելիզավետպոլի օկրուգային դատարանի նախկին անդամ, այժմ Էջմիածնի Սինոդի դատախազ Փ. Գ. Մելիք-Օհանջանովն է, ով կհաստատի և այն, որ ինձ հայ սահմանադիր-ժողովրդական կուսակցության կողմից Դումայի անդամության թեկնածու էին առաջադրում, որից ես հրաժարվել եմ: Վերջին կուսակցությունը, որը «Դաշնակցություն» դեմ բռուն պայքար է մղել, ինձ իր թեկնածու չէր առաջադրի, եթե ես լինեի հեղափոխական կուսակցության կողմնակից: Այդ պայքարի մասնավորամասերը կարող է հաղորդել վերոնշյալ Հ. Առաքելյանը, ում ես խնդրում [եմ] հարցաքննել որպես վկայի:

Ձ. Վերջապես, իմ և իմ ընկերների նկատմամբ այդ կուսակցության թշնամական վերաբերմունքի, կուսակցություն, որին պատկանելու մեջ ինձ մեղադրում եք, ապացույցներ կայացնեմ 1909 թ. սեպտեմբերի 4-ի «Հորիզոն» թերթի N 28 համարում Տ. Բ. ստորագրությամբ հեղինակի հաղորդումը՝ Վաղարշապատից և խմբագրության հավելումը, որտեղ ինձ և իմ ընկերներին՝ Նահապետ եպիսկոպոսի «համակիրներին», մեղադրում էին որպես հետադիմականների, ժողովրդական իրավունքները ոտնահարողների:

Այս ամենից գատ որպես վկայի խնդրում եմ հարցաքննել ներքառնվանյալներին, ովքեր կհավաստեն, թե ինձ ինչքան օտար է ցանկացած հեղափոխական հակում, թե ես ինչպես եմ դատապարտել ցանկացած հեղափոխական կուսակցության գործողություններն ու մտածելակերպը: Այդ վկայներն են՝ իմ հոգևոր հայր, բարձրաշնորհ Սուքիաս արքեպիսկոպոս Պարզյանցը, Նախիջևան-Բեսարաբիայի թեմի առաջնորդ Ներսես արքեպիսկոպոսը¹⁸, որի նստավայրը Քիշինևում է, իմ ընկերները՝ Ատր-

¹⁸ Նկատի ունի Ներսես արքեպիսկոպոս Խուղավերոյանին:

պատականի հայոց թեմի առաջնորդ Կարապետ եպիսկոպոսը¹⁹, Էջմիածնի վանական միաբանության անդամներ Գարեգին և Բենիկ²⁰ վարդապետները և նախկին վարդապետ, այժմ Ալեքսանդրապոլի առևտրական ուսումնարանի դասախոս Երվանդ Տեր-Մինասյանցը, Թիֆլիսի հայոց թեմի առաջնորդ Գարեգին արքեպիսկոպոս Սաթուրյանը, Ալեքսանդրապոլում բնակվող իմ ուսուցիչ և Էջմիածնի հոգևոր ճեմարանի դասախոս Կարապետ Կոստանյանցը²¹, իմ ուսուցիչ և այժմ Էջմիածնի Սինոդի քարտուղար Հովհաննես Հովհաննիսյանը²², ճեմարանում իմ նախկին գործընկերներ, ճեմարանի դասախոսներ Մանուկ Աբեղյանը և Ստեփան Կանայանցը, բաքվեցի երդվյալ հավատարմատար Գարեգին Ենգիբարյովը, Դոնի Նախիջևանում բնակվող երդվյալ հավատարմատար Գեորգի Իվանի Չուբարովը²³, «Մշակ» թերթի խմբագիր Ալեքսանդր Քալանթարը²⁴ և Համբարձում Առաքելյանը, իմ ընկեր Գևորգ սարկավագ Չորեքչյանը, ով հրաժարվել էր մասնակցել 1906 թ. Էջմիածնի կենտրոնական պատգամավորական ժողովին, Էջմիածնի Սինոդի դատախազ Փարսադան Գերասիմի Մելիք-Օհանջանովը, նույն Սինոդի նախկին հաշվապահ կապիտան Մաղաթովը և Էջմիածնի գավառապետ Լ. Լ. Լեմերմանը, ում որպես տեղական ոստիկանության պետի և ինձ արդեն երկար տարիներ ճանաչող անձի՝ պետք է որ լավ հայտնի լինի Էջմիածնում իմ գործունեությունը:

2. Ինձ մեղադրանք է ներկայացված մաև առ այն, որ ես Սկրտիչ Ա կաթողիկոսի դիվանապետ եղած ժամանակ թույլատրել կամ որպես հոգևոր գրաքննիչ դրական կարծիք եմ տվել և դրանով իսկ աջակցել Ե. Թոփչյանի հրատարակած «Լույս» օրացույցի տպագրմանը: Այդ մեղադրանքի առթիվ բացատրեմ, որ ես գրաքննիչ երբեք չեմ եղել, որ հոգևոր թե-

վանդակության բոլոր գրքերը, այդ թվում և օրացույցները, մշտապես՝ ինչպես և այժմ, տպագրության թույլատրվում են անձամբ կաթողիկոսի կողմից: Տվյալ դեպքում Թոփչյանը ո՛չ անձամբ, ո՛չ գրավոր նշյալ օրացույցի տպագրության համար ինձ չի դիմել, այլ նրա հանձնարարությամբ ինձ որպես կաթողիկոսի դիվանապետի (անձնական քարտուղար) փոխանցել է Խորեն վարդապետ Ղազարյանցը: «Լույս» օրացույցը կազմվել է ստորագրվել է նույն վարդապետի կազմած Էջմիածնի պաշտոնական օրացույցի նմանությամբ: Ղազարյանցը խնդրել է այդ աշխատանքը ներկայացնել Նորին Սրբության հաստատմանը: Խորեն վարդապետի այդ խնդրանքը ես կատարեցի, կաթողիկոսին ներկայացրի Խորեն վարդապետի ձեռքով գրված տետրակը, որը պարունակում էր բացառապես եկեղեցական-օրացույցային տվյալներ: Այդ օրացույցի մյուս բաժինների մասին ինձ ոչինչ հայտնի չէ, քանի որ դա արդեն աշխարհիկ գրաքննության գործն է: Որպես հաստատում իմ ներկա դիմումի՝ հղում եմ վկաներ Ղևոնդ եպիսկոպոս Հովհաննիսյանին, Խորեն վարդապետ Ղազարյանցին և Սինոդի գործավար Բարսեղ Ղարիբջանին, որոնց և խնդրում եմ հարցաքննել:

Եզրափակելով՝ չեմ կարող Չեր ուշադրությունը չհրավիրել, իմ կարծիքով, մի շատ կարևոր հանգամանքի վրա: Մույն թվականի սեպտեմբերի 15-ին, հարցաքննության ժամանակ, Չեր կողմից հայտարարվեց, որ ես մեղադրվում եմ «Դաշնակցություն» կուսակցության անդամակցելու մեջ Էջմիածնի Սինոդի նախկին դատախազ Ֆրենկելի և ինձ բացարձակապես անհայտ ինչ-որ անձանց՝ Քելչիչյանի և Վարդերեսյանի ցուցմունքների հիման վրա: Վերջիններիս ես չգիտեմ, երբեք նրանց չեմ հանդիպել, առաջին անգամ եմ լսում նրանց անունները և չեմ կարողանում հասկանալ, թե

19 Նկատի ունի Կարապետ Տեր-Մկրտչյանին:
 20 Նկատի ունի Գարեգին Յովսեփյանին և Բենիկ Եղիազարյանին:
 21 Կոստանյան Կարապետ Յովսեփի (14.01.1849, Գյումրի - 1.01.1920, Մոսկվա) - հայտնի բանասեր, մանկավարժ:
 22 Հովհաննիսյան Յովհաննես Սկրտչի (14.04.1864, Վաղարշապատ - 29.09.1929, Երևան) - հայտնի բանաստեղծ, թարգմանիչ, մանկավարժ:
 23 Չուբարյան Գևորգ Յովհաննեսի (1.11.1864, Նոր Նախիջևան - 29.09.1930, Դոնի Ռոստով) - իրավաբան, գրող, թատերական գործիչ:
 24 Քալանթար Ալեքսանդր Յայրապետի (20.09.1855, Վերին Ագուլիս, Նախիջևան - 20.10.1913, Թիֆլիս) - հասարակական գործիչ, խմբագիր, գրող:

ինչով են պայմանավորված նրանց ցուցմունքները, որոնք են այլ կերպ չեմ կարող անվանել, քան կեղծ և զրպարտանք: Ինչ վերաբերում է Ֆրենկելի ցուցմունքին, ապա ես պետք է ասեմ, որ այն վրդովում է մինչև հոգու խորքը՝ որպես կարգին մարդուն ոչ հարիր չարության և վրեժի արտահայտություն: Ըստ երևույթին, Ֆրենկելը մերկապարանոց զրպարտությամբ որոշել է ինձ վրա՝ որպես Էջմիածնի հայ-գրիգորյան Սինոդի անդամի, ուղղորդել իր չարությունը, որովհետև Սինոդի կողմից նրան Էջմիածնի վանքի տանը բնակարանի վարձակալական գումարի վճարման պահանջ է ներկայացվել: Այդ բնակարանը նա զբաղեցրել է 1904 թ. վերջից մինչև 1907 թ. օգոստոսը՝ տարեկան 200 ռուբլի վարձով, իսկ այդ ողջ ընթացքում վճարել է ընդամենը 3 ռուբլի 50 կոպեկ: Այդ պարտքի մասին ես հիշեցրել եմ դեռևս Սինոդի անդամ եղած ժամանակ: Որ Սինոդի նախկին դատախազին այնքան էլ հաճելի չէ դրա մասին հիշեցումը, երևում է նրանից, որ Էջմիածնի վանական վարչության նախկին նախագահ Ղևոնդ եպիսկոպոսին [Հովակիմյան] Ֆրենկելը սպառնացել է արտրել տալ Արխանգելսկ, եթե նա պնդի բնակարանի վարձակալական գումարը վճարել: Խնդրում եմ այդ առթիվ հարցաքննել Ղևոնդ եպիսկոպոսին: Նշյալ պարտքի գանձման համար Ֆրենկելին Սինոդի հավատարմատարի միջոցով արդեն հայց է ներկայացվել: Ֆրենկելի բարոյական բնութագրի համար հետաքրքիր կլինի նաև իմանալ, թե ինչքան չվճարված պարտքեր է թողել իրենից հետո Էջմիածնում: 1906 թ. օգոստոսից նա պարտք է Վաղարշապատ գյուղի բնակիչ Թևանոս Մուշեղյանին 530 ռուբլի, որը նա մինչև այժմ չի վճարել: Ֆրենկելը չի վճարել Ներսես Չաքարյանին 470 ռուբլի պարտքը, 1907-ից Մուքիաս արքեպիսկոպոսին պարտք է 100 ռուբլի:

Ներկա ցուցմունքում նշված փաստաթղթերը իմ կողմից ներկայացվել են ս. թ. սեպտեմբերի 19-ին: Իմ ցուցմունքներին որևէ բան հավելելու չունեմ: «Լույս»-ի հրատարակման առթիվ պատասխանատվության է ենթարկվել

25 Հովսեփյան Գարեգին Կարապետի (17.12.1867, գ. Մարաղա, ԼՂԴ - 21.06.1952, Անթիլիաս) - Սարդարապատի ճակատամարտի հերոս, Մեծի Տանն Կիլիկիո կաթողիկոս, անվանի հայագետ:

Երեմիա վարդապետ Ստեփանյանցը:
 Ցուցմունքը գրված է իմ ձեռքով:
 Էջմիածնի հայ-գրիգորյան Սինոդի անդամ Հուսիկ վարդապետ Չոհրաբյան:
 Բննիչ Սիդավա:
 Գատախազի տեղակալ (ստորագրություն):
 ՀԱԱ, ֆ. 1457, ց. 3, գ. 5, թթ. 4336-4340:
 Թարգմանություն ռուսերենից:

ԹԻՎ 10
**ՎԿԱՅԻ ՀԱՐՑԱՔՆՆՈՒԹՅԱՆ ԱՐՁԱՆԱԳ-
 ԲՈՒԹՅՈՒՆ**

1910 թ. նոյեմբերի 25: Գյուղ Վաղարշապատ:

Երևանի օկրուգային դատարանի Դատական Բննիչ Սիդավան Զրեական դատավարության կանոնադրության 712-րդ և 1037-րդ հոդվածների պահպանմամբ հարցաքննեց ներքուսկանյալին, և նա ցուցմունք տվեց.



Գարեգին վարդապետ Հովսեփյան²⁵, բնակվում եմ Էջմիածնում, 42 տարեկան, հայ-գրիգորյան, չեմ դատվել, գործում մասնակից անձանց օտար եմ:

Հուսիկ վարդապետ Չոհրաբյանին ես վարդոց եմ ճանաչում: Մենք միասին ուսանել ենք Էջմիածնի ճեմարանում և միասին ընդունվել

ՎԱԿԵՐԱԳՐԵՐ

Գ. (Թ՛) ԳԵՐԻ, ՔԻՂ 2 (34) ԿԱՐԿԻ-ԽՈՆԻՍ, 2011

ԿԵԼ ԿԱՄԱՏԱԿԱԿԱԿԱՆ ԿԱՆՈՒՆ

Էջմիածնի վանքի միաբանություն: Մեր համատեղ գործունեությունը շարունակվում է մինչև ներկա պահը, դրա համար էլ ես վճռականապես ու մաքուր խղճով կարող եմ հաստատել, որ Չոհրաբյանը ոչ միայն «Դաշնակցություն» կուսակցությանը չի անդամակցել, այլև եղել է նրա հակառակորդը, ինչն ապացուցվում է հետևյալով. Էջմիածնի ճեմարանի մի քանի շրջանավարտներ, հետագայում վարդապետներ, որոնց թվում է ես ու Չոհրաբյանը, սովորել և գործել ենք Նահապետ եպիսկոպոսի ղեկավարությամբ, ում կողմնակիցներն էինք: Նահապետի հայացքները և ուղղությունը՝ որպես դաշնակցականների հակառակորդի, բոլորին հայտնի էին: Դրանից զատ, Նահապետը «Դաշնակցություն» կուսակցությունից ստացել է սպառնալիքով նամակ, ընդ որում սպառնալիքը հասցեագրված էր նաև Նահապետի կողմնակիցներից ինձ և Չոհրաբյանին: Հետո 1908 թ. կաթողիկոսի ընտրություններից առաջ Թիֆլիսում տեղի ունեցավ մասնավոր խորհրդակցություն, որտեղ ես և Չոհրաբյանը գործում էինք համատեղ: Խորհրդակցության ժամանակ ես զեկուցում կարդացի ի պաշտպանություն Օրմանյան պատրիարքի թեկնածության, իսկ վերջինս, ինչպես հայտնի է, դաշնակցականների ընդգծված հակառակորդն է: Էջմիածնում կաթողիկոսի ընտրությունների ժամանակ Չոհրաբյանը՝ որպես պաշտոնական պատվիրակ, ձայն տվեց Օրմանյանին: Օրմանյանի և կաթողիկոսի ընտրության մասին ի պաշտպանություն Օրմանյանի ես գրքույկ²⁶ հրատարակեցի, ընդ որում նշյալ գրքույկում առկա էր բոլոր հեղափոխական կուսակցությունների, այդ թվում և «Դաշնակցություն» կուսակցության քննադատությունը: Թեպետ գրքույկում նույն Չոհրաբյանը չի հիշատակվում, սակայն այն հրատարակվել է Չոհրաբյանի հետ համատեղ: 1907 թ. Պետական Դումայի ընտրությունների ժամանակ Չոհրաբյանը գործել է «Դաշնակցության» դեմ: Դեռ ընտրություններից առաջ Չոհրաբյանը «Մշակ»-ի խմբագիր Համբարձում

Առաքելյանից նամակ էր ստացել, որտեղ նրան առաջարկվում էր «Դաշնակցություն» կուսակցության դեմ համատեղ գործել: Հայտնի է, որ «Մշակը» «Դաշնակցության» հակառակորդն է, իսկ Չոհրաբյանը «Էլպիս» կեղծանունով աշխատակցել է «Մշակ»-ին՝ գրելով հակադաշնակցական հոդվածներ: Վերջապես, 1906 թ. Չոհրաբյանը ստիպված էր թողնել կաթողիկոսի դիվանապետի պաշտոնը՝ որպես «Դաշնակցություն» կուսակցությանը ոչ ձեռնտու անձ: Ավելին ցուցմունք տալ չեմ կարող:

Ընթերցված է:

Գարեգին վարդապետ:

Դատական Քննիչ Սիդավա:

Դատախազի Տեղակալ (ստորագրություն):

ՀԱԱ, ֆ. 1457, ց. 3, գ. 5, քթ. 4335-4336:

Թարգմանություն ռուսերենից:

ԹԻՎ 11

ՎԿԼՆԵՐԻ ՀԱՐՑԱՔՆՆՈՒԹՅՈՒՆՆԵՐԻ ԱՐՉԱՆԱԳՐՈՒԹՅՈՒՆ

1910 թ. նոյեմբերի 25: Քաղաք Երևան:

Երևանի օկրուգային դատարանի Դատական Քննիչ Սիդավան Քրեական դատավարության կանոնադրության 442-րդ և 1037-րդ հոդվածների պահպանմանը հարցաքննեց ներքոնվանյալներին, և նրանք ցուցմունք տվեցին.

Ստեփան Մկրտչի Կանայանց²⁷, Էջմիածնի ճեմարանի դասախոս, 50 տարեկան, հայգրիգորյան, չեմ դատվել, գործում մասնակիցներին օտար եմ:

Հուսիկ վարդապետ Չոհրաբյանին ես վաղուց եմ ճանաչում: Ընդ որում, ես կարող եմ համոզված հայտարարել, որ Չոհրաբյանը ոչ միայն «Դաշնակցություն» կուսակցությանը չի անդամակցել, այլև այդ կուսակցության հակառակորդն էր: Դա երևում է հետևյալից. 1905 թ. հայկական եկեղեցական գույքը վերադարձնելուց հետո տարբեր դպրոցական հարցերի կարգավորման համար հանձնաժողովի ստեղծման նպատակով կաթողիկոսը կոնդակ հրապարակեց: Այդ հանձնաժողովը բաղկա-

26 Տես Յովսեփեան Վարդ. Գարեգին, Մաղաթիա Արքեպիսկոպոս Օրմանեան եւ կաթողիկոսական ընտրութիւն, Թիֆլիս, 1908: Բ. տպագր., 3րատ. Սրբ. Օրմանեանին համակրող Նոր-մախիջեանցիների, Թիֆլիս, 1911: 27 Կանայան Ստեփան Մկրտչի (25.12.1860, Իզդիր - 8.10.1937, Երևան) – հայտնի մանկավարժ, բանասեր:

ցած էր ճեմարանի ուսուցիչներից, որոնց թվում էր և Ջոհրաբյան վարդապետը: Այդ հանձնաժողովը «Դաշնակցություն» կուսակցության կողմից բոլորովեց, և այդ կուսակցության պնդմամբ 1906 թ. հրավիրվեց պատգամավորական համագումար, որը փակվեց կառավարության կողմից: Այդ համագումարի պատգամավորների մեծամասնությունը կազմված էր դաշնակցականներից, ինչը բոլորին հայտնի էր: Համագումարի ընթացքում կաթողիկոսի դիվանապետը Ջոհրաբյանն էր, սակայն նա, որպես «Դաշնակցության» հակառակորդ, համագումարի պնդմամբ հեռացվեց, իսկ նրա փոխարեն նշանակվեց դաշնակցականների դրածո Տաճատ վարդապետը: Դրանից գատ, Ջոհրաբյանը 1908 թ. կաթողիկոսի ընտրության ժամանակ պաշտպանել էր Օրմանյանի թեկնածությունը, որի դեմ քարոզել էր «Դաշնակցություն»-ը: Ջոհրաբյանը «Էլպիս» կեղծանունով աշխատակցում էր «Մշակ» թերթին, որը դաշնակցականների հակառակորդն էր, իսկ «Դաշնակցության» օրգան «Ալիք» թերթը բազմիցս հարձակվել է Ջոհրաբյանի վրա: Նրա գործունեությունը 1907 թ. Պետական Դումայի ընտրությունների ժամանակ ընթացել է Ելիզավետպոլում: Անձամբ ես այդ գործերի մասին ոչինչ չգիտեմ, բայց ինքը՝ Ջոհրաբյանն ասել է, որ գործել է դաշնակցականների դեմ: Ընդհանրապես, Ջոհրաբյանը պահպանողական ուղղության մարդ է և մշտապես դեմ է եղել հեղափոխական շարժումներին: Ավելին ցուցմունք տալ չեմ կարող:

Ընթերցված է:

Ստեփան Կանայանց:

Դատական Բննիչ Սիդավա:

Դատախազի տեղակալ (ստորագրություն):

* * *

Մանուկ Խաչատուրի Աբեղյան²⁸, Էջմիածնի ճեմարանի դասախոս, 45 տարեկան, հայգրիգորյան, չեմ դատվել, գործում մասնակիցներին օտար եմ:

Հուսիկ վարդապետին ես ճանաչում եմ շուրջ 15 տարի: Ես նրա հետ հաճախ հանդի-

պել և զրուցել եմ, ընդ որում Ջոհրաբյանը միշտ հեղափոխական շարժումների, այդ թվում և «Դաշնակցություն» կուսակցության դեմ է եղել: Դա երևում է հետևյալից. 1908 թ. կաթողիկոսի ընտրությունների ժամանակ նա պաշտպանել է «Դաշնակցության» հակառակորդ Օրմանյանի թեկնածությունը, ինչը բոլորին հայտնի է: 1905 թ. հայերին եկեղեցական գույքը վերադարձնելուց հետո կաթողիկոսի կոնդակով դպրոցական գործի կարգավորման համար խորհուրդ նշանակվեց: Այդ խորհրդի անդամներն էին ճեմարանի դասախոսները, ինչպես նաև Հուսիկ վարդապետը և Նահապետը [Եպիսկոպոս]: Այդ խորհրդին «Դաշնակցություն» կուսակցությունը բոլորտ հայտարարեց: Դրա համար էլ 1906 թ. գումարվեց պատգամավորական համագումար, որը հետագայում փակվեց կառավարության կողմից: Այդ ժամանակ կաթողիկոսի դիվանապետը Ջոհրաբյանն էր, ով համագումարի ժամանակ պետք է թողներ իր պաշտոնը, քանի որ նա դաշնակցականների սրտովը չէր: Դրանից գատ, Ջոհրաբյանն իր խոսքերով՝ «Մշակ» թերթի աշխատակիցն է եղել, իսկ այդ թերթը «Դաշնակցության» հակառակորդն է: Ես լսել եմ, որ 1907 թ. Պետական Դումայի ընտրությունների ժամանակ Ջոհրաբյանը գործել է «Դաշնակցության» դեմ: Մինչև ընտրությունները Ջոհրաբյանը «Մշակ» թերթի հրատարակիչ Համբարձում Առաքելյանից նամակ էր ստացել, որտեղ նա Ջոհրաբյանին առաջարկում էր ընտրություններում դաշնակցականների դեմ համատեղ գործել: Առաքելյանի նամակը ես ինքս եմ կարդացել: Ընդհանրապես պետք է ասեմ, որ Ջոհրաբյանը չափավոր պահպանողական է, ինչն ինձ հայտնի է նրա հետ երկարատև ծանոթությունից: Ավելին ցուցմունք տալ չեմ կարող:

Ընթերցված է:

Մանուկ Աբեղյան:

Դատական Բննիչ Սիդավա:

Դատախազի տեղակալ (ստորագրություն):

ՀԱԱ, ֆ. 1457, ց. 3, գ. 5, թթ. 4340-4341:

Թարգմանություն ռուսերենից:

²⁸ Աբեղյան Մանուկ Խաչատուրի (5.03.1865, գ. Աստապատ, Նախիջևան - 25.09.1944, Երևան) – նշանավոր հայագետ, մանկավարժ:

ԹԻՎ 12

ՎԿԱՅԻ ՀԱՐՑԱՔՆՆՈՒԹՅԱՆ ԱՐՁԱՆԱԳՐՈՒԹՅՈՒՆ

1910 թ. նոյեմբերի 29: Գյուղ Վաղարշապատ:

Երևանի օկրուգային դատարանի Դատական Քննիչ Սիդավան Քրեական դատավարության կանոնադրության 712-րդ և 1037-րդ հոդվածների պահպանմամբ հարցաքննեց ներքուսկանյալին, և նա ցուցմունք տվեց:

Ղևոնդ եպիսկոպոս Հովակիմյան²⁹, բնակվում եմ Էջմիածնում, 58 տարեկան, հայ-գրիգորյան, չեմ դատվել, գործում մասնակիցներին օտար եմ:

Էջմիածնի Սինոդի նախկին դատախազ Ֆրենկելի հետ ես ոչ մի առանձնահատուկ հարաբերություններ չեմ ունեցել, այլ ծանոթ էի որպես Սինոդի դատախազի: Էջմիածնում Ֆրենկելը զբաղեցնում էր բնակարան վանքի տանը, սակայն երկու տարվա ընթացքում նա բնակվարձը չի վճարել: Սինոդի հրահանգով, որպես վանական վարչության նախագահ, Ֆրենկելից պահանջեցի գումարը, բայց նա չմոծեց: 1906 թ. կաթողիկոսի նախկին դիվանապետ Կորյուն վարդապետը³⁰ ասել է ինձ, որ Ֆրենկելն ինձ սպառնացել է քսարել Արխանգելսկ: Ավելին ցուցմունք տալ չեմ կարող:

Կաթողիկոսի դիվանապետի վրա հոգևոր գրաքննիչի պարտականություն երբեք չի դրվել, քանի որ հոգևոր բովանդակության գրքերի տպագրությունը թույլատրվում էր և թույլատրվում է բացառապես Ամենայն հայոց կաթողիկոսի կողմից՝ անձամբ: Կաթողիկոսի դիվանապետը միայն գեկուցող է, սակայն տպագրման ենթակա ստեղծագործությունների վերաբերյալ եզրակացություններ և կարծիքներ հազիվ թե վարիչն է տալիս: Կաթողիկոսի թույլտվությունը պահանջվում է հոգևոր բովանդակության գրքերի, ինչպես նաև օրա-

ցույցների եկեղեցական-ժամանակագրական մասերի առնչությամբ: 1906 թ. ես առաջարկեցի Խորեն վարդապետ Ղազարյանցին արագացնել Էջմիածնի օրացույցի կազմումը: Ղազարյանցն ինձ պատասխանեց, որ ինքը Թոփչյանի հանձնարարությամբ կազմում է «Լույս» օրացույցը և այն ավարտելուց հետո կձեռնարկի Էջմիածնի օրացույցի կազմմանը: Ղազարյանցը կազմել է «Լույս» օրացույցի միայն եկեղեցական մասը, և դա է ներկայացվել կաթողիկոսի դիվանին, որի վարիչն այն ժամանակ Ջոհրաբյան վարդապետն էր: Ես չգիտեմ, թե նա «Լույս» օրացույցի վերաբերյալ կարծիք տվել է, թե ոչ: Նա ինձ հայտնի չէ, թե այդ հարցով Թոփչյանը Ջոհրաբյանին դիմել է, թե ոչ: Հուսիկ վարդապետ Ջոհրաբյանին ես լավ եմ ճանաչում և կարող եմ հաստատել, որ նա չի պատկանել ոչ մի հեղափոխական կուսակցության, իսկ «Դաշնակցություն» կուսակցությանը նա վերաբերվել է թշնամաբար՝ որպես պահպանողական հայացքների տեր մարդ: Ջոհրաբյանը՝ որպես Նահապետ եպիսկոպոսի հետևորդ, հետապնդվում էր դաշնակցականների կողմից: Վերջիններս Նահապետին անվանում էին Գոլիցին, իսկ Նահապետի հետևորդներին՝ Գոլիցինի ճտեր: Ջոհրաբյանը կաթողիկոսի դիվանապետի պաշտոնից հեռացվեց բացառապես «Դաշնակցություն» կուսակցության պահանջով: 1908 թ. կաթողիկոսի ընտրությունների ժամանակ Ջոհրաբյանը ձայնը տվեց դաշնակցականների թշնամի Օրմանյան պատրիարքի օգտին: Ավելին ցուցմունք տալ չեմ կարող:

Ընթերցված է: Ղևոնդ եպիսկոպոս: Դատական Քննիչ Սիդավա: Դատախազի տեղակալ (ստորագրություն):

ՀԱԱ, ֆ. 1457, ց. 3, գ. 5, թթ. 4348-4349: Թարգմանություն ռուսերենից:

29 Գովակիմյան Ղևոնդ եպիսկոպոս (1852, Վաղարշապատ - 14.09.1915, Էջմիածին): 1878 թ. ձեռնադրվել է վարդապետ, 1901 թ.՝ եպիսկոպոս: 1901-1915 թթ. եղել է Մայր Աթոռի լուսարարապետ:

30 Կորյուն վարդապետ Սահակյանը 1905-1906 թթ. կարևոր դեր է կատարել Գանձակի գավառի հայության ինքնապաշտպանության կազմակերպման գործում, լիժնյան գործով մինչև 1917 թ. մայիս դատապարտվել է քսարի Իրկուսկի մարզ:

ԵՐԵՎԱՆԻ ԳՐԱԴԱՐԱՆ

Գ. (Թ) Գարի, թիվ 2 (34) ասորի-հունիս, 2011

ՎԵՄ համահայկական հանդես

ԹԻՎ 13

**ՎԿԱՅԻ ՀԱՐՑԱՔՆՆՈՒԹՅԱՆ ԱՐՉԱՆԱԳ-
ՐՈՒԹՅՈՒՆ**

1910 թ. հոկտեմբերի 21: Դոնի Ռոստով:

*Դոնի Ռոստովի օկրուգի 1-ին տեղամասի
Դալարական Զննիչը Քրեական
դատավարության կանոնադրության 712-րդ
հոդվածի պահպանմամբ հարցաքննեց ներ-
քուսնվանյալին, և նա ցուցումը տվեց.*

Գևորգ Չորեքչյան, 42 տարեկան, հայ-գրիգորյան, սարկավագ, բնակվում եմ Դոնի Ռոստովում, չեմ դատվել:

Պողոս Խաչատուրի Չուբարյանին ճանաչել եմ այն օրից, երբ նա սարկավագ եղած ժամանակ հասունության վկայականի քննությանը պատրաստվելու համար եկել էր Դոնի Նախիջևան քաղաք, ապա մեկնել Ս. Պետերբուրգ: Մինչև 1906 թ. ես նրա հետ չեմ հանդիպել: Նույն տարվա ամռանը Պետերբուրգի եկեղեցուց Էջմիածնի համագումարի պատվիրակ եր: Արդյո՞ք Չուբարյանը անդամակցել է «Դաշնակցություն» հեղափոխական կուսակցությանը և Էջմիածնում 1906 թ. հոկտեմբերի 29-ին զառամյալ Սուքիաս արքեպիսկոպոս Պարզյանցի անպատվելուն՝ չզիտեմ: Դոնի Նախիջևան քաղաքում Չուբարյանը եղել է պատգամավորների պատվիրակ: Նման պատվիրակների թվում էի նաև ես: Նմաններից հիշատակեմ որոշ անձանց, օրինակ՝ երզնյալ հավատարմատար Գրիգոր Քրիստափորի Չալխուշյան³¹, Դոնի Ռոստովում բանկի տնօրեն Դավիթ Եզոբի Խոջան, հայկական հոգևոր ճեմարանի տեսուչ Երվանդ Ալիմի Շահ-Ազիզ: Այլոց չեմ կարող հիշել: Թե ում օգտին է քվեարկել Չուբարյանը՝ չզիտեմ, քանի որ քվեարկությունը գաղտնի էր: Պատգամավորների վերաբերյալ երկու հոսանք կար. մեկը պահանջում էր տեղական որևէ բնակչի ընտրություն, մյուսը պնդում էր, որ կարող է ընտրվել յուրաքանչյուր ոք, անկախ իր ծննդավայրից: Առաջին հոսանքին պատկանում էի ես, ինչպես նաև, ինչքան կարելի է դատել նրա խոսքերից, Չուբարյանը: Թե ինչու է պատգամավոր ընտրվել Մինաս Բերբերովը՝ չեմ կարող ասել: Թե որ կուսակ-

ցությանն է պատկանել Չուբարյանը՝ չզիտեմ, սակայն ինչքան կարելի է դատել մտքերի փոխանակության ժամանակ արտահայտված նրա հայացքներից, նա դեմ էր «Դաշնակցություն» կուսակցությանը, ինչի շնորհիվ և դարձավ պատգամավոր: Քանի որ ես սկզբում չէի ցանկանում մասնակցել Էջմիածնի համագումարին, ապա չէի ուզում առաջադրել իմ թեկնածությունը, ինչի մասին բոլորին ամենուր հայտարարում էի: Երբ նկատելի դարձավ, որ պատգամավորների մեջ հայտնվել են ոչ ցանկալի անձինք, ապա ես համախոհների խնդրանքով և նկատի առնելով իմ եկեղեցու շահը, որոշեցի առաջադրվել և պատգամավոր ընտրվեցի: Ես երբեք «Նոր կյանք» թերթի աշխատակից չեմ եղել և դրա համար էլ չեմ կարող ասել, թե ով է եղել դրա հրատարակիչը, խմբագիրը և այլն: Սկզբում թերթը կարդալով ես այն համարում էի անկուսակցական, սակայն հետո նրա ուղղվածությունը սկսեց փոփոխվել, այն կարծես թե սկսեց համակրել «Դաշնակցություն» կուսակցությանը, բայց կրկին չեմ կարող ասել, թե ով է եղել դրա հրատարակիչը, խմբագիրը և այլն, ինչպես նաև՝ երբևէ սկսեցի նկատել թերթի ուղղության փոփոխությունը: Արդյոք «Նոր կյանք» թերթը «Դաշնակցություն» կուսակցության Նալբանդի կենտրոնական կոմիտեի հրատարակությունն էր և գոյություն ունի՞ մամն կոմիտե՝ չզիտեմ: Թե Չուբարյանը եղել է այդ թերթի աշխատակից և երբ՝ չզիտեմ:

Գևորգ սարկավագ Չորեքչյան:
Բնագիրը համապատասխան ստորագ-
րություններով:

ՀԱԱ, ֆ. 1457, ց. 3, գ. 5, թ. 4249: Թարգ-
մանություն ռուսերենից:

ԹԻՎ 14

**ՎԿԱՆԵՐԻ ՀԱՐՑԱՔՆՆՈՒԹՅՈՒՆՆԵՐԻ
ԱՐՉԱՆԱԳՐՈՒԹՅՈՒՆ**

1910 թ. հոկտեմբերի 30: Սբ. Էջմիածին:

*Երևանի օկրուգային դատարանի
Դալարական Զննիչ Միդայան Քրեական*

³¹ Չալխուշյան Գրիգոր Խաչերեսի (1.07.1861, Նոր-Նախիջևան - 12.1939, Դոնի Ռոստով) - հասարակական-մշակութային գործիչ:

դատավարության կանոնադրության 712-րդ և 1037-րդ հոդվածների պահպանմամբ հարցաքննեց ներքոնկատվածներին, և նրանք ցուցմունք տվեցին:



Ներսես վարդապետ Մելիք-Թանգյան³², Էջմիածին գյուղի բնակիչ, 44 տարեկան, հայգրիգորյան, չեմ դատվել, գործում մասնակից անձանց օտար եմ:

Էջմիածնի վանքի նախկին սարկավագ Պողոս Չուբարյանին հանդիպել եմ Էջմիածնում որպես 1906 թ. տեղի ունեցած պատգամավորական համագումարի անդամ, սակայն Չուբարյանի հետ մերձավոր ծանոթություն չեմ ունեցել: Իսկապես, ես լսել եմ, որ Կարապետ վարդապետի³³ և Չուբարյանի հարաբերությունները լարված էին, և դրա պատճառով իբր Չուբարյանը զրկվել է կրթաթոշակից, սակայն այդ հարաբերությունների մանրամասներն ինձ հայտնի չեն: 1906 թ. հոկտեմբերին ես Ելիզավետպոլի նահանգի Ջանգեզուրի գավառի Տաթևի վանքում էի: Այդ պատճառով չեմ կարող բացատրել այն հանգամանքները, որ պայմանավորել են ամբոխի կողմից Սուքիաս արքեպիսկոպոս Պարզյանին անպատվելուն: Ավելին ցուցմունք տալ չեմ կարող:

Ընթերցված է:
Մելիք-Թանգյան վարդապետ:

* * *

Բարդուղիմեոս եպիսկոպոս Գևորգյան, բնակվում եմ Էջմիածնում, 63 տարեկան, հայգրիգորյան, չեմ դատվել, գործում մասնակից անձանց օտար եմ:

Էջմիածնի վանքի նախկին սարկավագ Պողոս Չուբարյանին ճանաչում եմ, քանի որ նա եղել է Էջմիածնի ճեմարանի շրջանավարտ, և որպես սարկավագ՝ վանական միաբանության անդամ: Կարապետ վարդապետը եղել է ճեմարանի դասախոս, իսկ Չուբարյանը՝ դրա շրջանավարտ, սակայն թե ինչպիսի հարաբերություններ են եղել նրանց միջև՝ ինձ հայտնի չէ: Հավասարապես ինձ հայտնի չէ, թե Չուբարյանը ստացել է կրթաթոշակ կամ զրկվել է արդյոք դրանից: Թե ինչպիսի հանգամանքներում է 1906 թ. հոկտեմբերի 29-ին տեղի ունեցել ամբոխի կողմից Սուքիաս արքեպիսկոպոս Պարզյանի անպատվումը՝ չեմ կարող ասել, քանի որ այդ դեպքի ականատեսը չեմ եղել: Ով է եղել ամբոխի ղեկավարը՝ չգիտեմ: Այդ դեպքին Չուբարյանի, Լևոն Մուշեղյանի և Համազասպ Նորիատյանի որևէ մասնակցության մասին ինձ ոչինչ հայտնի չէ: Այդ դեպքը բխել է «Դաշնակցություն» կուսակցությունից թե ոչ՝ չեմ կարող բացատրել: Ինչն է Պարզյանցին անպատվելու առիթ ծառայել՝ անձամբ չգիտեմ, սակայն ըստ զրույցների՝ ինձ հայտնի է հետևյալը. դեպքից որոշ ժամանակ առաջ հանգուցյալ կաթողիկոսը³⁴ կոնդակ էր հրատարակել, ըստ որի Էջմիածնի վանքի բոլոր պաշտոնական անձինք պետք է նշանակվեին կաթողիկոսին առընթեր հատուկ խորհրդի գիտությամբ, որի անդամները պետք է ընտրվեին վանական միաբանության կողմից: Կոնդակի հրապարակումից մի քանի օր անց լուր տարածվեց, որ կաթողիկոսն առանց նշյալ խորհրդի գիտության Մինոդի անդամների պաշտոնի հաստատման համար ներկայացրել է Մեսրոպ, Մխիթար և Եղիշե վարդապետների թեկնածությունները: Քանի որ այդ ներկայա-

ՎԱՅԵՆՎԱՅՐԻ

Գ. (Թ) փարի, թիվ 2 (34) ասորի-հունիս, 2011

ՎԵՄ համահայկական համոթես

32 Ներսես արքեպիսկոպոս Մելիք-Թանգյան (16.03.1866, Բռնակոթ - 26.09.1948, Թավրիզ) – անվանի հոգևորագրային գործիչ, հայագետ: 1901 թ. ձեռնադրվել է վարդապետ, 1914 թ.՝ եպիսկոպոս: 1901-1905 թթ.՝ Տաթևի վանքի վանահայր, 1912-1948 թթ.՝ Ասորպատականի թեմի առաջնորդ:

33 Նկատի ունի Կարապետ Տեր-Մկրտչյանին:

34 Նկատի ունի Մկրտիչ Ա. Խրիմյանին:

ցումը հակասում էր հրապարակված կոնդակին, ապա վանական միաբանության դժգոհ անդամները, որոնց ղեկավարն էր Սուքիաս արքեպիսկոպոս Պարզյանը, ներկայացան կաթողիկոսին և հայտնեցին իրենց դժգոհությունը: Դա պատճառ եղավ, որ կաթողիկոսը փոստից հետ վերցրեց նշյալ վարդապետների մասին ներկայացման փաթեթը: Ահա և խոսում էին, որ կաթողիկոսի կարգադրությանը Պարզյանցի միջամտությունը հենց նրան անպատվելու պատճառ հանդիսացավ: Թե ինչ հեղափոխական կուսակցությունների էին պատկանում Մեսրոպ և Մխիթար վարդապետները՝ չգիտեմ, սակայն Եղիշե վարդապետը հնչակյան էր և «Դաշնակցություն» կուսակցությունը չէր սիրում նրան: Հանգուցյալ կաթողիկոսն իր կամքին հակառակ է հետ վերցրել վերոնշյալ ներկայացումը, ինչի ապացույց կարող է ծառայել այն, որ այդ ներկայացումը կրկին ուղարկվել է: Ավելին ցուցմունք տալ չեմ կարող:

Ընթերցված է: Հավելեմ՝ կաթողիկոսը հետ է վերցրել ներկայացման փաթեթը ոչ թե իր կամքին հակառակ, այլ զիջելով Պարզյանցի գլխավորած վանական միաբանության դժգոհ եղբայրների խնդրանքներին:

Վկան ցանկություն հայտնեց իր ցուցմունքը կցել հայերեն լեզվով՝ ռուսերենի չիմացության պատճառով:

Բարդուղիմեոս եպիսկոպոս:

Բնագիրը համապատասխան ստորագրություններով:

* * *

Բարկեն վարդապետ Հարությունի Աղավելյան³⁵, բնակվում էմ Էջմիածնում, 41 տարեկան, չեմ դատվել, գործում մասնակից անձանց օտար եմ:

Նախկին վարդապետ Պողոս Չուբարյանին ճանաչում եմ, քանզի մենք միաժամանակ ենք ուսանել Էջմիածնի ճեմարանում: Չուբարյանը ճեմարանի տեսուչի նախկին օգնական Կարապետ վարդապետի հետ թշնամական հարաբերությունների մեջ չէր և, ինչքան ինձ



հայտնի է, Չուբարյանը կրթաթոշակից չի գրկվել: Թե ինչպիսի հանգամանքներում է տեղի ունեցել Սուքիաս Պարզյանցի անպատվելը՝ չգիտեմ, քանի որ այդ դեպքի ակնանատեսը չեմ եղել: Ըստ զրույցների՝ դեպքի պատճառն այն էր, որ տարածվել էր լուր այն մասին, որ Պարզյանցը խառնվել է կաթողիկոսի կարգադրությանը, ով իբր թե Պարզյանցի պնդմամբ հետ է վերցրել Մեսրոպ, Մխիթար և Եղիշե վարդապետներին Սինողի անդամ նշանակելու մասին ներկայացումը: Ով է ղեկավարել Պարզյանցին անպատվող ամբողջին՝ ինձ հայտնի չէ: Այդ գործում Չուբարյանի, Լևոն Մուշեղյանի և Համազասպ Նորհատյանի մասնակցության մասին ինձ ոչինչ հայտնի չէ, սակայն համենայն դեպս Մուշեղյանը մասնակցել է այդ գործին, քանի որ նա դեմ է եղել ամեն տեսակ բռնության, ինչպես ինձ հայտնի է հենց Մուշեղյանի խոսքերից: Արդյոք Պարզյանցին անպատվելը բխել է «Դաշնակցություն» կուսակցությունից թե ոչ՝ չգիտեմ: Ավելին ցուցմունք տալ չեմ կարող: Չուբարյանը, որքան ինձ հայտնի է, հեղափոխական կուսակցություններին չի անդամակցել, քանի որ նա խաղաղ կյանք է վարել:

Ընթերցված է:

Բարկեն վարդապետ Աղավելյան:

Բնագիրը համապատասխան ստորագրություններով:

35 Բարկեն վարդապետ Աղավելյան (10.10.1869, Շուշի - 3.01.1916, Վաղարշապատ) - հոգևոր գործիչ, խմբագիր, հրապարակախոս, հայագետ: 1895 թ. ավարտել է Գևորգյան ճեմարանը, 1898 թ. ձեռնադրվել է վարդապետ: Եղել է «Վրարատ»-ի խմբագիր, Մայր Աթոռի Որբանոցի պատասխանատու, մահացել է տիֆից: Գրել է հոդվածներ արևմտահայ գաղթականների վիճակի բարելավման, Հայկական հարցի հայանպաստ կարգավորման վերաբերյալ:

ՀԱԱ, ֆ. 1457, ց. 3, գ. 5, թթ. 4269-4271:
Թարգմանություն ռուսերենից:

ԹԻՎ 15

**ՎԿԿՅԻ ՀԱՐՅԱՔՆՆՈՒԹՅԱՆ ԱՐՉԱՆԱԳ-
ՐՈՒԹՅՈՒՆ**

1910 թ. հունվարի 25: *Քաղաք Երևան:*

Երևանի օկրուգային դատարանի Դատական Քննիչ Սիդավան Քրեական դատավարության կանոնադրության 714-րդ և 1037-րդ հոդվածների պահպանմամբ որպես վկայի հարցաքննեց ներքոսանվանյալին, և նա ցուցմունք տվեց.

Երվանդ վարդապետ Տեր-Մինասյան³⁶, ապրում եմ Էջմիածնում, 30 տարեկան, հայ-գրիգորյան, չեմ դատվել, գործին մասնակից անձանց օտար եմ:

Էջմիածնի հոգևոր ճեմարանի նախկին տեսուչ Մինաս Բերբերովին³⁷ ճանաչում եմ նրա Էջմիածին գալու ժամանակվանից, այսինքն՝ 1907 թ. օգոստոսից մինչև նրա ձերբակալումը: Որպես Էջմիածնի վանքի վարդապետ և նշյալ ճեմարանի դասախոս՝ հաճախ եմ հանդիպել Բերբերովին, նրա հետ սշտական շփում ունեցել և դրա համար կարող եմ հաստատապես հայտարարել, որ Բերբերովին Էջմիածնում գտնվելու ժամանակ «Դաշնակցություն» կուսակցությանը չի անդամակցել: Բերբերովին ընդհանրապես հեղափոխական կուսակցությունների հակառակորդ էր, ինչը հաստատվում է նրանով, որ նա մինչև Էջմիածին գալը «Նոր դար»³⁸ պահպանողական թեր-

թի խմբագիր էր: Դրանից բացի, Բերբերովին 1908 թ. հոկտեմբերին Էջմիածնում կաթողիկոսի ընտրության ժամանակ հեղափոխական կուսակցությունների հայտնի հակառակորդ Օրմանյան պատրիարքի³⁹ թեկնածության կողմնակից էր: Բերբերովին քաղաքական հայացքները և համոզմունքները ինձ հայտնի են նրա հետ զրույցից, առանց որի հնարավոր չէ երկու տարվա ընթացքում միասին ապրել: Բերբերովին այժմ ապրում է Բաքվում: Դոնի Նախիջևանում և Դոնի Ռոստովում Բերբերովին գործունեության մասին ոչինչ չգիտեմ, քանի որ մինչև նրա Էջմիածին գալը նրան չէի ճանաչում: Ավելին ցուցմունք տալ չեմ կարող:

Ընթերցված է:

Բնագիրը համապատասխան ստորագրություններով:

ՀԱԱ, ֆ. 1457, ց. 3, գ. 3, թ. 1625: Թարգմանություն ռուսերենից:

ԹԻՎ 16

**ՎԿԿՅԻ ՀԱՐՅԱՔՆՆՈՒԹՅԱՆ ԱՐՉԱՆԱԳ-
ՐՈՒԹՅՈՒՆ**

1910 թ. հունիսի 4: *Քաղաք Հին Ղրիմ:*

Թեոդոսիայի գավառի 2-րդ տրեդանսի Դատական Քննիչը Քրեական դատավարության կանոնադրության 712-րդ և 1037-րդ հոդվածների պահպանմամբ որպես վկայի հարցաքննեց ներքոսանվանյալին, և նա ցուցմունք տվեց.

Իսահակ վարդապետ Տեր-Միքայելյան⁴⁰, 42 տարեկան, հայ-գրիգորյան հավատքի, Հին Ղրիմ քաղաքին մերձակա Սբ. Խաչ վանքի վանահայր:

36 Տեր-Մինասյան Երվանդ Գալուստի (7.11.1879, գ. Զառիճ, Շիրակի մարզ - 12.07.1974, Երևան) - անվանի բանասեր, բանասիրության դոկտոր (1943), պրոֆեսոր (1945), ԶԽՍՀ գիտության վաստակավոր գործիչ (1964): 1910 թ. հրաժարվել է հոգևոր կոչումից: Եղել է Զայաստանյայց եկեղեցու արմատական բարեփոխման գաղափարախոսներից մեկը: 1956-1970 թթ. աշխատել է որպես ԶԶ ՊԱ Զր. Աճառյանի անվան Լեզվի ինստիտուտի բառարանագրության բաժնի վարիչ:

37 Բերբերյան Մինաս Դովհաննեսի (16.04.1871, Նոր Նախիջևան - 11.01.1919, Երևան) - հասարակական գործիչ, գրականագետ, մանկավարժ: Եղել է ԶՅԴ Նալբանդի (Նոր-Նախիջևան) կենտրոնական կոմիտեի անդամ: 1914 թ. ընտրվել է Զայոց Ազգային Բյուրոյի քարտուղար: 1918-1919 թթ. եղել է Զայաստանի առաջին Զանրապետության պետական վերահսկիչ: Մահացել է բժավոր տիֆից:

38 «Նոր դար» քաղաքական և գրական լրագիրը հրատարակվել է Թիֆլիսում 1883-1916 թթ., հրատարակիչը Սպանդար Սպանդարյանն էր:

39 Մաղաքիա արքեպիսկոպոս Օրմանյան (11.02.1841, Կ. Պոլիս - 6.11.1918, Կ. Պոլիս) - նշանավոր հոգևոր գործիչ, աստվածաբան, պատմաբան: 1881-1887 թթ. եղել է Կարնո թեմի առաջնորդը, աջակցել Կարնոի Սանասարյան վարժարանի բացմանը և «Պաշտպան հայրենյաց» կազմակերպության գործունեությանը: 1889-1896 թթ. եղել է Արմաշի վանահայր և կազմակերպել է տեղի հանրահայտ դպրոցները: 1896-1908 թթ. Կ. Պոլիս Զայոց պատրիարք: Գեղիցյանկել է «Զանապատուն» ու «Ազգապատուն» մեծարժեք աշխատությունները:

40 Տեր-Միքայելյան Իսահակ եպիսկոպոս (1868, գ. Բանանց, Զյուսիսային Արցախ - 1.03.1938): Եղել է Մայր Աթոռի միաբան: Չերքեզկավել է չեկյայի կողմից 1936թ.: 1937թ. հուլիսի 21-ին դատապարտվել է 5 տարվա աքսորի, մահացել է աքսորավայրում:

ԵՐԵՎԱՆԻ ԳՐԱԴԱՐԱՆ

1011 ապրիլ-հունիս, 2011

Գ (Թ) րարի, թիվ 2 (34) ապրիլ-հունիս, 2011

1906 թ. օգոստոսի 15-18-ին որպես պատգամավոր ներկա են եղել Էջմիածնի համագումարին: Այն ժամանակ են ծառայում էի Էջմիածնի վանքում: Համագումարի ծրագիրը բաղկացած էր երեք հարցից՝ հայկական եկեղեցական-ծխական դպրոցների կառավարում, եկեղեցական գույքի կառավարում, տարբեր պաշտոնների հոգևորականության ընտրվելու կարգ: Համագումարի նախագահ ընտրվեց Սիմոն Չավարյանը, տեղակալներ՝ Սամսոն Հարությունյանը⁴¹ և Ավետիս Սահակյանը⁴²: Ընթերցված ազգանուններից հիշում են Սիմոն Շխիյանցին⁴³, Արսեն վարդապետ Դլաթյանին⁴⁴ և Պողոս Չուբարյանին, ովքեր ընտրվեցին քարտուղարի տեղակալներ: «Դաշնակցություն» կուսակցությանն անդամակցում էին Եղիշե Թոփչյանը⁴⁵, Սիմոն Չավարյանը, Տաճատ վարդապետը, Արսեն վարդապետ Դլաթյանը, Լևոն Աթաբեկյանը⁴⁶, Հովհաննես Տեր-Մարտիրոսյանը⁴⁷, Համագասպ Օհանջանյանը⁴⁸, Սմբատ Խաչատրյանը: Այդ անձինք համագումարի նիստերին ելույթներում իրենց բացահայտ հայտարարեցին «Դաշնակցություն» կուսակցության կողմնակիցներ: Ելույթների տեքստերը հետո տպվեցին թերթերում: Այլ պատգամավորների շրջանում այդ անձանց որևէ հատուկ գործունեություն կամ քարոզչություն ինձ հայտնի չէ: Օգոստոսի 16-17-ի նախնական խորհրդակցության վերաբերյալ, որտեղ որոշվել էր լուծա-

րել եկեղեցիները որպես պետական հիմնարկություն⁴⁹, ոչինչ չգիտեմ: Օգոստոսի 18-ի նիստում են հետևյալ պատգամավորների հետ՝ Գևորգ Չորեքյան⁵⁰, Համբարձում Առաքելյան⁵¹, Սամսոն Հարությունյան, Գրիգոր Տեր-Գրիգորյան և Հարություն Թումանյան, հայտարարեցին, որ համագումարի պատգամավորների ընտրությունը և հենց համագումարը համարում ենք անօրինական և այսուհետ չենք կարող մասնակցել համագումարի աշխատանքներին, քանի որ մենք գտնում էինք, որ ընտրությունները և ինքը՝ համագումարը, գտնվում են «Դաշնակցություն» կուսակցությանը պատկանող մեծամասնության ճնշման ներքո: Տալով այդ հայտարարությունը՝ ես վեց ընկերների հետ լքեցի համագումարը: Ռուսաստանում ազատագրական շարժանը վերաբերող «Դաշնակցություն» կուսակցության բանաձևն ինձ հայտնի դարձավ հետո՝ թերթերից: Ես համագումարի նիստերին այլևս չեմ հաճախել: «Մշակ» թերթի խմբագրի ելույթը ինձ նույնպես հայտնի է միայն թերթերից: Նա ժամանել էր այն օրը, երբ մենք լքեցինք համագումարը:

Ընթերցված է:

Իսահակ վարդապետ Տեր-Միքայելյան:

Դատական Քննիչ (ստորագրություն):

Դատախազի տեղակալ (ստորագրություն):

ՀԱԱ, ֆ. 1457, ց. 3, գ. 4, թթ. 2883-2884:

Թարգմանություն ռուսերենից:

41 Հարությունյան Սամսոն (1869, գ. Գանձաքար, Իջևան - 1941) - անվանի հասարակական-քաղաքական գործիչ: Եղել է Կովկասի Հայոց բարեգործական ընկերության նախագահ, Ազգային Բյուրոյի նախագահ, Հայ ժողովրդական կուսակցության փոխնախագահ:

42 Ավետիս (Ավետիք) Սահակյանի դատական գործը տես «Վեմ», 2011, N 1, էջ 193-205:

43 Շխյան (Շխյանց) Սիմոն Գերասիմի (1865-1947) - 1890-ական թվականներից ժնկում սովորելու շրջանից, ակտիվորեն մասնակցել է ՀՀԴ գործունեությանը, եղել է Ռուստոմի մտերիմ ընկերը: Տես «Ռուստոմ: Նամականի». մահուան ութսունամեակին առթիւ, Պեյրուք, 1999, էջ 9-11: Այս շրջանում եղել է Ներսիսյան դպրոցի ուսուցիչ, զբաղվել գրական-քարզանչական աշխատանքով: Ձերբակալվել է լիժնյան գործով:

44 Նկատի ունի Արսեն վարդապետ Դլոճյանին (1868-1944):

45 Թոփչյան Եղիշե Թաղևոսի (1872-1909) - գրող, հրապարակախոս, խմբագիր, հասարակական-քաղաքական գործիչ: 1905 թ. Թիֆլիսում մասնակցել է հայ-թուրքական կռիվներին, 1907 թ. ՀՀԴ 4-րդ Ընդհանուր ժողովում ընտրվել Արևելյան Բյուրոյի անդամ:

46 Թերևս նկատի ունի Լևոն Աթաբեկյանին:

47 Տեր-Մարտիրոսյան Հովհաննես Գրիգորի - Ա-Դո (14.01.1867, Նոր Բայազետ - 7.02.1954, Երևան) - հայտնի գրող, վիճակագիր, հրապարակախոս:

48 Համագասպ Օհանջանյանի դատական գործը տես «Վեմ», 2009, N 2, էջ 144-170:

49 Նկատի ունի պետությունից եկեղեցու անջատումը:

50 Գևորգ Զ. Չորեքյան (2.12.1868, Նոր Նախիջևան - 9.05.1954, Էջմիածին) - 1913 թ. ձեռնարկվել է վարդապետ, 1917 թ.՝ եպիսկոպոս: 1915 թ. եղել է «Եղբայրական օգնության հանձնաժողով»-ի անդամ, 1916-ից՝ նախագահ, 1922-1927 թթ.՝ Վրաստանի թեմի առաջնորդ, 1938-ից ղեկավարել է Հայաստանյայց եկեղեցու գործերը, 1941-ից՝ կաթողիկոսական տեղապահ: Ամենայն Հայոց կաթողիկոս՝ 1945-1954 թթ.:

51 Առաքելյան Համբարձում Աստվածատուրի (29.04.1855, Շուշի - 6.07.1918, Թիֆլիս) - անվանի հասարակական-քաղաքական գործիչ, հրապարակախոս, գրող, խմբագիր, արևելագետ: 1913-1918 թթ.՝ «Մշակ» թերթի հրատարակիչ-խմբագիր:

ՎԱՎԵՐԱԳՐԵՐ

ՀՅ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

ՀՅԴ մարտական կազմակերպության անվանացանկը՝ ըստ դատական որոշման

«ՎԷՄ» հանդեսն իր տպագրության վերսկսման պահից հրապարակում է ՀՅԴ Մեծ կամ «լիժինյան» դատավարության նյութերի մեկնաբանված-ծանոթագրված թարգմանությունները: Սակայն, մինչ օրս, դրանք ներառել են միայն ՀՅԴ անվանի դեմքերի անհատական գործերը, որի հետևանքով լրացվել ու ամբողջացվել են վերջիններիս վերաբերող նյութերն ու փաստաթղթերը:

Ներկա հրապարակմամբ ընթերցողի ուշադրության ենք ներկայացնում ՀՅԴ այն քաղաքական և մարտական գործիչների **ընդհանրական դատական գործը**, ովքեր ներգրավված են եղել 1905 թվականից Ռուսաստանյան կայսրության տարածքում ծավալված հեղափոխական պայքարի մեջ: Ուստի ներկայացվող փաստաթղթում տրվում են այդ ասպարեզում առավել աչքի ընկած դաշնակցականների հակիրճ բնութագրերը, թվարկվում են նրանց կատարած «հանցանքները» և վերջապես՝ շարադրվում է մեղադրական եզրակացությունը:

Ինչ խոսք, Ն. Լիժինի դատական որոշումը չի ընդգրկել Ռուսաստանյան կայսրության տարածքի ՀՅԴ բոլոր հայտնի գործիչներին, առավել ևս՝ կուսակցության շարքային անդամների մեծագույն մասին, սակայն այս գործում որպես մեղադրյալներ հանդես են գալիս ինչպես հեղափոխական պայքարի դաշնակցական առաջնորդները, այնպես էլ ժամանակի հեռավորության ու համապատասխան նյութերի բացակայության պատճառով ուսումնասիրողներին անձանոթ մնացած՝ ՀՅԴ կազմակերպական կառույցի ու մանավանդ՝ նրա մարտական թևի ներկայացուցիչները:

Առաջինների շարքում բավական է հիշատակել ընդամենը մի քանի անուններ՝ Ռոստոմ, Համո Օհանջանյան, Ավետիս Ահարոնյան, Հարություն Շահրիկյան, Միսոն Վրացյան: Վերջիններս ղեկավար դեր են խաղացել կուսակցության մարտական-հեղափոխական գործունեությունն ուղղորդելու հարցում, ուստիև հայտնվել են լիժինների տեսադաշտում:

Սակայն ներկայացվող ընդհանրական դատական գործը է՛լ ավելի կարևոր սկզբնաղբյուր է մինչ օրս մույնիսկ մասնագետ-պատմաբանների համար անհայտ՝

* ՀՅԴ Մեծ դատավարության թղթածրարների հրապարակման գործընթացը մտնում է եզրափակիչ փուլ: Ներկա և հաջորդ համարներում «ՎԷՄ» հանդեսը ներկայացնելու է Ն. Լիժինի դատական որոշման մեջ ներառված ՀՅԴ մարտական կազմակերպության անդամների մի մասի անվանացանկը, որից հետո հրապարակվելու են մասնույն դատավարությամբ անցած գործերի ու մտավորականների գործերը: Դրանցից ընթերցողին առայժմ հայտնի է միայն Հովհաննես Թումանյանի թղթածրարը («ՎԷՄ», 2009, N 1): Խմբ.: Ընդունվել է տպագրության 15.09.2011:

111 հոլիս-սեպտեմբեր, 2011 Գ (10) Կարի, քիվ 3 (35)

ՎԷՄ համահայկական հանդես

ցարական պաշտոնյաների ու դավաճանների ահաբեկմամբ զբաղված բազմաթիվ նվիրյալների մասին Օխրանայի հավաքած խիստ արժեքավոր տեղեկատվության համատեքստում: Վերջիններիս անսահման եռանդի և ինքնագոհության մասին վկայող փաստերը թույլ են տալիս բացահայտել գործիչների այն շրջանակը, որոնց միջոցով, Ռուսական առաջին հեղափոխության տարիներին ՀՅԴ-ն կարողացավ դիմակայել ցարական վարչակազմի հարվածներին և կազմակերպել արևելահայության ինքնապաշտպանությունը:

Այս կապակցությամբ հարկ ենք համարում նաև ընթերցողներին զգուշացնել, որ կուսակցական աստիճանակարգում ՀՅԴ գործիչներին լիժինների կողմից տրված անտեղի և անհասկանալի բնորոշումները, օրինակ՝ «գլխավոր անդամ» կամ՝ «ահաբեկիչների պետ» և այլն, շատ դեպքերում պետք է բացատրել ցարական քննիչների միտումնավորությամբ կամ էլ պարզ անգրագիտությամբ:

Ներկայացվող ընդհանրական որոշմամբ լիժինները նպատակ են ունեցել ի ցույց դնել մանավանդ՝ ՀՅԴ մարտական կազմակերպության ողջ «ահավորությունը»: Սակայն նման «ծառայողական ջանասիրությունը» ակամայից նպաստել է կուսակցության հզոր կառույցի առկայության՝ ակնհայտ փաստի ապացուցմանը:

Ստորև հրապարակվող որոշմամբ ցարական դատական մարմինները նպատակադրվել էին բացահայտել ՀՅԴ Արևելյան Բյուրոյի, «Ահաբեկչական գործադիր խորհրդի», կենտրոնական կոմիտեների, ենթակոմիտեների և խմբերի այն գործուն անդամների կազմը, որոնք կայսրության տարածքում զբաղվել են մարտական-հեղափոխական գործունեությամբ: Ընթերցողն ինքը կարող է համոզվել վերջիններիս պարզ «ահաբեկիչների» շարքը դասելու լիժինյան նպատակադրման սին լինելու մեջ, միաժամանակ հնարավորություն ստանալով առարկայական պատկերացում կազմելու իրենց կյանքը արևելահայերի ինքնապաշտպանության և արևմտահայերի ազատագրության գործին նվիրած մեծ թվով **խոնարհ հերոսների** մասին:

Ավագ Ա. Հարությունյան
Պապուս. գիրք. թեկնածու

THE FILES OF THE GREAT TRIAL OF ARF (DASHNAKTSUTYUN)

The list of the ARF's military organization according to the court
decision

Avag A. Harutyunyan

ՈՐՈՇՈՒՄ՝

1909 թվական, մարտի 13-ից ապրիլի 20: Քաղաք Նովոչերկասկ:

Նովոչերկասկի օկրուգային դատարանին կից հատուկ կարևորության գործերով Դատական Քննիչը, դիտարկելով իր վարած նախաքննությունը հայ հեղափոխական «Դաշնակցություն» կուսակցություն հանցավոր ընկերակցության գործով, ԳՏԱՎ.

Որ 1908 թ. օգոստոսի 17-ի, հոկտեմբերի 28-ի և 1909 թ. փետրվարի 4-ի որոշումներում² մանրամասն դիտարկված են 1906-1907թթ. [ՀՅԳ] համագումարների [ընդհանուր ժողովների] կողմից հաստատված վերոնմանյալ «Դաշնակցություն» հեղափոխական կուսակցության կանոնադրությունն ու ծրագիրը, և ցույց են տրված նրա կազմի մեջ մտնող բարձրագույն, միջին և ստորին կարգադիր ռու գործադիր մարմինները՝ Ռուսական պետության մեջ դրանցից յուրաքանչյուրին ենթակա հակառակադարակա գործունեության նպատակների նշումով (քննադիր գործի թերթեր 478-488, 1303, 1332, 4574-4606): Նշյալ կուսակցության բարձրագույն մարմիններին են պատկանում Թիֆլիսում գտնվող «Արևելյան Բյուրոն» և նրան կից գործող «Ահաբեկիչ-Մարմնի»³ գործունյա գործադիր ահաբեկչական խորհուրդը՝ ահաբեկիչների գլխավոր ջոկատով («ահաբեկման ջոկատ»), «ահաբեկում տարածող ջոկատ»), միջին օղակներն են՝ տասնմեկ կենտրոնական կոմիտեները Թիֆլիսում, Բաքվում, Ելիզավետպոլում, Երևանում, Բաթումում, Կարսում, Շու-

շիում, Ալեքսանդրապոլում, Վլադիկավկազում, Դոնի Նախիջևանում և Օդեսայում, յուրաքանչյուրին կից՝ մահվան դատավճիռների իրականացման համար ահաբեկիչների հատուկ ջոկատներով, վերջապես, ստորին մարմիններով՝ կոմիտեներ, ենթակոմիտեներ, խմբեր⁴ և արհմիություններ ու կազմակերպություններ:

Ռուսական պետության մեջ նշյալ կուսակցության բոլոր կոմիտեներն ավելի քան հարյուր հիսուն են⁵, ընդ որում՝ Ս. Պետերբուրգում կոմիտեն կոչվում է «Ուխտավայր», իսկ Մոսկվայում՝ «Եկեղեցի» (քննադիր գործի թերթեր 477-488, 1304-1332, 4574-4606 և 5204):

Նախաքննության տվյալներով, բացի նախորդ որոշումներում ցույց տրված այդ կուսակցության գործիչներից, միանգամայն բացահայտվել է Արևելյան Բյուրոյի, «Գործադիր ահաբեկչական խորհուրդի», կենտրոնական կոմիտեների, ենթակոմիտեների և խմբերի անդամների հետևյալ կազմը.

Ա. ԱՐԵՎԵԼՅԱՆ ԲՅՈՒՐՈ.

ԱՀԱՐՈՆՅԱՆ ԱՎԵՏԻՍ⁶ (կուսակցական ծածկանունը՝ «Ղարիբ») – Թիֆլիսի հայկական Ներսիսյան դպրոցի տեսուչ: Դրանից զատ նա «Գործադիր ահաբեկչական խորհուրդի»⁷ անդամ է, և ինչպես երևում է 1905 թ. նոյեմբերի 13-30-ի կուսակցության շրջանային ժողովի սղագրական որոշումներից՝ նա այդ ժողովում կուսակցության անդամների հեղափոխական գործունեության, ծրագրի, ռուսական պետության մեջ կառավարող իշխանության

ԵՐԵՎԱՆԻ ԴՆԵՐ

1011 հունիս-սեպտեմբեր, 2011 Գ. (Թ) Կոպրի, թիվ 3 (35)

ԿԵՆՏՐՈՆԱԿԱՆ ԿԱԶՄԻՆԵՐ

1 Այս որոշումն ընդգրկված է քննադիր դատական գործի 16-րդ հատորում:
2 Նկատի ունի քննչական մարմնի որոշումները:
3 Անվանումը ռուսերեն տառերով հենց այսպես է գրված, բայց խոսքն, անկասկած, ՀՅԳ 4-րդ Ընդհանուր ժողովի որոշմամբ ստեղծված «Տեղորական Գործուն Կոմիտեի» մասին է: Տես «Նիւթեր Հ.Յ.Դաշնակցութեան պատմութեան համար», հատոր Գ., էջ 302:
4 Ըստ ՀՅԳ 3-րդ Ընդհանուր ժողովի որոշման՝ 1904-1906 թթ. այս կառույցներն ունեին քանակական հետևյալ կազմը. խումբ - 7 անդամ, ենթակոմիտե - 5 խումբ (35 անդամ), կոմիտե - 5 ենթակոմիտե (175 անդամ), կենտրոնական կոմիտե - 5 կոմիտե (875 անդամ): Իսկ արդեն Վիեննայի (1907 թ.) Ընդհանուր ժողովից հետո պատկերն այսպիսին էր. ենթակոմիտե - 50 անդամ, կոմիտե - 200, կենտրոնական կոմիտե - 1000: Տես Տասնպետեան Հրաչ, Դ. Հ. Դաշնակցութեան կազմակերպական կառույցի հոլովոյթը, Պլյուսք, 1985, էջ 40:
5 Եթե հիմք ընդունենք լիժնյան այս պնդումը, ապա Ռուսաստանյան կայսրության տարածքում պետք է հաշվարկել ավելի քան 26.000 ՀՅԳ անդամ, ինչն, անշուշտ, չի համապատասխանում իրականությանը և վկայում է այն մասին, որ ՀՅԳ կազմակերպության անդամների ճնշող մեծամասնությունը այդպես էլ չէր բացահայտվել ցարական իշխանությունների կողմից:
6 Սևարոնյան Ավետիս Առաքելի (1866, Իգդիր-20.03.1948, Մարսել) – անվանի հասարակական-պետական գործիչ, նշանավոր գրող: 1907-1909 թթ. եղել է Թիֆլիսի Ներսիսյան դպրոցի տեսուչ: 1909-1911թթ. ձերբակալվել է լիժնյան գործով: 1919-1920 թթ. եղել է ՀՀ հորհրդարանի նախագահ, 1920 թ. որպես ՀՀ պատվիրակության նախագահ ստորագրել է Արի պայմանագիրը:
7 Նկատի ունի գործում նշվող ՀՅԳ Արևելյան Բյուրոյին կից «Ահաբեկիչ-Մարմնի» խորհուրդը:

դեմ պայքարի համար հայերի զինման հարցերի քննարկման առնչությամբ ակտիվ մասնակցություն է ունեցել: Որպես կուսակցության բյուրոյի անդամի՝ Ահարոնյանի մասնակցությունը հաստատվում է Եղիզարովների⁸ գրասենյակում խուզարկությանը գտնված փաստաթղթերով, առաջին հերթին՝ «Հայ յեղափոխական «Դաշնակցություն» կուսակցության Արևելյան Բյուրոյի» շրջաբերականի մեքենագիր օրինակով, և [ՀՅԴ Արևելյան Բյուրոյի] անդամ Ահարոնյանի ստորագրությամբ 1906 թ. նոյեմբերի 30-ից «Գործադիր ահաբեկչական խորհրդի» անդամ և «Ահաբեկիչ-Մարմնին» կից ահաբեկիչների ջոկատի գլխավոր կարգադրիչ Սաքո Մեղավորյանի անունով գրությամբ, որը վերաբերում է Մխիթարյանցի և Սևբուրակի կողմից ինքնակամ վերցված կուսակցական զենքերի, դաշույնների, փամփուշտների և այլնի ետ խլմանը: Երկրորդ, 1905-1906 թթ. զենքի զննման մասին [ՀՅԴ] «Դազախի» («Չականա») [Բարանա՞] շրջանի կուսակցական հաշվետվության գրառումներով, որտեղ նշվում է Ահարոնյանին տրված 2820 ռուբլի գումար (բնագիր գործի թերթեր 2312, 2342, 2334 հակ., 2349 հակ., 2386-2390, 3558-3561, 4497-4498, 5164 և հակ.):

ՕՆԸՆՁԱՆՅԱՆՑ ՀԱՄԱՉԱՊՊ⁹ (կուսակցական կեղծանունները «Համո»՝ որպես Բյուրոյի անդամ, «Մ-յան», «Մեեր» և «Մեերյան»՝ որպես կուսակցական քարոզիչ) – բժիշկ: [ՀՅԴ] Բյուրոյի անդամ, կուսակցության մեջ քարոզչական գործունեության պատասխանատու: 1905 թ. նոյեմբերի 13-ից առ 30-ը վերոնշյալ մատյանային որոշումներից¹⁰ հետևում է, որ նշյալ Օհանջանյանը («Համո» կուսակցական ծածկանունով) գործուն մասնակցությամբ

յուն է ունեցել ժողովում՝ պնդելով Կովկասին ինքնավարություն [տալու], դաշնային-ժողովրդավարական հանրապետության հիմնման, ռուսական կառավարության դեմ պատերազմ մղելու, զինման միջոցով կառավարության դեմ զանգվածների պայքարի ուժեղացման, հանրահավաքների կազմակերպման, նրանց ընթացքում այդ մասին քարոզելու վրա: 1906 թ. փետրվարի 28-ի [ՀՅԴ] կուսակցության [Արևելյան] Բյուրոյի հաշվետվության մեջ նշված է Օհանջանյանի կողմից այդ առթիվ 15 ռուբլի մուծման մասին: 1906 թ. հուլիսի 17-18-ի [ՀՅԴ] Վլադիկավկազի կենտրոնական կոմիտեի որոշումներից հետևում է, որ նշյալ նիստում որոշվել է վարել ճշմարիտ հեղափոխական քարոզչություն Վլադիկավկազի կենտրոնական կոմիտեի շրջանի հայկական դպրոցներում և այդ առթիվ Արևելյան Բյուրոյի միջոցով դիմել նրա անդամ «Մեերին»: Համաձայն այդ որոշման [ՀՅԴ Վլադիկավկազի] կենտրոնական կոմիտեի նախագահ Արտաշես Չիլիգարյանի («Դարբին Ռուբեն»¹¹) կողմից նույն հուլիսի 19-ին [Արևելյան] Բյուրո՝ «Մեերյանին», հաղորդագրություն է առաքվել նշյալ շրջանի հայկական դպրոցների համար ուսուցիչ-քարոզիչների շուտափույթ ուղարկման մասին: Առգրավված հեռագրերով բացահայտվել է, որ Օհանջանյանը գործուն մասնակցություն է ունեցել «Միհրանի»¹² նկատմամբ [ՀՅԴ] կուսակցության մահվան դատավճռի իրականացման մեջ, քանզի «Միհրանի» գտնվելու վայրի մասին հաղորդման հիման վրա պահանջել է նրա մասին տեղեկություններ կուսակցության այլ անդամների՝ Լեռնիդի (Թայիրյանի), «Արտավազի», «Մեղավորյանի» նման, կարգադրել է ահաբեկիչների ուղարկման և այլնի մասին:

8 Եղիզարովների մասին տես հետագա շարադրանքում:

9 Գ. Օհանջանյանի դատական գործի մասին մանրամասն տես «ՎԷՄ», 2009, հուլիս-սեպտեմբեր, թ. 2, էջ 144-170:

10 Նկատի ունի ՀՅԴ մարմինների որոշումները:

11 Անունը ռուսերեն տառերով հենց այսպես է գրված, ինչը «Ռուբեն Դարբինյան» կեղծանունի կրճատված ու շրջված տարբերակն է:

12 Այսուհետ Միհրանի անունը չակերտներում է նշված: Միհրանի ահաբեկման փորձը տեղի է ունեցել 1907 թ. հունիսի 10-ին՝ Արմավիրում (Յուսիսային Կովկաս) համաձայն ՀՅԴ 4-րդ Ընդհանուր ժողովի որոշման: Սակայն նա սպանվել է 1910 թ. սեպտեմբերին 20-ամյա «Միշայի» (Դալի Դազարի) կողմից: Վերջինս ոստիկանության հետապնդումներից խույս տալով՝ ապաստանել է այդ ժամանակ Ռոստովում գտնվող Գ. Օհանջանյանի մտերիմ Ռուբինայի մոտ: Այստեղ տեղին է ներկայացնել Միհրանի մասին ՀՅԴ Վիեննայի Ընդհանուր ժողովի կողմից (մեկ ձեռնպահով) ընդունված որոշումը. «1. Համարել Միհրանի և իր գործակիցներու վարմունքը ծանր հանցանք կազմակերպության և նրա պաշտպանած թուրքահայ դատի դեմ և այդ հիման վրա ճանաչել նրանց արտաքսված Դաշնակցության շարքերից, 2. Հանձնարարել պատշաճ մարմնին կազմակերպության կանոններով նախատեսված պատիժին ենթարկելու Միհրանը և իր գործակիցները»: Տես Պատմագրություն Հայ Յեղափոխական Դաշնակցութեան, հտ. գ., ա. տ., ա. թ., էջ 128:

Այսպես, Օհանջանյանցի («Մեքայան») Թիֆլիսից Պյատիգորսկ՝ բժիշկ Մուրադովին [Մինաս Մուրադյան] 1907 թ. հունիսի 12-ի թ. 6120 հեռագրով և նույն ամսաթվով թ. 2173 հեռագրով՝ Մուրադովը, հաղորդելով «Միհրանի» առողջական վիճակի և նրա առողջացման մասին, խնդրում է «Մեքայանին» «Միհրանի» նկատմամբ [մահվան] վճռի իրականացումը նորից ի կատար ածելու համար ուղարկել [ՀՅԳ] Բաբվի կենտրոնական կոմիտեի փորձառու ահաբեկիչների: Օհանջանյանցը, Մուրադովից ստանալով հունիսի 14-ի թ. 2598 հեռագիրը [ՀՅԳ] Արմավիրի ենթակոմիտեին օգնություն ցուցաբերելու մասին՝ վերջինիս նոտ դրամի և ահաբեկիչների բացակայության պատճառով, նույն ամսվա 15-ի թ. 7628 հեռագրով Մուրադովին տեղեկացրել է, որ կարգադրություններն արված են, իսկ Մուրադովը նույն ամսաթվի թ. 2785 հեռագրով խնդրում է Օհանջանյանցին հաղորդել ահաբեկիչների մեկնելու օրվա մասին, որպեսզի նրանց դիմավորի Պյատիգորսկի կայարանում: Հունիսի 25-ի և հուլիսի 4-ի թթ. 12755 և 20001 հեռագրերով Օհանջանյանցը կարգադրում է Ս. Պետերբուրգի [ՀՅԳ] տեղական կոմիտեի անդամ [Դավիթ] Չավրիսին, որպեսզի վերջինս իր կարգադրությունը փոխանցի [Պետական] Դումայի և կուսակցության անդամ Սաղաթելյանին¹³, ձեռնպահ մնալ նոր հեղափոխական «Անջատականներ»¹⁴ կուսակցության հետ միավորվելու առթիվ փոխզիջումից և բանակցություններից, ինչը պետք է լինի ողջ [ՀՅԳ] կուսակցության ժողովի քննարկման առարկան: 1907 թ. օգոստոսի 9-ի, 10-ի և 11-ի թթ. 1232, 1549 և 1594 հեռագրերում [ՀՅԳ]

Բաթումի կենտրոնական կոմիտեի անդամ Արմեն Նավյանը հաղորդում է Օհանջանյանցին, որ «Միհրանը» եղել է Նովոռոսիսկում, ապա մեկնել է Յաթա, և անհրաժեշտ է կարգադրել նրա նկատմամբ վճռը իրականացնել հետևյալ հասցեով. «Յաթա, շուկա, Արմենակին ...»¹⁵: Այդպիսի հաղորդումների հիման վրա Օհանջանյանցը նույն ամսի 15-ի թ. 6546 հեռագրով կարգադրություն է հղում Բաբու, որպեսզի Լևոն Թադևոսյանը անմիջապես այդ նպատակի համար ուղարկի Վարդան Արզումանյանին, դրանից բացի՝ նույն թվի հունիսի 8-ի և 14-ի թթ. 700 և 1138 հեռագրերով Երևանից՝ անհայտ մեկից, [ՀՅԳ] կուսակցության [Արևելյան] Բյուրոյի հասցեով («Ժայռ»-ի¹⁶ խմբագրություն) Օհանջանյանցին խնդրում են ուղարկել ինչ-որ կուսակցական թղթեր: 1907 թ. հոկտեմբերի 7-ի ուղարկման պատրաստված և ուստիկանության կողմից ազգրավված մամուլում [ՀՅԳ] Դոնի Նախիջևանի կենտրոնական կոմիտեի անդամ, «Նոր կյանք»¹⁷ հայկական թերթի խմբագիր Ղարազյուլյանը (Խաչե=Խլեբնիկով)¹⁸ հաղորդում է Օհանջանյանցին և կուսակցության անդամ Աբովյանին 1907 թ. դեկտեմբերին և 1908 թ. հունվարին Դոնի Ռոստովում և Ս. Պետերբուրգում նախատեսվող կուսակցական ժողովների մասին (քննադիր գործի թերթեր 475, 909, 1011 հակ., 1012 հակ., 1015 հակ., 1021, 1035 հակ., 1036, 1036 հակ., 1064 հակ., 2340-2343 հակ., 2364, 3599, 3685,3698, 3602 հակ., 5148-5149, 5154-5157, 5160-5164 հակ., 5198, 5203-5204 հակ.):

ՉՈՐՅԱՆ ԱՏԵՓԱՆ (կուսակցական ծածկանունը՝ «Ռոստոմ», «Ռոստոմյանց»): Լինելով [ՀՅԳ- Արևելյան] Բյուրոյի¹⁹ անդամ՝ նա

ԵՐԵՎԱՆԻ ԵՄԵՐՍՈՎԻ ԿՈՄԻՏԵ

1911 թ. հունիսի 15-ից 1912 թ. հունիսի 15-ը

Գ. (Թ) Կարի, թիվ 3 (35) հուլիս-սեպտեմբեր, 2011

13 Դովհաննես Չակոբի Սաղաթելյան (1871-1936) – 2-րդ և 3-րդ Պետական Դումաների պատգամավոր: 2-րդ Պետական Դումայում գործող հինգ պատգամավորներից երեքը՝ Գ. Սաղաթելյան, Ս. Տիգրանյան, Գ. Տեր-Ավետիսյան, ԳՅԴ ընտրյալներն էին: Չետագայում եղել է Ռուսական կամավորական բանակի և Կուբանի կառավարության մոտ ԳՅ ներկայացուցիչը:

14 Նշյալ ժամանակահատվածում ԳՅԴ-ից տարանջատվել էին երկու ծայրահեղ թևերի ներկայացուցիչները՝ ձախ-անջատականները Լևոն Աթաբեկյանի և Արսեն Ամիրյանի (Մրավյան) ղեկավարությամբ (տես Վահե, Անջատուածները, «Յառաջ» գրադարան մատ-շար, N 47, Թիֆլիս, տպ. «Չերմես», 1907, 43 էջ) և աջ-ազգայնականները՝ խմբապետ Միհրանի գլխավորությամբ: Առաջինը շուտով վերածվեց առանձին ձախիկ-սոցիալիստական կուսակցության, իսկ երկրորդը՝ հակադաշնակցական աղանդի, և, ի վերջո, իր առաջնորդի պատուհասումից հետո մարեց:

15 Այսպես է տեքստում:

16 «Ժայռ» հասարակական, քաղաքական, տնտեսական օրաթերթը հրատարակվել է Թիֆլիսում 1907-1908 թթ.: Խմբագիր-հրատարակիչը Սամսոն Ղազարյանն էր, ապա՝ Արշակ Ղազարյանը:

17 «Նոր կյանք» գրական և քաղաքական շաբաթաթերթը հրատարակվել է Նոր-Նախիջևանում 1906-1907 թթ.: Խմբագիրը Գր. Անուխյանն էր, ապա՝ Գ. Խարազյուլյանը:

18 Գիշտը՝ Դովհաննես Խարազյուլյան:

19 Այսուհետ Բյուրո ասելով՝ դատական գործում նկատի է առնվում միայն Արևելյանը:

ՎԵՐ ԿԱՆԱԿԱՅԻՆ ԿԱՆՈՆԵՆ

կուսակցության ղեկավարներից մեկն է: Երևանում կուսակցական գործերի վիճակի մասին Բյուրոյի անդամներին «Ֆար-Շաք»²⁰ ստորագրությամբ [ՀՅԴ] Երևանի կենտրոնական կոմիտեի անդամի 1906 թ. օգոստոսի 2-ի նամակում նշվում է այդ գործերի առթիվ «Ռոստոմի» կարգադրության և այդ կապակցությամբ՝ «Մուշեղին» «Ռոստոմի» հանձնարարության մասին: Ստեփան Ջոռյանը 1907 թ. օգոստոսի 23-ի Թիֆլիսից Երևան N 10567 հեռագրով այժմ հանգուցյալ, Երևանի կոմիտեի անդամ Մուրեն Այվազյանին հրահանգում էր կուսակցական գործերով անհապաղ Թիֆլիս ուղարկել Բաթումի կենտրոնական կոմիտեին կից ահաբեկիչների և զինվորների պետ «Հաջի Հակոբին» (Հաջի Մուղղուսի Հակոբ Ավետիսյան), իսկ օգոստոսի 28-ի Նոր-Բայազետ հղած N. 1297 հեռագրով նա պահանջում էր, որպեսզի կուսակցության անդամ Հովհաննես Յուսուֆյանն անհապաղ ժամանի Թիֆլիս (բնագիր գործի թերթեր 1022, 1023, 2342, 2343 հակ., 3882 հակ., 4498):

ՇԱՀԻԿՅԱՆ ՀԱՐՈՒԹՅՈՒՆ ԻՎԱՆԻ

[Հովհաննեսի]²¹ (նույն ինքը՝ Շահիկյան, կուսակցական ծածկանունը՝ «Պարթև») – Արևելյան Բյուրոյի գլխավոր անդամ և «Գործադիր ահաբեկչական խորհրդի» («Ահաբեկիչ-Մարմին») ու Բաքվի կենտրոնական կոմիտեի անդամ: Նրա կարգադրությամբ Բյուրոյի անունից, մահվան սպառնալիքի տակ, հարուստ հայերից մեծ չափերի հարկադիր դրամահավաքներ են կատարվել: 1906 թ. նա կուսակցության այլ անդամների հետ Ռոստով, Դոնի Նախիջևան և Արմավիր քաղաքներում մեծահարուստ հայ առևտրականներից մեծ չափերի դրամահավաք է կատարել: Նույն թվի հուլիսին կուսակցության Բյուրոյի պահանջով 10.000 ռուբլի հանձնելու առաջարկը մերժելու համար Արմավիրում նրա կարգադրությամբ, նրա իսկ ահաբեկիչների կողմից սպանվել է տեղի վաճառական Վասիլի Շահնազարովը: 1907 թ. օգոստոսի 18-ին ահաբեկիչների ջոկա-

տի պետ Համբարձում Աղաջանյանը («Կարո»), ում «Ահաբեկիչ-Մարմնի» կողմից հանձնարարվել էր Յալթայում «Միհրանի» նկատմամբ մահապատիժ իրականացնել, Յալթայից Բաքու, Շահիկյանին N 4079 հեռագրով հաղորդել է երկու ահաբեկիչների անհապաղ Յալթա ուղարկման մասին, քանի որ հարմար առիթ էր ստեղծվել նշյալ մահապատժի իրականացման համար, իսկ օգոստոսի 25-ի N 5736 հեռագրով խնդրել էր Շահիկյանին ուղարկել 300 ռուբլի նշյալ մահապատժի իրականացման հետ կապված ծախսերը հոգալու համար, և օգոստոսի 28-ի N 1605 հեռագրով Շահիկյանը Յալթա «Կարոյին» նշյալ նպատակի համար ուղարկել է այդ գումարը: 1906 թ. հուլիսի 24-ին «Պարթև» ստորագրությամբ Արմավիրից Թիֆլիս ուղարկված նամակից երևում է, որ Շահիկյանը նշյալ ժամանակ Արմավիրում կուսակցության բյուրոյի օգտին իրականացրել է ավելի քան 40.000 ռուբլի դրամահավաք, որից 5.000 ռուբլի Ազով-Դոնյան հողային բանկի միջոցով փոխանցվել է Թիֆլիս Ալեքսանդր Մելիք-Ազարյանի անունով բյուրոյին հանձնելու համար, իսկ մնացածը փոխանցվել է «Գագիկ» անունով կուսակցության անդամին (բնագիր գործի թերթեր 475 հակ., 476, 1020, 1208 հակ., 2341 և հակ., 2344, 2355 հակ., 2365, 2498, 3549 հակ., 3550 և 4479):

ԲԱՍՏՐԱՆՁՅԱՆ ԳԱՐԵԳԻՆ²²

(կուսակցական ծածկանունը՝ «Գարո») – լեռնային ինժեներ, Արևելյան Բյուրոյի պահեստային²³ անդամ, Թիֆլիսի կենտրոնական կոմիտեի անդամ և ողջ կուսակցության ահաբեկիչների գլխավոր ղեկավարներից մեկը: 1907 թ. հուլիսի 14-ին N 593 հեռագրով Ելիզավետպոլի կոմիտեի անդամ և ահաբեկիչների ղեկավար «Շահենը» Թիֆլիս՝ Բաստրանջյանին, կուսակցական «Խարիսխ» թերթի հասցեով հաղորդել է, որ կուսակցության համակիրները իր ցանկությանը հակառակ իրեն թույլ չեն տալիս տեղեկացնել նրան, իսկ հուլիսի 21-ի N 8853 հեռագրով Թիֆլիսի կենտրոնական կոմիտեի անդամ

20 Դավանաբար, պետք է լինի «Ֆար-Ֆատ» - Սարգիս Օհանջանյան:
 21 Գարուբյուն Շահիկյանը («Լիթրա», «Ատոմ») (1860-1915) – ԴՅԴ անվանի գործիչ, հրապարակախոս: Ծնվել է Շապին Գարահիսարում: ԴՅԴ Արևելյան Բյուրոյի անդամ, զարգափարախոս, մի շարք գրքերի հեղինակ: Մեծ եղեռնի զոհ:
 22 Արմեն Գարո (Գարեգին Փաստրնաճյան) (9.02.1872, Կարին-23.03.1923) – հայ ազգային-ազատագրական շարժման անվանի գործիչ: 1894 թ. անդամագրվել է ԴՅԴ-ին: «Բանկ Օտոմանի» գործողության ղեկավարներից: 1905-1906 թթ. Թիֆլիսի հայության ինքնապաշտպանության ղեկավարներից: 1920թ. եղել է ԴՅ դեսպանը ԱՄՆում, ապա «Նեմեսիս» գործողության պատասխանատու մարմնի ղեկավարը:
 23 Այսպիսի ձևակերպումը դատական քննիչներինն է, քանի որ դաշնակցական գրականության մեջ կիրառվում է «փոխանդամ» հասկացությունը:

Արտեմ Թայրյանը Բաստրմաշյանին կուսակցական գործերով անհապաղ հրավիրում էր ժամանել Թիֆլիս: 1905 թ. նոյեմբերի 13-30-ի վերոնշյալ կուսակցական շրջանային ժողովի սղագրական որոշումները վկայում են, որ Բաստրմաշյանը («Գարո») ներկա է եղել այդ ժողովին որպես պատգամավոր: Նա ժողովում զեկուցել է, որ ընկերակցության մյուս անդամների հետ «Դաշնակցություն» կուսակցության համար զենքի ձեռքբերման միջոցով է եղել և ժողովներում ապացուցել է, որ ռուսական կառավարության դեմ պայքարի համար հարկավոր է թաթար բնակչության շրջանում հեղափոխական քարոզչություն մղել և հայերին համախմբված զանգվածներով հավաքել, դրանով Անդրկովկասը ապագա դաշնության [ֆեդերացիա] համար պատրաստելով, և որ կառավարության դեմ պայքարի համար հարկավոր է համապատասխան հեղափոխական մարտավարություն ընտրել և ուժերը մատակարարաստել, որպեսզի բռնապետության [ռեակցիա] հարվածներին ի գործ լինեն հակադարձել (բնագիր գործի թերթեր 1016 հակ., 2200, 2325, 2325 հակ., 2343 հակ., 2359 հակ., 5131, 5136, 5146 հակ., 5155 հակ., 5160):

ՄՈՒԲԱԳՈՎ ՄԻՆԱՍ ԻՎԱՆԻ (Մուրադյան)²⁴ (կուսակցական ծածկանունը՝ «Մյմուռյան», «Միմոնյանց», «Արա») – բժիշկ, Բյուրոյի գլխավոր անդամներից մեկը: Նրա միջոցով Կովկասում «Դաշնակցություն» կուսակցության բոլոր կոմիտեները կապվել-հաղորդակցվել են նույն կուսակցության արտասահմանյան հայկական հեղափոխական կոմիտեների հետ: 1905-1907 թթ. նա Թիֆլիսում եղել է կուսակցական «Երկիր» թերթի խմբագիրը և ողջ կուսակցության գլխավոր զանձապահը, այնպես որ նրա տրամադրության ներքո 1905-1907 թթ. գտնվել է 2.000.000 ռուբլի²⁵ կուսակցական գումար: 1905-1907 թթ. նա Պետական Դոմայի և «Դաշնակցություն» կուսակցության անդամ Իվան [Հովհաննես] Մաղաթելյանի հետ [միասին] «Դաշնակցություն» կուսակցության հին ներկայացուցիչների²⁶ հետ

պայքարի ժամանակ, որպեսզի վերջիններիս գրկի հայ բնակչության շրջանում գործելու հնարավորությունից, կուսակցական գումարների օգնությամբ հասավ նրան, որ Թիֆլիսի կենտրոնական կոմիտեն Ռուսաստանում կուսակցության բոլոր կոմիտեների նկատմամբ սկսեց ղեկավար դեր խաղալ, իսկ հին կուսակցության ներկայացուցիչներն իրար հետևից այդ [Թիֆլիսի] կենտրոնական կոմիտեի վճռով ահաբեկվեցին: 1907 թ. մայիս-օգոստոս ամիսներին ք. Պյատիգորսկում գտնված ժամանակ բժիշկ Մուրադովը գլխավոր դեր է խաղացել հին կուսակցության ներկայացուցիչներ «Միհրանի», Խեչո Մուխթարովի, Վարդապետյանի և այլոց նկատմամբ մահապատժի իրականացման գործում, ովքեր փախել էին Թիֆլիսից՝ այդ առթիվ անելով համապատասխան կարգադրություններ, Բյուրոյին հաղորդելով գործի վիճակի մասին և ահաբեկչության անհապաղ իրականացման համար գումար և ահաբեկիչներ պահանջելով: Նրա միջոցով են այդ գործով իրենց հեթքին ընթացել Բյուրոյի բոլոր կարգադրությունները: Մահապատժների իրականացման միջոցների ձեռնարկման մասին նրան հաղորդել են ահաբեկիչների ղեկավարները և կոմիտեների անդամները և այդ առթիվ նրանից հանձնարարություններ հարցրել: Չնայած ձեռնարկած բոլոր միջոցներին, Արմավիրում 1907 թ. հունիսի 10-ին ծուղակից ահաբեկիչները սպանեցին միայն Խեչո Մուխթարովին և Անդրեաս Վարդանովին²⁷, իսկ «Միհրանին» միայն ծանր վիրավորեցին: Վերջինս իր մերձավորների օգնությամբ հաջողեց Արմավիրից թաքնվել Պյատիգորսկում, ուր բժիշկ Մուբոտինի միջոցով տեղավորվեց հիվանդանոցում: Այդ մասին հաղորդվեց Թիֆլիս՝ Բյուրոյին և վերջինս բժիշկ Մուրադովից հուլիսի 12-ի N 6120 հեռագրով պահանջեց հաղորդել «Միհրանի» գտնվելու վայրի մասին: Նույն օրը N 2173 հեռագրով Մուրադովը, Բյուրոյին հաղորդելով, որ «տուժել է «Միհրանի» ուսը, փորը, ազդրը և կա հույս նրա առողջացման», խնդրում էր «Միհրանի» նկատմամբ նոր մա-

ԵՂՅԵՆՍԿԻՆԻ
Գ. (Թ) ԿՊԱՐԻ, ՔԻՎ 3 (35) ԽՈՒՍԱՆԱԿԱԿՈՒՆԵՐԸ, 2011
ՎԵՄ համահայկական հանդես

24 Բժիշկ Մինաս Մուրադյանը (Մուրադով) դեռևս 1890-ականներից զբաղվել է Մոսկվայից ու Ռուսաստանի այլ քաղաքներից զենքի տեղափոխման գործով: Տես Խուդինյան Գևորգ, ԴՅ Դաշնակցության քննական պատմություն (ակունքներից մինչև 1895 թվականի վերջերը), Եր., 2006, էջ 338:

25 Եթե Ն. Լիժինի բերած այս թիվը իրականության հետ թեկուզ հեռավոր կապ անգամ ունենա, ապա արդեն իսկ հնարավոր է ճշտավոր պատկերացում կազմել ԴՅԻ հնարավորությունների և գործունեության ծավալների վերաբերյալ:

26 Նկատի ունի այսպես կոչված՝ անջատականներին և միհրանականներին:

27 Պետք է լինի Վարդեթյան:

հասպատժի իրականացման համար ուղարկել Բարվի կենտրոնական կոմիտեին կից փորձառու ահաբեկիչների («Ոսկանապատի որդիներին»)։ Մուրադովը, նկատի ունենալով Նորավանհի²⁸ ենթակոմիտեի նախագահ Արամ Չինչինյանի հեռագիրը, հունիսի 14-ին N 2598 հեռագրով Բյուրոյին խնդրում էր Արմավիրի ենթակոմիտեին անհրաժեշտ օգնություն ցույց տալ, քանի որ նա գուրկ էր դրամական միջոցներից և ահաբեկիչներից։ Հունիսի 15-ին [Մուրադովը] Բյուրոյից ստացավ N 7628 հեռագիրը, ուր ասվում էր, որ «կարգադրություններն արված են» և «Ահաբեկիչ-Մարմնին» կից ահաբեկիչների ղեկավար «Արտավազի» կողմից հաղորդվել է «Ահաբեկիչ-Մարմնին» կից ահաբեկիչների կարգադրիչ և պետ Սաքո Մեղավորյանին՝ անհապաղ Արմավիրի ենթակոմիտեին դրամ և ահաբեկիչներ ուղարկել։ Իմանալով այդ մասին, Մուրադովը նույն օրը N 2785 հեռագրով Բյուրոյին խնդրում էր հայտնել նրանց մեկնելու օրվա վերաբերյալ՝ նշելով անգամ գնացքի համարը, որում պետք է մեկնեին և ուղարկել դրամ, քանի որ «Միհրանն» արդեն առողջանում է և սկսում կուսակցության դեմ քարոզչություն մղել։ Հունիսի 16-ին Պյատիգորսկ ժամանեցին ահաբեկիչները՝ նոր ղեկավար Համբարձում Աղաջանյանի («Կարո») գլխավորությամբ, իսկ հունիսի 17-ի N 8755 հեռագրով «Ահաբեկիչ-Մարմնին» կից խորհուրդը հայտնեց Մուրադովին, որ Թիֆլիսից փախել է ահաբեկչության ենթակա «Միհրանի» եղբայր «Հաբեթը», ում հարկավոր է հսկել Պյատիգորսկի կայարանում։ Ահաբեկիչների ղեկավար անդամ Լեոնիդ Թայիրյանի 1907 թ. հունիսի 20-ի նամակից երևում է, որ Մուրադովին հրահանգվել է ինչ գնով էլ լինի ի կատար ածել «Միհրանի» և նրա եղբայր Հաբեթ Վարդերեսյանի նկատմամբ մահապատժի վճիռը։ Երբ օգոստոսի 1-ին «Միհրանը» Վարդերեսյանի, իր քույր Չարուհի Ղազանջյանի և զարմիկ Գասպարի հետ Եկատերինոդարի ու Նովոռուսիյսկի վրայով փախավ Յալթա, նրան հետևեց ահաբեկիչների ջոկատը բժիշկ Մուրադովի գլխավորությամբ։ Վերջինս օգոստոսի 1-ի Պյատիգորսկից՝ Արմավիր N 62 հեռագրով Արմավիրի ենթակոմիտեի նախագահ Չինչին-

յանին հանձնարարում էր, որպեսզի նա եղբոր և ընտանիքի հետ փախած «Միհրանի» դեմ ահաբեկիչների հետ միջոցներ ձեռնարկի։ «Միհրանին» հետևելու համար ուղարկվել էր «Ահաբեկիչ-Մարմնին» կից ջոկատի ավագ ահաբեկիչ Խաչատուր Ամիրի Կևորկովը (Խեչո)։ Բայց Խեչոն օգոստոսի 11-ին Նովոռուսիյսկում ձերբակալվեց։ Այս անգամ ուղարկվեց «Կարոյի» խումբը, որը Նովոռուսիյսկում «Միհրանին» չգտնելով՝ մեկնեց Յալթա։ Սակայն վճիռն ամբողջությամբ չհաջողվեց իրականացնել, քանի որ «Միհրանի» զարմիկ Գասպար Նազարովի սպանությունից հետո՝ օգոստոսի 27-ին «Կարոյի» գլխավորած խումբը ձերբակալվեց։ Այդ նույն ժամանակ ոստիկանությունը հայտնաբերեց, որ ք. Թիֆլիսում գործող «Հերմես» տպարանը իրենից ներկայացնում է նշյալ կուսակցության զաղտնի²⁹ կուսակցական տպարան և վերջինիս անդամներ, տպարանի սեփականատերեր Բուրուդովը, Արծրունին, Մուրադովը և այլք շտապեցին լուծարել գործերը և հանձնել նոր սեփականատեր Սերգեյ Եղիզարովին։ Դրանից գատ, Խեչո Կևորկովի հուշատետրում նշվում է բժիշկ Մուրադովի կողմից կուսակցության կարիքների համար 450 ռուբլու տրամադրումը, իսկ Վլադիկավկազի կենտրոնական կոմիտեի 1906 թ. հաշվետվությունից երևում է, որ բժիշկ Մուրադովին («Մրմուռ») և «Արեսնին» կուսակցական գործերով Վլադիկավկազ և Պյատիգորսկ գնալու-զարու համար Վլադիկավկազի կենտրոնական կոմիտեին տրվել է 35 ռուբլի 90 կոպեկ ծախսի գումար։ 1906 թ. մարտի 27-ին, այն ժամանակ, երբ ահաբեկիչների ջոկատի պետ Ալեքսանդր Շարաֆյանը Վլադիկավկազի կենտրոնական կոմիտեի կողմից զենք գնելու համար Աբրահամ Չիլիխովին ուղարկել էր 2.500 ռուբլի, բժիշկ Մուրադովն էլ այդ նույն ժամանակվա համար նույն անձին Թիֆլիսից կուսակցության Բյուրոյից N 766/3003 փոխանցումով նույնպես ուղարկել էր 2.500 ռուբլի (բնագիր գործի թերթեր 470-471, 475, 655, 666, 824 հակ., 826-827, 908-910, 1011, 1019, 1208 հակ., 2022, 2027, 2181 և հակ., 2202 հակ., 2325, 2326 և հակ., 2337, 2343 հակ., 2352, 2358 հակ., 2365, 2372, 4414 հակ., 4898 և 4960)։

28 Նորավանդը Գյուլիստանի Կովկասում գտնվող Արմավիր քաղաքի ԳՅԳ ենթակոմիտեի էր։
 29 Այսուհետ «զաղտնի» բառը ռուսերեն «կոմսպիրատիվ» բառի թարգմանության տարբերակ ենք ընդունել, սակայն այն ունի նաև «ընդհատակյա» իմաստը։

Բ. «ԱՀԱՔԵԿԻՉ-ՄԱՐՄԻՆ» ԳՈՐԾԱԳԻՐ ԱՀԱՔԵԿՉԱԿԱՆ ԽՈՐՀՐԳԻ ԱՆՎԱՆՆԵՐ

ԳՈՒՍԱՆ³⁰ (կուսակցական ծածկանունը՝ «Ղարաբաղցի Նիկոլ» – նավթարդյունաբերողների համագումարի խորհրդի ծառայող, Բաքվի կենտրոնական կոմիտեի անդամ և վերջինիս կողմից «Ահաբեկիչ-Մարմնին» կից խորհրդի անդամ, կուսակցության ահաբեկիչների գլխավոր պետ: 1907 թ. սեպտեմբերից ղեկտեմբեր նրա կողմից կուսակցության Բյուրոյի հանձնարարականով ք. Եկատերինոդար է գործուղվել Աղամալովի գլխավորած ահաբեկիչների ջոկատը՝ Եկատերինոդարի բանտից «Ահաբեկիչ-Մարմնին» կից ջոկատի ավագ ահաբեկիչ, վերոնշյալ Խեչո Ամիրի Կուրկովի ազատման համար, այդ նպատակով հատկացնելով 10.000 ռուբլի, ինչի արդյունքում կաշառքի շնորհիվ վերջինս 1907 թ. նոյեմբերի 26-ին փախել է նշյալ բանտից (բնագիր գործի թերթեր 2349 հսկ., 2365-2366, 2372):

ՄԵՂԱՎՈՐԱՆՆԵՐ ՍԱՐԳԻՍ³¹ (կուսակցական ծածկանունը՝ «Մաքո») – «Ահաբեկիչ-Մարմնին» կից խորհրդի անդամ և նշյալ խորհրդին կից ահաբեկիչների պետ ու գլխավոր կարգադրիչ: Խեչոյի հուշատետրի համաձայն՝ նա համարվել է կուսակցության անվանի անդամ, իսկ նրա կողմից և նրա անունով ուղարկված 1907 թ. հեռագրերից երևում է, որ նա Թիֆլիսից ղեկավարել է «Միհրանի» և այլ անձանց նկատմամբ վճիռների իրականացումը: Այսպես, 1907 թ. հունիսի 11-ի N 5516 հեռագրով նա Թիֆլիսից Դոնի Ռոստով՝ «Արաքս» զինատուն կոմսպիրատիվ հասցեով հրահանգել է մի ահաբեկիչ գործուղել Արմավիր, իսկ հունիսի 15-ի N 7629 հեռագրով «Արտավազը» խնդրում էր Մեղավորյանին ահաբեկիչների հետ Բաքու մեկնել և Արմավիրի ենթակոմիտեին օգնել դրամով: Հուլիսի 9-ի N 3427 հեռագրով Թիֆլիսի կոմիտեի անդամ Փամբուկյանը տեղեկացնում էր Ղարաբաղյանի կոմիտեի անդամ Նարառայանին կուսակցական գործերով Մեղավորյանի անհապաղ մեկնման մասին, նշելով, որ «Մուշեղի» նկատմամբ ահաբեկչական ակտը նախատեսված է

հաջորդ օրը («իսկ Մուշեղի գործը նշանակված է հաջորդ օրը»): Օգոստոսի 9-ի N 131 հեռագրով Թիֆլիսից Մեղավորյանը կուսակցական զինապահեստների վարիչ Հաջի Լևոնին Ախալցխա է կանչում: Օգոստոսի 4-ի N 1689 հեռագրով Մեղավորյանը բժիշկ Մուրադովին խնդրում էր հրամայել ահաբեկիչների ղեկավար «Կարոյին», որպեսզի նա «Միհրանին» և նրա ազգականների նկատմամբ կուսակցության մահավճիռը իրականացնելու համար ավագ ահաբեկիչ Խեչո Կուրկովին ուղարկի ք. Նովոռոսիյսկ, իսկ «Կարոն» օգոստոսի 10-ի N 1306 հեռագրով Մեղավորյանին խնդրում էր հաղորդել կուսակցության անդամներ Վարդանի և Էլմասյանի հասցեները: Օգոստոսի 13-ի N 1875 հեռագրով «Կարոն» հաղորդում էր Մեղավորյանին նշյալ Խեչո Կուրկովի ձերբակալման մասին: Մեղավորյանի այդ կուսակցական գործունեությունը հաստատվել է և այլ գրավոր փաստաթղթերով: Այսպես, 1906 թ. նոյեմբերի 30-ին Արևելյան Բյուրոյի անդամ Ահարոնյանը Բյուրոյի կնիքով հանձնարարական է ուղարկել Մաքո Մեղավորյանին նրա կողմից Մխիթարյանցից և Սեբուրակից կուսակցական զենքը հետ վերցնելու մասին: 1907 թ. մարտի 14-ին բժիշկ Մնացականյանցը դիմել է Մեղավորյանին՝ խնդրելով իրեն Գոֆանի օկրուգում կուսակցական բժիշկ նշանակել, իսկ «Ամմեդյան», «Ամմեդավոր», «Մեղավոր», «Արտազյան» (Մաքո Մեղավորյանի կուսակցական ծածկանունները) գրառմամբ գրութունները Թիֆլիսում, Երևանում, Ղարաբաղյանայում կուսակցական պահեստների վարիչներ «Լիպարիտի», «Արարոյի» և «Քեռու» անուններով վկայում են զենքի, ռումբերի, դաշույնների, վառոդի, փամփուշտների հսկայական քանակի մասին, որ ստացվել են 1906-1907 թթ. Մեղավորյանի տրամադրության տակ՝ իր հրամանատարությամբ գործող ջոկատի զինման համար: Դրանից գատ, Կարսի և Թիֆլիսի կենտրոնական կոմիտեների հաշվետվություններից երևում է, որ 1906 թ. հուլիսի 2-ին Կարսի կենտրոնական կոմիտեի անդամ Ղարսիբովը Մեղավորյանին է հանձնել 788 ռուբլի 04 կոպեկ կուսակցական գումար, իսկ

ԵՂՎՈՐԱՎՈՐԱՆՆԵՐ
Գ (Թ) ԿԱՐՍԻ, ՔԻՎ 3 (35) ԽՈՒՍԱՎՈՐԱՆՆԵՐ
ՎԵՐ համահայկական հանդես

30 Նիկոլ Դուման (Սիկողայու Տեր-Յովհաննիսյան) (12.01.1867- 23.09.1914) – ազգային-ազատագրական շարժման անվանի գործիչ: Խամասորի արշավանքի մասնակից: 1905-1906 թթ. եղել է Երևանի նահանգի ինքնապաշտպանության ղեկավար:

31 Խոսքը Սևբարեցի Սաքոյի մասին է: Տեղի է ունեցել նրա «Ամմեդյան» կամ «Ամմեդ» կեղծանվան շփոթումը ազգանունի հետ: Բնականաբար՝ տեղեկությունները վերաբերում են 1906-1907 թթ., այսինքն Երևանում 1908 թ. Սաքոյի հանկարծախա մահվանը նախորդած տարիներին:

նույնքերի 29-ին՝ 200 ռուբլի (բնագիր գործի թերթեր 475, 826 հակ., 1010 հակ., 1012 հակ., 1015 հակ., 1018 և հակ., 1021-1022, 1026 հակ., 2206-2207, 2312, 3524, 2326, 2349 հակ., 2364, 3540 և հակ., 2382 հակ., 3576, 3581, 3585, 3588, 3592-3595, 3602, 3605, 3608-3616, 3574, 3576, 3589-3592, 3596 և հակ., 3603-3608, 3611, 3616 և 4498):

ՄՈՒԲԱԳ³² – «Ահաբեկիչ-Մարմնին» կից խորհրդի անդամ և կուսակցական զենքի պահպան: Դատելով Բյուրոյի հաշվետվություններից՝ 1906-1907 թթ. նրա մոտ պահպանության տակ է գտնվել զենքի, ատրճանակների, փամփուշտների, վառողի և այլնի մեծ քանակություն: Դրանից զատ, ըստ նույն հաշվետվության, 1906 թ. նրան կուսակցական կարիքների համար հանձնվել է 1338 ռուբլի, իսկ ծախսվել է 1070 ռուբլի (նրա մոտ 2349 հակ., 2354, 2385-2386, 3555-3561 հակ., 2386-2390, 3592 հակ., 3610):

ՄԵՊՈՒՀ³³ – «Ահաբեկիչ-Մարմնին» կից խորհրդի անդամ: 1906-1907 թթ. Կորյունի [վարդապետ] հետ եղել է Ելիզավետպոլի կենտրոնական կոմիտեի անդամ: Հաշվետվություններից երևում է, որ 1906 թ. հոկտեմբերի 19-ին Արևելյան Բյուրոյի կողմից նա Թիֆլիսի կենտրոնական կոմիտեի նախագահ Սարգիս Մանասյանցին³⁴ կուսակցական կարիքների համար փոխանցել է 500 ռուբլի, իսկ օգոստոսի 30-ին՝ Մեղավորյանի հանձնարարականով, Երևանի կենտրոնական կոմիտեին կից ահաբեկիչների պետ «Արսենը» Մեգալոնի պահպանության է հանձնել կուսակցական զենք (բնագիր գործի թերթեր 2349 հակ., 2354 հակ., 3546-3547 հակ., 3592 հակ., 3599 հակ. և 4497):

Գ. ԿԵՆՏՐՈՆԱԿԱՆ ԿՈՄԻՏԵՆԵՐԻ, ԿՈՄԻՏԵՆԵՐԻ ԵՎ ԵՆԹԱԿՈՄԻՏԵՆԵՐԻ ԱՆՊԱՄՆԵՐ

ՇԱՀՆԱԶԱՐՈՎ ԱՐՄԵՆԱԿ ՆԻԿՈԼԱՅԻ

– ուսանողական կազմակերպության անդամ: «Խեչո» գրքույկով³⁵ կուսակցության անդամ: Արմավիրի ենթակոմիտեի նախագահ Արամ Չինչինյանի 1907 թ. հունիսի 18-ի N 1603 գաղտնի հեռագիրը Նախիջևան-Երևանսկի³⁶ Շահնազարովին՝«հաղորդել հանգուցյալի եղբոր սպանության մեջ ահաբեկիչ Խաչատուր Ասլանյանցի մասնակցության վերաբերյալ» (բնագիր գործի թերթեր 475, 825, 1563 և 2360):

ԱՐԾՐՈՒՆԻ ՎԱՀԱՆ ՄԱԿԱՐԻ – բժիշկ,

Թիֆլիսի կենտրոնական կոմիտեի անդամ: Ըստ «Խեչոյի» (Խաչատուր Կուրդկով) հուշատետրի նշվում է որպես անվանի կուսակցական գործիչ: Թիֆլիսում կուսակցական գաղտնի «Հերմես» տպարանի բաժնետերերից, ինչի մասին վկայում է կուսակցության անդամ Առաքելյանի՝ Թիֆլիսից 1907թ. հուլիսի 28-ի N. 14121 հեռագիրը Պյատիգորսկ՝ բժիշկներ Բուդոլովին և Արծրունուն նշյալ տպարանի լուծարման առթիվ (բնագիր գործի թերթեր 475, 1014 հակ., 1028 հակ., 2321, 2337, 2360 հակ.):

ԱՐՈՎՅԱՆ ԼԵՎՈՆ ՎԱՐԳԱՆԻ³⁷

ազնվական, Թիֆլիսի կենտրոնական կոմիտեի անդամ: Կուսակցական «Խարխախ», «Ժամանակ», «Ժայռ», «Երկիր» և այլ թերթերի աշխատակից: Նրա գաղտնի «Թիֆլիս, փոստարկ N 23» հասցեն հայտնաբերվել է Արմավիրի ենթակոմիտեի նախագահ Չինչինյանի մոտ: «Հովիվ» (Նալբանդի կենտրոնական կոմիտեի անդամ Ղարազյոզյան) ստորագրությամբ 1907թ. հոկտեմբերի 7-ի նամակը

32 Սեբաստացի Մուրադ (Խրիմյան) (1874, գ. Կովտուն, Սեբաստիա-4.08.1918) – հայ ազգային-ազատագրական շարժման անվանի գործիչ: 1905-1906 թթ. Ջանգեզուրի ինքնապաշտպանության մասնակից: Ձոհվել է Բաքվի հերոսամարտի օրերին:

33 Մեգալոն (Արշակ Ներսիսյան) (1872-1940) – ազգային-ազատագրական շարժման անվանի գործիչ: 1904 թ. Սասունի ապստամբության և կամավորական շարժման մասնակից: ԳՂ հորհրդարանի անդամ:

34 Մանասյան Սարգիս (?-1920) – ԳՂ նշանավոր գործիչ: Ծնվել է Չարդախլուում: Լիժնյան գործով ձերբակալվել է Ռոստովի բանտում, ապա դատապարտվել տաժանակիր աքսորի մինչև 1916 թ.: 1918թ. մայիսին մասնակցել է Ղարաբլիխայի հերոսամարտին: 1920 թ. որպես ԳՂ լիազոր մեկնել է Դիլիջան բանակցելու բոլշևիկների հետ, սակայն ձերբակալվել է և ուղարկվել Բաքու, ապա աքսորվել Նարզեն կղզի, ուր գնդակահարվել է:

35 Նկատի ունի դատական որոշման մեջ բազմիցս հիշատակվող Խեչոյի հուշատետրը:

36 Նկատի ունի Գին կամ Արաքսի Նախիջևանը:

37 Արովյան Լևոն Վարդանի (1885-1951) – թարգմանիչ: Ծնվել է Երևանում: Խ. Աբովյանի թոռն է: Ավարտել է Էջմիածնի Գևորգյան ճեմարանը, աշխատել ուսուցիչ: Եղել է «Գորիզոն»-ի սրբագրիչ-թարգմանիչը: Խորհրդային կարգերի հաստատումից հետո աշխատել է «Խորհրդային Գայաստան» թերթի խմբագրությունում, Պետհրատում:

«Աշոտ», «Հայկունի», «Միքայել Գրիգորյան») – Կարսի, ապա Վլադիկավկազի կենտրոնական կոմիտեների անդամ և իշխանության ներկայացուցիչների ու անվանի անձանց սպանությունների գծով կուսակցության [տվյալ կոմիտեի] անաբեկիչների ջոկատի պետ: 1906 թ. «Գագիկը» տեղեկացրել է Բյուրոյին, որ Դոնի Ռոստովից Թիֆլիս գեներլի և փամփուշտների մեծ մասը տեղ է հասցվել Աշոտ Հայկունու կողմից, իսկ կուսակցության զինվորներ Վարդանյանցի և Գասպարյանցի անունով 1906 թ. օգոստոսի 1-ին «Աշոտ Հայկունի» ստորագրությամբ Կարսի կենտրոնական կոմիտեի տված վկայականից երևում է, որ Աշոտ Հայկունին նշյալ կոմիտեում նկատելի դեր է խաղացել: 1906 թ. և 1907 թ. Վլադիկավկազի կենտրոնական կոմիտեի կուսակցական հաշվետվություններից երևում է, որ նա գործուն մասնակցություն է ունեցել դրա գործունեությանը, ստուգելով նշյալ կենտրոնական կոմիտեի շրջանի մեջ մտնող կոմիտեների, ենթակոմիտեների և խմբերի հաշվետվությունները՝ դրանք վավերացնելով իր ստորագրությամբ և կենտրոնական կոմիտեի կնիքով: Աշոտ Հայկունին կենտրոնական կոմիտեի հանձնարարությամբ Վլադիկավկազից այցելել է նրա շրջաններ՝ Ստավրոպոլ, Արմավիր, Պյատիգորսկ, կուսակցական գումարով Դոնի Ռոստովում գեներլ և փամփուշտ գնել, դրանք հասցնելով Վլադիկավկազի և Թիֆլիսի կենտրոնական կոմիտեներին: 1906 թ. նա առաջին կոմիտեին հասցրել է 250 ռուբլու, իսկ երկրորդին՝ 400 ռուբլու գեներլ և փամփուշտ: Արմավիրից 1907 թ. հունիսի 10-ի N 872 հեռագրով Աշոտ Հայկունին «Թիֆլիս, Եղիզարովների գրասենյակ» հասցեով (կուսակցության Բյուրոյի և Թիֆլիսի կենտրոնական կոմիտեի գաղտնի հասցե) Լեոնիդ Թայիրյանին վկայում է «Միհրանի» և նրա կողմնակիցների հետապնդման մեջ իր գործուն մասնակցության մասին: Այսպես, նշյալ հեռագրում նա պահանջում է «Միհրանի», Խեչո Մուխթարովի և 15 հոգու նկատմամբ մահապատիժ իրականացնելու համար Արմավիր փորձառու անաբեկիչներ ուղարկել, որոնց թվում՝ «Մաչոյին» և «Սուրենին»: 1907 թ. նա [Հակոբ Չիլիգարյան] Վլադիկավկազի բանտում տիֆից մահացել է (բնագիր գործի թերթեր 824, 908, 2360 հակ., 3547-3549, 3572, 4405, 4408, 4412-4414, 4423 հակ., 4498, 5203-5204):

ՄԵԼԻՔ-ԱՅՎԱԶՈՎ ԻՎԱՆ ՎԱՍԻԼԻ

(կուսակցական ծածկանունը՝ «Այվազ») – Նովոռոսիյսկի փոստ-հեռագրատան քաղաքային գրասենյակի պաշտոնյա, կուսակցության անդամ: Եղել է Վլադիկավկազ ու Բաթում գեներլի և փամփուշտի տրանսպորտային ուղարկման պատասխանատու՝ դրանք պատվիրելով Մոսկվայից և այլ քաղաքներից: Վլադիկավկազի կենտրոնական կոմիտեի 1906 թ. հաշվետվությունից երևում է, որ Դոնի Ռոստովից Այվազովի միջոցով նշյալ կոմիտեին է հասցվել 1 փութ կամ 1800 հատ փամփուշտ (բնագիր գործի թերթեր 1208 հակ., 2356 հակ., 4414 հակ):

ԱՄԻՐՈՎ (Ամիրյանց) ԱՐԱՄ ՄԻՆԱՍԻ

Մոսկվայի կայսերական համալսարանի ուսանող, կուսակցության ուսանողական կազմակերպության անդամ, Բաքվի կենտրոնական կոմիտեին կից անաբեկիչների ղեկավարներից մեկը: Անաբեկիչների ղեկավար «Թադևոսը» (Ամիրյանց) Պյատիգորսկից 1907 թ. հունիսի 24-ին նրան ուղարկել է N 4665 գաղտնի հեռագիրը. «Բժիշկ Մուրադովին 200 ռուբլի ուղարկել Պյատիգորսկ» (բնագիր գործի թերթեր 1991, 1863, 2320 հակ., 2322):

ԱՐԱԲԱՋՅԱՆ ԳԵՎՈՐԳ

(կուսակցական ծածկանունը՝ «Ապառաժյան», «Գևորգ», «Վարդան») – Թիֆլիսի կենտրոնական կոմիտեի և «Խարիսխ», «ժայռ», «Փայլակ», «ժամանակ» փակված կուսակցական թերթերի գործավարության վարիչ: 1907 թ. հունիսի 28-ին Թիֆլիսի կենտրոնական կոմիտեի անդամ և անաբեկիչների գլխավոր ղեկավարներից «Արտավազը» N 14200 հեռագրով Թիֆլիսից Բաքու պահանջում էր Բաքվի կենտրոնական կոմիտեի անդամ Թադևոսյանից վերոնշյալ «Ապառաժյանի» անունով ուղարկել 2.000 ռուբլի կուսակցական նպատակների համար (բնագիր գործի թերթեր 1014, 2390 հակ.):

ԱՆԻՍՈՆՅԱՆ ԱՐԱՎՋԱՄ ԱՐԱՎՋԱՄԻ

քաղքենի, Ախալցխայի կոմիտեի անդամ: 1907 թ. մայիսին ղեկավարել է կուսակցության վճռով ք. Ախալցխայում Ալան Ալանյանցի սպանությունը: Դրանից զատ, եղել է Թիֆլիսի և այլ կենտրոնական կոմիտեների անաբեկիչների մատակարարը, ինչի մասին վկայում է Մաքո Մեղավորյանի 1907 թ. օգոստոսի 21-ի N 9599 հեռագիրը, որով նա Անիսոնյանին հանձնարարում էր

ահաբեկիչներ վարձել (բնագիր գործի թերթեր 1021 հակ., 1022, 1659-1660, 1208 հակ., 2320 հակ., 2395 հակ.):

ԱՎԵՏԻՍՈՎ ՀԱՋԻ ՍՈՒԳՈՒՍԻ ՀԱԿՈԲ (կուսակցական ծածկանունը՝ «Հաջի Հակոբ») – Բաթումի կենտրոնական կոմիտեին կից ահաբեկիչների և զինվորների պետ: Հայ-թաթարական ընդհարումների ժամանակ իր ջոկատով գործուղվել է Երևանի նահանգ թաթարների դեմ պայքարի համար: Թիֆլիսից Երևան հղված 1907 թ. օգոստոսի 23-ի N 10567 հեռագրից երևում է, որ կուսակցության Բյուրոյի անդամ «Ռոստոմյանցը» (Ստեփան Ջորյան) Երևանի կոմիտեի այժմ հանգուցյալ անդամ Սուրեն Այվազյանի միջոցով պահանջել է կուսակցական գործերով անհապաղ իր մոտ ուղարկել «Հաջի Հակոբին» (բնագիր գործի թերթեր 2342, 1022 հակ., 5204):

ՀԱԿՈԲՅԱՆ ԱՐՐԱՀԱՄ ԲԱՂՎԱՍԱՐԻ – թուրքապատակ, Բաթումի կոմիտեի անդամ: 1907 թ. հունիսի 11-ի N 1082 Նովոռոսիյսկից Սոչի և հունիսի 21-ի N 3499 Բաթումից Սոչի հղված հեռագրերից երևում է, որ Հակոբյանը կուսակցական գրագրության և մոտիկ հարաբերությունների մեջ է եղել Բաթումի կենտրոնական կոմիտեի անդամ Հայկ Սողոմոնյանի հետ: Այսպես, երկրորդ հեռագրով Հայկ Սողոմոնյանը Հակոբյանից պահանջում էր Բաթում ուղարկել կուսակցության քարոզիչ, ուսուցիչ Արտաշեսին (Ռոստոմյանց) (բնագիր գործի թերթեր 1025-1026, 1034, 1208 հակ., 1357, 2320, 2360 հակ.):

ԱՋԱՐՅԱՆ ԱՋԱՐԻԿ⁴² – Բաթումի կենտրոնական կոմիտեի անդամ և տեղական ենթակոմիտեի նախագահ: Նրա միջոցով են կատարվել նշյալ կոմիտեի բոլոր որոշումները: Կուսակցության Բյուրոյի և կենտրոնական կոմիտեիների կարգադրությամբ նրա վրա էր դրվել ահաբեկիչների վարձումը և ահաբեկչական ակտերի կատարման վայրեր ուղարկումը: Եղիգարովների գրասենյակում խուզարկությամբ Արևելյան Բյուրոյի կուսակցական թղթերի մեջ գտնվել է իր կողմից Բյուրոյին զենք, ատրճանակ և փամփուշուներ ուղարկելու մասին 1906 թ. նոյեմբերի 17-ի՝ Ազարյանի ստու-

րագրությամբ նամակը: Դրանից զատ, նա մասնակցել է «Միհրանի» և նրա ազգականների Յալթայում հետապնդմանը, ինչի մասին վկայում է 1907 թ. օգոստոսի 10-ի N 2085 հեռագիրը, ուր Յալթայի ենթակոմիտեի նախագահ Հակոբ Խաչատուրովը («Սուսերյան») Ազարիկ Ազարյանին տեղեկացնում էր «Միհրանի» և ազգականների Յալթա ժամանելու մասին, վերջիններիս անվանելով ընդհանուր՝ «Բաբերդցի»⁴³ անունով (բնագիր գործի թերթեր 119 հակ., 2010 հակ., 2320-2321, 2359, 2383, 3546):

ԱՋԱՆՈՒՐՈՎ (Ազնաուրյան) **ԱՎԵՏԻՍ ԲԱՐԱԿԻ**⁴⁴ (կուսակցական ծածկանունը՝ «Արամայիս, Շապուհ») – Կարսի [կենտրոնական] կոմիտեի անդամ, դրա առանձին հանձնարարությունների կատարման պատասխանատու: Թիֆլիսից Կարս հղված 1908 թ. հունիսի 7-ի N 3610 հեռագրից երևում է, որ «Ահաբեկիչ-Մարմինի» կից ջոկատի ավագ ահաբեկիչ Աբրահամ Սարգսյանցը («Ապրո») պահանջել է [նրանից] անհապաղ Բաթում ուղարկել «Հովե» («Հովո Պողոսով») ահաբեկիչին (բնագիր գործի թերթեր 1846-1867, 1010, 2004 հակ., 2235, 2360):

ՀԱԿՈԲՈՎ ԱՐՄԵՆԱԿ – Երևանի օկրուգային դատարանի գրասենյակային ծառայող, Երևանի [կենտրոնական] կոմիտեի անդամ: Կարսից Դարաչիչակ⁴⁵ հղված 1907 թ. հուլիսի 2-ի N. 8 հեռագրով Հակոբովը նախազգուշացրել է կուսակցության անդամ Տիգրան Տեր-Աբրահամյանցին, որպեսզի նա միջոցներ ձեռնարկի ժամանած հակառակորդների, այսինքն՝ հին կուսակցության ներկայացուցիչների⁴⁶ դեմ (բնագիր գործի թերթեր 2196, 2345):

ԱՄԻՐԵԱՆՅԱՆՅ ՍՈՂՈՍՈՐ – կուսակցության անդամ: 1906 թ. սեպտեմբերի 23-ի նամակում նա կուսակցության Բյուրոյին և Թիֆլիսի կենտրոնական կոմիտեին խնդրել է միջոցներ ձեռնարկել բանտից իր ազատման, իր քրեական գործը բարեհաջող ավարտելու օգտին դատարանի վրա ազդելու և ընտանիքին օգնելու համար, քանի որ ինքը բանտարկվել և տուժել է «Դաշնակցություն» կուսակցության մեջ գործուն մասնակցության և

ԵՂԵՆԻՍՅԱՆ
Գ. (Թ) Կարսի, թիվ 3 (35) հուլիս-սեպտեմբեր, 2011
վեբ համահայկական հանդես

42 Սա նշանավոր Ազարիկն է՝ Բաթումի վրայով ֆիդայիների Երկիր անցնելու գործի կազմակերպիչը:
43 Միհրանը ծնունդով Արևմտյան Հայաստանի Բաբերդ քաղաքից էր:
44 Խոսքը ալաշկերտցի նշանավոր հայրուկ Արամայիս Ազնավուրյանի մասին է:
45 Այժմ՝ Ծաղկածոր:
46 Նկատի ունի միհրանականների:

կուսակցության կողմից իր վրա դրված հանձնարարությունների կատարման համար (բնագիր գործի թերթեր 2254 հակ., 2380, 3542):

ԱԽԱՇՅԱՆ – Բաքվի, ապա Ախալցխայի կոմիտեի անդամ: Մանգլիսից հղած 1907 թ. հուլիսի 7-ի N 131 հեռագրով «Ահաբեկիչ-Մարմնին» կից ավագ ահաբեկիչ «Ստեփանը» («Արտո») Ախալցխայից հայտնում էր, որ նա Բաքվից չմեկնի, այլ կարևոր հանձնարարությամբ նամակի սպասի (բնագիր գործի թերթեր 2205, 2360 հակ.):

ՀԱՅԻ ԼԵՎՈՆ⁴⁷ – կուսակցական զենքի պահապան և կուսակցության զինապահեստներից մեկի վարիչ: Արևելյան Բյուրոյի 1906 թ. նոյեմբերի 4-ի հաշվետվությունից երևում է, որ նշյալ օրը Հայի Լևոնին և «Ադեկին» ցուցակով պահպանության են հանձնվել կուսակցական զենքեր, ձիեր, փամփուշտներ և այլն: 1906 թ. դեկտեմբերի 7-ի և 8-ի Բյուրոյի հաշվետվություններում նշվում է ստացականով 21 ահաբեկչի կերակրելու համար նույն Լևոնին 8 ռուբլի 30 կոպեկ տալու մասին: 1907 թ. օգոստոսի 9-ի N 131 հեռագրով «Ահաբեկիչ-Մարմնին» կից ահաբեկիչների ջոկատի պետ Սաքո Մեղավորյանը Թիֆլիսից նշյալ Հայի Լևոնին անհապաղ կանչում էր Ախալցխա (բնագիր գործի թերթեր 2205 հակ., 3607-3608, 3609):

ԱՐԱՐԱՏՅԱՆՑ ՀՄԱՅԱԿ – Թիֆլիսի կենտրոնական կոմիտեի կից զինվոր-ահաբեկիչ: Նրա 1906 թ. նոյեմբերի 29-ի նամակը նշյալ կոմիտեին բանտից իր ազատման համար միջոցներ ձեռնարկելու խնդրանքով, ուր նա ընկել էր կոմիտեի հանձնարարությունների կատարման համար (բնագիր գործի թերթեր 2254, 2379, 3540 հակ.):

ԱՐԳՈՒՏԻՆՍԿԻ-ԳՈՂԳՈՐՈՒԿԻ ՀՈՎՍԵՓ⁴⁸ (Ուսեփ, Հովսեփ), իշխան, (կուսակցական ծածկանունները՝ «Հովսեփ», «Իշխան») – Երևանի կենտրոնական կոմիտեի անդամ: Ինչպես երևում է 1905 թ. նոյեմբերի 13-30-ի շրջանային ժողովի տղազրական արձանագրություններից նա գործուն մասնակցություն է ունեցել դրանում: 1906 թ. Երևանում լինելով «Նաղեժդա» տրանսպորտային գրասենյակի վարիչ, հատուկ զբաղվել է կուսակցության կո-

միտեներին զենքի մատակարարմամբ: Այսպես, օրինակ, կուսակցության Բյուրոյի թղթերից երևում է, որ 1906 թ. նշյալ Արղուտինսկուն («Իշխանին») իր հասցրած զենքի, վառողի և փամփուշտների համար, ըստ հաշվի, վճարվել է 288 ռուբլի: Ի տես հայկական դպրոցներում քարոզչության վարման մասին կուսակցության կոմիտեների որոշման, կոմիտեների անդամները շահագրգիռ էին այն բանում, որպեսզի ուսուցիչների և այդ դպրոցների տեսուչների պաշտոններում լինեին կուսակցական գործիչները: Այդ հանգամանքով էին պայմանավորված 1907 թ. հուլիսի 8-ին և 11-ին Երևանից Թիֆլիս «Խարխախ» կուսակցական թերթի հասցեով կուսակցության անդամ Քոչարյանցին Արղուտինսկու ուղարկած N 469, 730 հեռագրերը, որտեղ կուսակցության անդամ Սահաբեյանին առաջարկվում էր զբաղեցնել Երևանի հայկական հոգևոր դպրոցի տեսչի ազատված պաշտոնը (բնագիր գործի թերթեր 1065 հակ., 1066, 2320 հակ., 2360 հակ., 3582, 4498, 3398 հակ., 5135-5136, 5146):

ԱՆՋԵՆՈՎ – Ախալցխայի կոմիտեի անդամ: Կուսակցության անդամ Շահպարտովին Ախալքալակ հղած 1907 թ. մայիսի 28-ի N 527 հեռագրով նա հայտնում էր ոստիկանության պաշտոնյաների կողմից ահաբեկիչ Մերգեյ Սիրաբովի սպանության մասին, ում ուղարկել էին ահաբեկչական ակտերի իրականացման համար (բնագիր գործի թերթեր 2206, 2352 և հակ., 2356):

«ԱՏԵՓԱՆ» (կուսակցական ծածկանունը՝ «Արտո», «Արտոյուշ», «Արտուշ», «Բագրասեղով»): Խաչատուր Կևորկովի հուշատետրում որպես Թիֆլիսի կենտրոնական կոմիտեին կից ջոկատի գլխավոր ահաբեկիչ և նույն կենտրոնական կոմիտեի նախագահ Սարգիս Մանասյանցի թիկնապահի՝ «Ստեփանի» անունով նշված է կուսակցական կարիքների համար 10 ռուբլու տրամադրում: Եղիգարովների գրասենյակից գտնված Բյուրոյի գրություններից և հաշվետվություններից հաստատվել է. 1. որ նշյալ «Ստեփանը» կուսակցական ռուսների պահապան էր, քանի որ «Արշակը» իր նամակում վերոնշյալ Սաքո Մեղավորյանին խնդրում էր «Ստեփանին» հետ ու-

47 Յաջի Լևոնը ծնվել է Ախալցխայում: Եղել է զինագործ, զենք փոխադրող: 1914-1915 թթ. Սարիղամիշում և Վանում վարել է Քեռու գնդի հեծյալ խումբը:

48 Արղուսյան Յովսեփ (1863, Սանահին-1925, Փարիզ) – ազգային-ազատագրական շարժման անվանի գործիչ: Խանասորի արշավանքի մասնակից: Եղել է ԳԳ դեսպանը Պարսկաստանում:

ԵՂՅԵՆՍԵՅԻՆՈՒ

Գ. (Թ՝) Կոստանդուպոլիսի 3 (35) հունիս-սեպտեմբեր, 2011

ՎԵՐ Կանախայրական հանդես

դարկել ռումբեր, նշելով, որ դրա ողջ պաշարը պահպանվում է միայն նրա մոտ, 2. որ 1906 թ. կուսակցական հաշվետվությունների համաձայն, նշվում է «Ստեփանի» տրամադրության տակ գտնվող հինգ ատրճանակների և նրան 1900 փամփուշտների տրամադրման մասին, իսկ 1906 թ. նոյեմբերի 30-ին – 23 ահաբեկչի երեք օր կերակրելու համար 27 ռուբլի 60 կոպեկ հատկացնելու մասին: Թիֆլիսից Մանգլիս հղած 1907թ. հուլիսի 23-ի N 9594 հեռագրով նշյալ «Արտյուշը» հարցնում է կուսակցության անդամ Հովհաննես Թումանյանցին⁴⁹, թե արդյոք վերջացե՞լ է Վահրամի (Վարաքիլիսայի կոմիտեի անդամ Վահրամ Նալբանդյան) բանտարկության ժամկետը, ով ձերբակալվել էր Վարաքիլիսայում հայտնաբերված ռումբի պահեստի գործով, և խնդրում է հաղորդել այդ մասին «Խարիսխ» կուսակցական թերթին: Ելիզավետպոլից հղված 1907 թ. օգոստոսի 25-ի N 2202 հեռագրից երևում է, որ նշյալ «Ստեփանը» կուսակցության մեջ նկատելի դեր է խաղացել քանի որ Ելիզավետպոլի կենտրոնական կոմիտեի կարգադրիչ և գլխավոր կուսակցական գործիչ Կոռյուն վարդապետը նշյալ հեռագրում կուսակցության անդամ Շոյիչե վարդապետին հայտնում էր «Ստեփանի» Ելիզավետպոլ ժամանման մասին, ուր նա պետք է ապրեր միայն տասը օր (քննադիր գործի թերթեր 181-187, 2325 հակ., 2361, 1017, 3608, 3608 հակ., 3809, 3614, 2202 հակ., 4499):

ԱՆՍՏԱՆՎ ՄԿՐՏԻՉ (նույն ինքը՝

Աղամայան, Մելիք-Աղամալով) – Երևանի նահանգի Պարագա գյուղի բնակիչ, Բաքվի կենտրոնական կոմիտեին կից ահաբեկիչների ջոկատի պետ: 1907 թ. հոկտեմբերին ողջ կուսակցության ահաբեկիչների գլխավոր պետ «Դումանի» կարգադրությամբ, Թիֆլիսի և

Բաքվի կենտրոնական կոմիտեների ահաբեկիչների ջոկատով, ժամանել է ք. Եկատերինոդար տեղի բանտից ավագ ահաբեկիչի⁵⁰ փախուստի կազմակերպման համար, ինչի համար նրան բաց էր թողնվել 6000-ից 10.000 ռուբլի կուսակցական գումար: Եկատերինոդար ժամանելով, նա «Նյու Յորք» հյուրանոցում խորհրդակցել է տեղի կոմիտեի անդամ, երդվյալ հավատարմատարի օգնական Նիկոլայ Սաթունյանի [և նրա] գլխավորած կոմիտեի անդամների հետ: Նույն թվի նոյեմբերի 26-ին կաշառքի շնորհիվ նրանց հաջողվել է Եկատերինոդարի մարզային հիվանդանոցին կից բանտային բաժանմունքից կազմակերպել նշյալ Խեչոյի փախուստը (քննադիր գործի թերթեր 178, 2351 հակ., 2364 հակ., 2372 հակ., 2471 հակ., 2472):

ԱՆՈՅԱՆՑ ԹՈՐՈՍՏ⁵¹ – Երևանի (նախկինում

Բաքվի) [կենտրոնական] կոմիտեի անդամ: «Ֆարիադի» (Սարգիս Օհանջանյան⁵²) Թիֆլիսից Երևան հղած 1907 թ. հունիսի 12-ի N. 5864 գաղտնի հեռագիրը Թորոս Ալոյանցին, ըստ որի կուսակցության հակառակորդներ «Միհրանը», Կոփեցի Խեչուն (Խեչո Մուխթարով) և Վասիլը (Վասիլի Շահնազարով) սպանված են (քննադիր գործի թերթեր 1011, 2364):

«ԱՐՄԵՆ» – Երևանի կենտրոնական կոմիտեին

կից ահաբեկիչների պետ և կուսակցական զենքի պահապան: 1906 թ. Բյուրո ուղարկված կուսակցական հաշվետվության մեջ նշված է նրան հանձնված Բորխարդ անալարգի ատրճանակ: Բյուրոյի թղթերից երևում է, որ «Արսենը» կուսակցության մեջ զբաղեցրել է «օկրուգի պետ» կոչվող պաշտոն: Այսպես, Ս. Մեղավորյանը 1906 թ. օգոստոսի 30-ին «օկրուգի պետ Արսենին» հանձնարարում է «Ահաբեկիչ-Մարմնին» կից խորհրդի անդամ

49 Հովհաննես Թումանյանի դատական գործը տես «Վեմ», 2009, N 1, էջ 155-172:
 50 Նկատի ունի Սկրտիչ Աղամայանի (Սարիատ) գործունեությունը Եկատերինոդարի բանտից Դաշնակցական կազմակերպումը: Որոշման մեջ հիշատակվող Խեչո Ամիրի (ռուսերենում՝ Ամիրով) Կտրկովը Դաշնակցական Խեչոն է (Խաչատուր Ամիրյան, 1872-1915), որին չպետք է շփոթել քիչ անց 1910-ին ցարական բանտում նահատակված Սարբազ Խեչոյի հետ (1874-1910):
 51 Ալոյան Գալուստ Գալոբի – ազգային-ազատագրական պայքարի հայտնի գործիչ: Կրել է «Թորոս», «Դարվիչ» հեղափոխական կեղծանունները: Ծնվել է 1864 թ. Երևանում, ավարտել տեղի ծխական դպրոցը, ապա մի քանի տարի աշխատել Տուլայի համրահայտ զինագործարանում: 1890 թ. Թիֆլիսում հիմնել է զինագործարան, զենք տրամադրել Ա. Կուկունյանին: Եղել Մրգաստանի (Երևան) Կենտրոնական կոմիտեի ղեկավար դեմքերից մեկը: Թավրիզում հիմնել է ՀՀԳ «խարիսխ» զինագործարանը, եղել է Խանասորի արշավանքի գլխավոր զինագործը: 1908 թ. մասնակցել է Իրանական հեղափոխությանը, ապա գործել է Բայազետում, ուր և դավադրաբար սպանվել է երիտթուրքերի կողմից 1914 թ. կեսերին Կովկաս անցնելու փորձի ժամանակ: Գալուստ Ալոյանը «Կարկուտ տեղացի Խանասորա դաշտումը» երգի հեղինակն է:
 52 Սարգիս Օհանջանյանը (1869-1918) ծնվել է Վաղարշապատում: ՀՀԳ գործիչ Ատրպատականում, ապա Ազուլիսում և Երևանում: Մասնակցել է Խանասորի արշավանքին: Հայ-թաթարական ընդհարումների ժամանակ եղել է Երևանի ուժերի պետը: 1918 թ. Երևանի Հատուկ կոմիտեի, ապա ՀՀ ՆԳՍ գործավար: Մահացել է Երևանում բժավոր տիֆից:

Մեպուիին հանձնել իր մոտ գտնվող 30 զենքը, 16 ատրճանակը, 5 թուրը և 2300 փամփուշտը (բնագիր գործի թերթեր 2359 հակ., 2385-2386, 3555-3556, 3597 հակ., 3599 հակ.):

ԱԹԱՅԱՆՑ (Առստամյանց) **ՍԱՐԳԻՍ ՄՈՒՆԱՅԵԼԻ** (Մուսայելի) – Շուշիի գավառի Չանախչի գյուղում Բաքվի կենտրոնական կոմիտեից գործուղված Ղազար Ամիրյանի գլխավորությամբ, «Դաշնակցություն» կուսակցության օգտին տեղական բնակիչներից հարկադիր դրամահավաք է կատարել՝ չվճարողներին ծեծի և տանջանքների ենթարկելով: Ղազար Ամիրյանի բնակարանի խուզարկության ժամանակ գտնվել է մեկ կուսակցական զենքի և 120 փամփուշտների ստացման մասին՝ Աթայանցի ստացականը (բնագիր գործի թերթեր 2508-2517, 2557-2558 հակ.):

ՀԱՐՈՒԹՅՈՒՆՅԱՆՑ ԳԵՎՈՐԳ – «Դավիթ Անհողին» ենթակոմիտեի զինվորների պետ (Թիֆլիսի նահանգի Դավիթ Անհողին գյուղում): Թիֆլիսի կենտրոնական կոմիտեին ուղղված Դավիթ Անհողինի ենթակոմիտեի 1906 թ. փետրվարի 22-ի հաղորդագրության մեջ նշվում է, որ ենթակոմիտեի զինվորների պետ նշանակված Գևորգ Հարությունյանցը կազմակերպել է զինվորների նոր խումբ և նրանց զինվորական հնարքներ է ուսուցանում (բնագիր գործի թերթեր 2379, 3540):

ԵՂԻԵՎ (ծածկանունը՝ «Արաբո») – կուսակցական զինապահեստներից մեկի պետը: Եղիգարովների գրասենյակում խուզարկությանը առգրավված Բյուրոյի փաստաթղթերի մեջ գտնվել են «Անմեղյան» ստորագրությամբ 18 գրություններ իր կողմից 1906 թ. «Արաբոյից» կուսակցական զենքի, ատրճանակների, ռումբերի և փամփուշտների ստացման մասին: «Անմեղյանի» մի գրությունը՝ «Արաբոյից» Նազան համակարգի 50 ատրճանակների ստացման, «Սաքո» (Մեղավորյան) ստորագրությամբ երկու գրություն՝ «Արաբոյից» ռումբի և փամփուշտների ստացման, «Արաբոյի» երկու

գրություն՝ կուսակցության կարիքների համար իր պահպանած ատրճանակների և փամփուշտների հանձնման վերաբերյալ (բնագիր գործի թերթեր 3581, 3585, 3592, 3594, 3594 հակ., 3602, 3610 հակ., 3616, 3574, 3575, 3591-3593, 3608, 5203-5204):

ԱՌԱՔԵԼՅԱՆ ՃԱԿՐԱՍ – Թիֆլիսի կենտրոնական կոմիտեին կից 2-րդ հարյուրյակի զինվոր: Իրեն նպաստ տալու մասին նրա գրավոր դիմումը Թիֆլիսի կենտրոնական կոմիտեին (բնագիր գործի թերթեր 3574 հակ.):

ԱՎԵՏԻՍՅԱՆ ՎՆՆՈ – նույնը, ինչ և Առաքելյան Ճակրատը (բնագիր գործի թերթեր 3574 հակ.):

ԲԵՐԲԵՐՅԱՆ (Բերբերով) ՄԻՆԱՍ ԻՎԱՆԻՑ⁵³ – Էջմիածնի հայկական հոգևոր ճեմարանի տեսուչ, իրավաբանության թեկնածու, կուսակցության անվանի անդամ: 1906-1907 թթ. եղել է Նալբանդի (Դոնի Ռոստով-Նախիջևան) կենտրոնական կոմիտեի անդամ: 1906-1907 թթ. օգնել է Այսրկովկասում կուսակցական զենքի տրանսպորտային ուղարկման պատասխանատու Հակոբ Չիլինգարյանին՝ վերաուղարկել դրանք կուսակցության կենտրոնական կոմիտեների տրամադրության տակ: 1906 թ. Ռոստով և Նախիջևան քաղաքներում Համազասպ Նորհատյանցի⁵⁴ և երբևէլ ատենակալներ Գևորգ Չուբարյանի⁵⁵ ու Գրիգոր Չալխուշյանի⁵⁶ հետ գլխավորել է նշյալ կոմիտեին: Բերբերովի ու Նորհատյանցի մախածոնությամբ Դոնի Նախիջևանում՝ տեղի ճեմարանում և կուսակցության ֆինանսավորած հայկական «Նոր կյանք» թերթի խմբագրությունում, նշյալ ժամկետում, տեղի են ունեցել մի քանի կուսակցական ժողովներ, ապա նրանց կողմից, մահվան սպառնալիքի տակ, այդ քաղաքներում հարուստ հայ վաճառականներից հարկադիր դրամահավաքներ են կատարվել և հավաքված գումարից 57.000 ռուբլին ծախսվել է Անդրկովկասի համար Ավստրիայում զենք գնելու նպատակով (բնա-

53 Մինաս Բերբերյան (1871-1919) – ծնվել է Նոր Նախիջևանում: Նալբանդի (Դոնի Ռոստովի) կենտրոնական կոմիտեի անդամ: 1914 թ. ընտրվել է Ազգային Բյուրոյի քարտուղար: Եղել է ՀՀ պետական վերահսկիչը: 1919 թ. մահացել է Երևանում բժավոր տիֆից:
54 Նորհատյան Համազասպ (?-1920) – կուսակցական, պետական գործիչ: Ծնվել է Կարսում: ՀՀ անգամ 1890 թվականից: Հայաստանի Հանրապետության ժամանակ Կարսի քաղաքապետ, գերբվել է թուրքերի կողմից և կախաղան բարձրացվել:
55 Չուբարյան Գևորգ (1864-1930) - գրող, հրաբարակախոս: Նոր Նախիջևանի հայկական թատրոնի կազմակերպիչներից, պիեսների հեղինակ:
56 Չալխուշյան Գրիգոր (1861-1931) – հասարակական, մշակութային գործիչ: Ծնվել է Նոր Նախիջևանում: Հայ իրակառույցան հետ կապված մի շարք գրքերի հեղինակ:

գիր գործի թերթեր 424-425, 1213, 2169-2170, 2179-2180, 2321 հակ., 2324, 2345, 2456 հակ., 2360 հակ.):

ՍԱՆՈՒԿՅԱՆ ԱՐՇԱԿ (նույն ինքը՝ «Հունան» և «Արշակ Բարովյան»⁵⁷) – թուրքահայատակ, կուսակցության անդամ: Առգրավված հեռագրերից երևում է, որ նա գաղտնի գրագրության մեջ է եղել և [կատարել է] ք. Յալթայում «Միհրանի» և նրա ազգակցների նկատմամբ կուսակցության մահապատժի իրականացման գծով ահաբեկչական ջոկատների ղեկավարներ «Կարոյի» և «Վարդանի» հանձնարարությունները: Նրա վրա կուսակցության այլ անդամների կողմից էլ են հանձնարարություններ դրվել: Այսպես, Նովոռոսիյսկից Դոնի Ռոստով «Հայկական կաթնատուն» գաղտնի հասցեով հղված 1907թ. մայիսի 26-ի և հունիսի 8-ի N 3015 և N 770 հեռագրերից երևում է, որ Բաթումի կոմիտեի անդամ Հայկ Սողոմոնյանը նրան շտապ կանչել է Նովոռոսիյսկ, իսկ Անապայից Դոնի Ռոստով հղված նույն թվի հուլիսի 8-ի N 327 հեռագրով կուսակցության անդամ Տիգրան Մեսրոպյանը Մանուկյանին տեղեկացնում էր կուսակցության անդամ, հոգևորական Պողոս Տեր-Մանասյանցի Անապա չժամանելու մասին: Նովոռոսիյսկից Բաթում «Ս. Պետերբուրգյան կաթնատուն» գաղտնի հասցեով հղված նույն թվի օգոստոսի 8-ի N 982 հեռագրով Մանուկյանը Բաթումի կենտրոնական կոմիտեի անդամ Արմեն Նավյանին տեղեկացնում էր ահաբեկիչների ղեկավար «Վարդանի» Նովոռոսիյսկ ժամանման մասին: Յալթայից Նովոռոսիյսկ հղված օգոստոսի 21-ի N 4828 հեռագրով ահաբեկչական ջոկատի ղեկավար «Կարոն» Մանուկյանին հանձնարարել է

դիմավորել ջոկատին օգնության եկող ահաբեկչին (բնագիր գործի թերթեր 474-476, 598 հակ., 1025-1026 հակ., 1662, 2007 հակ., 2323):

ԲՈՒԿՈՒՂՈՎ (Բուդաղյան) **ԱՐՏԱՇԵՍ ԻՎԱՆԻ**⁵⁸ – բժիշկ, կուսակցության անվանի անդամ և կուսակցական գործերում գործուն մասնակցություն ունեցած [անձ]: Խեչո Կևորկովի հուշատետրում բժիշկ Բուդաղյանը նշվում է որպես «Դաշնակցություն» կուսակցության անդամ, կուսակցական «Հերմես» տպարանի բաժնետերերից մեկը մինչև դրա՝ ներկա գործով մեղադրյալ Սարգիս Եղիզարովի սեփականություն դառնալը: Թիֆլիսից Պյատիգորսկ կուսակցության անդամ Համբարձում Առաքելյանը⁵⁹ 1907 թ. հունիսի 11-ին N. 5383 հեռագիրն է հղել բժիշկ Բուդաղյանին «Հերմեսի» լուծարումից հետո իրեն հասանելիք 320 ռուբլին ուղարկելու մասին: Կուսակցության անդամներ Լիսիցյանը⁶⁰, Թումանյանը և Շանթը⁶¹ Մանգլիսից Պյատիգորսկ հղված օգոստոսի 2-ի N 37 հեռագրով բժիշկ Բուդաղյանին հայտնում էին, որպեսզի վերջինս Շխիյանցի⁶² հանձնի 200 ռուբլի (բնագիր գործի թերթեր 475, 909, 1010, 10-14, 1208 հակ., 2205, 2321, 2360 հակ.):

ԲԻՋ-ՕՂԼԻ ԽԱՉԱՏՈՒՐ (կուսակցական ծածկանունները՝ «Բիջ-օղլի», «Բաջի-օղլի») – «Ահաբեկիչ-Մարմնին» կից ջոկատի ահաբեկիչ: 1907 թ. ահաբեկչական ակտի կատարման նպատակով ուղեկցել է Խեչո Կևորկովին՝ նրա կուսակցական գործուղումների ժամանակ: Դրանից զատ, մասնակցել է Ալեքսանդր Շարաֆյանի գլխավորած ահաբեկչական ջոկատին և Արմավիրում ու Պյատիգորսկում «Միհրանի», Վարդապետյա-

ԵՂԵՆԻՍԵՅԻ

1011 հունիս-սեպտեմբեր, 2011 Գ. (Թ) Կոստի, թիվ 3 (35) հունիս-սեպտեմբեր, 2011

ՎԵՐ Կանախակական հանդես

57 Միգուցե «Բաբայան» կամ «Բաբերյան»:

58 Բուդաղյան Արտաշես (1864-1915) – բժիշկ, հասարակական գործիչ, ապրել է Պետերբուրգում:

59 Համբարձում Առաքելյանը ՀՀԳ անդամ չի եղել և ցարական պաշտոնյաների այս սխալմունքի մեջ, թերևս, իր դերն է խաղացել այս հակադաշնակցական գործիչի դրսևորած ավելորդ ազահությունը:

60 Լիսիցյան Ստեփան Դանիելի (22.09.1865, Թիֆլիս-4.01.1947, Երևան) – մանկավարժ, բանասեր, պատմաբան, ազգագրագետ: 1894-ից դասավանդել է Թիֆլիսի Ներսիսյան դպրոցում: 1905-1916 թթ. հրատարակել է «Հասկեր» մանկական ամսագիրը: Հովի. Թումանյանի և Լ. Շանթի հետ կազմել է հրատարակել է «Լուսաբեր» հայոց լեզվի դասագիրքը: 1928-1947 թթ. եղել է Հայաստանի պատմության թանգարանի ազգագրության բաժնի վարիչը:

61 Շանթ Լևոն Սեդրոսի (1869, Կ. Պոլիս-29.11.1951, Բեյրութ) – անվանի գրող, մանկավարժ, ազգային-քաղաքական գործիչ: 1899-1909 թթ. դասավանդել է Թիֆլիսի Գայանյան օրիորդաց և Երևանի թեմական դպրոցներում: Մասնակցել է «Վերնատան» աշխատանքներին: 1911-ից հետո գործել է Կ. Պոլսում, 1920 թ. գլխավորել է ՀՀ պատվիրակությունը Մոսկվայում:

62 Շխիյան (Շխյանց) Սիմոն Գերասիմի (1865-1947) – 1890-ական թվականներից ժնկում սովորելու շրջանից, ակտիվորեն մասնակցել է ՀՀԳ գործունեությանը, եղել է Ռոստոմի մտերիմ ընկերը: Տես «Ռոստոմ: Նամակահի»։ Սահուսան ութսունամեակին առթիւ, Պլյուրոս, 1999, էջ 9-11: Հետագայում՝ Ներսիսյան դպրոցի ուսուցիչ, զբաղվել գրական, թարգմանչական աշխատանքով: Ձերբակալվել է լիժնյան գործով:

նի և այլոց հետապնդմանը: «Միհրանի» վրա 1907 թ. հունիսի 10-ին «Բիջ-օղլի» հարձակումը հաստատվում է ահաբեկչական ջոկատներից մեկի հրամանատար «Հայկունիի» հունիսի 7-ի N 600 հեռագրով (բնագիր գործի թերթեր 181-187, 823 հակ., 2325, 2359):

ԲԵՋԱՆՅԱՆՑ ԱՐՄԵՆ ԳՐԻԳՈՐԻ – Ս.

Պետերբուրգի համալսարանի նախկին ուսանող, Շուշիի հոգևոր ճեմարանի ուսուցիչ, Շուշիի [կենտրոնական] կոմիտեի անդամ: Արմավիրից կուսակցության անդամ Գյաջեցյանը 1907 թ. օգոստոսի 6-ի N. 475 գաղտնի հեռագրով Արսեն Բեջանյանցին՝ նրա դատաքննության հետ կապված, հայտնում էր, որ «ձգտում ենք [գործն ավարտել] առանց քննության, իսկ մանրամասները [կհայտնեմ] նամակով» (բնագիր գործի թերթեր 826, 1019 հակ., 1749, 2001, 2005 հակ., 2321 հակ., 2361):

ԲԵՋԵՆԿՅԱՆ – կուսակցության անդամ:

Բժիշկ Մուրադովը («Մրմուռյան») Պյատիգորսկից Թիֆլիս հղած 1907 թ. հունիսի 15-ի N 2715 գաղտնի հեռագրով Թիֆլիսի կենտրոնական կոմիտեի անդամ «Մեդրյանին» հայտնում էր, որ Արմավիրի կոմիտեն օգնություն է խնդրում և անհրաժեշտ է նրան օգնել գումարով ու ահաբեկիչներով, քանի որ «Միհրանը» առողջացել է և կուսակցության դեմ քարոզչություն է մղում, և գումարը հարկ է ուղարկել Բեզենկյանին (բնագիր գործի թերթ 909):

«ԲԱՆՇԻ» – Բաքվի կենտրոնական կոմիտեի ահաբեկիչ: «Կարոյի»՝ Պյատիգորսկից Բաքու հղած 1907 թ. հուլիսի 9-ի N 2187 հեռագիրը ահաբեկչական ջոկատի անդամ Հարություն Մայիլյանցին (նույն ինքը՝ Աբրահամ Մարգարյան), որպեսզի նա հաղորդի բժիշկ Մուրադովին «Բախշիի» գտնվելու վայրի մասին, իսկ Պյատիգորսկից Բաքու հղած հուլիսի 12-ի N 3071 հեռագրով նույն Մայիլյանցից «Բախշին» պահանջում էր իրեն փաստաթղթեր ուղարկել: Բախշին «Կարոյի» ջոկատի կազմում մասնակցել է «Միհրանի» հետապնդմանը (բնագիր գործի թերթեր 910, 2325, 2359 հակ.):

ԲՋՆՈՒՆԻ ԽԱՉԱՏՈՒՐ ՍԱՐԳԻՍԻ –

պաշտոնաթող պաշտոնյա, Կարսի [կենտրոնական] կոմիտեի անդամ: 1907 թ. օգոստոսի 7, 8, 10, 11-ի N. 2535, 2935, 472, 405 հեռագրերից երևում է, որ նա միջոցներ է ձեռնարկել Կարսի հայկական քաղաքային դպրոցներում կուսակցության հետևյալ անդամներին ուսուցչի և ուսուցչուհու տեղ տրամադրել. 1. Հյուսիսային Կովկասում ահաբեկչական ջոկատի պետ Ալեքսանդր Շարաֆյանին, 2. Անահիտ Փարսադանյանին (բնագիր գործի թերթեր 1018 հակ., 1019, 1062 հակ., 1208 հակ., 1431, 2004 հակ., 2005, 2321 հակ., 2361):

Գուրգենյանի կոմիտեի շրջանի Ալազանի ենթակոմիտեի ղեկավարը: Կուսակցության Բյուրոյին 1907 թ. դեկտեմբերի 1-ի հաղորդումը, ըստ որի զինվոր Ղազար Վարդանյանը զինվորական ծառայության⁶³ ժամանակ [ՀՅԳ] կուսակցական գործին ցույց է տվել իր հավատարմությունը և բազմիցս տուժել պետական իշխանության ներկայացուցիչների կողմից (բնագիր գործի թերթ 3571 հակ.):

ԲԱԳԱՅԱՆՑ ՎԱՆՈ – կուսակցական

զենքի պահապան: Մինչև կենտրոնական կոմիտեի պահանջը՝ «Չեչենից» զենքի, փամփուշտների, ատրճանակների պահպանության ընդունման 1906 թ. ապրիլի 10-ի ստացականը (բնագիր գործի թերթ 3574 հակ.):

ՎԱՅՆՅԱՆ ՎՈՎԱ (նույն ինքը՝ «Վռամ-բաշ»)

կուսակցական ծածկանունները՝ «Համո», «Գոմս») – Թիֆլիսի կոմիտեի անդամ, կուսակցական զենքի պահապան: Կուսակցության Արևելյան Բյուրոյի 1906 թ. հաշվետվությամբ Վահանյանի («Գոմս») մոտ նշված է պահպանության մեջ գտնվող 13 զենք, 8 ատրճանակ, 800 փամփուշտ, 11 ֆունտ վառոդ: «Համո» ստորագրությամբ նրա գրությունը, որպեսզի «Մանալը» (Թիֆլիսի կենտրոնական կոմիտեի նախագահ Սարգիս Մանասյանց) որպես ճանապարհաձախս կուսակցական գումարից զինվորին 5 ռուբլի տա: Ահաբեկչական ջոկատի պետ «Վարդանը» Նովոռոսիսկից 1907 թ. հունիսի 13-ի N 1234 հեռագրով Վահանյանին հաղորդում էր կուսակցական գործերով զբաղված լինելու պատճառով իր մոտ մեկնելու անհրաժեշտության մասին (բնագիր գործի թերթեր 1026, 2321 հակ., 2345 հակ., 2361, 2385-2386, 3555-3556, 3584 հակ., 4497-4498 հակ.):

ՎԱՐԳԱՆՅԱՆ ՂԱԶԱՐ – Բաքվի կենտրոնական կոմիտեի շրջանի Ալազանի ենթակոմիտեի ղեկավար: Կուսակցության Բյուրոյին 1907 թ. դեկտեմբերի 1-ի հաղորդումը, ըստ որի զինվոր Ղազար Վարդանյանը զինվորական ծառայության⁶³ ժամանակ [ՀՅԳ] կուսակցական գործին ցույց է տվել իր հավատարմությունը և բազմիցս տուժել պետական իշխանության ներկայացուցիչների կողմից (բնագիր գործի թերթ 3571 հակ.):

ՎԱՐԳԱՆՅԱՆՑ ՄԻՆԱՍ – Կարսի կենտրոնական կոմիտեի ղեկավար: Կենտրոնական կոմիտեի անդամ «Աշտ Հայկունու» ստորագրությամբ և կնիքով հաստատված 1906 թ.

63 Ակտի ունի ցարական բանակը:

ԵՐԵՎԱՆԻ ԴՐՈՒՄ

Գ (Թ՝ Կարի, թիվ 3 (35) հուլիս-սեպտեմբեր, 2011

ՎԵՄ համահայկական հանդես

օգոստոսի 1-ի վկայականը կուսակցության Բյուրոյին, ըստ որի՝ զինվոր Մինաս Վարդանյանը տուժել է պետական իշխանությունից՝ կուսակցությանը ծառայության ժամանակ (բնագիր գործի թերթ 3472):

ՎԱՐՎԱՆՅԱՆ – Բաքվի կենտրոնական կոմիտեի շրջանի 3-րդ կոմիտեի («Սև քաղաք») նախագահ: Վարդանյանի 1907 թ. դեկտեմբերի 21-ի հաղորդագրությունը Բաքվի կենտրոնական կոմիտեին, ըստ որի՝ «Սպիտակ» և «Սև» քաղաքներից [կենտրոնական] կոմիտեի պատգամավոր [անդամ] է ընտրվել կոմիտեի անդամ «Սկրտումը» (բնագիր գործի թերթ 3014 հալ.):

ԹԱԹԱՅԱՆՅ ԱՄՊՈՒՏ⁶⁴ – Ժլատի (Վլադիկավկազ) կենտրոնական կոմիտեի անդամ (կուսակցական ծածկանունը՝ «Վասյուշին») - Անդրկովկասում կենտրոնական կոմիտեների համար կուսակցական զենքի վերառադարկման պատասխանատու (բնագիր գործի թերթեր 4412-4415 հալ., 4418 հալ., 4420):

ԹԱԹԱՅԱՆՅ ԵՐՎԱՆԻ – նույնը, ինչ որ և Անպուտ Թաթայանցը:

ԳՐԻԳՈՐՅԱՆՅ ԱՐՏԵՄ ԽԱՉՏԱՌԻԻ (նույն ինքը՝ Հարություն Գրիգորյան) – Բաքվի կենտրոնական կոմիտեի ահաբեկչական ջոկատի անդամ: Այլ ահաբեկիչների հետ «Միհրանի», Հաբեթ Վարդերեսյանի և այլ անձանց սպանության համար 1907 թ. հուլիսին Բաքվից ուղարկվել է Պլատիգորսկ: 1907 թ. օգոստոսին «Կարոյի» և «Վարդանի» ղեկավարությամբ ժամանել է Յաթա՝ նշյալ սպանության կատարման համար, ինչը չի ստացվել իրենցից անկախ հանգամանքներով, քանի որ տեղական ոստիկանությունը նրանց ժամանումից մի քանի օր անց բացահայտել էր օգոստոսի 27-ին նրանց կողմից «Միհրանի» զարմիկ Գասպար Նազարովի սպանությունը, ինչի արդյունքում «Կարոյի» գլխավորությամբ ջոկատի բոլոր անդամները ձերբակալվել էին և Օդեսայի զինվորական դատարանի 1908 թ. հուլիսի 14-ի վճռով տաժանակիր աշխատանքի դատապարտվել (բնագիր գործի թերթեր 208, 455-456, 456 հալ., 464 հալ., 2357 հալ.):

ՂԱՐԻԲՈՎ ՎԱՀԱՆ (նույն ինքը՝ Ղարիբյանց) – Երևանի կոմիտեի անդամ: Մասնակ-

ցել է «Միհրանի», Վարդերեսյանի և այլոց նկատմամբ 1907 թ. օգոստոսին կուսակցության մահվան վճռի իրականացմանը, ինչի մասին վկայում են հետևյալ հեռագրերը. 1. 1907թ. հունիսի 17-ի N 8923 – Թիֆլիսի կենտրոնական կոմիտեի անդամ և ահաբեկիչների ղեկավար «Արտավազը» Թիֆլիսից Բաքում Ղարիբովին հանձնարարել է միջոցներ ձեռնարկել Թիֆլիսից փախած Հաբեթ Վարդերեսյանի փնտրտուքի և սպանության համար, 2. օգոստոսի 10-ի N 1511 - Բաքումից Յաթա Ղարիբովը հարցնում է տեղի կոմիտեի անդամ Սելվիյանին. «Յաթայում են արդյո՞ք Միհրանը և նրա ազգականները», և ստանալով հաստատող տեղեկություններ՝ օգոստոսի 11-ի N 1666 հեռագրով հանձնարարում է նրան՝ «Միհրանին» և նրա ազգականներին Յաթայում բռնելու համար միջոցներ ձեռնարկել մինչև Նովոռուսիյսկից «Խեչո Կևորկովի» գլխավորած ահաբեկիչների ժամանումը (բնագիր գործի թերթեր 42, 181-187, 420 հալ., 474 հալ., 760, 1012 հալ., 1021 հալ., 1035 հալ., 1036, 2006 հալ., 2010-2011, 2321, 2325, 2361):

ՂԱՐԻԲՈՎ ՀԱՄԲԱՐՉՈՒՄ ԲԱՐՍԵՂԻ⁶⁵ (կուսակցական ծածկանունները՝ «Պիլո», «Պլո», «Պուլո») – Կարսի կենտրոնական կոմիտեի անդամ: Բնակվում է կամ Կարսում, կամ Ալեքսանդրապոլում՝ կուսակցական գործերով: Նրա միջոցով են Կարսի կենտրոնական կոմիտե ընդունվել մասնավոր անձանց բոլոր խնդրանքներն ու նախումները: 1907 թ. օգոստոսի 31-ին նրա մոտ խուզարկությամբ առգրավվել են հայ յեղավորական «Դաշնակցություն» կուսակցության 4-րդ [Ընդհանուր] ժողովի երկու տպագիր ծրագրերը: Յաթայում ահաբեկիչների ղեկավար «Կարոյի» գրության մեջ նշված է 1907 թ. հուլիսի 31-ին Համբարձում Ղարիբովին կուսակցական ծախսերի համար 10 ռուբլի գումարի հանձնումը: Եղիգարովների գրասենյակում առգրավված Բյուրոյի թղթերի մեջ կային Համբարձում Ղարիբովի ստորագրությամբ հաշվետվություններ 1906 թ. հուլիսի 12-21-ին 3551 ռուբլի 66 կոպեկ գումար կուսակցական ծախսի համար ստանալու և մնացորդ 788 ռուբլի 4 կոպեկը կենտրոնական կոմիտեի համար՝ Մեղավորյանին հանձնելու

64 Անունը ռուսերենով բառացի այդպես է գրված:
65 Սա կարսեցի համետագործ Գամբարձում Ղարիբյանն է՝ նշանավոր Պլո թագավորը: Մալխասի խոսքերով՝ «Պլոն «գործադիր մարմին» է կուսակցութեան: Ան մեծ, Պլո՝ թագավորը», Մալխաս, Ապրումներ, Ա. հատոր, Թեհրան, 1982, էջ 348:

վերաբերյալ: 2. մայիսի 1-ի «Լեոնիդ» ստորագրությամբ (Մարզիս Մանասյանցի նոր կուսակցական ծածկանունը⁶⁶) նամակը «Պլոյի» անունով, ըստ որի Անտառապատում⁶⁷ նոր խուզարկությամբ առգրավված կուսակցական թղթերի առթիվ անհրաժեշտ է կուսակցության անդամների համար շրջանառության մեջ դնել նոր ծածկանուններ (բնագիր գործի թերթեր 468 հալ., 475, 472, 545 և հալ., 1020 հալ., 1028 հալ., 1432, 2005, 2325 հալ., 2341 հալ., 2342, 2861, 3611 հալ., 3532, 4499):

ՀԱԼԱԶՅԱՆՑ ՊԵՏՐՈՍ ԹՎԳԵՎՈՍԻ –

Եկատերինոդարի կոմիտեի անդամ: Նույն կոմիտեի անդամ Նիկոլայ Սաթունյանի հետ 1907 թ. օգոստոսին մասնակցել է «Միհրանի» հետապնդմանը: Արմավիրի ենթակոմիտեի նախագահ Չինչինյանը 1907 թ. օգոստոսի 1-ի N 126 հեռագրով Սաթունյանին հրահանգել է ղիմավորել-հետևել «Միհրանի» և հաղորդել Եկատերինոդարով նրա անցնելու մասին (բնագիր գործի թերթեր 596, 598 հալ., 1121-1122 հալ., 1208 հալ., 2009 և հալ., 2321 հալ., 2361):

ԳԱՌՈՒԶՅԱՆ ՍԵՄԵՎՈՐ⁶⁸ (նույն ինքը՝

Գառուզով, կուսակցական ծածկանունը՝ «Սիկ») – Դոնի Ռոստով-Նախիջևանի կենտրոնական կոմիտեի անդամ: Մասնակցել է նաև Վլադիկավկազի կենտրոնական կոմիտեի աշխատանքներին: 1906-1907 թթ. եղել է «Դաշնակցություն» կուսակցության ֆինանսավորած Դոնի Նախիջևանի հայկական «Նոր կյանք» թերթի աշխատակից և վարիչ, որի խմբագիրն էր Խարազյոզյանը (Խարազյոզով-Խլեբնիկով): Գրուզիայանի Վլադիկավկազ մեկնումից հետո՝ 1907 թ. հոկտեմբերին, «Նոր կյանք» թերթի խմբագրության գրասենյակում խուզարկությամբ գտնվել են կուսակցության անդամ հոգևորական Հակոբ Սառիկյանի միջոցով «Սիկին» (Սեմեվոն Գառուզյանին) հանձնելու համար 1907 թ. հոկտեմբերի 8-ի «Հովիվ» (Խարազյոզովի ծածկանունը) ստորագրությամբ երկու կուսակցական նամակները: Դրանում Խարազյոզյանը Գառուզյանին հայտնում էր խմբագրությունում ոստիկանության անհաջող խուզարկության մասին, և որ՝

նախօրոք թաքցրել էին կուսակցական թղթերը, և խնդրում էր նրան այսուհետ գրել հետևյալ գաղտնի հասցեով. «Քաղաք Դոնի Ռոստով, Ազով-Դոնյան բանկ, Նաբրանդին կամ Բայրաբին»: Դրանից զատ, Գառուզյանը Պյատիգորսկում մասնակցել է ահաբեկչական ակտերի կատարմանը: Արմավիրի ենթակոմիտեի նախագահ Չինչինյանը 1907 թ. հուլիսի 19-ի N 2099 հեռագրով Գառուզյանին խնդրում էր Դոնի Նախիջևանից անհապաղ Պյատիգորսկ ուղարկել «Գասախոս» ահաբեկչին: Վերջինիս անհրաժեշտությունը պայմանավորված էր գեներալ Կարանգուլովի նկատմամբ ահաբեկչական ակտի կատարմամբ, ով սպանվել է հուլիսի 28-ին՝ Պյատիգորսկում (բնագիր գործի թերթեր 817 հալ., 826, 1288 հալ., 1935 հալ., 1935, 2002 հալ., 2321 հալ., 2374-2375, 1209 հալ.):

ՀԱԱ, ֆ. 1457, ց. 3, գ. 1, քք. 316-328:
Թարգմանություն ռուսերենից:

(Շարունակությունը՝ հաջորդ համարում):

66 «Լեոնիդը» Ս. Մանասյանի կեղծանունն էր, այլ՝ Թայիրյանի անունը:
67 «Անտառապատը» ՀՀԴ Լոռու կոմիտեի անվանումն էր:
68 «Գառուզյանը», «Գռուզինյանը», կամ «Սիկ»-ը («Սիզ»-ը) Սիմոն Վրացյանն է: Վրացյան Սիմոն (1882, գ. Մեծ Սալա, Նոր Նախիջևան-21.05.1969, Բեյրութ) - անվանի քաղաքական-պետական գործիչ

ՎԱՎԵՐԱԳՐԵՐ

ՀՀ ԴԱՇՆԱԿՑՈՒԹՅԱՆ ՄԵԾ ԴԱՏԱՎԱՐՈՒԹՅԱՆ ԹՂԹԱԾՐԱՐՆԵՐԸ

ՀՅԴ մարտական կազմակերպության անվանացանկը*

«ՎԷՄ»-ի նախորդ համարում ՀՅԴ մարտական կազմակերպության անվանացանկի հրապարակումն ընդհատվեց «Սեմեվոն Գառուզյան»-ով (Սիմոն Վրացյան):

Շարունակելով Ն. Լիժնի կազմած այս ընդհանրական դատական գործի հրապարակումը, որը կարևոր սկզբնաղբյուր է Ռուսական առաջին հեղափոխության տարիներին ՀՅԴ առավել ակտիվ գործիչների շրջանակը հստակեցնելու համար, հարկ ենք համարում ուշադրություն հրավիրել այն փաստի վրա, որ ներկայացվող փաստաթղթում կան որոշակի հակասություններ, կրկնություններ ու դեռևս չբացահայտված կեղծանուններ:

Պատճառն այն է, որ ներկա ընդհանրական դատական գործը ներառում է ՀՅԴ Մեծ դատավարության նախօրեին ձերբակալված կամ էլ ցարական իշխանությունների ուշադրությունը գրաված և հետախուզման մեջ հայտնված դաշնակցականների անունները: Կուսակցության ակնառու գործիչների մի մասին, այնուամենայնիվ, հաջողվել է խուսափել հետապնդումներից և այդպես էլ անհայտ մնալ Օխրանայի համար: Քիչ չեն նաև մասնակիորեն բացահայտված, այսինքն՝ զանազան կեղծանունների միջոցով սեփական ինքնությունը թաքցրած անձինք: Վերջիններիս շարքում են «Գասախոս», «Միրդատ», «Չեչեն», «Բախշի» և Ն. Լիժնի համար այդպես էլ անհայտ մնացած այլ կեղծանուններով հանդես եկած դաշնակցականները: Ներկայացվող անվանացանկում առկա են անգամ հետմահու դատապարտվածների կեղծանուններ: Այսպես, հատկանշական է, որ 1909 թ. մարտ-ապրիլ ամիսներին ընդունված լիժնյան այս որոշման մեջ է ներառվել ժամանակին «Սաքո Մեղավորյան» կեղծանունի տակ թաքնված Սևաբեգի Սաքոն, ով դրանից մոտ 7 ամիս առաջ մահացել էր Երևանում:

Ուշադրության են արժանի նաև Ն. Լիժնի դատական որոշմանը կցված այն 46 անձանց անունները, որոնք 1905-1908 թվականներին ահաբեկման են ենթարկվել ՀՅԴ մարտական կազմակերպության կողմից: Դրանով հանդերձ, ինչպես ամբաստանյալների, այնպես էլ նրանց կողմից ահաբեկման ենթարկված լրտեսների ու մատնիչների անուններն այնքան շատ են, որ անգամ Լիժնի նման բծախնդիր քննիչը չի կարողացել բացահայտել բոլորին:

Ուրեմն, ներկայացվող ընդհանրական դատական գործը՝ որպես ՀՅԴ

* Ընդունվել է տպագրության 6.11.2011:

պատմության սկզբնաղբյուր, արժեքավոր է այլ նյութերի հետ համեմատական քննության համատեքստում, ինչը դյուրացնելու համար առավել աչքի ընկած գործիչների վերաբերյալ փաստաթղթի տողատակերում տրվել են համապատասխան բացատրություններ: Ի դեպ, վերջիններիս դատական գործերի մի մասն արդեն հրապարակվել է ՀՅԴ հայտնի գործիչների անհատական թղթածրարների տեսքով: Օրինակ՝ մեր ընթերցողներին արդեն հայտնի է, որ ցարական Օխրանայի գրություններում վկայակոչվող «Սուրվասյանց Համազասպը» Համազասպ Սրվանձոտյանցն է, ուստի ներկա փաստաթղթի հրապարակման ընթացքում անխուսափելի է դարձել որոշ բացատրությունների կամ հիշեցումների կրկնությունը:

Կարծում ենք, որ հրապարակվող ընդհանրական դատական գործն ամփոփում և ամբողջացնում է ինչպես ՀՅԴ Մեծ դատավարության մեջ ներառված գործիչների, այնպես էլ նրանց ներկայացված մեղադրանքների շրջանակը՝ դրանով իսկ բացահայտելով այն իրողությունը, որ չնայած կատարված հսկայական աշխատանքին, Ն.Լ.Խիժինի գլխավորած հետաքննությանն իրականում չի հաջողվել «ջրի երես» դուրս բերել ՀՅԴ ամբողջ կառույցի, առավել ևս՝ մարտական կազմակերպության բոլոր օղակները և դրա առանցքային դեմքերի մի մասին:

Դատավարության ընթացքում ցարական ոստիկանների ու քննիչների համար որպես թիրախներ են ծառայել միայն այն դաշնակցականները, որոնց անունները հիշատակվել են առգրավված գրագրության, հեռագրերի և ամենակարևորը՝ Սիիրանի տված ցուցմունքների ընթացքում: Ուստի պատահական չէ, որ 169 անձանցից բաղկացած այս ցուցակից դուրս է մնացել անգամ 1905-ին ՀՅԴ առավել մեծ աղմուկ հանած գործողության՝ նահանգապետ Նակաչիձեի ահաբեկման հեղինակը՝ Դրաստամատ Կանայանը (Դրոն):

Ավագ Ա. Հարությունյան
Պատմ. գիտ. թեկնածու

**THE FILES OF THE GREAT TRIAL OF THE ARMENIAN
REVOLUTIONARY FEDERATION**

The ARF's Military Organization List

Avag A. Harutyunyan

ԵՐԵՎԱՆԻ ՊԵՐՏԻՆԵՆՏ

Գ. (Թ) գաղթի, քիվ 4 (36) հոկտեմբեր-դեկտեմբեր, 2011

ՎԵՄ համահայկական հանդես

ՈՐՈՇՈՒՄ¹

*1909 թվական, մարտի 13-ից ապրիլի 20:
Քաղաք Նովոչերկասկ:*

Նովոչերկասկի օկրուգային դատարանին կից հատուկ կարևորության գործերով Դատական Քննիչը, դիտարկելով իր վարած նախաքննությունը հայ հեղափոխական «Դաշնակցություն» կուսակցություն հանցավոր ընկերակցության գործով, ԳՏԱԿ.

Նախաքննության տվյալներով, բացի նախորդ որոշումներում ցույց տրված այդ կուսակցության գործիչներից, միանգամայն բացահայտվել է Արևելյան Բյուրոյի, Ահաբեկչական գործադիր խորհրդի, կենտրոնական կոմիտեների, ենթակոմիտեների և խմբերի անդամների հետևյալ կազմը.

Գ. ԿԵՆՏՐՈՆԱԿԱՆ ԿՈՄԻՏԵՆԵՐԻ, ԿՈՄԻՏԵՆԵՐԻ ԵՎ ԵՆԹԱԿՈՄԻՏԵՆԵՐԻ ԱՆՎԱՐՆԵՐ.

ԳՐԻԳՈՐՅԱՆՑ ՍԱՍՄՈՆ ԱՐԻԱԿԱՄԻ

(կուսակցական ծածկանունը՝ «Աբրամովիչ») – Բաքվի կենտրոնական կոմիտեի անդամ: Թիֆլիսի կենտրոնական կոմիտեին 110 ռուբլի և երեք ատրճանակ ուղարկելու հաշվետվությամբ «Աբրամովիչ» ստորագրությամբ 1906 թ. նրա նամակը Արևելյան Բյուրոյին: Արևելյան Բյուրոյի 1906 թ. հաշվետվության մեջ նշված է «Աբրամովիչից» 73 ռուբլի 90 կոպեկ ստանալու մասին: Պյատիգորսկից Բաքու 1907 թ. հունիսի 11-ին ուղարկված N 1934 գաղտնի հեռագրով ահաբեկիչների ջոկատի ղեկավար Հակոբ Աբովյանը² «Սիրանի» նկատմամբ ահաբեկչության հաջող կատարման պատճառով [sic] «Աբրամովիչին» հայտնել է ահաբեկիչ ուղարկելու անհրաժեշտության բացակայության մասին, իսկ հունիսի 15-ի N 7629 հեռագրով Թիֆլիսի կենտրոնական կոմիտեի անդամ և ահաբեկիչների ղեկավարներից «Արտա-

վագրը» «Աբրամովիչին» հանձնարարել է ահաբեկիչների ղեկավար Մեղավորյանին տեղեկացնել ահաբեկիչներով և գումարով Արմավիրի ենթակոմիտեին անհապաղ օգնության շտապելու մասին (բնագիր գործի թերթեր 908 հակ., 1873 հակ., 1012 հակ., 2321 հակ., 2322, 2361, 2381, 3542 հակ., 3580, 3840-43, 3868-70, 3875, 3882):

ԳՐԻԳՈՐՅԱՆՑ ՄԿՐՏԻՉ ՆԱՉԱՐԵԹԻ

(կուսակցական ծածկանունը՝ «Սկրտիչ») – Ախալցխայի կոմիտեի անդամ: Թիֆլիսից «Ահաբեկիչ-Մարմին» կից ահաբեկիչների ջոկատի պետ Սաքո Մեղավորյանը 1907 թ. օգոստոսի 21-ի N 9599 գաղտնի հեռագրով Սկրտիչ Գրիգորյանցին հրահանգել է ահաբեկիչներ գտնել (բնագիր գործի թերթեր 1021-1022, 1659-1660, 2322, 2361):

ՂԱՐԻՔՅԱՆ ՍԱՀԱԿ (նույն ինքը՝ Սահակ

Ղարիքի Հարությունյան) – Կարսի կոմիտեի անդամ: Ահաբեկիչների պետ Ալեքսանդր Շարաֆյանը Թիֆլիսից 1907 թ. օգոստոսի 24-ի N 11039 գաղտնի հեռագրով Սահակ Ղարիքյանին հայտնել է, որ կուսակցության անդամներ Շաքարյանները Կարս չեն ժամանելու (բնագիր գործի թերթեր 1022 հակ., 1433, 2322, 2361):

ՄԿՐՏՉԱՆ ՍՏԵՓԱՆ (կուսակցական

ծածկանունը՝ «Գագիկ») – նախկին ուսուցիչ: Կուսակցության Արևելյան Բյուրոյի գործավարության վարիչ: Բաքվի և Թիֆլիսի կենտրոնական կոմիտեների 1906 թ. հաշվետվությունների և արդարացման փաստաթղթերի իր կողմից կարգավորման մասին «Գագիկ» ստորագրությամբ նամակը «Ջիֆի»³ անունով: Կուսակցության Բյուրոյի 1906 թ. հաշվետվության մեջ նշված է «Գագիկի» կողմից վառող գնելու համար 100 ռուբլի հատկացնելու մասին: 1906 թ. օգոստոսի 24-ին «Պարթևը» (Շահրիկյան) Արմավիրից Ռուբենին հաղորդել է Արմավիրում հավաքված գումարից կուսակցության Բյուրոյի համար 15.000 ռուբլի ուղարկելու մա-

1 Սկիզբը տես «Կեն», 2011, N 3, էջ 221-240:

2 Ճիշտը՝ Հակոբ Զիլինգարյան:

3 Նկատի ունի «Ջիֆոնը», քանի որ Ստեփան Տեր-Սկրտչյանը (Գագիկ) այդ կառույցի ղեկավարն էր: ՀՀԴ 4-րդ Ընդհանուր ժողովին ներկայացված «Ջիֆոնի հաշիվը» տես «Նիւթեր Գ. Յ. Դաշնակցութեան պատմութեան համար, Գ. հատ., էջ 246:

սին: Նովոռուսիյսկից Յալթա 1907 թ. օգոստոսի 29-ի N 4450 հեռագրով «Գազիկը» Սելվիյանի միջոցով «Կարոյին» հաղորդել է «Միիրանի» նկատմամբ մահապատժի իրականացման ժամանակավոր դադարեցման և հետագա կարգադրությունների սպասելու մասին (բնագիր գործի թերթեր 1027 հալ., 3547-3550, 2386-2390, 3558-3561 հալ., 5203-5204):

ԳՅԱԶԵՆՅԱՆՑ ԼԵՎՈՆ ԳՐԻԳՈՐԻ –

Արմավիրում ուսուցիչ, կուսակցության անդամ, կուսակցական գործերում գործունյա մասնակցություն ունեցած: Արմավիրից Շուշի 1907 թ. օգոստոսի 6-ին ուղարկված N 745 հեռագրով նա կուսակցության անդամ Բեջանյանցին հաղորդել է, որպեսզի նա քննությունը խափանելու ուղղությամբ միջոցներ ձեռնարկի: Էջմիածնից Արմավիր 1907 թ. օգոստոսի 16-ին ուղարկված N 82 հեռագրով կուսակցության անդամ Հուսիկ վարդապետը⁴ Գյաջենյանցին խնդրել է իր երաշխավորած կուսակցության անդամներ Հայկ Հովակիմյանին և Համբարձում Աբովյանին Արմավիրի ուսումնարանի ուսուցիչ ընդունել:

ԳԱԼԱՆՉՅԱՆՑ ՍԱՄՍՈՆ ԱՐՏԵՄԻ⁵ (Հարությունի) –

Թիֆլիսի կոմիտեի անդամ: Հայ հեղափոխական «Դաշնակցություն» կուսակցության օրգան «Ժայռ» թերթի խմբագիր: Նշյալ թերթի խմբագրության գրասենյակը 1907 թ. կուսակցության Բյուրոյի և Թիֆլիսի կենտրոնական կոմիտեի գաղտնի բնակարանն էր: Արմավիրում և Պյատիգորսկում «Միիրանի» և այլոց նկատմամբ ահաբեկչության կատարման ուղղությամբ կարգադրությունների մասին ահաբեկչական ջոկատների պետեր Հայկունու, Հակոբ Չիլին-

գարյանի⁶, Բյուրոյի անդամ բժիշկ Մուրադովի բոլոր գաղտնի հեռագրերը «Ժայռի» խմբագրությանն էին հասցեագրված: Գրանից գատ, այդ առթիվ կարգադրությունները «Ժայռի» խմբագրությունից էին հղվում: 1907 թ. հունիսի 25-ի և հուլիսի 4-ի N 12755 և N 20001 հեռագրերից երևում է, որ նույն խմբագրությունից էր կուսակցության անդամ [Գավիթ] Ջավրիևին Ս. Պետերբուրգում «Դաշնակցություն» կուսակցության անդամների և անջատականների⁷ բլոկի ձևավորման դեմ միջոցներ ձեռնարկելու մասին հանձնարարություն տրվել (բնագիր գործի թերթեր 908, 909, 1013, 1013 հալ., 1015 հալ., 1552, 2322):

ԳԱԼՍՏՅԱՆ ԲԵՍԱՐԻՈՆ ՄԻՍԱՅԻԼԻ –

[ցարական] վարչակազմի կողմից փակված «Ժայռ» թերթի փոխարեն «Դաշնակցություն» կուսակցության հրատարակած «Խարիսխ» թերթի⁸ խմբագիր: Թիֆլիսից Պյատիգորսկ 1907 թ. հուլիսի 19-ին և օգոստոսի 3-ի N 8111 և N 1209 հեռագրերով Գալստյանը Բյուրոյի անդամ բժիշկ Մուրադովին խնդրել է Պյատիգորսկում և Կիսլովոդսկում կազմակերպել «Խարիսխ» թերթի վաճառքը: «Ժայռ» թերթի փակումից հետո կուսակցական ողջ գաղտնի գրագրությունը հասցեագրվում էր «Խարիսխ»-ի խմբագրության հասցեով, իսկ 1907 թ. սեպտեմբերի 2-ի խուզարկությամբ նշյալ խմբագրության գրասենյակում գտնվել են. 1. Սարգիս Մանասյանցի գրությունը իր վերցրած կուսակցական զենքի մասին, 2. Ուսուցիչ Վարժապետյանցի գրությունը կուսակցական զենք վերցնելու մասին, 3. Սարգիս Մանասյանցի գրությունը իր կողմից կուսակցական զենքի ուղարկման մասին, 4. «Հայ հեղափոխական

ԵՐԵՎԱՆԻ ԳՐԱԴԱՐԱՆ

11011 հոկտեմբեր-դեկտեմբեր, 2011 Գ. (Թ) 4 (36) 4-րդ գրքի, 4-րդ հատվածի

ԿԵՆՏՐՈՆԻ ԿՈՄԻՏԵ

4 Ձոհրաբյան Գուսիկ արքեպիսկոպոս (5.11.1870, Մեծ Սալա - 23.10.1943, Բուխարեստ): 1924 թ. ձեռնադրվել է եպիսկոպոս: 1920-ից եղել է Ռուսինիայի թեմի առաջնորդ: ԶՅԴ անդամ չի եղել, սակայն ձերբակալվել է լիժնյան գործով: Տե՛ս ԳԱԼ, ֆ. 1457, ց. 3, գ. 5, ք. 4036-4037, 4336-4340: Ավելի մանրամասն տե՛ս «Կեն», 2011, N 2, էջ 201-208:
5 Սամսոն Ղալաշյանը եղել է 1907-1908 թթ. Թիֆլիսում հրատարակված «Ժայռ» հասարակական, քաղաքական, տնտեսական օրաթերթի խմբագիր-հրատարակիչը: Ձերբակալումից հետո նրան հաջորդել է Արշակ Ղազարյանը:
6 Գալոբ Չիլինգարյանը 1900-ական թվականներին եղել է Կարսի շրջանի ԶՅԴ «ճակատային գծի ղեկավար գործիչ»: Ձերբակալվել է լիժնյան գործով, ծանր հիվանդությունից հետո 1912 թ. մահացել է Վլադիկավկազի բանտում:
7 Բնագրում ռուսերենով հենց այսպես է գրված:
8 «Խարիսխ» օրաթերթը հրատարակվել է Թիֆլիսում 1907 թ., 44 համար, 4 էջ ծավալով: Խմբագիր-հրատարակիչը Արշակ Պետրոսի Մեհրաբյանն էր, ով նույնպես ձերբակալվել էր լիժնյան գործով: Զենիչներն այստեղ ակնհայտորեն սխալ են թույլ տվել:

«Դաշնակցություն» կուսակցություն» բլանկով «Գալստյան» ստորագրությամբ նամակը Հարություն Մայիլյանցին՝ 1907 թ. կուսակցական գեների փոխանցումների մասին, 5. Բաքվի բանվորների բողոքագիրը, 6. Հայկական թաղամասերում հրշեջների կազմակերպման վերաբերյալ «Կանչ» գրքույկի⁹ 21 օրինակ, 7. «Մուրադի» և «Չամոյի» գլխավորած ահաբեկչական ջոկատների խմբակային լուսանկարները, 8. «Հերմես» տպարանում տպագրված կուսակցության բազմաթիվ հրատարակությունները՝ հեղափոխական գրքույկները (բնագիր գործի թերթեր 1016 հակ., 1018, 2311-2312, 3524-3528, 2361):

ԳԵՎՈՐԳԲԵԿՅԱՆ ԼԵՎՈՆ – 1906-1907 թթ. Երևանի կենտրոնական կոմիտեի գործավարության վարիչ: Գևորգբեկյանի նամակը Թիֆլիսի կենտրոնական կոմիտեի նախագահ Սարգիս Մանասյանցին, ըստ որի 1906 թ. Երևանում կուսակցական գեների ու փամփուշտի պահեստի վարիչ եղած ժամանակ իրեն հաջողվել է ոստիկանությունից թաքցնել 9.000 փամփուշտ, սակայն իր թշնամիները՝ կուսակցության որոշ անդամներ, փամփուշտների սեփականացման մեղադրանքով իրեն բանտարկել են (բնագիր գործի թերթեր 3551-3552, 4497):

«**ԳՈՐԳԻՍ**» – Երևանի կենտրոնական կոմիտեի անդամ: 1906 թ. հունվարի 5-ի նրա հաղորդումը Արևելյան Բյուրոյին՝ 10.000 ռուբլի կուսակցական գումար ստանալու և կոմիտեի ընթացիկ ծախսերի համար իր կողմից 3.000 ռուբլի պահելու մասին (բնագիր գործի թերթ 3571):

ԳԱՍՊԱՐՅԱՆՑ ԱՄԻՐՆԱՆ – Կարսի կենտրոնական կոմիտեին կից զինվոր: Կարսի կենտրոնական կոմիտեի անդամ Աշոտ Հայկունու ստորագրությամբ 1906 թ. օգոստոսի 1-ի վկայականը, ըստ որի Գասպարյանցը [ցարա-

կան բանակում] զինվոր եղած ժամանակ կուսակցությանը ծառայելու համար ռուսական կառավարության կողմից տուժվել է (բնագիր գործի թերթ 3572):

ԳՈՒԿԱՍՅԱՆ (Գուկասյանց) – 1906 թ. կուսակցության Բյուրոյի կուսակցական հաշվետվությունից երևում է, որ դեկտեմբերին Գուկասյանը Ելիզավետպոլից կուսակցության Բյուրոյին է հասցրել 50 ռուբլի, իսկ հունվարին կուսակցության հաշվով վճարել է 1904 ռուբլի 42 կոպեկ (բնագիր գործի թերթ 3580):

ԳԱԼՍՅԱՆՑ ԳԱՆՈՒՍ – կուսակցության զինվոր-ահաբեկիչ: Արևելյան Բյուրոյի թղթերում նշված է, որ նրան կուսակցական ծախսերի համար հանձնվել է գումար՝ 30 կոպեկից սկսած (բնագիր գործի թերթեր 3609 հակ., 4499):

ԳԵՎՈՐԳԲԵԿՅԱՆ¹⁰ – բժիշկ, կուսակցության անվանի գործիչ: Բյուրոյի թղթերից երևում է, որ 1906 թ. հունվարի 25-ին բժիշկ Գևորգբեկյանը նշանակվել է կուսակցական բժիշկ (բնագիր գործի թերթեր 3596-3597, 4499):

ԳԱԼԱՅԱՆՑ¹¹ Ա. – կուսակցության անդամ և կոմիտեներին գեներ մատակարարող: Կուսակցության Բյուրոյին «Բորիսարդ» հանակարգի հինգ ատրճանակներ հասցնելու համար 300 ռուբլի ստանալու մասին 1906 թ. մարտի 25-ի նրա ստացականը (բնագիր գործի թերթեր 3605 հակ., 4499 հակ.):

ԳԱՍՊԱՐՅԱՆ ԱՐՄԵՆ – կուսակցության անդամ, անվանի կուսակցական գործիչ: Հայ հեղափոխական «Դաշնակցություն» կուսակցության Թիֆլիսի կենտրոնական կոմիտեի հրատարակած նրա «Հայրենիքը և ազգային շարժումները» գրքույկը¹² և 1906 թ. օգոստոսին կուսակցական գործադրումների համար 25 ռուբլի 3 կոպեկ գումարի ծախսման հաշվետվությունը (բնագիր գործի թերթեր 2322, 3628

9 Նման գրքույկի գոյությունը ճշտել չհաջողվեց:
 10 Նկատի ունենալով լիժնյան դատական գործի շինժու բնույթն ու նրանում առկա բազմաթիվ հակասությունները՝ այս ցանկում «Գևորգբեկյան» ազգանունով 2 անգամ նշված անբաստանյալներին ամենայն հավանականությամբ պետք է նույնականացնել:
 11 Գուցե՝ Ջալալյանց:
 12 Նկատի ունի հետևյալ հրատարակությունը՝ «Հայրենիքը եւ ազգային շարժումները», թարգմանիչ՝ Արմեն Գասպարեան, հրատարակիչ՝ ԴՅԴ Թիֆլիսի Կենտրոնական Կոմիտե, Թիֆլիս, 1905:

ԵՐԵՎԱՆԻ ԳՐԱԳԻՐՈՒԹՅԱՆ ԿԵՆՏՐՈՆ

Գ. (Թ) գրարի, քիվ 4 (36) հոկտեմբեր-դեկտեմբեր, 2011

ՎԵՐԻ ԽԱՆՍԱԿՅԱԿՅԱՆ ԿԱՆՈՆԵՆ

հակ., 3611 հակ., 3612, 4500):

«**ԳՈՒԻՐԵՆ**» – Ժլատի¹³ (Վլադիկավկազի) կենտրոնական կոմիտեի անդամ և գանձապահ: 1906 թ. կոմիտեի հաշվետվությունների վրա կա գանձապահի նրա ստորագրությունը (բնագիր գործի թերթ 4419):

«**ԳԱՍԱԽՈՍ**» – Գոնի Ռոստով-Նախիջևանի կենտրոնական կոմիտեին կից ահաբեկիչ: Մասնակցել է 1907 թ. հուլիսի 22-ին Պյատիգորսկում գեներալ Կարանգոզովի սպանությանը: Արմավիրի ենթակոմիտեի նախագահ Չինչինյանի 1907 թ. հուլիսի 19-ի N 2009 գաղտնի հեռագիրը Գոնի Նախիջևան «Նոր կյանքի»¹⁴ խմբագրությանը Գոնի Նախիջևանի կոմիտեի անդամ Գուզյանին. «Հուլիսի 21-ին [այստեղ] անհրաժեշտ է «Գասախոսը», հակառակ դեպքում ամեն ինչ կորած է» (բնագիր գործի թերթեր 826, 1209 հակ.):

ԳԱՐԱՆՆՆՅԱՆ (կուսակցական ծածկանունը՝ «Արա») – Եկատերինոդարի կոմիտեի գործավար: Դաբախանյանի 1907 թ. հուլիսի 1-ի N 65 գաղտնի հեռագիրը «Խարիսխի» խմբագրությանը (կուսակցության Բյուրոյի գտնվելու վայրը) իր նախածեռնությամբ, հայերիտասարդության ներկայությամբ, ք. Եկատերինոդարում անվանի կուսակցական գործիչներ Գևորգ Չավուշի ու նրա ընկերների սպանության առթիվ¹⁵ հանդիսավոր սգո պատարագի կազմակերպման մասին (բնագիր գործի թերթեր 1208 հակ., 1121, 2361):

«**ՋՈՒՄՇՈՒՎ**» (կուսակցական ծածկանունը՝ «Մարտին») – «Ահաբեկիչ-Մարմին» կից ջոկատի ավագ ահաբեկիչ: «Խեչո Կևորկովի» հուշատետրում նշվում է «Ջումշուդին» գործուղումների համար կուսակցական ծախսերի նպատակով գումարի տրամադրման մասին: Նա մասնակցել է 1907 թ. հուլիսի 3-ին ք. Ալեքսանդրապոլում գեներալ Ալիխանովի նկատմամբ կատարված ահաբեկչական ակտին (բնագիր գործի թերթեր 181-187, 2350):

ԳԱՎԻԹՅԱՆՑ ԼԵՎՈՆ – կուսակցական զենքի պահապան: Կուսակցական զենքի, ատրճանակների, փամփուշտների և վառողի ընդունման մասին 1906 թ. ապրիլի 8-ի նրա ստացականը՝ մինչև կուսակցության կենտրոնական կոմիտեների կողմից պահանջելը (բնագիր գործի թերթ 3575 հակ.):

ՉԻԼԻՏՈՎ ԱՔՐԱՀԱՄ – Վլադիկավկազի կենտրոնական կոմիտեին զենքի մատակարարման պատասխանատու: 1906 թ. մարտի 2-ին Սիմոն Եղիազարովի հետ ձեռքակալվել է գ. Խառապուլում, որտեղից մտադրվել էին զենք ուղարկել՝ այն զենքով Իժնևսկյան գործառնների շրջանից: Այդ նպատակով 1906 թ. մարտի 21-ի և 27-ի N 182/338 և N 766/3003 հեռագրերով փոխանցվել է 5.000 ռուբլի, որից 2.500 ռուբլին Վլադիկավկազից՝ Շարաֆյանի կողմից և մույնքան էլ գումար Թիֆլիսից՝ բժիշկ Մուրադովի կողմից: Ընդ որում, Վլադիկավկազի փոստ-հեռագրատան 1906 թ. մարտի 21-ի N 338 փոստային անդորրագիրը 2.500 ռուբլի փոխանցելու մասին խուզարկությամբ գտնվել է 1908 թ. դեկտեմբերի 26-ին Վլադիկավկազի կենտրոնական կոմիտեի թղթերի մեջ: Չիլիտովի և Սիմոն Աբրահամի Եղիազարովի մոտ խուզարկությամբ գտնված Ալեքսանդր Շարաֆյանի ամուսնով նամակից երևում է, որ նշյալ 5.000 ռուբլին ուղարկվել է զենքի գնման համար, և որ, մինչ այդ, Ելիզավետպոլի, Կարսի, Վլադիկավկազի և Թիֆլիսի կենտրոնական կոմիտեների համար նրանց կողմից զենքի, ատրճանակների և փամփուշտների մեծ քանակ է ուղարկվել (բնագիր գործի թերթեր 437 և հակ., 4406, 4384-4387, 4962-4964):

ԵՂԻԱՋԱՐՈՎ ՍԻՄՈՆ ԱՔՐԱՀԱՄ – մույնը, ինչ որ Աբրահամ Չիլիտովի պարագայում:

ԵՐԵՄՅԱՆՑ ՄՈՎՍԻՍ – Գազախի շրջանի կոմիտեի անդամ: Արևելյան Բյուրոյի թղթերի մեջ գտնված 1906 թ. մայիսի 16-ի նրա նամակը Թիֆլիսի [կենտրոնական] կոմիտեի

13 ՀՀԴ «Ժլատի» կամ 10-րդ կենտրոնական կոմիտեությունն ընդգրկում էր Հյուսիսային Կովկասը:
14 «Նոր կյանք» գրական և քաղաքական շաբաթաթերթը հրատարակվել է Նոր-Նախիջևանում 1906-1907 թթ.: Խմբագիրը Գր. Անոփյանն էր, ապա՝ Հ. Խարազյոզյանը:
15 Գևորգ Չավուշը զոհվել է 1907 թ. մայիսի 27-ին Սուլուխում:

անդամ Մնացական Նալբանդյանին, ըստ որի Դազախի շրջանում կազմակերպության անդամներն իրենց կուսակցական պարտականությունների կատարմանն անհոգ են վերաբերվում (բնագիր գործի թերթեր 2254 հալ., 3539 և հալ.):

ԵՔՈՍՅԱՆ ԳԱՐԵԳԻՆ (Հեքիմյանց) – Պատուրզուանյան¹⁶ (Կաղզվանի) կոմիտեի անդամ: 1906 թ. հուլիսի 16-ի նրա գրավոր բողոքը կուսակցության Բյուրոյին Պատուրզուանյան կոմիտեի անդամների սխալ գործողությունների, մասնավոր անձանցից կոմիտեում ստացված՝ իրենց անտեղի ձերբակալությունների մասին բողոքների առթիվ (բնագիր գործի թերթեր 2354, 2378 հալ., 3538):

ՍԿՐՏՈՒՄՈՎ (կուսակցական ծածկանունը՝ «Սկրտում») – Բաքվի կենտրոնական կոմիտեի Սև քաղաքի շրջանի կոմիտեի անդամ: Բաքվի կենտրոնական կոմիտեին նշյալ կոմիտեի հաղորդագրությունից երևում է, որ 1907 թ. դեկտեմբերի 21-ին կուսակցության անդամների ժողովում անդամ «Սկրտումը» առաջիկա 1908 թ. կուսակցության շրջանային ժողովի պատգամավոր է ընտրվել: Ելիզավետպոլից Սև քաղաք 1907 թ. օգոստոսի 17-ին ուղարկված N 734 հեռագրով Ելիզավետպոլի կենտրոնական կոմիտեի անդամ և կուսակցական գործունեության գծով Կորյուն վարդապետի¹⁷ աշխատակից «Սեժումը» Սկրտումովին հաղորդել է, որ ք. Ելիզավետպոլում ոստիկանությունը ձերբակալում և խուզարկում է կուսակցական գործիչներին, որ կոմիտեի անդամ Աբրահամ Գյուլխանդանյանին¹⁸ ձերբակալել են, և որ անհրաժեշտ է փոխանցել Պավելին¹⁹, որպեսզի նա Բաքվից անհապաղ մեկնի (բնագիր գործի թերթեր 3011 հալ., 3200 հալ.):

ՄԵԼԻՔ-ԱԼԱՀՎԵՐԳՈՎ ՄԵՇԼՈՒՄ ԲԵԿ

(Մելենքում) (կուսակցական ծածկանունը՝ «Սեժում») – Նուխի քաղաքի նախկին ոստիկանական պրիստավ, Ելիզավետպոլի կենտրոնական կոմիտեի անդամ և նշյալ կոմիտեի գծով Կորյուն վարդապետի աշխատակից: Բյուրոյի թղթերի մեջ գտնված 1906 թ. հոկտեմբերի 25-ի հաղորդագրության մեջ նշված է կոմիտեի աշխատանքներին Կորյունի հետ «Սեժումի» մասնակցության մասին: 1906-1907 թթ. նա Եղիշե վարդապետի, Նասիբովի և Դուկասովի հետ մեկնել է Բայաբաշի գյուղ և, մահվան սպառնալիքի տակ, տեղական կոմիտեի անդամների և Թևոս Խաչանովի սպանության վերաբերյալ բնակիչներից պահանջել է իշխանություններին ցուցմունք չտալ, որից հետո Եղիշե վարդապետը եկեղեցու տարածքում բնակիչներին երդվեցրել է (բնագիր գործի թերթեր 2917-2918, 2200 հալ., 3546-3547, 5203-5204):

ԶԱՎՐԻԵՎ ԳԱՎԻԹ ՔՐԻՍՏԱՎՈՐԻ²⁰ –

Պետերբուրգի կոմիտեի անդամ, տիտղոսակիր խորհրդական և հաղորդակցության ուղիների ինստիտուտի լաբորանտ: «Խեչո Կևորկովի» հուշատետքում նա նշվում է որպես կուսակցության անդամ «Ս. Պետերբուրգ, Չաբալկանսկի տուն 9» հասցեով: Ս. Պետերբուրգում կուսակցական «Երկիր», «Խարիսխ» թերթերի տարածման գործակալն էր: Չավրիևին հղված հետևյալ գաղտնի հեռագրերը. 1. Պյատիգորսկից կուսակցության անդամ Թադևոս Ամիրյանի 1907 թ. հունիսի 24-ի N 4666 հեռագիրը. «[Հայտնել] բժիշկ Մուրադովի հասցեն», 2. «Ժայռ» կուսակցական թերթի խմբագրությունից կուսակցության անդամ Սիերյանի²¹ [Հ. Օհանջանյան] 1907 թ. հունիսի 25-ի N 12755 և հուլիսի 4-ի N 20001 հեռագրերը, ըստ որոնց Չավրիևը պետք է միջոցներ

16 Դատական գործում հենց այսպես է գրված:
 17 ՀՀԳ անդամ Կորյուն վարդապետ Սահակյանը 1905-1906 թթ. Գանձակի գավառում հայոց ինքնապաշտպանության ղեկավարման գործում կարևոր դեր է կատարել: Ձերբակալվել է լիժնյան գործով և մինչև 1917 թ. մայիս աքսորվել Իրկուտսկի մարզ:
 18 Ա. Գյուլխանդանյանի դատական գործը տես «Վեն», 2010, N 3, էջ 184-196:
 19 Անձը պարզել չհաջողվեց:
 20 Ջավրիև (Ջավրյան) Դավիթ Քրիստափորի (23.06.1889, Թիֆլիս–11.08.1957, Թբիլիսի) – հասարակական գործիչ, քիմիկոս: Պետերբուրգի համալսարանում աշակերտել է Դ. Մենդելեևիին: 1921 թ. հոկտեմբերից մինչև 1922 թ. փետրվարը եղել է ԵՊՀ ռեկտոր, ՀԽՍՀ գիտության վաստակավոր գործիչ:
 21 Հ. Օհանջանյանի դատական գործը տես «Վեն», 2009, N 2, էջ 144-170:

ձեռնարկեր, որպեսզի կուսակցության անդամ Սաղաթեյանին թույլ չտար «Դաշնակցություն» կուսակցության անունից որևէ բանակցությունների և փոխզիջումների մեջ մտնելու «Անշատական» հեղափոխական կուսակցության անդամների հետ, քանի որ դա պետք է լինի կուսակցության անդամների ընդհանուր ժողովի քննարկման առարկան (բնագիր գործի թերթեր 475, 909 հակ., 1667 հակ., 1055, 1013 հակ., 1015 հակ., 2322, 2345 հակ., 2348-2349, 2361 հակ.):

ՋՈՐՅԱՆ ՀՈՎՀԱՆՆԵՍ – կուսակցության անդամ, անդամացել է տարբեր կոմիտեների: Երևանում եղել է կուսակցական զենքի պահեստի վարիչ: 1905 թ. խուզարկությամբ նրա մոտ գտնված նամակից երևում է, որ 1905 թ. նա եղել է Վլադիկավկազի, Թիֆլիսի և այլ կենտրոնական կոմիտեների համար հսկայական չափերի զենքի ուղարկման գործի վարիչ: Երևանի կենտրոնական կոմիտեի անդամ «Ֆաթի»²² 1906 թ. օգոստոսի 2-ին կուսակցության Բյուրոյին ուղարկած հաղորդագրության համաձայն՝ 1906 թ. Հովհաննես Ջարյանը, որպես կիրթ մարդ, մասնակցել է նշյալ կոմիտեի աշխատանքներին (բնագիր գործի թերթեր 3582 հակ., 4498 հակ., 5004-5006, 5203):

«ՋԱՐՄԻԿ» – Ելիզավետպոլի կենտրոնական կոմիտեի անդամ: «Ջարմիկի» 1907 թ. հունվարի 5-ի ստացականը՝ որպես նշյալ կոմիտեի անդամի, Արևելյան Բյուրոյից կոմիտեի կարիքների համար 1.000 փամփուշտի ստացման մասին (բնագիր գործի թերթ 3592 հակ.):

ՔԱՐՏԱՇՅԱՆ – Թիֆլիսի [կենտրոնական] կոմիտեի անդամ և կուսակցական քարոզիչ: Դիլիջանից Քարտաշյանի 1907 թ. օգոստոսի 11-ին Թիֆլիսի կենտրոնական կոմիտեի անդամ Թայիրյանին ուղարկած N 9 հեռագիրը և օգոստոսի 5-ին Թիֆլիս վերադառնալու պահանջով վերջինիս պատասխան հեռագիրը (բնագիր գործի թերթեր 1017-1018, 2001 հակ., 2207 հակ., 2342):

ՔՈՂԱՐՅԱՆՑ ՍԱՐԳԻՍ (Քոչարյան) – Թիֆլիսի [կենտրոնական] կոմիտեի անդամ:

Աշխատել է «Խարիսխ» կուսակցական թերթի խմբագրությունում, կոմիտեում մասնակցել է ահաբեկչության ենթակա անձանց մատնանշմանը: 1907 թ. հուլիսի 8-ի և 11-ի N 469 և N 730 հեռագրերով Երևանի կենտրոնական կոմիտեի անդամ Արգուտինսկին²³ խնդրել է Քոչարյանին կուսակցության անդամ Սաղաթեյանին առաջարկել, որպեսզի նա լինի Երևանի հայկական հոգևոր դպրոցի տեսուչ, ինչի արդյունքում Քոչարյանը և Բյուրոյի անդամ Եղիշե Թոփչյանը 1907 թ. հուլիսի 23-ի N 9669 հեռագրով Մոսկվայում գտնվող Սաղաթեյանին խորհուրդ էին տալիս համաձայնել նշյալ դպրոցի տեսուչի պաշտոնի ընդունմանը, ընդ որում նշելով, որ կուսակցության կողմից Թիֆլիսի հայկական Ներսիսյան հոգևոր դպրոցի տեսուչ է նկատի առնվել Բյուրոյի անդամ Ավետիս Ահարոնյանը (բնագիր գործի թերթեր 1017, 1065 հակ., 1066, 2346, 5203 հակ.):

ՔՈՂԱՐՅԱՆՑ ՀԱՐՈՒԹՅՈՒՆ (Արտաշես Քոչարյան) (կուսակցական ծածկանունը՝ «Սարդար») – Թիֆլիսի [կենտրոնական] կոմիտեի անդամ: Ահաբեկչության ենթակա անձանց նկատմամբ ակտ կատարող ահաբեկիչների ղեկավար, կուսակցական զենքի պահեստի վարիչ: [Այդ մասին են վկայում հետևյալ գրությունները.] 1. Իր վարած պահեստից 1905-1906 թթ. Սաքո Մեղավորյանին, Սարգիս Մանասյանին և այլոց զենքի, ատրճանակների, վառողի, ռումբերի և փամփուշտների բաց թողնման մասին գրություն: 2. Գագիկի նամակը կուսակցության պահեստներում զենքի, վառողի և այլնի առկայության ստուգման մասին, ինչը հնարավոր է անել «Սարդարի» հաշիվների միջոցով: 3. «Սարդարի» անունով գրություն նրանից 2.000 փամփուշտ ստանալու մասին: 4. 1906 թ. մարտի 6-ի և ապրիլի 18-ի «Սարդարի» ստորագրությամբ հաշվետվությունները՝ կուսակցության 2-րդ պահեստում զենքի, ատրճանակների և փամփուշտների առկայության մասին: 5. 1906 թ. դեկտեմբերի 20-ի և 25-ի, 1907 թ. հունվարի 3-ից 18-ը «Սարդարի» ստորագրությամբ

22 Հավանաբար «Ֆարիստ» է Սարգիս Օհանջանյանը: 23 Յովսեփ Կրկոյան:

տասնմեկ անդորրագրերը Անտառապատի²⁴ պահեստ գեների, ատրճանակների, փամփուշտների, վառողի և ռումբերի պահպանման ստանալու մասին: «Սարդարի» ստորագրությամբ 1906 թ. դեկտեմբերի 26-ի և 1907 թ. հունվարի 18-ի հաշիվները Արամին, Ավետիսին և Կորյունին՝ ռումբերի, վառողի, փամփուշտների, զենքի և ատրճանակների բաց թողնման մասին: Ավագ ահաբեկիչ «Խեչո Կևորկովի» 1907 թ. հունիսի 9-ի գաղտնի հեռագիրը Ամիրյանցին. «Փոխանցել Սարդարին, ստացել եմ» (բնագիր գործի թերթեր 2195 հակ., 2383, 3545 հակ., 3593-3596, 3622-3624, 3606, 3547 հակ.-3549, 3571, 3583 հակ., 3622-3624, 5203 հակ.):

ՄԿՐՏՉՅԱՆ ԳԵՂԱՄ (նույն ինքը՝ Սկրտիչ) – «Ահաբեկիչ-Մարմնին» կից ջոկատի ահաբեկիչ: Այլ ահաբեկիչների հետ նրա մասնակցությունը 1907 թ. հունիսի 10-ին Արմավիրում «Միհրանի», Վարդերեսյանի²⁵ և Խեչո Մուխարովի վրա հարձակման, վերջին երկուսի սպանության և առաջինի վիրավորման մեջ (բնագիր գործի թերթեր 31-32, 103, 2326, 2364):

ՄՈՒՍԱՅԱՆ ԳԱՌՆԻԿ ՀԱՐՈՒԹՅՈՒՆԻ – Թեոդոսիայի ենթակամիտեի անդամ: Թեոդոսիայում նրա գաղտնի բնակարանը կուսակցության անդամների միջև գրագրության վայր է եղել: Ահաբեկչական ջոկատի պետ «Վարդանը» 1907 թ. օգոստոսի 14-ի N 2196 հեռագրով կուսակցության անդամ Հովհաննես Էլմասյանից խնդրել է Խեչոյի (Խեչո Կևորկով)՝ Նովոռոսիյսկում գտնվելու մասին անհապաղ հարցնել Գառնիկ Մուսայանին, իսկ Նովոռոսիյսկից ահաբեկչական ջոկատի պետ «Կարոն» N 1915 հեռագրով Գառնիկ Մուսայանից և «Վարդանից» հարցնում էր Նովոռոսիյսկում «Խեչո Կևորկովի» ձերբակալության և ահաբեկիչների հետ իր Յաթա մեկնելու մասին և հրահանգում, որպեսզի «Վարդանն» անհապաղ օգնության մեկնի Յաթա (բնագիր գործի թերթեր 420, 598, 1056, 2323, 2362):

ՄԱԿԱՐՅԱՆ ԱՐԱՄ ԳԱԼՈՒՍԻ – Բաթումի կոմիտեի անդամ՝ կուսակցության

կենտրոնական կոմիտեների հանձնարարությունների կատարման գծով: Նրա բնակարանը և ծառայության վայրը կուսակցական գրագրության գաղտնի հասցեներ էին: Ըստ «Խեչո Կևորկովի» հուշատետրի՝ եղել է կուսակցության անդամ: Հետևյալ գաղտնի հեռագրերը. 1. Թիֆլիսից Բաթումի կենտրոնական կոմիտեի անդամ Հայկ Սողոմոնյանի 1907 թ. հուլիսի 3-ի N 817 հեռագիրը Բաթում Արամ Մակարյանին. ««Խարիսխի» (կուսակցության Բյուրյի գտնվելու վայր) հասցեով անհապաղ 50 ռուբլի փոխանցիր», 2. Կուսակցական ծախսերի համար Արամ Սկրտչյանի կողմից 50 ռուբլի փոխանցելու վերաբերյալ 1907 թ. հուլիսի 16-ի N 344 հեռագիրը, 3. Յաթայից ահաբեկչական ջոկատի պետ «Վարդանի» 1907 թ. օգոստոսի 10-ի N 2210 հեռագիրը Բաթում Արամ Մակարյանին՝ կուսակցության ահաբեկչությանը ենթակա «Միհրանի» և նրա ազգականների Յաթա ժամանման մասին: Դրանից գատ, «Միհրանի» և նրա աջակիցների նկատմամբ մահապատիժների իրականացման վերաբերյալ Յաթայից և Նովոռոսիյսկից Բաթում՝ տեղի կենտրոնական կոմիտեի անդամ Արմեն Նավյանի անունով բոլոր հեռագրերը ստացվել են նշյալ Արամ Մակարյանի ստորագրությամբ (բնագիր գործի թերթեր 420-421, 475, 760, 829, 1015, 1019 հակ., 1045 հակ., 2010, 2326, 2344, 2362, 2372, 4050-4054):

ՄԻՐԱԶԻՍՈՎ ՀՈՎԱԿԻՄ ԱՎԵՏԻՔԻ – ըստ «Խեչո Կևորկովի» հուշատետրի՝ Դոնի Նախիջևանի կոմիտեի անդամ: [Նրա կուսակցական գործունեության մասին են վկայում] հետևյալ հեռագրերը. 1. Երևանի [կենտրոնական] կոմիտեի անդամ Եղիազարովի 1907 թ. հունիսի 25-ի N 1887 հեռագիրը Միրագիսովին, որպեսզի անհապաղ հաղորդի «Խեչո Կևորկովի» ջոկատի ահաբեկիչ Խաչատուր Ասլանյանցի հասցեն, 2. 1907 թ. հունիսի 26-ի և 30-ի N 16295 և N 19078 պատասխան հեռագրերը (բնագիր գործի թերթեր 475, 821, 1184, 1065, 1674-1675, 2323, 2346, 2362):

ՄԻՐՉՈՅԱՆՅ – կուսակցության անդամ և

²⁴ «Անտառապատը» ՅՅԴ Լոռու կոմիտեն էր:
²⁵ Յաթեթ Վարդերեսյանը Միհրանի մերձավոր աջակիցն էր:

ԵՐԵՎԱՆԻ ԳՐԱԳԻՐՈՒԹՅԱՆ ԿԵՆՏՐՈՆ

1011 թվականի հունիսի 26-ի հրահրված հրահրագրի 4 (36) հոդվածները-ընկերները, 2011

Գ. (Թ) գրառի, քիվ 4 (36) հոդվածները-ընկերները, հանդես

ահաբեկիչ: Պյատիգորսկից Արմավիրի ենթակոմիտեի նախագահ Արամ Չինչինյանի 1907 թ. հուլիսի 7-ի N 1650 հեռագիրը Սիրգոյանցի (Երևան, հյուրանոց «Կովկաս») հասցեով. «Շատ կարևոր գործ կա, անհապաղ արի» (բնագիր գործի թերթեր 909 հալ., 2006):

ՄԵԼԻՔ-ԱԶԱՐՅԱՆ ԱԼԵՔՍԱՆԴՐ – կուսակցության գործունյա անդամ: Արևելյան Բյուրոյում գտնված նրան ուղղված կուսակցության բոլոր ահաբեկիչների գլխավոր պետ Շահրիկյանի («Պարթև») ստորագրությամբ 1906 թ. հուլիսի 24-ի նամակը իր կողմից բանկերի միջոցով Ալեքսանդր Մելիք-Ազարյանի անունով Արևելյան Բյուրոյի համար Արմավիրում հավաքված գումարների փոխանցման մասին՝ 500 և 40.000 ռուբլի չափսերով: Դրանից զատ, Բյուրոյի թղթերի մեջ գտնվել է Մելիք-Ազարյանի ստորագրությամբ 1906 թ. օգոստոսի 17-ի գրությունն իր կողմից կուսակցության համար փամփուշտների և վեց զենքի ուղարկման մասին: Մելիք-Ազարյանը կուսակցության անդամներ, բժիշկներ Մուրադովի և Բուդոլովի²⁶ ու Շահպարունյանի հետ եղել է Թիֆլիսում կուսակցական «Հերմես» տպարանի փայտեր (բնագիր գործի թերթեր 1010 հալ., 1014 հալ., 1018 հալ., 3549 հալ., 3550, 4497):

ՄԵԼՅԱՆՑ ՀՐԱՆՏ – ուսանող (կուսակցական ծածկանունը՝ «Հրանտ»), ուսանողական կազմակերպության անդամ և անվանի կուսակցական գործիչ: Բյուրոյի թղթերի մեջ գտնված նրա 1907 թ. հունվարի 15-ի նամակը «Ահաբեկիչ-Մարմնի» խորհրդի անդամ Սաքո Մեղավորյանի անունով, որպեսզի Բյուրոյում քննարկեն նամակ ուղարկողի գործը: Նրա [կուսակցական գործունեության մասին են վկայում] հետևյալ հեռագրերը. 1. 1907 թ. օգոստոսի 28-ի N 4636 հեռագիրը Բաթումից Թիֆլիս «Խարխախի» (Բյուրոյի նստավայր) խմբագրություն, կուսակցության անդամ Թադևոսյանին, ըստ որի «Հրանտը» մեկնել է Կարս՝ Ամիրովի մոտ, 2. Կարսից Պյատիգորսկ կուսակցության անդամ, որպես զենքի պահապան՝ ահաբեկիչներին ուղեկցող Անահիտ

Փարսադանյանին 1907 թ. հուլիսի 12-ին ուղարկված N 608 հեռագիրը Կարսից իր մեկնման մասին (բնագիր գործի թերթեր 1034 հալ., 1036, 1062, 2323, 2362, 3596 և հալ.):

ՄԱՐՁՅԱՆ ԽԱՎԱՏՈՒՐ – «Ահաբեկիչ-Մարմնի» կից ջոկատի ահաբեկիչ և ահաբեկչության մեկնող ջոկատներից մեկի կուսակցական զենքի պահապան: «Խեչո Կևորկովի» հուշատետրի համաձայն՝ Մարջյանի մոտ նշված է «Բրաունինգ» համակարգի չորս ատրճանակ (բնագիր գործի թերթեր 181-187, 2328 հալ.):

ՄԵՇԿԱԿՅԱՆՑ – Թիֆլիսի կենտրոնական կոմիտեին կից ահաբեկիչ, կուսակցության օգտին նվիրատվությունների հավաքմամբ զբաղվող: Ըստ «Խեչո Կևորկովի» հուշատետրի՝ նշված է 1907 թ. ապրիլ-հունիսին իրեն Մեշչադյանցի կողմից կուսակցական ծախսերի համար 350 ռուբլի տրամադրման մասին (բնագիր գործի թերթեր 181 հալ., 186, 2323):

ՄԵՀՐԱՐՅԱՆ ԶԻՆԱԿՎԱ – կուսակցության անդամ, «Ահաբեկիչ-Մարմնի» կից խորհրդում ահաբեկչության ենթակա անձանց ցուցակների կազմման վարիչ (բնագիր գործի թերթեր 2026, 2323 հալ.):

ԱՍՏՎԱԾԱՏՐՅԱՆ ՋՈՒՄՇՈՒԿ ՄԱԿԻՉԻ – «Ահաբեկիչ-Մարմնի» կից ջոկատի ահաբեկիչ: «Խեչո Կևորկովի» հուշատետրի համաձայն՝ 1907 թ. ապրիլ-հուլիսին նշյալ Ջումշուդին կուսակցական ծախսերի համար և որպես ահաբեկչական ակտերին մասնակցություն 130 ռուբլի պարգևատրում է նշվում (բնագիր գործի թերթեր 2198 հալ., 181-187, 2323 հալ., 2362):

ՄԹԵՐՔՅԱՆՑ – Թիֆլիսի կենտրոնական կոմիտեի ահաբեկիչ: Ախալցխայից Ջումշուդը 1907 թ. օգոստոսի 24-ին Թիֆլիսի «Հերմես» տպարանի հասցեով ուղարկված N 442 հեռագրով Թիֆլիսի կենտրոնական կոմիտեի անդամ Հարություն Թալիբյանին տեղեկացրել է Մթերքյանցի Ախալքալաք մեկնելու մասին (բնագիր գործի թերթեր 2206, 2323 հալ.):

ՄԱԼԽԱՍՅԱՆ – Թիֆլիսի կենտրոնական կոմիտեի անդամ՝ հատուկ հանձնարարությամբ

26 Բուդոլովյան Արտաշես:

յունների գծով և նշյալ կոմիտեին ահաբեկիչներ մատակարարող: Թիֆլիսի կենտրոնական կոմիտեի անդամ Լևոն Թալիբյանը 1907 թ. հունիսի 25-ի N 12464 հեռագրով հրահանգել է Վարաբիլիսայի²⁷ կոմիտեի անդամ Նալբանդովին, որպեսզի նա փոխանցի Մալխասյանին՝ դադարեցնել ահաբեկիչների երրորդ խմբի ուղարկումը մինչև գործի մանրամասների պարզաբանումը, իսկ Ախալցխայից 1907 թ. հուլիսի 30-ի N 613 հեռագրով կուսակցության անդամ Գանալովը հաղորդել է Մալխասյանին «Խարիսի» խմբագրությունում Թիֆլիսի [կենտրոնական] կոմիտեի անդամ Յուսուֆյանի հետ հանդիպման անհրաժեշտության մասին (բնագիր գործի թերթեր 1013 հալ., 2207, 2323, 2323 հալ., 2364):

ՍԱՆՈՒԿՅԱՆ – Բաքվի կենտրոնական կոմիտեի անդամ: Նրա 1906 թ. դեկտեմբերի նամակը Բյուրոյի անդամ Օհանջանյանին («Մեերին») զինվորների ջոկատի պետին 60 ռուբլի աշխատավարձի վճարման մասին (բնագիր գործի թերթեր 2254, 3602 հալ.):

ՍԱԼԻՔՅԱՆ ԻՍԱԿԱՎ ՔՐԻՍՏԱՎՈՐԻ – Բաքվի կոմիտեի անդամ: Ըստ «Խեչո Կևորկովի» հուշատետրի՝ կուսակցության անդամ: Բաքվում նրա բնակարանը և լուսանկարչատունը կոմիտեի անդամների և ահաբեկչական ջոկատների պետերի համար գաղտնի հասցե է ծառայել: Պյատիգորսկից Բաքու 1907 թ. հունիսի 11-ի N 1934 գաղտնի հեռագրով ահաբեկիչների ջոկատի ղեկավար Հակոբ Չիլինգարյանը «Սիիրանի» նկատմամբ ահաբեկչության հաջող կատարման պատճառով Մելիքյան-Աբրամովիչին²⁸ հայտնել է ահաբեկիչ ուղարկելու անհրաժեշտության բացակայության մասին, իսկ հունիսի 15-ի N 7629 հեռագրով Թիֆլիսի կենտրոնական կոմիտեի անդամ, ահաբեկիչների ղեկավարներից «Արտավազը» «Աբրամովիչին» հանձնարարել է ահաբեկիչների ղեկավար Սեղավորյանին տեղեկացնել ահաբեկիչներով և գումարով Արմավիրի ենթակոմիտեին անհապաղ օգնությամբ:

յան շտապելու մասին: Հուլիսի 13-ի N 409 հեռագրով Ելիզավետպոլի կենտրոնական կոմիտեի անդամ Աբրահամ Գյուլխանդանյանը Մելիքյանին տեղեկացրել է Աբասթումանից իր անհապաղ մեկնման մասին (բնագիր գործի թերթեր 405, 417, 475, 476, 908 հալ., 1012 հալ., 1208, 1873, 1990, 2197, 2361):

ՄԵԼՔՈՆՅԱՆ ԱՐՏԱՇԵՍ (կուսակցական ծածկանունը՝ «Մելիքզադե») – նախկին ուսուցիչ, Ելիզավետպոլի կենտրոնական կոմիտեի անդամ և նշյալ կոմիտեի գծով Կորյունի աշխատակիցը: 1906 թ. Բյուրոյի գրության մեջ նա նշված է որպես «հեռացված ուսուցիչ Մ.» և «Կորյուն վարդապետի համակիր»: Եղել է բոլոր ահաբեկիչների գլխավոր պետ «Նիկոլ-Դումանի» ավագ օգնականը և ահաբեկչական ջոկատների ղեկավարը (բնագիր գործի թերթեր 2325, 2365 հալ., 3546-3547):

ՄԵՀԼՐԱՍ (կուսակցական ծածկանուն է) – Թիֆլիսի կենտրոնական կոմիտեին կից զենքի պահապան և բանվորների շրջանում կուսակցական քարոզիչ: Արևելյան Բյուրոյի թղթերի մեջ գտնվել են [նրա կուսակցական գործունեությունը հաստատող] հետևյալ փաստաթղթերը. 1. Թիֆլիսում «Միր» ծխախոտի ֆաբրիկայի բանվորների 1906 թ. բողոքն ուղղված Թիֆլիսի կենտրոնական կոմիտեին՝ նրա անդամ և կուսակցական քարոզիչ «Սիիրատի» դեմ, ըստ որի վերջինս ձգտել է ֆաբրիկայի վարպետի նկատմամբ կուսակցական ահաբեկչություն կատարել, 2. Թիֆլիսի կենտրոնական կոմիտեի 1906 թ. հաշվետվությունը «Սիիրատի» մոտ պահպանության գտնվող զենքի, ատրճանակների, փամփուշտների և վառողի մասին (բնագիր գործի թերթեր 2340, 3601-3602 հալ., 4499):

ՄԱՐԳԱՐՅԱՆՑ ՍԱՐԳԻՍ – Թիֆլիսի [կենտրոնական] կոմիտեի անդամ, [կուսակցության] զինվորների զինծառայության ուսուցման վարիչ: Կուսակցության Արևելյան Բյուրոյի թղթերի մեջ գտնվել են կուսակցության անդամ «Թադևոսի» (Ամիրյանց) անունով

27 Այժմ Վանաձոր:
28 Այստեղ քննչական մարմինների կողմից ակնհայտ սխալմունք է թույլ տրվել: Պարզաբանելու համար սույն հրապարակման սկզբում տես «Գրիգորյանց Սամսոն Աբրահամի»:

ԵՐԵՎԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

Գ Գ (Թ) ԳՄԱՐԻ ՔԻՄ 4 (36) ԽՈՒՄԻՆԻՍՏԻԿԱՆ ԿԵՆՏՐՈՆԻ ԳՐԱԳԻՏՈՒԹՅԱՆ ԿԵՆՏՐՈՆ

ԿԵՆՏՐՈՆԻ ԿԱՆՈՒՄԱՐՆԵՐԻ ԿԵՆՏՐՈՆ

«Մարգիս Մարգարյանց» ստորագրությամբ երեք նամակներ՝ Կուսիսի գյուղի զինվորներին և բնակիչներին զենքի տիրապետման և զինվորական հնարքների ուսուցման, նշյալ գյուղի բնակիչներին [կուսակցության] անդամ Հայկունու կողմից զենքի բաժանման և նրանց զինման մասին (բնագիր գործի թերթեր 2382, 2384, 3552-3554, 4498 հակ.):

ՄԵԼԻՔ-ՎԱՐՎԱՆՅԱՆ ՄԻՔԱՅԵԼ – Թիֆլիսի կենտրոնական կոմիտեի զինվոր և ահաբեկիչ: Բյուրոյի կուսակցական հաշվետվություններում գրառում կա ավագ ահաբեկիչ «Հաջի Լևոնի» կողմից նրան 1906 թ. չորս ահաբեկիչների կերակրման համար 1 ռուբլի 95 կոպեկ տրամադրելու մասին (բնագիր գործի թերթեր 3609 և հակ., 4499 հակ.):

ՆԱՐՀՈՏՅԱՆՅ ՀԱՄԱԶԱՍՊ ԳՐԻԳՈՐԻ²⁹

– Կարսի կենտրոնական կոմիտեի անդամ, իսկ 1906 թ. վերջին և 1907 թ. Գոնի Նախիջևանի կենտրոնական կոմիտեի անդամ, որտեղ եղել է դրա գլխավոր կարգադրիչը: Բերբերովի, Չուբարովի և Չախտալյանի հետ 1906-1907 թթ. Գոնի Նախիջևանում՝ տեղի հայկական հոգևոր դպրոցում և «Նոր կյանք» թերթի խմբագրության գրասենյակում ղեկավարել է կուսակցական ժողովները: Դեկավարել է Ռոստով և Գոնի Նախիջևան քաղաքներում հարուստ հայ վաճառականներից Անդրկովկասի համար կուսակցության կողմից զենք գնելու համար կատարվող դրամահավաքը՝ դրամը պահանջելով մահվան սպառնալիքի տակ, պահանջներն ուղարկելով Գոնի Նախիջևանի կենտրոնական կոմիտեի անուսից ու կնիքով, իսկ հավաքված 50.000 ռուբլին ծախսվել է զենք գնելու վրա: 1907 թ. խուզարկությամբ «Նոր կյանք» թերթի խմբագրությունում առգրավված հոկտեմբերի նամակում Նարհոտյանցը անվանվում է Ռոստով և Գոնի Նախիջևան քաղաքներում կուսակցության ղեկավար (բնագիր գործի թերթեր 224-225, 1935, 2169, 2070-2324, 2332, 2341, 2344 հակ., 2356, 2364):

ՆԱԼԱՆԳՈՎ («Նալբանդյանց») **ՎԱՀ-**

ՐԱՄ ՎԱՀՐԱՄԻ – Գարաբիլիսայի կոմիտեի անդամ: Թիֆլիսից 1907 թ. հունիսի 25-ի N 12464 հեռագրով Թիֆլիսի կենտրոնական կոմիտեի անդամ «Լևոնը» (Լևոնիդ Թայիրյան) Գարաբիլիսա Վահրամ Նալբանդովին հրահանգել է դադարեցնել ահաբեկիչների երրորդ խմբի ուղարկումը մինչև իր գալը: Թիֆլիսից 1907 թ. հուլիսի 9-ի N 3427 հեռագրով Թիֆլիսի [կենտրոնական] կոմիտեի անդամ Փամբակյանը Գարաբիլիսա Նալբանդովին հաղորդել է «Մուշեղի»³⁰ նկատմամբ ահաբեկչության նշանակման («Մուշեղի գործը նշանակված է վաղը») և «Ահաբեկիչ-Մարմնին» կից ահաբեկչական ջոկատի պետ Մաքո Մեղավորյանի շտապ մեկնման մասին (բնագիր գործի թերթեր 1013 հակ., 1015 հակ., 1903-1904, 2019, 2018, 1342 հակ., 730, 2362):

ՆԱՎՅԱՆ (Նովյանց) – Երևանի կենտրոնական կոմիտեի անդամ՝ կուսակցության Բյուրոյի հանձնարարությունների կատարման համար: Այսպես, 1907 թ. օգոստոսի 9-ի N 1232 հեռագրով Նովյանը Բաթումից կուսակցության Բյուրոյին հաղորդել է «Խարիսխ» թերթի խմբագրության հասցեով, որ ահաբեկչության ենթակա «Միհրանն» արդեն Նովոռոսիյսկում է, իսկ օգոստոսի 10-ի և 11-ի նույն հասցեով ուղարկված N 1549 և N 1594 հեռագրերով նա հաղորդել է, որ «Միհրանն» արդեն ոչ թե Նովոռոսիյսկում է, այլ Յալթայում և կարգադրություններ է խնդրել՝ նշելով Յալթայում կուսակցական հասցեն. «Բազար, Արմենակ Մելվիլյանին»: Կոմիտեի անդամներ Լևոն Թայիրյանը և «Արտավազը» օգոստոսի 11-ի N 4349 և N 4487 հեռագրերով այդ ջոկատի անդամ Կարապետ Հունանյանցի միջոցով հրահանգել էին Նովյանին հաղորդել Նովոռոսիյսկում ահաբեկիչների ջոկատի պետ «Կարոյին» օգնության գործուղված «Վարդանի» հասցեն: Միաժամանակ, «Արտավազը» կարգադրում էր, որպեսզի Նովյանը շտապ հեռագրի Յալթա՝ տեղի կոմիտեի անդամ Արմենակ Մելվիլյանին, որպեսզի նա բոլոր միջոցներով, մինչև ահաբեկիչների խմբով ավագ ահաբեկիչ «Խե-

29 Համազասպ Նորիատյան:
30 Մուշեղ Օհանյանը խմբապետ Միհրանի աջակիցներից էր:

չո Կևորկովի» ժամանումը, «Միիրանին» ազգականների հետ տեղում պահի: Օգոստոսի 15-ի N 6227 հեռագրով Թայիբյանը Թիֆլիսից համձնարարել է Նավյանին Նովոռոսիյսկում «Խեչո Կևորկովի» ձեռքակալության հետևանքով, անհապաղ ահաբեկիչների հետ այնտեղ մեկնել՝ «Կարոյին» օգնության, իսկ Յաթայում ահաբեկչական ջոկատի ղեկավար «Վարդանը» օգոստոսի 18-ի N 3992 հեռագրով խնդրել է Նավյանին կուսակցական ծախսերի համար շտապ հեռագրով գումար փոխանցել (բնագիր գործի թերթեր 1019, 1020, 1020 հակ., 1035 հակ.-1036, 1119, 2010, 2325, 2362):

ՆԱՐԳԻՍ ՎԱՍԻԼԻ – Թիֆլիսի կենտրոնական կոմիտեին կից ահաբեկիչ և ահաբեկչական ակտեր կատարելու մեկնող ահաբեկիչների ջոկատի զենքի պահապան: «Խեչո Կևորկովի» հուշատետրում նշվում են Վասիլի Նարգիսի մոտ պահպանության գտնվող զենքեր, ատրճանակներ, փամփուշտներ և ռումբեր (բնագիր գործի թերթեր 180-182, 189 հակ.):

ՍՈՒՐՎԱՍՅԱՆՑ ՀԱՍՏՁԱՍՊ³¹ (կուսակցական ծածկանունը՝ «խմբապետ Համազասպ», «հայոց իշխան Համազասպ») – կուսակցության 1905 թ. նոյեմբերի 13-30-ը [կայացած] շրջանային ժողովի որոշումներից երևում է, որ նա՝ որպես Շուշիի կենտրոնական կոմիտեի պատգամավոր, «խմբապետ Համազասպ» անունով ներկա է եղել այդ ժողովին: Նա մատնանշել է, որ իր տրամադրության տակ փամփուշտներ և դրամ չկա, և որ իր շրջանի համար անհրաժեշտ է մինչև 600.000 փամփուշտ և 5.000 հրացան, և ծախսերի համար՝ ոչ պակաս, քան 50.000 ռուբլի: Ինչպես երևում է կուսակցության բյուրոյի թղթերից՝ նա անդամակցել է Շուշիի կենտրոնական կոմիտեի Ջևանշիրի³² կոմիտեին և 1906 թ. օգոստոսի 1-ին, որպես նշյալ կոմիտեի անդամ, կու-

սակցության բյուրոյին գրած նամակում խնդրել է «Հովսեփ»³³ անունով [ՀՅԴ] անդամի կողմից իրեն զրպարտելու առթիվ միջնորդական դատարան նշանակել: Նույն թվին, ինչպես նշված է նույն բյուրոյի մեկ այլ փաստաթղթում, նա եղել է Ելիզավետպոլի կենտրոնական կոմիտեի գծով Կորյուն վարդապետի աշխատակիցը և արդեն անվանվել է «հայոց իշխան Համազասպ»: Նա գլխավորապես եղել է Շուշիի և Ելիզավետպոլի կենտրոնական կոմիտեների կից ահաբեկիչների ղեկավարը, և 1907 թ. նրա ղեկավարությամբ ու անձնական մասնակցությամբ Կրասնովոդսկում իրականացվել է ահաբեկչություն Մուշեղ Օհանյանի նկատմամբ, ով մերկացրել էր «Գաշնակցության» նոր կուսակցության³⁴ գործունեությունը:

ՆԱԼԱՆԳՅԱՆ ՄԱՅՏԱԿԱՆ³⁵ (կուսակցական ծածկանունը՝ «Մացակ») – Թիֆլիսի կոմիտեի անդամ: Նրա կուսակցական գործունեությունը հաստատվում է Արևելյան Բյուրոյի հետևյալ թղթերով. 1. 1906 թ. մայիսի 16-ի նամակում Բազախի կոմիտեի անդամ Մովսես Երեմյանը հաղորդել է Թիֆլիսի կենտրոնական կոմիտեի անդամ Նալբանդյանին Բազախի շրջանի կուսակցական անդամների անգործության մասին, 2. 1906 թ. մարտի 7-ին կուսակցության Բյուրոյին ուղղված խնդրագրում Գևորգ Կահրիմովը սպառնալով նշել է, որ դիմել է պետական դատարանին, և խնդրում է անհապաղ քննել գործը, քանի որ կուսակցության անդամ Մնացական Նալբանդյանը չարագործների դեմ հանդիման իրեն ոչ մի օգնություն չի ցուցաբերել, 3. 1907 թ. հունվարի 3-ի նամակում Մաքո Մեղավորյանը կուսակցության անդամ Պողոս Վարդանյանից խնդրել է ըստ պատկանելության Եղիզարովների գրասենյակ հասցնել Սարգիս Մանասյանցի և Նալբանդյանի («Մացակ») կուսակցական թղթերը (բնագիր գործի թերթեր 3539 և հակ.,

31 Գ. Սրվանձոյանցի դատական գործը տես՝ «Վեմ», 2010, N 2, էջ 166-184:

32 Ջրաբերդի գավառ Գանձակի նահանգում:

33 Անձը պարզել չհաջողվեց:

34 Այդպես են բնորոշել ցարական քննիչները ԳՅԴ-ին «Կովկասյան նախագծի» ընդունումից հետո, որպեսզի ի դեմս Միիրանի ու նրա կողմնակիցների՝ առանձնացնեն իրենց իսկ հայտնագործած «հին կուսակցությունը»:

35 Մնացական Նալբանդյանը Թիֆլիսում 1906 թ. տպագրված ԳՅԴ «Յառաջ» հասարակական, տնտեսական, քաղաքական և գրական օրաթերթի հրատարակիչն էր, իսկ խմբագիրը Ավետիս Սահակյանն էր:

2380 հակ., 3542, 4496, 4499 հակ.):

ՕՀԱՆՁԱՆՅԱՆ ՍԱՐԳԻՍ (կուսակցական ծածկանունը՝ «Ֆահրադ») – Երևանի կենտրոնական կոմիտեի անդամ: 1907 թ. հունիսի 12-ի N 5864 գաղտնի հեռագրում «Ֆահրադ» տեղեկացրել է Երևանի կենտրոնական կոմիտեի անդամ Թորոս [Գալուստ] Ալոյանցին «Միհրանի», Մուխարովի (Կոփեցի Խեչո) և «Վասիլիի» (Վասիլի Շահնագարով) նկատմամբ ահաբեկչական ակտերի կատարման մասին (բնագիր գործի թերթեր 2344, 2353, 1011, 2364):

ՊԵՏՐՈՍՅԱՆ ՀԱՅՐԱՊԵՏ ԹԱԿԵՎՈՍԻ – Բաթումում «Պետերբուրգյան կաթնատան» սեփականատեր, տեղի կոմիտեի անդամ: Ինչպես երևում է Նավյանի անունով Շարաֆյանի և այլոց մամակներից և հեռագրերից՝ «Պետերբուրգ» կաթնատունը 1907 թ. ծառայել է որպես կուսակցական գրագրության համար գաղտնի բնակարան (բնագիր գործի թերթեր 595, 599, 1019-1020, 1026, 2010, 2011, 2345 հակ., 2362):

ՓԱՐՍԱԳԱՆՅԱՆ (Փարսադանով) ՎԱԶԱԿԱՆ ԱՎԵՏԻՍԻ – կուսակցության անդամ, ահաբեկիչներին զենք հասցնող: Ինչպես երևում է Կարսից, Պյատիգորսկից, Թիֆլիսից, Յալթայից և Նովոռոսիսկից 1907 թ. օգոստոսի 11-ի, 19-ի, 23-ի, 24-ի, 30-ի, 31-ի NN. 606, 3752, 4448, 5090, 5456, 10643, 11438, 4569, 4967, 910 հեռագրերից, նա «Միհրանի» նկատմամբ մահապատժի իրականացման առթիվ ահաբեկչական ջոկատների պետեր Ալեքսանդր Շարաֆյանի, Վարդանի և Կարոյի հետ կուսակցական գրագրության մեջ է եղել (բնագիր գործի թերթեր 911-912, 1022-1023, 1027-1028, 1062-1063, 2364, 2372):

ՓԱՐՍԱԿՅԱՆ ՎԱՀԱՆ ՂԱԶԱՐԻ – Թիֆլիսի կենտրոնական կոմիտեի անդամ: Թիֆլիսից 1907 թ. հուլիսի 9-ին Ղարաբախիսայի կոմիտեի անդամ Նալբանդյանին ուղարկված N 3427 հեռագրում նա հաղորդել է, որ «Սաքո Մեղավորյանը անհապաղ մեկնում է, իսկ Մուշեղի գործը (սայիքն՝ Մուշեղ Առաքելյանցի նկատմամբ ահաբեկչությունը) նշանակված է վաղը» (բնագիր գործի թերթեր 1015 հակ., 730, 2346, 2362):

ՊՈՂՈՍՈՎ ՀՈՎՈ (կուսակցական ծածկանունը՝ «Հովո» կամ «Հովե») – Կարսի [կենտրոնական] կոմիտեի անդամ և «Ահաբեկիչ-Մարմնին» կից ջոկատի ահաբեկիչ: 1906 թ. Կարսում մասնակցել է կուսակցության դատավճռով ոստիկանական ուրյադնիկ Փալանդովի սպանությանը և ոստիկանական սպա Տրոֆիմովի սպանության փորձին: Թիֆլիսից 1907 թ. հունիսի 7-ին Կարս ուղարկված N 3610 հեռագրով «Ահաբեկիչ-Մարմնին» կից ջոկատի ավագ ահաբեկիչ «Ապրոն» (Աբրահամ Մարգարյան) կուսակցության անդամ «Արամայի Շապուհին» հրահանգել է, որպեսզի «Հովե» անհապաղ մեկնի Բաթում, որտեղ կուսակցության հակառակորդների նկատմամբ ահաբեկչական ակտ էր պատրաստվում (բնագիր գործի թերթեր 1010, 1847, 2362):

ՊՈՊՈՎ – կուսակցության անդամ և կոմիտեներին զենք մատակարարող: Կուսակցության Բյուրոյի 1906 թ. հաշվետվություններից երևում է, որ հոկտեմբերի 29-ին նրա կողմից Թիֆլիսի կենտրոնական կոմիտե է հասցվել 9 ատրճանակ և 1.200 փամփուշտ՝ 823 ռուբլի 50 կոպեկ գումարի արժողության, սպա Շահնագարովի հետ նա այնտեղ է հասցրել 1125 ռուբլի արժողության 15 ատրճանակ (բնագիր գործի թերթ 3581):

ՍԵՎԱԻՅԱՆ ԱՐՄԵՆԱԿ ՀԱԿՈՔԻ – Յալթայի կոմիտեի անդամ: «Խեչո Կտրկովի» հուշատետրում Սեվիյանը նշվում է կուսակցության անդամ, իսկ նրա բնակարանը՝ գաղտնի կուսակցական հասցե: 1907 թ. օգոստոսի 11-ին Յալթայում նա «Կարոյի» և «Վարդանի» հրամանատարությամբ ահաբեկչական ջոկատի անդամների հետ մասնակցել է «Միհրանի», Վարդդեբեյանի, Ղազանջյանի և Գասպար Նազարովի նկատմամբ կուսակցության մահվան վճիռների իրականացմանը և կուսակցության անդամները նրա միջոցով են հեռագրերով և նամակներով փոխանցել այդ առթիվ բոլոր կարգադրությունները, սակայն սպանությունները կատարել չի հաջողվել, քանի որ 1907 թ. օգոստոսի 27-ին Յալթայում Նազարովի սպանությունից անմիջապես հետո ոստի-

ԵՐԵՎԱՆԻ ԿԵՆՏՐՈՆԱԿԱՆ ԿՈՄԻՏԵԻ ԱՆԴԱՄ ԹՈՐՈՍ [ԳԱԼՍՏ] ԱԼՈՅԱՆԿԻՆ
Գ. (Թ) ԳԱՐՍԻ, ՔԻՎ 4 (36) ԽՈԿԵՏԵՄԲԵՐԻ ԿԵԼԵԿԵՐՆԵՐԸ, 2011
ԿԵՆՏՐՈՆԱԿԱՆ ԿՈՄԻՏԵԻ ԱՆԴԱՄ ԹՈՐՈՍ [ԳԱԼՍՏ] ԱԼՈՅԱՆԿԻՆ

կանությունը ձերբակալել է «Կարոյի» և Մելվի-
յանի գլխավորած ահաբեկչական ջոկատի
բոլոր անդամներին: Օդեսայի ռազմաօկրու-
գային դատարանի 1908 թ. հունիսի 14-ի վճռով,
նշյալ Նազարովի սպանության համար Մելվի-
յանը դատապարտվել է տաժանակիր աշխա-
տանքների (բնագիր գործի թերթեր 108, 420-
421, 453-455, 462-466, 474-476, 598, 826 հալ.,
1020, 1027, 1035-1036, 1063, 1119-1120, 2340,
2358, 2370, 2373, 2498):

ՍՍՅԻԼՅԱՆՑ ՀԱՐՈՒԹՅՈՒՆ (իրեն
Աբրահամ Պետրոսի Սարգսյան անվանող և
ըստ անձնագրի ք. Յաթայում բնակվող) –
Բաքվի կենտրոնական կոմիտեին կից
ահաբեկիչ: Պյատիգորսկում, Նովոռոսիյսկում
և Յաթայում «Միհրանի» և այլոց սպանու-
թյան համար «Կարոյի» ջոկատի ահա-
բեկիչներին Բաքվից 1907 թ. հուլիսին և օգոս-
տոսին օգնության է ուղարկվել: Նույն թվի
օգոստոսին Յաթա քաղաքում այլ ահա-
բեկիչների հետ «Կարոյի» հրամանատարու-
թյամբ մասնակցել է «Միհրանի», Վարդերեսյա-
նի, Ղազանյանի և Նազարովի նկատմամբ
մահվան վճռի իրականացմանը, սակայն 1907
թ. օգոստոսի 27-ին սպանել հաջողվել է միայն
Նազարովին, ինչի արդյունքում նա ոստիկա-
նության կողմից ձերբակալվել է: Օդեսայի զին-
վորական դատարանի 1908 թ. հունիսի 14-ի
վճռով, նշյալ սպանության համար նա
դատապարտվել է տաժանակիր աշխատանք-
ների: «Խեչո Կևորկովի» հուշատետրի համա-
ձայն՝ նա Բաքվի կենտրոնական կոմիտեի
ահաբեկիչ է, իսկ Պյատիգորսկից Բաքու «Կա-
րոյի» և Բաքվի կենտրոնական կոմիտեի
ահաբեկիչ «Բախշիի» 1907 թ. հուլիսի 9-ի և
12-ի N 2187 և N 3071 հեռագրերից երևում է, որ
«Կարոն» պահանջել է Մայիլյանցից անհա-
պաղ հաղորդել բժիշկ Մուրադովին «Բախշիի»
գտնվելու վայրի մասին, իսկ վերջինս «Կարո-
յին» օգնության ժամանելով խնդրել է Մայիլ-
յանցին ուղարկել անձնագիրը (բնագիր գործի
թերթեր 910, 1208 հալ., 108, 451-464, 476 հալ.,
2323, 2342 հալ., 2358, 2358 հալ., 2370):

ՍԱՐԳԻՍՈՎ ԶԱԽԱՐԻ ԱՎԵՏԻՍԻ – կու-

36 «Չույս»՝ ռուսերեն:

սակցության անդամ: 1907 թ. մայիսից մինչև
սեպտեմբեր մասնակցել է «Միհրանի» և նրա
կողմնակիցների հետապնդմանը, և նշյալ ժա-
մանակ Պյատիգորսկում նրա բնակարանը
(Մուվորովյան փողոց, տուն 11) կուսակցական
գրագրության գաղտնի հասցե է ծառայել Կար-
սից, Նովոռոսիյսկից, Յաթայից և Թիֆլիսից
կուսակցության ահաբեկչական ջոկատների
պետեր Ալեքսանդր Շարաֆյանի, Չուբարյա-
նի, Փարսադանովայի, Մելվիյանի ու «Կարո-
յի» հեռագրերի համար (բնագիր գործի թերթեր
116, 349, 462 հալ., 474, 912 հալ., 1027-1028,
1062, 1063, 2181, 2345 հալ.):

ՍԱՐԳԻՍՈՎ ԱՍԼԱՆ ԿՈՊԵՒ – «Խեչո
Կևորկովի» ջոկատի ահաբեկիչ, ինչպես
նշված է նրա հուշատետրում: «Ասլան» ստո-
րագրությամբ Նովոռոսիյսկից Արմավիր 1907
թ. օգոստոսի 12-ին Արմավիրի ենթակոմիտեի
նախագահ Չինչինյանին ուղարկված նրա N
1565 հեռագիրը. «Նովոռոսիյսկում «Խեչո
Կևորկովի» ձերբակալության և ահաբեկչական
ջոկատի պետ «Կարոյի» մեկնման անհրաժեշ-
տության մասին, որպեսզի փոխարինի Խեչո
Կևորկովին»: Ասլան Սարգիսովի անձնագիրը
1907 թ. օգոստոսի 27-ին խուզարկությամբ
գտնվել է նույն հյուրանոցում՝ «Կարոյի» հետ
բնակվող Անահիտ Փարսադանյանի մոտ
(բնագիր գործի թերթեր 466, 475, 1026, 1341,
1897-1898):

ՍՈՎՈՍՏՆՅԱՆ ՀԱՅԿ ՆԻԿԻՏԱՅԻ (կու-
սակցական ծածկանունը՝ «Հայկ») – ուսուցիչ,
ծառայել է Բաթումում «Նաղեժդա»³⁶ տրանս-
պորտային գրասենյակում, Բաթումի կենտրո-
նական կոմիտեի անդամ: Մասնակցել է «Մի-
հրանի» և նրա ազգականների հետապնդմանը:
Կուսակցական գործերում նրա մասնակցու-
թյունը հաստատվում է նաև հետևյալ հեռագրե-
րով: 1907 թ. հուլիսի 14-ի N 3525 հեռագրով կու-
սակցության Հյուսիսային Կովկասի շրջանի
ահաբեկիչների պետ Ալեքսանդր Շարաֆյանը
Հայկ Սողոմոնյանից կուսակցական ծախսերի
համար պահանջում է անհապաղ հեռագրով
գումար ուղարկել: Թիֆլիսից Բաթում հուլիսի
3-ին ուղարկված N 817 հեռագրով Սողոմոնյա-

նը Բաթումի կոմիտեի անդամ Արամ Մակարյանից պահանջել է «Խարիսխի» հասցեով իրեն անհապաղ 50 ռուբլի փոխանցել: Կուսակցության Բյուրոյի 1906 թ. թղթերի մեջ գտնված գրության մեջ նշված է Հայկ Սողոմոնյանին 6 կուսակցական ատորճանակների և փամփուշտների հանձնման մասին (բնագիր գործի թերթեր 475, 910, 1015, 1025-1026, 1034 հակ., 1035, 1066, 2070, 2320 հակ., 2344, 3593):

ՍԱՐԳՍՅԱՆՑ ԱՐԲԱՂԱՄ (կուսակցական ծածկանունը՝ «Ապրո», «Աբրո»)– «Ահաբեկիչ-Մարմնին» կից ջոկատի ավագ ահաբեկիչ և կուսակցական զենքի պահապան: Կուսակցության Բյուրոյի 1906 թ. հաշվետվությունից երևում է, որ նրա մոտ պահպանության էին գտնվում կուսակցական ատորճանակներ, ռումբեր և փամփուշտներ: 1906-1907 թթ. նա օգնել է Հակոբ Չիլիմզարյանին կուսակցության Անդրկովկասի կոմիտեների համար զենք ուղարկելու հարցում: Կուսակցության Բյուրոյի որոշմամբ Թիֆլիսում նա մասնակցել է հետևյալ սպանություններին. 1906 թ. Շիխալիի, 1907 թ. Շահնազարովի, Մուշեղ Առաքելյանի, ռոտմիստր Ստանոյի, 1908 թ. ոստիկանական հսկիչներ Իզդեբսկու և Պուստովոյտովի, օգոստոսի 8-ին Բաթումում՝ տեղի բանտապետ Պրեխտելի, 1907 թ. հուլիսի 3-ին Ալեքսանդրապոլում՝ գեներալ Ալիխանովի: «Ահաբեկիչ-Մարմնին» խորհրդի անդամ և գլխավոր ահաբեկիչ «Խեչո Կևորկովի» հուշատետրում նշված է «Ապրոյին» ահաբեկչական ակտերի կատարման համար 1907 թ. հանձնված 200 ռուբլի պարգևատրումը, իսկ հունիսի 7-ին Թիֆլիսից Կարս ուղարկված N 3610 հեռագրով «Ապրոն» պահանջում էր «Հոփո» (Պողոսով) ահաբեկչի անհապաղ մեկնումը Բաթում՝ այնտեղ ահաբեկչական ակտ կատարելու համար (բնագիր գործի թերթեր 181-187, 1110, 729-730, 1476 հակ., 2362 հակ., 2385-2386, 3585-3586, 4374-4375, 4497):

ՍՏԵՓԱՆՅԱՆՑ ՂԱԶԱՐ – «Խեչո Կևորկովի» ջոկատի ահաբեկիչ և զենքի պահապան: Ինչպես երևում է «Խեչո Կևորկովի» հուշատետրից՝ Ղազար Ստեփանյանցի մոտ 1907 թ. գտնվել են կուսակցական երեք ատորճանակ-

ներ (բնագիր գործի թերթեր 181-187, 2362 հակ.):

ՍՈՒԺՅԱՆ ԱՐՏԱՇԵՍ – Ախալցխայի կոմիտեի անդամ: Մասնակցել է ահաբեկչական ակտերի: Կուսակցության Բյուրոյի վճռով Ախալցխայում 1907 թ. մարտին Թիֆլիսից եկած ահաբեկիչներ Սիրաբովի և այլոց հետ մահափորձ է կատարել Ասլանի նկատմամբ և գրեթե նույն ժամանակ մասնակցել է Սերգոյի սպանությանը (բնագիր գործի թերթեր 2356, 2362 և հակ.):

ԻՍԱՀԱԿՅԱՆՑ (նույն ինքը Սահակյանց) **ԱՎԵՏԻՍ** (կուսակցական ծածկանունը՝ «Ափո») – 1906-1907 թթ. մասնակցել է Բաքվի, Վլադիկավկազի և Թիֆլիսի կենտրոնական կոմիտեների աշխատանքներին: 1906 թ. երդվյալ հավատարմատար Բալուգյանի հետ կուսակցության Բյուրոյի կողմից Արմավիրում հարուստ հայերից դրամահավաքներ է կատարել: Նշյալ դրամահավաքներին նրա մասնակցությունը վկայվում է բոլոր ահաբեկիչների ղեկավար և Բյուրոյի անդամ Հարություն Շահրիկյանի («Պարթև»)՝ կուսակցության Բյուրոյին ուղարկած 1906 թ. հուլիսի 24-ի հաղորդագրության մեջ՝ Արմավիրում 40.000 ռուբլի հավաքելու և այդ գումարը կուսակցության Բյուրոյի համար ուղարկելու մասին ցուցումով, և որ կուսակցական թղթակցությունը պետք է հասցեագրվի հետևյալ հասցեով. «Արմավիր, Ավան Դավիդովին՝ հանձնել Սահակյանցին»: 1907 թ. վերջին նա մասնակցել է Բաքվի կենտրոնական կոմիտեի աշխատանքին, ինչը երևում է նրա՝ որպես տեղական 3-րդ կոմիտեի անդամի, 1907 թ. դեկտեմբերի 19-ին Բաքվի կենտրոնական կոմիտեին ուղարկած հաղորդագրությունից, որը վերաբերում էր «Հայկազունի» անդամի կուսակցության շրջանային ժողովի պատգամավոր ընտրվելուն: Դրանից գատ, 1905 թ. նոյեմբերի 13-30-ի կուսակցական շրջանային ժողովի սղագրական հաշվետվություններից երևում է, որ Սահակյանցը շատ գործույնյա մասնակցություն է ունեցել այդ ժողովին՝ պնդելով ռեակցիոն ռուսական կառավարության դեմ խիստ հեղափոխական պայքար մղելու վրա, որպեսզի պատրաստ լի-

ԵՐԵՎԱՆԻ ԳՐԱԴԱՐԱՆ

ՊՐԻՆՏԻՆԻՆԻ

Գ. (Թ) գառի, թիվ 4 (36) հոկտեմբեր-դեկտեմբեր, 2011

ԿԻՄ համահայկական հանդես

նեն ապագա հեղափոխական կառավարության կազմավորմանը՝ այդ նպատակի համար այլ քաղաքական կուսակցությունների հետ միանալով (բնագիր գործի թերթեր 5203 հակ., 3549 հակ., 3550, 2996, 5162, 5163):

ՍԱՖՅԱՆՑ ՄԱՐԳԱՐ – կուսակցության անդամ և 1906 թ. տեղական կոմիտեներին զենքի ու փամփուշտների մատակարարող: Կուսակցության Բյուրոյի 1906 թ. հաշվետվությունից երևում է, որ նա Միմոն Բեկ-Ալլահվերդի-Բեկյանի հետ համատեղ հասցրել է 286 ռուբլի 60 կոպեկ արժողության 15 ատրճանակ ու 1552 փամփուշտ, և որ Մաֆյանը կուսակցությունից ստացել է ևս 310 փամփուշտ (բնագիր գործի թերթեր 3588, 4498 հակ.):

ՍԱՀԱՎՅԱՆ ՄԿՐՏՈՒՄ – Բաքվի [կենտրոնական] կոմիտեի անդամ և Բաքվում ինչ-որ կուսակցական թերթի վարիչ³⁷: Նա բնակվել է նշյալ կոմիտեի անդամ լուսանկարիչ Մելիքյանի³⁸ հետ: Ներկա գործով մեղադրյալ Ներսես Բաբայանցի մոտ խուզարկությամբ գտնված նամակից երևում է, որ Մելիքյանի լուսանկարչատանը կուսակցական գործերով բանակցելու համար 1908 թ. փետրվարի 23-ին Սլրտում Սահակյանը սպասել է Բաբայանցի ժամանանը (բնագիր գործի թերթեր 2601, 2602, 2608-2629, 3840-3843, 4501):

Իրեն **ԹԱՄՆՑԵՎ ՎԼԱԳԻՄԻՐ** անվանող (կուսակցական ծածկանունը՝ «Վարդան³⁹», «Գևորգ, Վարդան») – ահաբեկիչների ջոկատի պետ: «Կարոյի» հետ 1907 թ. օգոստոսին Նովոռուսիյսկում և Յալթայում ղեկավարել է «Միհրանի», Վարդերեսյանի, Ղազանջյանի և Գասպար Նազարովի նկատմամբ կուսակցության մահվան վճիռների իրականացումը: Նա «Կարոյի» հետ կազմել է այդ սպանությունների պլանը: Որոշվել էր սկզբում սպանել Նազարովին, ապա ծուղակը գցել ու սպանել Վարդերեսյանին, իսկ հետո՝ հարձակվել բնակարանի վրա ու սպանել այնտեղ գտնվող

հիվանդ «Միհրանին» ու նրա քույր Զարուհի Ղազանջյանին: Սակայն այդ պլանն իրականացնել չի հաջողվել, քանի որ 1907 թ. օգոստոսի 27-ին՝ Նազարովի սպանությունից անմիջապես հետո, ոստիկանության կողմից Յալթայում ձերբակալվել են ջոկատի բոլոր անդամները՝ «Կարոյի» գլխավորությամբ, բացառությամբ թաքնվել հասցրած «Վարդանի»: «Վարդանի» ուղարկած և ստացած գաղտնի հեռագրերով միանգամայն հաստատվել է նրա մասնակցությունը ինչպես այդ հանցագործության, այնպես էլ ընկերակցության մյուս անդամների հետ գրագրության մեջ: Այսպես, Նովոռուսիյսկից Անապա 1907 թ. հունիսի 8-ին ուղարկված N 780 հեռագրով «Վարդանը» պահանջել է, որ կուսակցության անդամ Մետրայանն անհապաղ Նովոռուսիյսկ ուղարկի կուսակցական քարոզիչ Գրիգոր Հովսեփյանին («Գրիգոր»), ինչին ստացել է կուսակցական քարոզիչ հոգևորական Մինասյանցի («Տեր Պողոս») դրական պատասխանը: Նովոռուսիյսկից Բաթում 1907 թ. օգոստոսի 8-ի N 928 հեռագրով «Վարդանը» կուսակցության անդամ Նավյանին հաղորդել է, որ «Միհրանը» Նովոռուսիյսկում է: Իսկ նույն օրվա N 3070 և N 3071 հեռագրերով Թիֆլիսից Լևոն Թայիրյանը Արմավիրի ենթակոմիտեի անդամ Բեժանյանին հրահանգել է գլխավոր ահաբեկիչ «Խեչո Կևորկովին» «Վարդանի» տրամադրության տակ՝ Նովոռուսիյսկ ուղարկելու մասին: Ալեքսանդր Շարաֆյանը հաղորդել է «Վարդանին», որպեսզի նա «Խեչո Կևորկովին» հաղորդի «Միհրանի» սպանության պլանը և արդյունքների մասին հեռագրի: 1907 թ. օգոստոսի 10-ի N 1306 հեռագրով «Կարոն» Սաքո Մեղավորյանին խնդրել է Նովոռուսիյսկի ջոկատի անդամ Կարապետ Հունանյանցի միջոցով հաղորդել ջոկատի ղեկավար «Վարդանի» հասցեն: Այդ հեռագրին ի պատասխան հետևել է Թայիրյանի 1907 թ. օգոստոսի 11-ի N 4349 հե-

37 Բաքվում որևէ թերթի նման ազգանունով խմբագիր պարզել չհաջողվեց:
 38 Իսահակ Մելիքյանի լուսանկարչատունը գտնվել է Բաքվի Առևտրական և Մարինսկայա փողոցների անկյունում, հայկական եկեղեցուց 200-250 քայլ հեռու:
 39 Միհրանի ահաբեկումը նախապատրաստողների շարքում բացի Վարդան Արզումանյանից, թերևս եղել է նաև մեկ այլ Վարդան, ուստի ցարական հետաքննությունը ակնհայտորեն խճճվել է միևնույն «Վարդանի» տարբեր վայրերից ուղարկած հեռագրերի քննության մեջ:

ռագրով հետևյալ կարգադրությունը Բաթում՝ Արմեն Նավյանին. «Հաղորդել «Կարոյին» Հունանյանցի միջոցով «Վարդանի» հասցեն»։ Թեոդոսիայից օգոստոսի 12-ին ուղարկված N 2468 հեռագրով «Վարդանը» Էլմասյանին հրահանգել է «Խեչո Կևորկովին» ուղարկել Թեոդոսիա, իսկ Արմավիրից Յաթա ուղարկված N 1507 հեռագրով Չինչինյանը հաղորդել է «Վարդանին», որ «Խեչոն» ժամանել է Նովոռոսիյսկ։ N 1940 հեռագրով կուսակցության անդամ Ղարիբջյանը հաղորդել է «Վարդանին», որ ահաբեկիչների չժամանելու դեպքում անհապաղ նրանց շտապ հեռագրով հրավիրի Յաթա, իսկ օգոստոսի 13-ին Նովոռոսիյսկ ուղարկված N 1730 հեռագրով կուսակցության անդամ Բեժանյանը տեղեկացրել է «Կարոյին», որ «Վարդանը» Յաթայից հայտնել է իր մոտ ահաբեկիչ Մարտիրոսի⁴⁰ ժամանման մասին։ Ապա, Թեոդոսիայից և Յաթայից օգոստոսի 14-ին ուղարկված N 2196 և N 2981 հեռագրերով «Վարդանը» խնդրում էր կուսակցության անդամ Էլմասյանին անհապաղ տեղեկացնել Թեոդոսիայում Գառնիկ Մուսայանին գլխավոր ահաբեկիչ «Խեչո Կևորկովի» գտնվելու վայրի մասին և պահանջում, որպեսզի «Կարոն» անհապաղ մեկնի Յաթա։ Օգոստոսի 14-ին Յաթա ուղարկված N 2195 հեռագրով «Վարդանը» հարցրել է կուսակցության անդամ Սելվիյանին «Սիիրանի» և նրա ազգականների ժամանման մասին, իսկ Յաթայից Բաթում օգոստոսի 16-ին ուղարկված N 3357 հեռագրով «Վարդանը» պահանջել է, որպեսզի Արամ Մակարյանը և Արմեն Նավյանը կուսակցական ծախսերի համար հեռագրով իրեն 40 ռուբլի ուղարկեն (բնագիր գործի թերթեր 108, 420-421, 462, 466, 467, 474, 492, 598, 826-827, 1019-1020, 1119-1120, 1661):

ԹԱՅԻՐՅԱՆ ԼԵՎՈՆ (Լեոնիդ) – Թիֆլիսի կենտրոնական կոմիտեի անդամ Թայիրյանի 1907 թ. հունիսի 20-ի նամակը բժիշկ Մուրադովին՝ «Սիիրանի» և նրա եղբայր Վարդերեսյանի նկատմամբ մահվան վճիռներն

անհապաղ ի կատար ածելու մասին։ Նովոռոսիյսկում 1907 թ. օգոստոսի 11-ի խուզարկությանը կուսակցության գլխավոր ահաբեկիչ «Խեչո Կևորկովի» մոտ առգրավված Թիֆլիսի կենտրոնական կոմիտեի կողմից կարևոր կուսակցական գործերով գործուղման մասին տրված վկայականը ստորագրված է նույն Լևոն Թայիրյանի կողմից։ Թայիրյանը Հայկումուն՝ «Դոնի Ռոստով, Արաքս գիներտուն» հասցեով 1907 թ. մայիսի 31-ի N 169888 հեռագրով տեղեկացրել է Թիֆլիսից ահաբեկիչների ուղարկման մասին։ Թիֆլիսից Դոնի Ռոստով 1907 թ. հուլիսի 5-ի N 2119 հեռագրով Թայիրյանը կարգադրել է, որպեսզի ահաբեկիչների ջոկատի պես Հայկումին Դոնի Ռոստովից վերադարձնի երեք ահաբեկիչներին։ Հունիսի 7-ի N 600 հեռագրով Հայկումին հաղորդել է Լևոն Թայիրյանին, որ «Սիիրանը» հակակուսակցական քարոզչություն է վարում, ինչի արդյունքում անհրաժեշտ է նրա դեմ նոր ահաբեկիչներ ուղարկել։ Ի պատասխան՝ Թայիրյանը կարգադրել է «Սիիրանի» հետ անհապաղ վարվել ինչպես հարկն է՝ հանձնարարությունների չսպասելով, և արդյունքների մասին հաղորդել։ Ի պատասխան՝ Հայկումին հունիսի 10-ի N 872 հեռագրով Թայիրյանին հաղորդել է «Սիիրանի» և նրա ընկերների դեմ Բաքվի կենտրոնական կոմիտեի փորձառու ահաբեկիչների ուղարկման անհրաժեշտության մասին։ Հայկումին հունիսի 14-ի N 8883 հեռագրով տեղեկացրել է Լևոն Թայիրյանին Ռոստովում գործի անհաջողության մասին՝ իր նկատմամբ ոստիկանության հսկողության պատճառով, և կարգադրություն խնդրել, թե ինչպես վարվի։ Հունիսի 17-ի N 8755 հեռագրով Լևոն Թայիրյանը կարգադրել է, որպեսզի բժիշկ Մուրադովը միջոցներ ձեռնարկի «Սիիրանի» եղբայր Հաբեթ Վարդերեսյանի դեմ, ով Թիֆլիսից փախել էր Պյատիգորսկ, իսկ հունիսի 25-ին Ղարաբքիլիսա ուղարկված N 12464 հեռագրով Լևոն Թայիրյանը Նալբանդովին, մինչև հանգամանքների պարզաբանումը, հանձնարարել

ԵՐԵՎԱՆԻ ԳՐԱԴԱՐԱՆ

Գ. (Թ) Գաթի, քիվ 4 (36) հոկտեմբեր-դեկտեմբեր, 2011

ԿԵԼ Կանադայի կալված հանդես

40 Մարտիրոս Չարուխյան (՝1909): 1905 թ. մասնակցել է Բաքվի ինքնապաշտպանությանը: 1905 թ. Ալեքսանդրապոլում Դրոյի հետ միասին ահաբեկել է գեներալ Ալիխանովին: Մասնակցել է իրանական հեղափոխությանը և 1909 թ. փետրվարի 9-ին ցահատակվել Ալվարի կովում:

է դադարեցնել ահաբեկիչների երրորդ խմբի ուղարկումը: Հունիսի 26-ի N 14201 հեռագրով Լևոն Թալիբյանը հաղորդել է բժիշկ Մուրադովին՝ «Սիիրանի» դեմ գործողությունների պլանին իր համաձայնության մասին: Օգոստոսի 11-ին Բաթում ուղարկված N 4349 հեռագրով Լևոն Թալիբյանը հանձնարարել է Նավյանին անհապաղ հաղորդել «Կարոյի» համար Հունանյանցի միջոցով «Վարդանի» հասցեն, իսկ օգոստոսի 15-ի N 6527 հեռագրով Նավյանին հանձնարարել է անհապաղ Նովոռոսիյսկ՝ «Կարոյին» օգնության մեկնել «Խեչո Կևորկովի» ձեռքակալության պատճառով: Օգոստոսի 21-ի N 4694 հեռագրով «Կարոն» խնդրել է Լևոն Թալիբյանին ուղարկել 400 ռուբլի, իսկ նույն օրվա N 4537 հեռագրով՝ ևս 300 ռուբլի: Լևոն Թալիբյանը օգոստոսի 24-ի N 11314 հեռագրով հայտնել է «Կարոյին», որ գումարը փոխանցված է (բնագիր գործի թերթեր 420 հակ., 474 հակ., 470-471, 476, 654, 821 հակ., 823 հակ., 828-829, 908, 1009-1014, 1017-1021, 1147, 1164, 1208 հակ., 2207, 2339, 2344, 4545):

ԹԱԳՎՈՍՅԱՆ ԼԵՎՈՆ ՀՈՎՀԱՆՆԵՍԻ⁴¹ – Բաքվի կենտրոնական կոմիտեի անդամ: «Խեչո Կևորկովի» հուշատետրում Թաղևոսյանը նշվում է որպես կուսակցության անդամ: Շուրջից Բաքու 1907 թ. հուլիսի 22-ին ուղարկված N 975 հեռագրով կուսակցության անդամ Վարդգեսյանը Թաղևոսյանին հայտնել է կուսակցության ահաբեկչական ջոկատի անդամ Հայրում Կոստանյանի ժամանման մասին: Թիֆլիսից հունիսի 28-ի N 14200 հեռագրով Թիֆլիսի կենտրոնական կոմիտեի անդամ և ահաբեկիչների ջոկատի պետ «Արտավազը» պահանջել է կուսակցական ծախսերի համար «Ապառաժյանին»⁴² 2.000 ռուբլի ուղարկել: Օգոստոսի 15-ի N 6546 հեռագրով Միերյանը (Համո Օհանջանյան) Լևոն Թաղևոսյանին հանձնարարել է անհապաղ

Թիֆլիս ուղարկել ահաբեկչության գծով Բաքվի կոմիտեի անդամ Վարդան Արզումանյանին, իսկ օգոստոսի 22-ի N 10141 հեռագրով Լեոնիդ Թալիբյանը պահանջել է, որպեսզի Թաղևոսյանը հեռագրով ամմիջապես հաղորդի տեղեկություններ «Ջակավկայե»⁴³ թերթում հայ-թուրքական հարաբերությունների մասին ճեպագրի վերաբերյալ (բնագիր գործի թերթեր 745, 1014, 1021, 1022, 1036, 1066 հակ., 1147 հակ., 2155, 2345 հակ., 2362 հակ.):

ՏԵՐ-ՀԱՐՈՒԹՅՈՒՆՈՎ ՆԵՐՍԵՍ ԱՐՏԵՍԻ – կուսակցության անդամ: Դոնի Ռոստովում «Արաքս» գինետան սեփականատեր: Այս գինետունը 1907 թ. կուսակցության անդամների միջև գրագրության համար գաղտնի բնակարան է ծառայել: Նման գրագրության մասին վկայում են հետևյալ հեռագրերը. 1. Թիֆլիսից Դոնի Ռոստով «Արաքս» գինետան հասցեով 1907 թ. մայիսի 13-ին ուղարկված N 16988 հեռագրով Լեոնիդ Թալիբյանը Հայկունուն տեղեկացրել է Թիֆլիսից ահաբեկիչների մեկնման մասին, 2. Նույն հասցեով հունիսի 5-ի N 2119 հեռագիրը՝ երեք ահաբեկիչներին Թիֆլիս վերադարձնելու մասին, 3. Նույն հասցեով հունիսի 6-ի N 3303 հեռագիրը Լեոնիդ Թալիբյանից. «Գործել նամակի համաձայն, իսկ ահաբեկիչները թող սպասեն և արյուներքների մասին հեռագրեք», 4. Նույն հասցեով Թիֆլիսից Մեղավորյանի հունիսի 11-ի N 5516 հեռագիրը. «Դոնի Ռոստովից Արմավիր «Սիիրանի» դեմ գործելու համար թեկուզ մեկ ահաբեկիչ օգնության ուղարկման մասին», 5. Նույն հասցեով Պյատիգորսկից «Կարոյի» հունիսի 16-ի N 2886 հեռագիրը ահաբեկիչների պետ Հակոբ Չիլինգարյանին, որ վերջինս իրեն դիմավորի կայարանում (բնագիր գործի թերթեր 475, 821 հակ., 909 հակ., 475 հակ., 1019 հակ.-1021, 1261, 1362, 2345 հակ.):

41 Լևոն Թաղևոսյան (Պապաշա) (1865, Ազուլիս-1936, Փարիզ): Քրիստափոր Միքայելյանի քրոջ ավագ որդին էր: 1907 թ. Բաքվից ընտրվել է ԶՅԴ 4-րդ Ընդհանուր ժողովի պատգամավոր: 1909-1912 թթ. ձերբակալված էր Նովոչերկասկի բանտում, ապա մինչև 1918 թ. գործել է Բաքվում, ղեկավարել Զայոց Ազգային խորհուրդը, իսկ 1919 թ. ընտրվել է Զայաստանի խորհրդարանի, ապա նաև՝ ԶՅԴ Գերագույն դատական ատյանի անդամ:

42 ԶՅԴ Դարաբաղի կազմակերպության անվանումը:

43 Անդրկովկաս՝ ռուսերեն:

ԵՐԵՎԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

2011 թ. հունվարի 4 (36) հոկտեմբեր-դեկտեմբեր

Գ. (Թ) Գառի, քիվ 4 (36) համահայկական հանդես

ԱՄԻՐՅԱՆՑ ԹԱԳԵՎՈՍ ՄԻՆԱՍԻ⁴⁴ (կուսակցական ծածկանունը՝ «Թաղևոս») – կուսակցության անդամ և Բաքվի կենտրոնական կոմիտեին կից ահաբեկիչների ղեկավար: Կուսակցության անդամ և նրանց գեներալի տիրապետման ուսուցանելու մասին Սարգիս Սարգսյանցի 1906 թ. երեք նամակները «Թաղևոսին»: 1907 թ. հունիսի 24-ի N 4665 և N 4666 հեռագրերով, առաջինը՝ բժիշկ Մուրադովին 200 ռուբլի ուղարկելու մասին և երկրորդը՝ Ս. Պետերբուրգի կոմիտեի անդամ Ջավրիևին, ըստ որի «Թաղևոսի» հասցեն Պյատիգորսկում բժիշկ Մուրադովն է (բնագիր գործի թերթեր 909 հակ., 2320 հակ., 2332, 3552-3554, 2382-2384):

ԹՈՒՄԱՆՅԱՆ ՀՈՎՀԱՆՆԵՍ ՏԵՐ-ԹԱԳԵՎՈՍԻ⁴⁵ – կուսակցության [ՀՅԴ] նշանավոր անդամ, բոլոր կոմիտեներում մասնակցություն ունեցած: Նրա 1907 թ. հուլիսի 15-ի N 7546 հեռագիրը Թիֆլիսից Ղարաքիլիսա, կուսակցության անդամ Սերգեյ Եղիզարովին⁴⁶ «կարգադրություն անել» [նշումով]: Հուլիսի 23-ի N 9594 հեռագրով, Թիֆլիսից Մանգլիս, [ՀՅԴ] Թիֆլիսի Կենտրոնական Կոմիտեի գլխավոր ահաբեկիչ «Արտյուշը»⁴⁷ հարցրել է Թումանյանից կուսակցության անդամ Ջարգարյանցի⁴⁸ գտնվելու վայրի մասին և խնդրել հաղորդել «Խարիսիս» կուսակցության հասցեով, երբ է վերջանում Վահրամ Նալբանդյանցի կալանքի տակ մնալու ժամկետը: Օգոստոսի 2-ի N 37 հեռագրում, Մանգլիսից Պյատիգորսկ, Թումանյանը խնդրել է կուսակ-

ցության անդամ Բուդոլովին փոխանցումով ուղարկել 200 ռուբլի Թիֆլիս՝ հրատարակության համար (բնագիր գործի թերթեր 1012, 1017, 2205, 2205 հակ., 5203, 5203 հակ.):

ՏԵՐ-ԱՔՐԱՀԱՅԱՆՑ ՏԻԳՐԱՆ – Երևանի [կենտրոնական] կոմիտեի անդամ: Ղարաքիլիսայից Դարաչիչազ⁴⁹ 1907 թ. հուլիսի 2-ին [Ղարաքիլիսայի] կոմիտեի անդամ Հակոբովի N 8 գաղտնի հեռագիրը Տիգրան Տեր-Աքրահամյանցին. «Դաշնակցություն» կուսակցության այդտեղ ժամանած հակառակորդների դեմ միջոցներ ձեռնարկել» (բնագիր գործի թերթեր 2196, 2345):

ՏԵՐ-ԳԱՎԻԳՅԱՆՑ ԱՐԻՍՏԱԿԵՍ – Թիֆլիսի [կենտրոնական] կոմիտեի անդամ: Թիֆլիսի կենտրոնական կոմիտեի նախագահ Սարգիս Մանասյանցի 1906 թ. նամակը կուսակցական կնիք դնելու համար վկայականի ուղարկման պահանջով, քանի որ դրանով հնարավոր կլինի կուսակցության օգտին մեծ դրամահավաք կատարել: Հաշվետվություն կուսակցության Բյուրոյին՝ իր կողմից 1906 թ. 65 ռուբլի կուսակցական գումար ծախսելու մասին (բնագիր գործի թերթեր 3595 հակ., 3613 հակ., 4499):

ՏԵՐ-ՀԱՐՈՒԹՅՈՒՆՅԱՆՑ ԱՐՍԵՆ – Ելիզավետպոլի [կենտրոնական] կոմիտեի անդամ: Կուսակցության Բյուրոյի թղթերի մեջ խուզարկությանը առգրավված նրա հաղորդագրությունը Բյուրոյին՝ 1906 թ. դեկտեմբերի 12-ին ուսուցիչ Չալյանցին կուսակցական ծախսերի համար 129 ռուբլի վճարելու անհրա-

44 Ամիրյան Թաղևոս (1880-1918): 1905-1906 թթ. Գանձակի ինքնապաշտպանության ակտիվ մասնակից դաշնակցական Թաղևոս Ամիրյանը (Գիժ Թաղոս) հետագայում հարել է անարխիստներին, իսկ ավելի ուշ՝ կուսակցությունից դուրս եկած իր եղբոր՝ Արսեն Ամիրյանի (Մրավյան) հետ միասին նաև բուլշևիկներին: Ակտիվորեն մասնակցել է Բաքվի 1918 թ. հերոսամարտին, կատարել Ստ. Շահումյանի հանձնարարությունները: 1918 թ. օգոստոսի առաջին օրերին ծավալված վճռական ճակատամարտում ենթարկվելով Ռոստոմի հրամանին՝ նա իր 30 մարտիկներով անցել է Գայլի Դրունքը և որպես մահապարտ հարվածել թուրքական բանակի թիկունքին՝ խուճապ առաջացնելով թշնամու շարքերում: Բաքվի անկումից հետո գտնվել է Կրասնովոդսկ մեկնած «Թուրքմեն» նավում, որտեղ էին նաև Ստ. Շահումյանը և Թաղևոսի եղբայր Արսեն Ամիրյանը, և գնդակահարվել է նրանց հետ միասին: Տե՛ս Արամ Ալշուքեան, Ռոստոմը Բազում, «Ռոստոմ. մահուան վաթսուհանգստի մասին», Պեյրուք, 1979, էջ 348-354:

45 Յովի. Թումանյանի դատական գործը տե՛ս «Վեմ», 2009, N 1, էջ 155-172:
 46 Սարգիս (Սերգեյ) Փաշոյի (Պողոսի) Եղիզարյանը Թիֆլիսի «Յերմես» տպարանում հրատարակել է դաշնակցական գրականություն: Չերքակալվել է լիժնյան գործով:
 47 «Արտյուշը» Արսեն Ստեփանի Քոչարյանն է:
 48 Ջարգարյան Արիստակես (Ռուստեմ) (1864-1935): Յովի. Թումանյանի մտերիմ բարեկամներից: 1910 թ. ընտրվել է Չայոց հրատարակչական ընկերության նախագահ:
 49 Այժմ՝ Ծաղկաձոր:

ժեշտության մասին, իսկ նամակի շրջերեսին կա նշյալ Տեր-Հարությունյանցի ստացականը իր կողմից նշյալ գումարը Թիֆլիսի կենտրոնական կոմիտեի նախագահ Սարգիս Մանասյանցից 1906 թ. դեկտեմբերի 25-ին ստանալու մասին (բնագիր գործի թերթեր 3603, 4499):

ՀՈՒՆԱՆՅԱՆՑ ԿԱՐԱՊԵՏ ՄԱՐՏԻՐՈՍԻ

– կուսակցության անդամ և «Ահաբեկիչ-Մարմին» կից ջոկատի ահաբեկիչ: Գտնվել է «Խեչո Կևորկովի» տրամադրության տակ: 1907 թ. օգոստոսին «Կարոյի» և «Վարդանի» հրամանատարությամբ Պյատիգորսկում, Նովոռուսիյսկում և Յալթայում մասնակցել է «Միհրանի» և նրա ազգականների հետապնդմանը՝ նրանց նկատմամբ մահապատժի իրականացման համար: Սակայն Յալթայում 1907 թ. օգոստոսի 27-ին հաջողվել է սպանել միայն «Միհրանի» զարմիկ Գասպար Նազարովին, որից հետո ահաբեկչական ջոկատի բոլոր անդամները ձերբակալվել են և Օդեսայի զինվորական դատարանի կողմից 1908 թ. հունիսի 14-ին նշյալ սպանության համար դատապարտվել տաժանակիր աշխատանքների: Պյատիգորսկից Թիֆլիս 1907 թ. օգոստոսի 10-ի N 1906 հեռագրով «Կարոն» խնդրել է «Ահաբեկիչ-Մարմին» ահաբեկիչների ջոկատի գլխավոր պետ Սաքո Մեղավորյանին հաղորդել Նովոռուսիյսկի Հունանյանցին, թե որտե՞ղ է նա ուղարկվել... «Միհրանի» հետապնդման համար, և հայտնել իրեն կուսակցության անդամ Հովհաննես Էլմասյանի և «Միհրանի» նկատմամբ ահաբեկչության գծով օգնական «Վարդանի» մանրամասն գաղտնի հասցեն: Ըստ այդ հեռագրի՝ Թիֆլիսի կենտրոնական կոմիտեի անդամ Լևոն Թախիրյանը օգոստոսի 11-ի N 4349 հեռագրով Բաթումի կոմիտեի անդամ Նավյանին «Կարոյի» նշյալ խնդրանքի կատարման հանձնարարական է տվել (բնագիր գործի թերթեր 108, 453-456, 476 հակ., 1019-1020, 1071 և հակ., 2358, 2358 հակ., 2370):

ԽԱՐԱԳՅՈՒՆՅԱՆ (նույն ինքը՝ Խարագ-

յոզով-Խլեբնիկով) **ԻՎԱՆ** [Հովհաննես] **ԿԱՐՊԻ** (կուսակցական ծածկանունը՝ «Հովիվ») – Դոնի Նախիջևանում փակված հայկական «Նոր կյանք» թերթի խմբագիր: Նշյալ թերթը ֆինանսավորվել է «Դաշնակցություն» կուսակցության կողմից: Նշյալ խմբագրության գրասենյակում 1907 թ. տեղի են ունեցել տեղի կենտրոնական կոմիտեի նիստեր և ժողովներ, և այն կուսակցական գրագրության համար գաղտնի բնակարան է եղել: Արմավիրից Դոնի Նախիջևան 1907 թ. հուլիսի 19-ին ուղարկված N 2009 հեռագրից երևում է, որ Արմավիրի ենթակոմիտեի նախագահ Չինչինյանը («Նորավանդ», «Համո») «Նոր կյանքի» խմբագրության հասցեով Գռուզիայանին խնդրել է մինչև հուլիսի 21-ը շտապ ուղարկել «Դասախոս» ահաբեկչին, նշելով, որ հակառակ դեպքում ամեն ինչ կորած է: 1907 թ. հոկտեմբերի 8-ին խմբագրությունում խուզարկությամբ առգրավված չորս նամակներում, որոնցից երկուսը պատրաստ էին ուղարկման համար, իսկ երկուսն էլ ստացվել էին խմբագրությունում, պարզվել է, որ առաջին երկու նամակները Խարագյոզյանի («Հովիվ») ստորագրությամբ էին, ընդ որում առաջինը 1907 թ. հոկտեմբերի 8-ին՝ հոգևորական Հակոբ Սառիկյանի⁵⁰ անունով «Սիկին»⁵¹ փոխանցելու համար և վերաբերել է Դոնի Ռոստովում «Դաշնակցություն» կուսակցության արհեստավորների միություն («Արհեստ») կազմակերպելուն, և որ նախօրոք թաքցվել էին խմբագրության թղթերը, իսկ հոկտեմբերի 7-ի երկրորդ նամակում Խարագյոզյանը կուսակցության անդամ Լևոն Արովյանի միջոցով Մեդրյանին (Համո Օհանջանյանին) հաղորդել է Դոնի Ռոստովում 1907 թ. դեկտեմբերին և ապա՝ Ս. Պետերբուրգում գումարվելիք առաջիկա կուսակցական ժողովների մասին, իսկ չորրորդում «Սիկը» հաղորդել է Խարագյոզյանին Արմավիրում «Դաշնակցություն» կուսակցության արհեստավորների միության գործունեության մասին (բնագիր գործի թեր-

50 Հակոբ Արզումանի Սառիկյան (20.12.1872, գ. Փանծաքար, Իջևան-1945, Երևան): Խամասորի արշավանքի մասնակից, հոգևորական, ձերբակալվել էր լիժնյան գործով: Տես «Վեմ», 2011, N 2, էջ 195-199:
51 «Սիկ» կամ «Սիգ»- Սիմոն Գռուզիայան - Վրացյան:

ԵՐԵՎԱՆԻ ԳՐԱԳԻՏՈՒԹՅԱՆ ԿԵՆՏՐՈՆ

Գ. (Թ) գրարի, քիվ 4 (36) հոկտեմբեր-դեկտեմբեր, 2011

ԿԵՆՏՐՈՆԻ ԿԱՆՈՒՄԻ ԿԱՆՈՒՄԻ

թեր 301-302, 1817 հակ, 1016, 1222-1223, 1935
և հակ, 1965, 2002 հակ, 2019-2020, 2340, 2374,
2375):

ԽԱՉԱՏՈՒՐՈՎ ՀԱՎՈՐ ԱՔՐԱՀԱՄԻ

(կուսակցական ծածկանունը՝ «Սասունյան»,
«Քյոռ Հակոբ») – Յաթայի կոմիտեի նախա-
գահ, Յաթայում «Սասուն» սրճարանի սեփա-
կանատեր: Այդ սրճարանը կուսակցական
գրագրության համար գաղտնի բնակարան է
ծառայել: Յաթայում 1907 թ. օգոստոսին մաս-
նակցել է «Սիիրանի» և նրա ազգականների
նկատմամբ մահավճռի իրականացմանը: Յա-
թայից 1907 թ. օգոստոսի 10-ի N 2085 հեռագ-
րով Բաթումի կոմիտեի անդամ Ագարիկ
Ագարյանին հաղորդել է «Սիիրանի» և նրա
ազգականների ժամանման մասին («բաբերդ-
ցիներն այստեղ են») (բաբերդցիներ մականու-
նը տրվել է «Սիիրանին» և նրա ազգա-
կանների⁵²) (բնագիր գործի թերթեր 464, 466,
1490-1493, 1119, 2364, 2373):

ԽԱԺԱԿՅԱՆ ԳԱՐԵՂԻՆ՝⁵³

(կուսակցա-
կան ծածկանունը՝ «Խաժակ») – Թիֆլիսի
կենտրոնական կոմիտեի անդամ, հակակառա-
վարական գրքույկների, կոչերի կազմման գոր-
ծի վարիչ և կուսակցության անդամների ու կո-
միտեների համար քարոզչության վարման
եղանակների և հնարքների մասին
դասախոսություններ կարդացող: 1905 թ. նո-
յեմբերի 10-13-ին կայացած Ընդհանուր ժողո-
վի⁵⁴ մատյանային որոշումներից երևում է, որ
Խաժակյանն այդ ժողովին գործուն մասնակ-
ցություն է ունեցել՝ ապացուցելով, որ հայերին
ռուսական կառավարությունից ինքնավարու-
թյուն և ֆեդերացիա է հարկավոր պահանջել:
Ղարաքիլիսայից Դիլիջան 1907 թ. հուլիսի
2-ին ուղարկված N 7 հեռագրով կուսակցու-
թյան անդամ Սերգեյ Եղիզարովը խնդրել է Խա-
ժակյանին իմանալ, թե ե՞րբ է Թիֆլիսի կենտ-
րոնական կոմիտեի նախագահ Սերգեյ
Մանասյանցը կուսակցության անդամների
հետ Ղարաքիլիսայում լինելու (բնագիր գործի

թերթեր 2195 հակ., 2196, 2341, 2344, 2365, 2371
հակ., 5138, 5157 հակ.):

ԽԱՉԱՏՈՒՐՈՎ ԿԱՐԱՊԵՏ

– կուսակ-
ցության անդամ և նրա կոմիտեներին զենք մա-
տակարարող: Կուսակցության Բյուրոյի 1906
թ. հաշվետվությունից երևում է, որ Կարապետ
Խաչատուրովը Երևանի կենտրոնական կոմի-
տեին հասցրել է 125 ռուբլի արժողությամբ վեց
ատրճանակ (բնագիր գործի թերթեր 3581,
3585, 4050-4054):

«ՀՐԱԾԻՆ»

– Բաքվի⁵⁵ շրջանի «Անտա-
ռապատի» կոմիտեի անդամ: 1907 թ. դեկտեմ-
բերի 19-ի Անտառապատի կոմիտեի հաղոր-
դագրությունը կոմիտեի անդամ «Հրածինի»
կուսակցության շրջանային ժողովի պատգա-
մավոր ընտրվելու մասին (բնագիր գործի թերթ
3014):

ՉՈՒՔԱՐՅԱՆ ՊՈՂՈՍ ԽԱՉԱՏՈՒՐԻ

(կուսակցական ծածկանունը՝ «Չուբար») –
Երևանի [կենտրոնական] կոմիտեի անդամ:
«Կարոյի» 1907 թ. հուլիսի գրություններում
նշվում է Պյատիգորսկում կատարված կուսակ-
ցական ծախսերի համար «Չուբարին» 25
ռուբլու տրամադրումը: 1907 թ. հուլիսից օգոս-
տոս Պյատիգորսկում «Կարոյի» հետ նա նույն
բնակարանում է ապրել: Կուսակցության Բյու-
րոյի 1906 թ. հաշվետվություններում նշվում է
Թիֆլիսում կուսակցական ծախսերի համար
«Չուբարին» 84 ռուբլի 50 կոպեկ գումարի
տրամադրումը: Պյատիգորսկից Կարս, Յաթա
և Արմավիր 1907 թ. օգոստոսի 19-ին և 27-ին
ուղարկված NN 3682, 3683 և 5090 հեռագրերից
երևում է, որ նա նույն կուսակցության անդամ-
ներ Ալեքսանդր Շարաֆյանի և Անահիտ Փար-
սադանյանի հետ գաղտնի գրագրության մեջ է
եղել՝ հաղորդելով նրանց միմյանց գտնվելու
վայրերի մասին (բնագիր գործի թերթեր 471
հակ., 911-912, 1066 հակ., 2022, 2162, 1138,
2182 և հակ., 2346, 2362 հակ., 3604):

«ՉԵՉԵՆ»

(«Չաչան») – կուսակցական
զենքի պահապան: Կուսակցության Արևելյան

52 Սիիրանը ծնունդով Բաբերդ քաղաքից էր:
53 Գ. Խաժակի դատական գործը տես «Վեն», 2010, N 1, էջ 149-165:
54 Խոսքը Կովկասյան ռայոնական ժողովի մասին է:
55 «Անտառապատի» (Լոռվա) կոմիտեն ընդգրկված էր Թիֆլիսի կենտրոնական կոմիտեի կազմում: Այստեղ
ամենայն հավանականությամբ շփոթմունք է. Բաքվի փոխարեն պետք է լինի Թիֆլիս:

Բյուրոյի թղթերից երևում է, որ. 1. 1906 թ. ապրիլի 10-ին «Չեչենը» ստացականով պահպանության է հանձնել կուսակցական ատրճանակներ, փամփուշտներ, 2. Սարգիս Մանասյանցի 1906 թ. գրությամբ նրան է հանձնվել 50 ռուբլ, 3. 1906 թ. ապրիլի 8-ին Դավիթյանցը «Չեչենից» ստացականով պահպանության է ընդունել զենք, փամփուշտներ և վառոդ, 4. «Չեչենի» 1906 թ. հունիսի 4-ի ստացականը՝ Թիֆլիսի կենտրոնական կոմիտեից 1906 թ. 10 զինվորների ծախսը հոգալու համար 324 ռուբլի 5 կոպեկ ստանալու մասին (բնագիր գործի թերթեր 3574 հակ., 3575 հակ., 3609):

ՇԱՀ-ԱՋԻՉ ԱՐՇԱԿ (Արտաշես) **ՓԻԼԻՊՈՍԻ** – կուսակցության անդամ: «Խեչո Կևորկովի» հուշատետրում Շահ-Ազիզը նշված է կուսակցության անդամ: Դոնի Ռոստովում 1907 թ. նույն կուսակցության անդամ Տեր-Հարությունովի հետ ունեցել է «Արաքս» զինետուն, որը կուսակցության անդամների համար գաղտնի գրագրության հասցե է ծառայել: Կարսի, ապա Վլադիկավկազի կենտրոնական կոմիտեների անդամ Չիլինգարյանը նրա հետ մոտ հարաբերությունների մեջ է եղել: Պյատիգորսկից Դոնի Ռոստով «Արաքս» զինետան հասցեով 1907 թ. հունիսի 16-ին ուղարկված N 2886 գաղտնի հեռագրով ահաբեկիչների ջոկատի պետ «Կարոն» Շահ-Ազիզին հայտնել է, որպետսի վերջինս իրեն դիմավորի Դոնի Ռոստովի կայարանում (բնագիր գործի թերթեր 475, 909 հակ, 1153, 1216, 1673, 1773 հակ., 2298, 2346):

ՇԱՀՆԱՉԱՐՈՎ ՋՈՒՄՇՈՒԳ ԲԵԿ ՄԵԼԻՔ (կուսակցական ծածկանունը՝ «Շահեն») – 1905-1906 թթ. եղել է Թիֆլիսի կենտրոնական կոմիտեին կից ահաբեկչական ջոկատում: Ինչպես երևում է կուսակցության Բյուրոյին ուղարկված Այգեստանի կենտրոնական կոմիտեի 1907թ. հունվարի 5-ի հաղորդագրությունից, նա Այգեստանի շրջանից ընտրվել է կուսակցության հերթական ժողովի պատգամավոր: Ելիզավետպոլից «Շահեն» ստորագրությամբ 1907 թ. օգոստոսի 14-ին Թիֆլիս ուղարկված N 593 հեռագրով Բյուրոյի անդամ «Գարոյին» (Գարեգին Փաստրմաջյան) տեղեկացվել է

«կուսակցության անդամների կողմից Գարոյի ցանկության կատարումը իրեն չթույլատրելու մասին» (բնագիր գործի թերթեր 3549, 2342-2344, 2200, 5203-5204):

ՇԱՀՊԱՐՈՆՈՎ ԱՎԵՏԻՍ – Ախալքալաքի կոմիտեի անդամ: Ախալքալաքի կոմիտեի անդամ Անջելովը 1907 թ. մայիսի 28-ի N 527 գաղտնի հեռագրով Շահպարտովին տեղեկացրել է, որ կուսակցության վճիռն իրականացնելու համար ուղարկված ահաբեկիչ Սարգիս Միրաքովը սպանվել է (բնագիր գործի թերթեր 2352, 2352 հակ., 2356):

ՇԱՀՆԱՉԱՐՈՎ – կուսակցության անդամ և կոմիտեներին զենք մատակարարող: Արևելյան Բյուրոյի 1906 թ. հաշվետվությունից երևում է, որ նա Պոպովի հետ համատեղ 1906 թ. հունվարի 20-ին Թիֆլիսի կենտրոնական կոմիտեին հասցրել է 176 ռուբլի, իսկ դեկտեմբերի 7-ին՝ 1125 ռուբլի արժողության ատրճանակներ և փամփուշտներ (բնագիր գործի թերթեր 3581, 3605):

«ՇՈՒԿԿ» («Շուիկ») (կուսակցական ծածկանունը՝ «Շուշանիկ») – կուսակցության զինվորների յափնջիների և հագուստի պահպան: Կուսակցության Բյուրոյի 1906 թ. հաշվետվությունից երևում է, որ նշյալ տարվա ընթացքում նա կուսակցության և կոմիտեի անդամներ Արսենից, Տիգրանից, Գևորգից և ուրիշներից յափնջիներ և հագուստ է պահպանության ընդունել (բնագիր գործի թերթեր 3595, 3597, 2203-2204):

ՇԱԽՅԱՆ ԹՈՒՄԱՍ – կուսակցության անդամ, Բաքվի կենտրոնական կոմիտեի օգտին դրամահավաքներ կատարող: Նրա 1907 թ. հունվարի 20-ի մամակը Բաքվի կենտրոնական կոմիտեին աջակցելու մասին (բնագիր գործի թերթ 316):

«ՀԱՋԻ ԳԵՎՈՐԳ» – կուսակցության անդամ: Նրա 1905 թ. հուլիսի 18-ի ստացականը կուսակցության Բյուրոյին ծախսերի համար կուսակցական գումարից 5 ռուբլի կանխավճար ստանալու մասին: «Մասիս» ճաշարանում զինվորների ճաշի համար 1906 թ. նոյեմբերի 24-28-ի 26 ռուբլի 5 կոպեկ գումարի նրա հաշիվը Թիֆլիսի կենտրոնական կոմի-

ԵՐԵՎԱՆԻ ԳՐԱԴԱՐԱՆ

Գ. (Թ) Գրարի քիվ 4 (36) հոկտեմբեր-դեկտեմբեր, 2011

ԿԵԼ համահայկական հանդես

տեին: Նշյալ կոմիտեից նրան, Խեչոյին, Մանուկին և Մամոնին 1906 թ. կուսակցական ծախսերի համար 23 ռուբլի 20 կոպեկ հանձնելու մասին գրությունը (բնագիր գործի թերթեր 3575, 3606 հալ.):

ԱԼԱԿՎԵՐԳԻ-ՔԵԿՅԱՆ ՍԻՄՈՆ ՔԵԿ – կուսակցության կոմիտեներին զենքի և փամփուշտների մատակարար: Կուսակցության Բյուրոյից 1906 թ. նրա կողմից հասցված ատրճանակների և փամփուշտների համար 286 ռուբլի գումարի ստացական (բնագիր գործի թերթեր 3588 հալ., 4498 հալ.):

ՀԱՐՈՒԹՅՈՒՆՅԱՆ ՀՈՎՀԱՆՆԵՍ – Ելիզավետպոլի [կենտրոնական] կոմիտեի անդամ: Կուսակցության Բյուրոյին տրված 1905 թ. դեկտեմբերի 31-ի նրա ստացականը ֆայտոնչի «Մովսեսի» միջոցով 10 «Պարաբելում» և 7 «Մամուկեր» համակարգերի ատրճանակների և փամփուշտների ստացման մասին (բնագիր գործի թերթեր 3602, 3602 հալ., 4499 հալ.):

«ԱՎԱԿԵ»⁵⁶ – կուսակցական զենքի պահպան: Ըստ կուսակցության Բյուրոյի 1906 թ. հաշվետվության՝ նա և «Հաջի Լևոնը» 1906 թ. ապրիլի 17-հոկտեմբերի 5-ին պահպանության են ընդունել զենք, վառոդ, ռումբեր և փամփուշտներ (բնագիր գործի թերթեր 3607-3508):

«ՀԱՅԿԱԶՈՒՆԻ»⁵⁷ – Բաքվի 3-րդ կոմիտեի (Սև քաղաք) անդամ և քարտուղար: 1907 թ. դեկտեմբերի 19-ի Բաքվի 3-րդ կոմիտեի հաղորդագրությունը Բաքվի կենտրոնական կոմիտեին 1908 թ. շրջանային ժողովի պատգամավոր [sic] «Հայկազունու» ընտրության մասին: Նախագահ «Վարդանյանի» և քարտուղար «Հայկազունու» ստորագրությամբ 1907 թ. դեկտեմբերի 21-ի Բաքվի 3-րդ կոմիտեի հաղորդագրությունը Բաքվի կենտրոնական կոմիտեին՝ Սև և Սպիտակ քաղաքների կողմից անդամ «Սկրտումի» 1908 թ. կուսակցության շրջանային ժողովի պատգամավոր ընտրվելու մասին (բնագիր գործի թերթեր 2996, 3014 հալ.):

56 Դատական գործի բնագրում այսպես է գրված:
57 Հիշեցնենք, որ «Հայկազունի» կուսակցական ծածկանունի տակ քննչական մարմինները ժամանակին նկատի են ունեցել Գովի. Քաջագունունու, ինչից նա հրաժարվել է: Այստեղ քննիչները շփոթել են նաև կոմիտեի շրջանի («Հայկազունի») և շրջանային ժողովի համար ընտրված («Սկրտում») պատգամավորների լիազորությունները: Մանրամասն տես «Վեմ», 2010, N 4, էջ 186-194:
58 Դատական գործի բնագրում այսպես է գրված:

«ԱՐՁԱՆՎԵԼ»⁵⁸ – Բաքվի քաղաքային կոմիտեի անդամ: Կուսակցության կոմիտեների անդամների ընտրության դեպքում երկաստիճան համակարգի ընդունման անհրաժեշտության մասին 1908 թ. հունվարի 4-ի նրա հաղորդագրությունը Բաքվի կենտրոնական կոմիտեին (բնագիր գործի թերթ 3014):

ԱՆՏՈՆՅԱՆՅ ԼԵՎՈՆ ՂԵՎՈՆԳԻ – կուսակցության անդամ, Բաքվի կենտրոնական կոմիտեի օրգան «Գրող» ամսագրի և «Դաշնակցություն» կուսակցության հրատարակած գրքույկների տարածման վարիչ: Նիկոլայ և Ղազար Ղևոնդի Անտոնյանցների հետ Բաքվում Կոնստանտինովյան փողոցում՝ Հովհաննեսովի տանը, նրա զբաղեցրած բնակարանում 1907 թ. հուլիսի 17-ի խուզարկությամբ գտնվել է նշյալ «Գրող» ամսագրի N 14 և N 15 համարների 42 օրինակ (բնագիր գործի թերթեր 3834, 3835, 3849):

ԱՆՏՈՆՅԱՆՅ ՆԻԿՈԼԱՅ ՂԵՎՈՆԳԻ – մույնը, ինչ որ Լևոն Անտոնյանը:

ԱՆՏՈՆՅԱՆՅ ՂԱԶԱՐ ՂԵՎՈՆԳԻ – մույնը, ինչ որ Լևոն Անտոնյանը:

ԱՌԱՔԵԼՅԱՆ ԱՌԱՔԵԼ – կուսակցության և կոմիտեի անդամ: Նրա 1906 թ. սեպտեմբերի 3-ի նամակը Կարս՝ Տեր-Անանիկյանին թողոտիսիյում «Դաշնակցություն» կուսակցության գործերի անհաջող զարգացման մասին: Խաչատուր Քեքաբչյանի միջոցով 1906 թ. սեպտեմբերի 4-ին նա թողոտիսիյից Բաթում տեղի կենտրոնական կոմիտեի համար ուղարկել է երկու տակառիկ, որոնցում առգրավումից հետո պարզվել է՝ եղել են վառոդ և փամփուշտներ: Պետրոսյանի անունով Բաթումի կենտրոնական կոմիտեի բլանկի վրա նշյալ բեռի ուղարկման մասին 1906 թ. սեպտեմբերի 4-ի նրա գրությունը (բնագիր գործի թերթեր 4568-4571):

ԷԼՄԱՅԱՆ ՀՈՎՀԱՆՆԵՍ ՍՏԵՓԱՆԻ – քրքահպատակ (կուսակցական ծածկանունը՝ «Հովնան»), Նովոռոսիյսկում թուրքական հյուպատոսի քարտուղար, կուսակցության անդամ և անվանի գործիչ: Կուսակցության անդամ

թրքահպատակներին մատակարարել է օտար անձնագրեր, որպեսզի նրանց հնարավորություն տրվի ոստիկանությունից թաքնվել: Ըստ «Խեչո Կևորկովի» հուշատետրի՝ Նովոռոսիյսկում նրա բնակարանը կուսակցության անդամների և գրագրության համար գաղտնի հասցե էր: Այդ ամենը հաստատվում է հետևյալ հեռագրերով, որոնք վերաբերում են «Միհրանի» նկատմամբ կուսակցության մահավճռի իրականացմանը. 1. Թիֆլիսի կենտրոնական կոմիտեի անդամ Արտեմ Թայիրյանը 1907 թ. օգոստոսի 8-ին Արմավիրի ենթակոմիտեի անդամ Բեժմանյանին ուղարկած N 370 հեռագրով հրահանգել է, որպեսզի ավագ ահաբեկիչ «Խեչո Կևորկովը» անհապաղ Նովոռոսիյսկ մեկնի («Միհրանի» նկատմամբ մահվան վճռի իրականացման համար) և այնտեղ Էլմասյանից ահաբեկչական ջոկատի պետ «Վարդանին» հարցնի, 2. Թիֆլիսից 1907 թ. օգոստոսի 8-ին ուղարկված N 371 հեռագիրը, որ Հյուսիսային Կովկասի շրջանի ահաբեկիչների պետ Ալեքսանդր Շարաֆյանը «Խեչո Կևորկովի» ժամանման միջոցին վերջինիս բացատրի գործերի վիճակը («Միհրանի» նկատմամբ ահաբեկչության) և արդյունքների մասին հեռագրի, 3. Արմավիրից «Կարոն» 1907 թ. օգոստոսի 10-ի N 3096 հեռագրով «Ահաբեկիչ-Մարմին» կից ահաբեկիչների ջոկատի պետ Մեղավորյանին խնդրել է Նովոռոսիյսկում ջոկատի անդամ Հունանյանցին հաղորդել «Վարդանի» և Էլմասյանի հասցեն, 4. «Վարդանը» Թեոդոսիայից 1907 թ. օգոստոսի 12-ի N 2196 հեռագրով Հովհաննես Էլմասյանին խնդրել է անհապաղ պատասխանել Գառնիկ Մուսայանին՝ ժամանե՞լ է Նովոռոսիյսկ «Խեչո Կևորկովը», թե՞ ոչ, 5. «Վարդանը» Յաթայից 1907 թ. օգոստոսի 12-ի N 2486 հեռագրով Հովհաննես Էլմասյանին հաղորդել է, որպեսզի եթե «Խեչո Կևորկովը» ժամանել է Նովոռոսիյսկ, ապա թող մեկնի Թեոդոսիա, որտեղ նրան ինքը կսպասի (բնագիր գործի թերթեր 420, 476 հակ., 826 հակ., 827 հակ., 1119, 1209, 2008 հակ., 2342 հակ., 2346, 2363, 2372):

ՅՈՒՍՈՒՖՅԱՆՑ ՀՈՎՀԱՆՆԵՍ ԱՐՏԵՄ

– կուսակցության և կոմիտեի անդամ: Բյուրոյի անդամ «Ռ-նստոմը» (Ստեփան Զորյանց) Թիֆլիսից 1907 թ. օգոստոսի 26-ի N 12197 հեռագրով պահանջել է, որպեսզի Յուսուֆյանն անհապաղ գործերով Թիֆլիս ժամանի և մեկնման մասին հեռագրի: Կուսակցության անդամ Ղանալալինովը Ախալցխայից 1907 թ. հուլիսի 23-ի N 613 հեռագրով հաղորդել է Թիֆլիս՝ կուսակցության անդամ Սալխասյանին, որպեսզի վերջինս «Խարիսխի» խմբագրության մեջ Յուսուֆյանին հանդիպի: Նոր Բայազետից Սմբատը «Խարիսխի» հասցեով 1907 թ. օգոստոսի 26-ի N 126 հեռագրով «Ռ-նստոմին» հաղորդել է Ախալցխայում Յուսուֆյանի գտնվելու վայրի մասին (բնագիր գործի թերթեր 1023, 2001 հակ., 2346, 1066 հակ., 2207, 2208 հակ.):

Նշյալ ընկերակցության հանցավոր գործունեության բնութագրման համար հարկ է մատնանշել այն ահաբեկչական ակտերը, որոնք նրա վճռով 1905-ից մինչև 1908 թ. ներառյալ կատարվել են ինչպես պետական իշխանության ներկայացուցիչների, այնպես էլ մասնավոր անձանց նկատմամբ: Նման ակտերի ճշգրիտ քանակը առայժմ պարզել հնարավոր չեղավ, սակայն ներկա պահին քննության տվյալներով միանգամայն հաստատվել է, որ նշյալ ժամանակաշրջանում հայ հեղափոխական «Գաշնակցություն» կուսակցության վճռով կատարվել են հետևյալ սպանությունները⁵⁹.

1. Ելիզավետպոլի փոխգնդապետ Անդրեևի,
2. գավառապետ Բոգուսլավսկու,
3. գավառապետ Նաչչանսկու,
4. գավառապետ Շմերլինգի,
5. գավառապետ Պավլովի,
6. ոստիկանական պոլիցմեյստեր, գնդապետ Սախարովի,
7. ոստիկանական պրիստավ Ջավախովի,
8. ոստիկանական պրիստավ Շումակեի,
9. սահմանապահ սպա Բիկովի,
10. Բաքվի նահանգապետ Նակաշիձեի,
11. Մահմեդ Կիզիլիմսկու,
12. ոստիկանական ռումբիստր Ստանոյի,
13. ոստիկանական ռոտ-

59 Ներկայացվող ցանկն ամենևին էլ ամբողջական չէ: Մյուս կողմից, միանշանակ չի կարելի փաստել նրանց բոլորի ԳՅԴ անդամների կողմից ահաբեկումը (փաստաթղթի վերջին մասում կատարված ընդգծումները մերն են -Ա.Յ.):

ԵՐԵՎԱՆԻ ՊԱՐԼԱՄԵՆՏ

1011 հոկտեմբեր-դեկտեմբեր, 2011 թվականի 4 (36) գրասիրտի թիվ 4

Գ. (Թ) համահայկական հանրեն

միսոր Ապպելի, 14. գեներալ Կարանգոզովի, 15. գեներալ Ալիխանովի, 16. գեներալ Գրյազնովի, 17. գեներալ Կրավչենկոյի, 18. ոստիկանական հսկիչ Պուստովոյովի, 19. ոստիկանական հսկիչ Իզդեբսկու, 20. բանտապետ Պրեխտելի, 21. ոստիկանության պաշտոնյա Լազարևի, 22. ենթասպա Լալաձեի, 23. ոստիկանական ռոտմիսոր Գնուտովի, 24. Ալիբեգովի, 25. Վասիլի Շահնագարովի (Արմավիրում), 26. Տեր-Ավետիսյանցի, 27. Խեչո Մուխթարովի, 28. Վարդապետյանի, 29. Սերգո Մամուլյանցի, 30. Ենոք Շանյանի, 31. Լյուսիկի, 32. Գասպար Նազարովի, 33. Վասիլի Շիխալիի, 34. Մուշեղ Առաքելյանի, 35. Կարապետ Ավակովի, 36. Մուշեղ Օհանյանի, 37. ոստիկանության պաշտոնյա Պոլեշկոյի, 38. ոստիկանության պաշտոնյա Ուլյանովի, 39. հայ Ալյանի, 40. հայ Սերգոյի, 41. հոգևորական Եղիազարովի, 42. Թևոս Խաչանովի, 43. տանուտեր Ավագ Հախվերդովի, 44. Լալաևի, 45. Եղիգարյանի, 46. ոստիկանական ուրյադնիկ Փալանդովի:

Ըստ վերոշարադրյալի և ուշադրության առնելով, որ՝ 1. Ավետիս Ահարոնյանը, 2. Համազասպ Օհանջանյանը, 3. Ստեփան Ջորյանը, 4. Հարություն Շահիբկյանը, 5. Գարեգին Փաստրմաշյանը, 6. Մինաս Մուրադովը, 7. Գումանը, 8. Սաքո Մեղավորյանը, 9. Մուրադը, 10. Սեպուհը, 11. Արմենակ Շահնագարովը, 12. Վահան Արծրունին, 13. Լևոն Աբովյանը, 14. Արտաշես Չիլինգարյանը, 15. Վարդան Արզումյանը, 16. Հակոբ Չիլինգարյանը (մահացել է), 17. [Իվան] Մելիք-Այվազովը, 18. Արամ Ամիրյանը, 19. Գևորգ Արաբաշյանը, 20. Աբրահամ Անիստյանը, 21. Հաջի Մուղուսի Ավետիսովը, 22. Արամ⁶⁰ Հակոբյանը, 23. Ազարիկ Ազարյանը, 24. Ավետիս Ազնաուրյանը, 25. Արմենակ Հակոբովը, 26. Սողոմոն Ամիրխանյանը, 27. Ախաշյանը, 28. «Հաջի Լևոն», 29. Հմայակ Արարատյանցը, 30. Հովսեփ Արղությանը, 31. Անջելովը, 32. «Ստեփանը» («Արտուշ»), 33. Մկրտիչ Աղամալովը, 34. Թորոս Ալոյանցը, 35. «Արսե-

նը», 36. Սարգիս Աթայանցը, 37. Գևորգ Հարությունյանցը, 38. Եղիևը, 39. Դակրաստ⁶¹ Առաքելյանը, 40. Վանո Ավետիսյանը, 41. Մինաս Բերբերյանը, 42. Արշակ Մանուկյանը, 43. Արտաշես Բուդուդովը, 44. Խաչատուր Բիջողին, 45. Արսեն Բեջանյանցը, 46. Բեգենկյանը, 47. «Բախշին», 48. Խաչատուր Բզնունին, 49. Վանո Բադալյանցը, 50. Վոստ Կահանյանը, 51. Ղազար Վարդանյանը, 52. Մինաս Վարդանյանցը, 53. Վարդանյանը, 54. Ամպուտ Թաթայանցը, 55. Երվանդ Թաթայանցը, 56. Արտեմ Գրիգորյանը, 57. Վահան Ղարիբովը, 58. Համբարձում Ղարիբովը, 59. Պետրոս Հալաջյանցը, 60. Սեմեվոն Գառուլյանը, 61. Սամսոն Գրիգորյանը, 62. Մկրտիչ Գրիգորյանցը, 63. Սահակ Ղարիբյանը, 64. Ստեփան Մկրտչյանը, 65. Լևոն Գյանջենցյանը, 66. Սամսոն Գալանջանցը, 67. Բեսարիոն Գալստյանը, 68. Լևոն Գևորգբեկյանը, 69. «Գորգիսը», 70. Ամիրխան Գասպարյանցը, 71. Ղուկասյանը, 72. Գալուստ Ղազարյանցը, 73. բժիշկ Գևորգբեկյանը, 74. Ա. Գալալյանցը, 75. Արմեն Գասպարյանցը, 76. «Գուրգենը», 77. «Գասախոսը», 78. Գաբախանյանը, 79. «Ջումշուդը» («Սարտին»), 80. Լևոն Գավիթյանը, 81. Չիլիսովը, 82. Սիմոն Եղիազարովը, 83. Մոսես Երեմյանցը, 84. Գարեգին Հեքիմյանը, 85. Մկրտումովը, 86. Մելիք-Ալահվերդովը, 87. Գավիթ Չավրիևը, 88. Հովհաննես Ջորյանը, 89. «Ջարմիկը», 90. Քարտաշյանը, 91. Սարգիս Քոչարյանցը, 92. Հարություն Քոչարյանցը, 93. Գեղամ Մկրտչյանը, 94. Գառնիկ Մուսայանը, 95. Արամ Մկրչյանը, 96. Հովակիմ Միրազիգովը, 97. Միրզոյանցը, 98. Ալեքսանդր Մելիք-Ազարյանը, 99. Հրանտ Մելյանը, 100. Խաչատուր Մարջանը, 101. Մեջանյանցը, 102. Զինաիդա Մեհրաբյանը, 103. Ջումշուդ Ասովաժատուրովը, 104. Մթերյանը, 105. Մախախանյանը, 106. Մանուկյանը, 107. Իսահակ Մելիքյանը, 108. Արտաշես Մելքոնյանը, 109. «Միրզատը», 110. Սարգիս Մարգարյանը, 111. Միրբայել Մելիք-Վարդանյանը,

60 Հակոբյանի անունը Աբրահամ էր:
61 Դատական գործի բնագրում այսպես է գրված:

112. Համազասպ Նահրատյանը, 113. Վահրամ Նալբանդյանը, 114. Նավյանը, 115. Վասիլի Նարգիսը, 116. Համազասպ Սրվալայանը, 117. Մնացական Նալբանդյանը, 118. Սարգիս Օհանջանյանը, 119. Հայրապետ Պետրոսյանը, 120. Վաչագան Փարսադանյանը, 121. Վահան Փամբակյանը, 122. Հովո Պողոսովը, 123. Պոպովը, 124. Արմենակ Սելվիյանը, 125. Հարություն Մայիլյանը, 126. Չաքարիա Սարգիսովը, 127. Ասլան Սարգիսովը, 128. Հայկ Մողոմոնյանը, 129. Աբրահամ Սարգսյանը, 130. Ղազար Ստեփանյանը, 131. Արտաշես Մուժյանը, 132. Ավետիս Իսահակյանը, 133. Մարգար Սաֆյանը, 134. Մկրտում Սահակյանը, 135. Իրեն Թամանցև անվանողը («Գևորգ», «Վարդան»), 136. Լևոն Թայիրյանը, 137. Լևոն Թադևոսյանը, 138. Ներսես Տեր-Հարությունյանը, 139. Թադևոս Ամիրյանը, 140. Հովհաննես Թումանյանը, 141. Տիգրան Տեր-Աբրահամյանը, 142. Արիստակես Տեր-Ղավիղյանը, 143. Արսեն Տեր-Հարությունյանը, 144. Կարապետ Հունանյանը, 145. Իվան Խարազյոզյանը, 146. Հակոբ Խաչատուրովը, 147. Գարեգին Խաժակյանը, 148. Կարապետ Խաչատուրովը, 149. «Հրածինը», 150. Պողոս Չուբարյանը, 151. «Չեչենը», 152. Արշակ Շահ-Ազիզը, 153. Ջումշուդ Բեկ-Մելիք Շահնազարյանը, 154. Շահպարտնովը, 155. Շահնազարովը, 156. «Շուշիկը», 157. Թումաս Շախյանը, 158. «Հաջի Գևորգը», 159. Սիմոն Բեկ Ալաիվերդի-Բեկյանը, 160. Հովհաննես Հարությունյանը, 161. «Աղանկը», 162. «Հայկազունին», 163. «Արզանգեղը», 164. Լևոն Անտոնյանը, 165. Նիկոլայ Անտոնյանը, 166. Ղազար Անտոնյանը, 167. Առաքել Առաքելյանը, 168. Հովհաննես Էլմասյանը, 169. Հովհաննես Յուսուֆյանը⁶² միանգամայն մերկացվում են իրենց միջև նախնական համաձայնությամբ հայ հեղափոխական «Դաշնակցություն» կուսակցության հանցա-

վոր ընկերակցությանը մասնակցության մեջ, ընկերակցություն, որն իր գործունեության խնդիր էր դրել գործադուլների, տնտեսական, կազմակերպչական և քաղաքական ահաբեկչությունների ճանապարհով և զինված ապստամբության [միջոցով], ռուսական պետության մեջ հաստատված հիմնական օրենքներով կառավարման ձևի հանդեպ բռնի ոտնձգության և գոյություն ունեցող հասարակական կարգի տապալման միջոցով դաշնային [ֆեդերատիվ], ժողովրդավարական հանրապետության հիմնման համար, ընդ որում նշյալ հանցավոր ընկերակցությունը նշյալ նպատակների համար 1905 թվականից մինչ այժմ Թիֆլիսում և Ռուսական կայսրության այլ քաղաքներում իր տրամադրության տակ ուներ.

1. *Հեղափոխական բյուրո, հեղափոխական կենտրոնական և տեղական կոմիտեներ, ենթակոմիտեներ, խմբեր և այլն, որոնք հրապարակել են հակակառավարական ամսագրեր, թերթեր, զրքույկներ, կոչեր, ծրագրեր՝ ռուսական պետության մեջ հանրապետության ձևավորման համար զինված ապստամբության կոչով,*

2. *Սարքավորված տպարաններ, հրաչգային և սառը զենքի համար մեծ պահեստներ, պայթուցիկների (ռումբեր), վառողի, փամփուշտների, դինամիտի և այլնի մեծ պաշարներ,*

3. *Հեղափոխական զինվորների («Ձիևփորներ») հապուկ ջոկատներ, «Ահաբեկիչ Մարմնի» գլխավորությամբ ահաբեկչական ջոկատներ, որոնք կուսակցության որոշմամբ 1905 թվականից մինչև 1908 թ. Ռուսաստանում կառավարող իշխանության և մասնավոր անձանց մի շարք սպանություններ են կատարել, ովքեր չեն ցանկացել ենթարկվել նրա անօրինական կարգադրություններին,*

4. *Տեղական հայ բնակչության վրա իր հանցավոր նպատակների համար տարեկան*

62 Անշուշտ, այս քանակը՝ 169, ճշգրիտ և ամբողջական չէ, մանավանդ՝ չճշտված անունների անհարկի ընդգրկման ու անիմաստ կրկնությունների պատճառով: Մասնավորապես, ցուցակում բացակայում են 337 Մեծ դատավարությամբ անցած Գարեգին Նժդեհի, Արշակ Մեիրաբյանի և այլոց անունները:

ԵՐԵՎԱՆԻ ԳՐԱԴԱՐԱՆ

1010 հոկտեմբեր-դեկտեմբեր, 2011

Գ (Թ) 4 (36) Գրաթի քիվ 4 (36) համահայկական հանդես

հարկեր է բռնադատել և մահվան սպառնալիքի փակ հարուստ անչանցից հարկադիր առավել մեծ չափերի գումարների դրամահավաքներ կատարել, ովքեր հրաժարման դեպքում նույն կոմիտեների որոշումներով մահվան են ենթարկվել,

5. Սեփականացնելով կառավարող իշխանության դատական և վարչական գործառույթները և բնակչությանն արգելելով դիմել իշխանություններին, այդ ընկերակցությունն ինքը, իր Բյուրոյի և կոմիտեների անդամների միջոցով կատարել է քրեական, քաղաքացիական և ընտանեկան գործերի քննություններ և այդ գործերով վճիռներ ընդունել, որոնք իրականացվել են նույն Բյուրոյի և կոմիտեների անդամների միջոցով, այսինքն՝ Քրեական կանոնադրության 102-րդ հոդվածով նախատեսված հանցագործության մեջ,

6. Որ Համազասպ Օհանջանյանը, Հարություն Շահրիկյանը, Մինաս Մուրադովը, Գումանը, Սաքո Մեղավորյանը, Արտաշես Չիլինգարյանը, Կարապետ Ղարիբովը, Սամսոն Գրիգորյանը («Աբրամովիչ»), Արմենակ Նավյանը, Համազասպ Սուրվախյանը, Արմենակ Սելվիյանը, Հայկ Սողոմոնյանը, իրեն թամանցե անվանողը, Լեոն Թայիրյանը, Հակոբ Խաչատրովը, «Դասախոսը», Գեղամ Սկրբչյանը, Ասլան Սարգիսովը դրանից զուտ լմեղադրվում են՝ դարանից սպանությունների կատարման գործում սադրանքի և հանցակցության մեջ, Պապոժի մասին կանոնադրության 13-րդ, 120-րդ և 1453-րդ հոդվածներով նախատեսված հանցագործությունների մեջ,

7. Որ Հակոբ Չիլինգարյանը մահացել է մինչև ներկա գործով որպես մեղադրյալի ներգրավումը,

8. Որ Քրեական դատավարության կանոնադրության 120-րդ հոդվածի համաձայն որպես մեղադրյալներ ներգրավման ենթակա անչինք՝ վերոնշյալ «Սյրեփանը» (Արսուշ), «Արսենը», «Բախշին», Բեզենկյանը, «Գորգիսը», Ղուկասյանը, «Դասախոսը», «Չարմիկը», «Չումշուդը», «Գորգենը», Մեշ-

չաղյանը, «Լիպարիկը», «Հրածիմը», «Չենենը», «Հաջի Գեորգը», «Շուշիկը», «Աղանկը», «Հայկազունին» և «Արզանգելը» բոլոր չեռնարկված միջոցներով դեռ չեն բացահայտվել, դրա համար էլ Գաբական Քննիչը, ղեկավարվելով Քրեական դատավարության կանոնադրության 396-րդ հոդվածով,

ՈՐՈՇԵՑ

Նշյալ հայ հեղափոխական «Դաշնակցություն» կուսակցություն ընկերակցությանը մասնակցած վերոնշյալ բոլոր անչանց, բացառությամբ նրանց, ովքեր չեն բացահայտվել, որպես մեղադրյալների ներգրավվել Քրեական կանոնադրության 102-րդ հոդվածով, իսկ վերջիններին այդ մեղադրանքը ներկայացնել նրանց անչանց բացահայտմամբ: Ինչ վերաբերում է Համազասպ Օհանջանյանին, Հարություն Շահրիկյանին, Մինաս Մուրադովին, Գումանին, Սաքո Մեղավորյանին, Արտաշես Չիլինգարյանին, Կարապետ Ղարիբովին, Սամսոն Գրիգորյանին, Արմենակ Նավյանին, Համազասպ Սուրվախյանցին, Արմենակ Սելվիյանին, Ալեքսանդր Շարաֆյանին, Հայկ Սողոմոնյանին, Խաչատրոս Կեռիկովին, իրեն թամանցե անվանողին, Լեոն Թայիրյանին, Հակոբ Խաչատրովին, Ասլան Սարգիսովին, սպա նրանց Քրեական դատավարության 102-րդ հոդվածից բացի որպես մեղադրյալների ներգրավել նաև Պապոժի մասին կանոնադրության 13-րդ, 120-րդ և 1453-րդ հոդվածներով:

Բնագիրը՝ համապատասխան ստորագրություններով:

ՀԱԱ, ֆ. 1457, ց. 3, գ. 1, ք. 328-344:
Թարգմանություն ռուսերենից: